

Suttantapiṭake Khuddakanikāye

Suttanipātapāliyā samvaṇṇanābhūtā

Bhadantamahābuddhaghosattherena katā

Paramatthajotikā nāma

SUTTANIPĀTATṬHAKATHĀ

(Paṭhamo bhāgo)



Romanized from Myanmar version published in 1958

© Buddhasāsana Society

Aṭṭhakathā Series 25

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ṭa	ဌ ṭha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa ဘ ha ဠ ḷa ၵ ṁ

VOWELS IN COMBINATION

-ာ ၵ = ā ဝိ = i ဝိ = ī ဣ = u ဣ = ū ဧ = e ဩ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဣ န္ဓha	ဈ သhya	ဠ pla	ဣ lla
ကွ kka	ဣ cca	ဣ န္ဓha	ဣ သhva	ဠ pba	ဣ lya
ကျ kya	ဣ ccha	ဣ န္ဓha	ဣ nta	ဣ bbha	ဣ lha
ကြ kri	ဣ jja	ဣ န္ဓha	ဣ ntva	ဣ bya	ဣ vha
ကလ kla	ဣ jjha	ဣ tta	ဣ ntha	ဣ bra	ဣ sta
ကွ kva	ဣ ṅṅha	ဣ ttha	ဣ nda	ဣ mpa	ဣ stra
ဈ khya	ဣ ṅha	ဣ tva	ဣ ndra	ဣ mpha	ဣ sna
ဣ khva	ဣ ṅca	ဣ tya	ဣ ndha	ဣ mba	ဣ sya
ဣ gga	ဣ ṅcha	ဣ tra	ဣ nna	ဣ mbha	ဣ ssa
ဣ ggha	ဣ ṅja	ဣ dda	ဣ nya	ဣ mma	ဣ sma
ဣ gya	ဣ ṅjha	ဣ ddha	ဣ nha	ဣ mya	ဣ sva
ဣ gra	ဣ ṭta	ဣ dya	ဣ ppa	ဣ mha	ဣ hma
ဣ ṅka	ဣ ṭtha	ဣ dra	ဣ ppha	ဣ yya	ဣ hva
ဣ ṅkha	ဣ ḍḍa	ဣ dva	ဣ pya	ဣ yha	ဣ ḷha
ဣ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Suttanipātaṭṭhakathā

Paṭhamabhāga

Mātikā		Piṭṭhāṅka	
Ganthārambhakathā	1
1. Uragavagga			
1. Urugasuttavaṇṇanā	2
2. Dhaniyasuttavaṇṇanā	24
3. Khaggavisāṇasuttavaṇṇanā	42
4. Kasibhāradvājasuttavaṇṇanā	119
5. Cundasuttavaṇṇanā	142
6. Parābhavasuttavaṇṇanā	149
7. Aggikabhāradvājasuttavaṇṇanā	156
8. Mettasuttavaṇṇanā	175
9. Hemavatasuttavaṇṇanā	192
10. Ālavakasuttavaṇṇanā	212
11. Vijayasuttavaṇṇanā	233
12. Munisuttavaṇṇanā	244
2. Cūlavagga			
1. Ratanasuttavaṇṇanā	263
2. Āmagandhasuttavaṇṇanā	297
3. Hirisuttavaṇṇanā	309

Suttanipātaṭṭhakathāya paṭhamabhāge mātikā niṭṭhitā.

Khuddakanikāya

Suttanipātaṭṭhakathā

Namo tassa Bhagavato Arahato Sammāsambuddhassa.

Ganthārambhakathā

Uttamaṃ vandaneyyānaṃ, vanditvā ratanattayaṃ.
Yo Khuddakanikāyamhi, khuddācārappahāyinā.

Desito Lokanāthena, lokanissaraṇesinā.
Tassa Suttanipātassa, karissāmatthavaṇṇanaṃ.

Ayaṃ Suttanipāto ca, Khuddakesveva ogadho.
Yasmā tasmā imassāpi, karissāmatthavaṇṇanaṃ.

Gāthāsatasamākiṇṇo, geyyabyākaraṇāṅkito.
Kasmā Suttanipātoti, saṅkhamesa gatoti ce.

Suvuttato savanato, atthānaṃ suṭṭhu tāṇato.
Sūcanā sūdanā ceva, yasmā suttaṃ pavuccati.

Tathārūpāni suttāni, nipātetvā tato tato.
Samūhato ayaṃ tasmā, saṅkhamevamupāgato.

Sabbāni cāpi suttāni, pamāṇantena tādino.
Vacanāni ayaṃ tesam, nipāto ca¹ yato tato.

Aññasāṅkhānimittānaṃ, visesānamabhāvato.
Saṅkhaṃ Suttanipātoti, evameva samajjhagāti.

Dīpaṅkarato yāva paccuppannavatthukathā, **avidūrenidānaṃ** nāma
Tusitabhavanato yāva paccuppannavatthukathā, **santikenidānaṃ** nāma
Bodhimaṇḍato yāva paccuppannavatthukathāti.

Tattha yasmā avidūrenidānaṃ santike nidānañca dūrenidāneyeva
samodhānaṃ gacchanti, tasmā dūrenidānavasenevettha vitthārato vissajjanā
veditabbā. Sā panesā Jātaḥakathāyaṃ vuttāti idha na vitthāritā, tato
tattha vitthāritanayeneva veditabbā. Ayaṃ pana viseso—tattha
paṭhamagāthāya Sāvatthiyaṃ vatthu uppannaṃ, idha Āḷaviyaṃ. Yathāha—

Tena samayena Buddho Bhagavā Āḷaviyaṃ viharati Aggāḷave
cetiye, tena kho pana samayena Āḷavakā bhikkhū navakammaṃ karontā
rukkhaṃ chindantipi chedāpentipi, aññataropi Āḷavako bhikkhu
rukkhaṃ chindati, tasmim̐ rukkhe adhivatthā devatā taṃ bhikkhuṃ
etadavoca “mā bhante attano bhavanaṃ kattukāmo mayhaṃ bhavanaṃ
chindī”ti, so bhikkhu anādiyanto chindiyeva, tassā ca devatāya
dārakassa bāhuṃ ākoṭesi. Atha kho tassā devatāya etadahosi
“yaṃnūnāhaṃ imaṃ bhikkhuṃ idheva jīvitā voropeyyaṃ”ti. Atha kho
tassā devatāya etadahosi “na kho metaṃ patirūpaṃ, yāhaṃ imaṃ
bhikkhuṃ idheva jīvitā voropeyyaṃ, yaṃnūnāhaṃ Bhagavato
etamatthaṃ āroceyyaṃ”ti. Atha kho sā devatā yena Bhagavā
tenupasaṅkami, upasaṅkamtivā Bhagavato etamatthaṃ ārocesi. Sādhu
sādhu devate, sādhu kho tvaṃ devate taṃ bhikkhuṃ jīvitā na voropesi.
Sacajja tvaṃ devate taṃ bhikkhuṃ jīvitā voropeyyāsi, bahuñca tvaṃ
devate taṃ bhikkhuṃ jīvitā voropeyyāsi, bahuñca tvaṃ devate apuññaṃ
pasaveyyāsi. Gaccha tvaṃ devate amukasmim̐ okāse rukkho vivitto,
tasmim̐ upagacchāti¹.

Evañca pana vatvā puna Bhagavā tassā devatāya
uppannakodhavinayanatthaṃ—

“Yo ve uppatitaṃ kodhaṃ, rathaṃ bhantaṃva vāraye”ti²—

1. Vi 2. 51 piṭṭhe.

2. Khu 1. 46 piṭṭhe Dhammapade.

imaṃ gāthaṃ abhāsi. Tato “kathaṃ hi nāma samaṇā Sakyaputtiyā rukkhaṃ chindissantipi chedāpessantipi, ekindriyaṃ samaṇā Sakyaputtiyā jīvaṃ viheṭhenti”ti evaṃ manussānaṃ ujjhāyitaṃ sutvā bhikkhūhi ārocito Bhagavā “bhūtagāmapātabyatāya pācittiyā”ti¹ imaṃ sikkhāpadaṃ paññāpetvā tattha upagatānaṃ dhammadesanatthaṃ—

“Yo uppatitaṃ vineti kodhaṃ,
Visaṭaṃ sappavisāṃva osadhehī”ti—

imaṃ gāthaṃ abhāsi. Evamidaṃ ekaṃyeva vatthu tīsu ṭhānesu saṅgahaṃ gataṃ vinaye Dhammapade Suttanipātetī. Ettāvata ca yā sā mātikā ṭhapitā—

“Yena yattha yadā yasmā, vuttā gāthā ayaṃ imaṃ.
Vidhiṃ pakāsayitvāssā, karissāmatthavaṇṇanaṃ”ti.

Sā saṅkhepato vitthārato ca pakāsitaṃ hoti ṭhapetvā atthavaṇṇanaṃ.

1. Ayaṃ panettha atthavaṇṇanā—**yoti** yo yādiso khattiyakulā vā pabbajito brāhmaṇakulā vā pabbajito navo vā majjhimo vā thero vā. **Uppatitanti** uddhamuddhaṃ patitaṃ gataṃ, pavattanti attho, uppannanti vuttaṃ hoti. Uppannañca nāmetaṃ vattamānabhutvāpagatokāsakatabhūmiladdhavasena anekappabhedam. Tattha sabbampi saṅkhataṃ uppādādisamaṅgi **vattamānuppannaṃ** nāma, yaṃ sandhāya “uppannā dhammā, anuppannā dhammā, uppādino dhammā”ti² vuttaṃ. Ārammaṇarasamanubhavitvā niruddhaṃ anubhutvāpagatasāṅkhātaṃ kusalākusalaṃ, uppādādittayamanuppatvā niruddhaṃ bhutvāpagatasāṅkhātaṃ sesasaṅkhatañca **bhutvāpagatuppannaṃ** nāma. Tadevaṃ “evarūpaṃ pāpakaṃ diṭṭhigataṃ uppannaṃ hoti”ti³ ca, “yathā ca uppannassa satisambojjhaṅgassa bhāvanāpāripūrī hoti”ti ca evamādisu suttantesu daṭṭhabbāṃ. “Yānissa tāni pubbe katāni kammāni”ti evamādinā⁴ nayena vuttaṃ kammaṃ atītampi samānaṃ aññassa vipākaṃ paṭibāhitvā attano vipākassokāsaṃ katvā ṭhitattā, tathā katokāsañca vipākaṃ anuppannampi evaṃ kate okāse avassamuppattito

1. Vi 2. 51 piṭṭhe.

3. Ma 1. 182; Vi 2. 175 piṭṭhesu.

2. Abhi 1. 3 piṭṭhe.

4. Ma 3. 203; Khu 10. 155 piṭṭhesu.

okāsakatuppannam nāma. Tāsu tāsu bhūmīsu asamūhatamakusalaṃ
bhūmiladdhuppannam nāma.

Ettha ca bhūmiyā bhūmiladdhassa ca nānattam veditabbam—
seyyathidaṃ? Bhūmi nāma vipassanāya ārammaṇabhūtā tebhūmakā
pañcakkhandhā. Bhūmiladdham nāma tesu uppattārahaṃ kilesajātam. Tena
hi sā bhūmiladdhā nāma hotīti. Tasmā “bhūmiladdhan”ti vuccati. Tañca
pana na ārammaṇavasena. Ārammaṇavasena hi sabbepi atītādebhede
pariññātepi ca khīṇāsavānaṃ khandhe ārabba kilesā uppajjanti
Mahākaccāyana-uppalavaṇṇādīnaṃ khandhe ārabba
Soreyyasetṭhiputtanandamaṇavakādīnaṃ viya. Yadi cetam bhūmiladdham
nāma siyā, tassa appaheyyato na koci bhavamūlaṃ jaheyya. Vatthivasena
pana bhūmiladdham nāma veditabbam. Yattha yattha hi vipassanāya
apariññātā khandhā uppajjanti, tattha tattha uppādato pabhuti tesu
vaṭṭamūlaṃ kilesajātam anuseti, tam appahīnaṭṭhena bhūmiladdhuppannam
nāmāti veditabbam. Tattha ca yassa khandhesu appahīnānusayitā kilesā,
tassa te eva khandhā tesam kilesānaṃ vatthu, na itare khandhā.
Atītakkhandhesu cassa appahīnānusayitānaṃ kilesānaṃ atītakkhandhā eva
vatthu, na itare. Eseva nayo anāgatādīsu. Tathā kāmāvacarakkhandhesu
appahīnānusayitānaṃ kilesānaṃ kāmāvacarakkhandhā eva vatthu, na itare.
Esa nayo rūpārūpāvacaresu.

Sotāpannādīnaṃ pana yassa yassa ariyapuggalassa khandhesu tam tam
vaṭṭamūlaṃ kilesajātam tena tena maggena pahīnaṃ, tassa tassa te te
khandhā pahīnaṃ tesam tesam vaṭṭamūlakilesānaṃ avatthuto bhūmīti
saṅkham na labhanti. Puthujjanassa pana sabbaso vaṭṭamūlānaṃ kilesānaṃ
appahīnattā yaṃ kiñci kariyamānaṃ kammaṃ kusalaṃ vā akusalaṃ vā hoti,
iccassa kilesappaccayā¹ vaṭṭam vaḍḍhati. Tassetam vaṭṭamūlaṃ
rūpakkhandhe eva, na vedanākkhandhādīsu -pa- viññāṇakkhandhe eva vā,
na rūpakkhandhādīsūti na vattabbam. Kasmā? Avisesena pañcasu khandhesu
anusayitattā. Kathaṃ? Pathavīrasādīmiva rukkhe. Yathā hi mahārukkhe
pathavītaṃ adhiṭṭhāya pathavīrasañca āporasañca nissāya tappaccayā
mūlakhandhasākhapasākhapattapallavapalāsapupphaphalehi vaḍḍhitvā
nabham pūretvā yāvakkappāvasānaṃ bijaparamparāya rukkhapaveṇīsantāne

1. Kammakilesappaccayā (Si)

ṭhite “taṃ pathavīrasādi mūle eva, na khandhādīsu, phale eva vā, na mūlādīsū”ti na vattabbaṃ. Kasmā? Avisesena sabbesveva mūlādīsu anugatattā, evaṃ. Yathā pana tasseva rukkhasa pupphaphalādīsu nibbinno koci puriso catūsu disāsu maṇḍūkakaṇṭakaṃ nāma rukkhe visarṃ payojeyya, atha so rukkho tena visasamphassena phuṭṭho pathavīrasa-āporasapariyādinnena appasavanadhammataṃ āgamma puna santānaṃ nibbattetuṃ samattho na bhaveyya, evamevaṃ khandhappavattiyāṃ nibbinno kulaputto tassa purisassa catūsu disāsu rukkhe visappayojanaṃ viya attano santāne catumaggabhāvanaṃ ārabhati, athassa so khandhasantāno tena catumaggavisasamphassena sabbaso vaṭṭamūlakilesānaṃ pariyādinnattā kiriyabhāvamattamupagatakāyakammādi sabbakammappabhedo āyatīṃ punabbhavābhinihattadhammatamāgamma bhavantarasantānaṃ nibbattetuṃ samattho na hoti. Kevalaṃ pana carima viññāṇanīrodhena nirindhano viya jātavedo anupādāno parinibbāti. Evaṃ bhūmiyā bhūmiladdhassa ca nānattaṃ veditabbaṃ.

Apica aparampi

samudācārāmmaṇādhiggaḥitāvikkhambhitāsamūhatavasena catubbidhamuppannaṃ. Tattha vattamānuppannameva **samudācāruppannaṃ**. Cakkhādīnaṃ pana āpāthagate ārammaṇe pubbabhāge anuppajjamānampi kilesajātaṃ ārammaṇassa adhiggaḥitattā eva aparabhāge avassamuppattito **ārammaṇādhiggaḥituppannanti** vuccati. Kalyāṇigāme piṇḍāya carato Mahātissattherassa visabhāgarūpadassanena uppannakilesajātañcettha nidassanaṃ. Tassa “uppannaṃ kāmavitakkaṃ”ti-ādīsū¹ payogo daṭṭhabbo. Samathavipassanānaṃ aññataravasena avikkhambhitakilesajātaṃ cittasantatimanārūlhaṃ uppattinivāraḥassa hetuno abhāvā **avikkhambhituppannaṃ** nāma. Taṃ “ayampi kho bhikkhave ānāpānassatisamādhi bhāvito bahulīkato santo ceva paṇīto ca asecanako ca sukho ca vihāro uppannuppanne pāpake akusale dhamme ṭhānaso antaradhāpeti”ti-ādīsū² daṭṭhabbaṃ. Samathavipassanāvasena vikkhambhitampi kilesajātaṃ ariyamaggena asamūhatattā uppattidhammataṃ anatītanti katvā **asamūhatuppannanti** vuccati. Ākāseṇa gacchantassa aṭṭhasamāpattilābhino therassa kusumitarukkhe upavane pupphāni ocinantassa

1. Ma 1. 14; Am 2. 342 piṭṭhesu.

2. Vi 1. 88 piṭṭhe.

madhurassarena gāyato mātugāmassa gītassaraṃ sutavato
 uppannakilesajātañcetta nidassanaṃ. Tassa “ariyaṃ aṭṭhaṅgikaṃ maggaṃ
 bahulīkaronto uppannuppanne pāpake akusale dhamme antarāyeva
 antaradhāpetī”ti-ādīsu¹ payogo daṭṭhabbo. Tividhampi cetaṃ
 ārammaṇādhiggahitāvikkhambhitāsamūhatuppannaṃ bhūmiladdheneva
 saṅgahaṃ gacchatīti veditabbaṃ.

Evametasmim̃ yathāvuttappabhede uppanne
 bhūmiladdhārammaṇādhiggahitāvikkhambhi tāsamūhatuppannavasenāyaṃ
 kodho uppannoti veditabbo. Kasmā? Evaṃvidhassa vinetabbato.
 Evaṃvidhameva hi uppannaṃ yena kenaci vinayena vinetuṃ sakkā hoti.
 Yaṃ panetaṃ vattamānabhutvāpagatokāsakatasamudācārasaṅkhātaraṃ
 uppannaṃ, ettha aphalo ca asakyo ca vāyāmo. Aphalo hi bhutvāpagate
 vāyāmo vāyāmantarenāpi tassa niruddhattā. Tathā okāsakate. asakyo ca
 vattamānasamudācāruruppanne kilesavodānānaṃ ekajjhamanuppattitoti.

Vinetīti ettha pana—

Duvidho vinayo nāma, ekamekettha pañcadhā.
 Tesu aṭṭhavidhena, vinetīti pavuccati.

Ayañhi saṃvaravinayo pahānavinayoti duvidho vinayo, ettha ca
 duvidhe vinaye ekameko vinayo pañcadhā bhijjati. **Saṃvaravinayopi** hi
 sīlasaṃvaro satsaṃvaro ñāṇasaṃvaro khantisaṃvaro vīriyasaṃvaroti
 pañcavidho, **pahānavinayopi** tadaṅgappahānaṃ vikkhambhanappahānaṃ
 samucchedappahānaṃ paṭippassaddhippahānaṃ nissaraṇappahānanti
 pañcavidho.

Tattha “iminā pātimokkhasaṃvarena upeto hoti samupeto”ti-ādīsu²
sīlasaṃvaro. “Rakkhati cakkhundriyaṃ, cakkhundriye saṃvaraṃ āpajjati”ti-
 ādīsu³ **satsaṃvaro**.

“Yāni sotāni lokasmim̃, (Ajitāti Bhagavā)
 Sati tesam̃ nivāraṇam̃.
 Sotānaṃ saṃvaraṃ brūmi,
 Paññāyete pidhīyare”ti—

1. Saṃ 3. 47 piṭṭhe.

2. Abhi 2. 255 piṭṭhe.

3. Dī 1. 66; Ma 1. 238; Saṃ 2. 384; Aṃ 1. 111 piṭṭhādīsu.

ādīsu¹ **ñāṇasaṃvaro**. “Khamo hoti sītassa uṇhassā”ti-ādīsu² **khantisāṃvaro**. “Uppannaṃ kāmavitakkaṃ nādhivāseti pajahati vinodeti”ti-ādīsu³ **vīriyasaṃvaro** veditabbo. Sabbopi cāyaṃ saṃvaro yathāsakaṃ saṃvaritabbānaṃ vinetabbānañca kāyavacīduccaritādīnaṃ saṃvaraṇato saṃvaro, vinayanato vinayoti vuccati. Evaṃ tāva saṃvaravinayo pañcadhā bhijjatīti veditabbo.

Tathā yaṃ nāmarūpaparicchedādīsu vipassanaṅgesu yāva attano aparihānavasena pavatti, tāva tena tena ñāṇena tassa tassa anattasantānassa pahānaṃ. Seyyathidaṃ? Nāmarūpavavatthānena sakkāyadiṭṭhiyā, paccayapariggahena ahetuvisamahetudiṭṭhīnaṃ, tasseva aparabhāgena kaṅkhāvitarāṇena kathamaṅkathābhāvassa, kalāpasammasanena “ahaṃ mamā”ti gāhassa, maggāmaggavavatthānena amagge maggasaññāya, udayadassanena ucchedadiṭṭhiyā, vayadassanena sassatadiṭṭhiyā, bhayadassanena sabhayesu abhayasaññāya, ādīnavadassanena assādasaññāya, nibbidānupassanena abhiratisaññāya, muccitukamyatāññāṇena amuccitukamyatāya, upekkhāññāṇena anupekkhāya, anulomena dhammaṭṭhitiyaṃ nibbāne ca paṭilomabhāvassa, gotrabhunā saṅkhāranimittaggāhassa pahānaṃ, etaṃ **tadaṅgappahānaṃ** nāma. Yaṃ pana upacārappanābhedassa samādhino yāva attano aparihāni pavatti, tāva tenābhīhatānaṃ nīvaraṇānaṃ yathāsakaṃ vitakkādīpaccanīkadhammānañca anuppattisaṅkhātaṃ pahānaṃ, etaṃ **vikkhambhanappahānaṃ** nāma. Yaṃ pana catunnaṃ ariyamaggānaṃ bhāvitattā taṃtaṃmaggavato attano santāne yathāsakaṃ “diṭṭhigatānaṃ pahānāyā”ti-ādīnā⁴ nayena vuttassa samudayapakkhikassa kilesagahanassa puna accanta-appavattibhāvena samucchedasaṅkhātaṃ pahānaṃ, idaṃ **samucchedappahānaṃ** nāma. Yaṃ pana phalakkhaṇe paṭippassaddhattaṃ kilesānaṃ pahānaṃ, idaṃ **paṭippassaddhippahānaṃ** nāma. Yaṃ pana sabbasaṅkhatanissaraṇattā pahīnasabbasaṅkhatānaṃ nibbānaṃ, etaṃ **nissaraṇappahānaṃ** nāma. Sabbampi cetaṃ pahānaṃ yasmā cāgaṭṭhena pahānaṃ, vinayanaṭṭhena vinayo, tasmā “pahānavinayo”ti vuccati, taṃtaṃpahānavato vā tassa tassa vinayassa sambhavatopetaṃ

1. Khu 1. 434 piṭṭhe.

3. Ma 1. 14; Aṃ 2. 432 piṭṭhesu.

2. Ma 1. 13; Aṃ 2. 433 piṭṭhesu.

4. Abhi 1. 72 piṭṭhe.

“pahānavinayo”ti vuccati. Evaṃ pahānavinayopi pañcadhā bhijjatīti vedītabbo. Evamekekassa pañcadhā bhinnattā dasete vinayā hontī.

Tesu paṭippassaddhivinayaṃ nissaraṇavinayaṃca ṭhapetvā avasesena aṭṭhavidhena vinayenesa tena tena pariyāyena vinetīti pavuccatīti. Kathaṃ? Sīlasaṃvarena kāyavacīduccaritāni vinentopi hi taṃsampayuttaṃ kodhaṃ vinetī, satipaṇṇāsaṃvarehi abhijjhādomanassādāni vinentopi domanassasampayuttaṃ kodhaṃ vinetī, khantisaṃvarena sītādāni khamantopi taṃtamāghātavatthusambhavaṃ kodhaṃ vinetī, vīriyasaṃvarena byāpādavitakkaṃ vinentopi taṃsampayuttaṃ kodhaṃ vinetī, yehi dhammehi tadaṅgavikkhambhanasamucchedappahānāni hontī, tesāṃ dhammānaṃ attani nibbattanena te te dhamme pajahantopi tadaṅgappahātabbaṃ¹ vikkhambhetabbaṃ samucchindītabbaṃca kodhaṃ vinetī. Kāmañcetta pahānavinayena vinayo na sambhavatī, yehi pana dhammehi pahānaṃ hotī, tehi vinentopi pariyāyato “pahānavinayena vinetī”ti vuccatī. Paṭippassaddhippahānakāle pana vinetabbābhāvato nissaraṇappahānassa ca anuppādetabbato na tehi kiñci vinetīti vuccatī. Evaṃ tesu paṭippassaddhivinayaṃ nissaraṇavinayaṃca ṭhapetvā avasesena aṭṭhavidhena vinayenesa tena tena pariyāyena vinetīti pavuccatīti. Ye vā—

“Pañcīme bhikkhave āghātaṭṭhavinayā, yattha bhikkhuno uppanno āghāto sabbaso ṭṭhavinetabbo. Katame pañca, yasmiṃ bhikkhave puggale āghāto jāyetha, mettā tasmīṃ puggale bhāvetabbā -pa- karuṇā, upekkhā, asati-amanasikāro tasmīṃ puggale āpajjītabbo, evaṃ tasmīṃ puggale āghāto ṭṭhavinetabbo. Kammassakatā eva vā tasmīṃ puggale adhiṭṭhātabbā ‘kammassako ayamāyasmā -pa- dāyādo bhavissatī’ti”²—

evaṃ pañca āghātaṭṭhavinayā vuttā, ye ca—

“Pañcīme āvuso āghātaṭṭhavinayā, yattha bhikkhuno uppanno āghāto sabbaso ṭṭhavinetabbo. Katame pañca,

1. Tadaṅgapahātabbekaṭṭham (Sī, Syā)

2. Am 2. 163 piṭṭhe.

idhāvuso ekacco puggalo aparisuddhakāyasamācāro hoti
parisuddhavacīsamācāro, evarūpepi āvuso puggale āghāto
paṭivinetabbo”ti¹—

evamādināpi nayena pañca āghātaṭṭhāyā vuttā, tesu yena kenaci
āghātaṭṭhāyāyena vinentopesa vinetīti pavuccati. Apica yasmā—

“Ubhatodaṇḍakena cepi bhikkhave kakacena corā ocarakā
aṅgamaṅgāni okkanteyyūm, tatrāpi yo mano padoseyya, na me so tena
sāsanakaro”ti²—

evam Sattu ovādam,

“Tasseva tena pāpiyo, yo kuddham paṭikujjhati.
Kuddham appaṭikujjhanto, saṅgāmaṃ jeti dujjayaṃ.
Ubhinnaṃ carati, attano ca parassa ca.
Param saṅkupitaṃ ñatvā, yo sato upasammati”³.

“Sattime bhikkhave dhammā sapattakantā sapattakaraṇā kodhanam
āgacchanti itthim vā purisaṃ vā, katame satta, idha bhikkhave sapatto
sapattassa evam icchati ‘aho vatāyaṃ dubbaṇṇo assā’ti. Tam kissa hetu,
na bhikkhavesapatto sapattassa vaṇṇavatāya nandati, kodhanāyaṃ
bhikkhave purisapuggalo kodhābhībhūto kodhapareto kiñcāpi so hoti
sunhāto suvilitto kappitakesamassu odātavattavasano, atha kho so
dubbaṇṇova hoti kodhābhībhūto, ayam bhikkhave paṭhamo dhammo
sapattakanto sapattakaraṇo kodhanam āgacchati itthim vā purisaṃ vā⁴.

Puna caparam bhikkhave sapatto sapattassa evam icchati ‘aho
vatāyaṃ dukkham sayeyyā’ti -pa- ‘na pacurattho assā’ti -pa- ‘na
bhogavā assā’ti -pa- ‘na yasavā assā’ti -pa- ‘na mittavā assā’ti -pa-
‘kāyassa bhedaṃ param maraṇā apāyaṃ

1. Am 2. 164 piṭṭhe.

3. Sam 1. 164 piṭṭhe.

2. Ma 1. 181 piṭṭhe.

4. Am 2. 469 piṭṭhe.

duggatim vinipātam nirayam upapajjeyā'ti. Tam kissa hetu, na bhikkhave sapatto sapattassa sugatigamanena nandati, kodhanāyam bhikkhave purisapuggalo kodhābhibhūto kodhapareto kāyena duccharitam carati, vācāya, manasā duccharitam carati, so kāyena duccharitam caritvā -pa- vācāya -pa- manasā duccharitam caritvā kāyassa bheda param maraṇā -pa- nirayam upapajjati kodhābhibhūto'ti¹.

“Kuddho attham na jānāti, kuddho dhammam na passati² -pa-.

Yena kodhena kuddhāse, sattā gacchanti duggatim.

Tam kodham sammadaññāya, pajahanti vipassino³.

Kodham jahe vippajaheyya mānam,

Saññojanam sabbamatikkameyya⁴.

Anatthajanano kodho, kodho cittappakopano⁵.

Ekāparādhām khama bhūripañña,

Na paṇḍitā kodhabalā bhavanti'ti⁶—

evamādinā nayena kodhe ādinavañca paccavekkhatopi kodho vinayam upeti. Tasmā evam paccavekkhitvā kodham vinentopi esa vinetīti vuccati.

Kodhanti “anattham me acarīti āghāto jāyatī'ti-ādinā⁷ nayena sutte vuttānam navannam, “attham me na carī'ti-ādīnañca tappaṭipakkhato siddhānam navannamevāti aṭṭhārasannam, khāṇukaṇṭakādīnā aṭṭhānena saddhim ekūnavīsatiyā āghātavattūnam aññatarāghātavattusambhavam āghātam. **Visaṭanti** vitthataṃ. **Sappavisanti** sappassa visam. **Ivāti** opammavacanam, ikāralopam katvā va-icceva vuttam. **Osadhehīti** agadehi. Idaṃ vuttam hoti—yathā visatikicchako vejjo sappena daṭṭham⁸ sabbam kāyam pharitvā ṭhitam visaṭam sappavisam mūlakhandhatacapattapupphādīnam

1. Am 2. 469 piṭṭhe.

3. Khu 1. 196 piṭṭhe.

5. Am 2. 471; Khu 1. 252 piṭṭhesu.

7. Dī 3. 218; Am 3. 208 piṭṭhesu.

2. Am 2. 471; Khu 7. 12 piṭṭhesu.

4. Khu 1. 46 piṭṭhe Dhammapade.

6. Khu 5. 311 piṭṭhe Jātake.

8. Daṭṭho (Sī, Syā)

aññatarehi nānābhesajjehi, payojetvā katehi vā¹ osadhehi khippameva vineyya, evamevaṃ yo yathāvuttenatthena uppatitaṃ cittasantānaṃ byāpetvā ʘhitaṃ kodhaṃ yathāvuttesu vinayanupāyesu yena kenaci upāyena vineti nādhivāseti pajahati vinodeti byantīkarotīti.

So bhikkhu jahāti orapāranti so evaṃ kodhaṃ vinento bhikkhu yasmā kodho tatiyamaggena sabbaso pahiyati, tasmā orapārasaññitāni pañcorambhāgiyasaññojanāni jahātīti veditabbo. Avesesena hi² pāranti tīrassa nāmaṃ, tasmā orāni ca tāni saṃsārasāgarassa pārabhūtāni cāti katvā “orapāran”ti vuccati. Atha vā yo uppatitaṃ vineti kodhaṃ visaṭaṃ sappavisariva osadhehi, so tatiyamaggena sabbaso kodhaṃ vinetvā anāgāmiphale ʘhito bhikkhu jahāti orapāraṃ. Tattha oranti sakattabhāvo, pāranti parattabhāvo. Oraṃ vā cha ajjhattikāni āyatanāni, pāraṃ cha bāhirāyatanāni. Tathā oraṃ manussaloko, pāraṃ devaloko. Oraṃ kāmadhātu, pāraṃ rūpārūpadhātu. Oraṃ kāmarūpabhavo, pāraṃ arūpabhavo. Oraṃ attabhāvo, pāraṃ attabhāvasukhūpakaraṇāni. Evametasmim orapāre catutthamaggena chandarāgaṃ pajahanto “jahāti orapāran”ti vuccati. Ettha ca kiñcāpi anāgāmino kāmarāgassa pahīnattā idhattabhāvādīsu chandarāgo eva natthi, apica kho panassa tatiyamaggādīnaṃ viya vaṇṇappakāsanatthaṃ sabbametaṃ orapārabhedam³ saṅgahetvā tattha chandarāgappahānena “jahāti orapāran”ti vuttaṃ.

Idāni tassatthassa vibhāvanatthāya upamaṃ āha “**urago jīṇṇamivattacaṃ purāṇan**”ti. Tattha urena gacchatīti **urago**, sappassetam adhivacanam. So duvidho kāmarūpī ca akāmarūpī ca, kāmarūpīpi duvidho jalajo thalajo ca. Jalajo jale eva kāmarūpaṃ labhati, na thale Saṅkhapālalajātake Saṅkhapālanāgarājā viya. Thalajo thale eva, na jale. So jajjarabhāvena jīṇṇam, cirakālatāya purāṇaṅcāti saṅkham gataṃ tacam jahanto catubbidhena jahāti sajātiyaṃ ʘhito, jigucchanto, nissāya, thāmenāti. Sajāti nāma sappajāti dīghattabhāvo. Uragā hi pañcasu ʘhānesu sajātim nātivattanti upapattiyaṃ cutiyaṃ vissatṭhaniddokkamane

1. Katehi (Sī)

2. So hi (Ka)

3. Orapārabhāvaṃ (Syā, Ka)

samānajātiyā methunapaṭisevane jīṇṇatacāpanayane cāti. Sappo hi yadā tacam jāhāti, tadā sajātiyamveva ṭhatvā jahāti. Sajātiyam ṭhitopi ca jigucchanto jahāti. Jigucchanto nāma yadā upaḍḍhaṭṭhāne mutto hoti, upaḍḍhaṭṭhāne amutto olambati, tadā nam aṭṭiyanto jahāti. Evaṃ jigucchantopi ca daṇḍantaram vā mūlantaram vā pāsānantaram vā nissāya jahāti. Nissāya jahantopi ca thāmaṃ janetvā ussāham katvā vīriyena vaṅkam naṅguṭṭham katvā passasantova phaṇam karitvā jahāti. Evaṃ jahitvā yenakāmaṃ pakkamati, evamevaṃ ayampi bhikkhu orapāram jahitukāmo catubbidhena jahāti sajātiyam ṭhito jigucchanto nissāya thāmenāti. Sajāti nāma bhikkhuno “ariyāya jātiyā jāto”¹ti vacanato sīlam. Tenevāha “sīle patiṭṭhāya naro sappañño”². Evametissaṃ sajātiyam ṭhito bhikkhu taṃ sakattabhāvādibhedam orapāram jīṇṇapurāṇatacamiva dukkham janentam tattha tattha ādīnavadassanena jigucchanto kalyāṇamitte nissāya adhimattavāyāmasaṅkhātam thāmaṃ janetvā “divasaṃ caṅkamaṇa nisajjāya āvaraṇīyehi dhammehi cittaṃ parisodhetī”³ti vuttanayena rattindivam chadhā vibhajitvā ghaṭento vāyamanto urago viya vaṅkam naṅguṭṭham pallaṅkam ābhujitvā urago viya passasanto ayampi asithilaparakkamatāya vāyamanto urago viya phaṇam karitvā ayampi ṇāṇavipphāram janetvā uragova tacam orapāram jahāti. Jahitvā ca urago viya ohitataco yenakāmaṃ ayampi ohitabhāro anupādisesanibbānadhātudisaṃ pakkamatīti. Tenāha Bhagavā—

“Yo uppatitam vineti kodham,
 Visaṭam sappavisamva osadhehi.
 So bhikkhu jahāti orapāram,
 Urago jīṇṇamivattacam purāṇa”ti.

evamesā Bhagavatā arahattanikūṭena paṭhamagāthā desitāti.

2. Idāni dutiyagāthāya atthavaṇṇanākkamo anupatto, tatrāpi—

1. Ma 2. 306 piṭṭhe.

2. Saṃ 1. 13; Khu 10. 197 piṭṭhesu.

3. Am 1. 112; Am 2. 385; Abhi 2. 258 piṭṭhesu.

“Yena yattha yadā yasmā, vuttā gāthā ayam imam.
Vidhim pakāsayitvāssā, karissāmatthavaṇṇanam”ti—

ayameva mātikā, tato parañca sabbagāthāsu. Ativitthārabhayena pana ito pabhuti mātikam anikkhipitvā uppattidassananayeneva tassā tassā attham dassento atthavaṇṇanam karissāmi. Seyyathidam? **Yo rāgamudacchidā asesanti** ayam dutiyagāthā.

Tassuppatti—ekam samayam Bhagavā Sāvattthiyam viharati Jetavane Anāthapiṇḍikassa ārāme, tena kho pana samayena āyasmato Sāriputtattherassa upaṭṭhāko aññataro suvaṇṇakāraputto therassa santike pabbajito, thero tassa “daharānam asubham sappāyan”ti mantvā rāgavighātattam asubhakammaṭṭhānam adāsi. Tassa tasmiṃ āsevanamattampi cittam na labhati, so “anupakāram mametan”ti therassa ārocesi. Thero “daharānametaṃ sappāyan”ti mantvā punapi tadevācikkhi. Evaṃ cattāro māsā atītā, so kiñcimattampi visesaṃ na labhati. Tato nam thero Bhagavato santikam nesi, Bhagavā “avisayo Sāriputta tuyhetassa sappāyam jānitum, Buddhaveneyyo eso”ti vatvā pabhassaravaṇṇam padumam iddhiyā nimminivā tassa hatthe pādāsi “handa bhikkhu imam viharapacchāyāyam vālikātale nālena vijjhivā ṭhapehi, abhimukham cassa pallākena nisīda ‘lohitaṃ lohitaṃ’ti āvajjento”ti. Ayam kira pañca jātisatāni suvaṇṇakārova ahoṣi, tenassa “lohitanimittam sappāyan”ti ṇatvā Bhagavā lohitaṃ kammaṭṭhānam adāsi. So tathā katvā muhutteneva yathākkamam tattha cattāripi jhānāni adhigantvā anulomapaṭilomādinā nayena jhānakīlam ārabhi. Atha Bhagavā tam padumam “milāyatū”ti adhiṭṭhāsi. So jhānā vuṭṭhito tam milātam kāḷavaṇṇam disvā “pabhassararūpam jarāya parimadditan”ti aniccasaññaṃ paṭilabhi. tato nam ajjhattampi upasamhari. Tato “yadaniccaṃ tam dukkham, yaṃ dukkham tadanattā”ti tayopi bhava āditte viya passi. Evaṃ passato cassāvidūre padumassaro atthi, tattha dārakā orohitvā padumāni bhañjitvā bhañjitvā rāsim karonti, tassa tāni uduke padumāni naḷavane aggijālā viya khāyimsu, pattāni patantāni papātam pavasantāni viya khāyimsu, thale nikkhittapadumānam aggāni milātāni aggidaddhāni

viya khāyimsu. Athassa tadanusārena sabbadhamme upanijjhāyato bhiiyoso mattāya tayo bhavā ādittamiva agāraṃ appaṭisaraṇā hutvā upaṭṭhahimsu. Tato Bhagavā Gandhakuṭiyam nisinnova tassa bhikkhuno upari sarīrābham muñci, sā cassa mukhamyeva ajjhotthari, tato so “kimetan”ti āvajjento Bhagavantam āgantvā samīpe ṭhitamiva disvā uṭṭhāyāsanaṃ añjalim paṇāmesi. Athassa Bhagavā sappāyam viditvā dhammam desento imam obhāsagātham abhāsi “yo rāgamudacchidā asesan”ti.

Tattha rañjanavasena **rāgo**, pañcakāmaguṇarāgassetam adhivacanam. **Udacchidā**ti ucchindati bhañjati vināseti. Atītakālikānampi hi chandasi¹ vattamānavacanam akkharacintakā icchanti. **Asesanti** sānusayam. **Bhisapupphamva saroruhanti** sare virūḷham padumapuppham viya. **Vigayhāti** ogayha, pavisitvāti attho. Sesam pubbasadisameva. Kim vuttam hoti? Yathā nāma ete dārakā saram oruyha bhisapuppham saroruham chindanti, evamevam yo bhikkhu imam tedhātukalokasannivāsam ogayha—

“Natthi rāgasamo aggi”²,

“Kāmarāgena dayhāmi, cittam me paridayhati”³.

“Ye rāgarattānupatanti sotam,

Sayamkataṃ makkatākovā jālam”⁴.

“Ratto kho āvuso rāgena abhibhūto pariyādinnacitto paṇampi hanatī”ti⁵—

evamādinayamanugantvā rāgādīnavapaccavekkhaṇena yathāvuttappakārehi sīlasamvarādīhi samvarehi saviññāṇakāviññāṇakesu vatthūsu asubhasaññāya ca thokam thokam rāgam samucchindanto anāgāmimaggena avasesam arahattamaggena ca tato anavasesampi ucchindati, pubbe vuttappakārenea so bhikkhu jahāti orapāram urago jīṇṇamiva tacam purānanti. Evamesā Bhagavatā arahattanikūṭena gāthā desitā, desanāpariyosāne ca so bhikkhu arahatte patiṭṭhitoti.

1. Chindatīti (Syā, Ka)

3. Sam 1. 189 piṭṭhe.

5. Am 1. 156. 217 piṭṭhesu (Thokam visadisam)

2. Khu 1. 43 piṭṭhe Dhammapade.

4. Khu 1. 63. piṭṭhe Dhammapade.

3. **Yo taṇhamudacchidāti** kā uppatti? Bhagavā Sāvattthiyam viharati, aññataro bhikkhu Gaggarāya pokkharāṇiyā tīre viharanto taṇhāvasena akusalavitakkaṃ vitakketi, Bhagavā tassajjhāsayam viditvā imam obhāsagāthamabhāsi.

Tattha tassatīti¹ **taṇhā**, visayehi tittim na upeṭīti attho, kāmabhavavibhavataṇhānametaṃ adhivacanaṃ. **Saritanti** gataṃ pavattaṃ, yāva bhavaggā ajjhottharivā ṭhitanti vuttaṃ hoti. **Sīghasaranti** sīghagāminim, sandiṭṭhikasamparāyikaṃ ādīnavaṃ agaṇetvā muhutteneva paracakkavāḷampi bhavaggampi sampāpuṇitum samatthanti vuttaṃ hoti. Evametaṃ saritaṃ sīghasaraṃ sabbappakārampi taṇham—

“Uparivisālā duppūrā, icchā visaṭagāminī.

Ye ca taṃ anugijjhanti², te honti cakkadhāriṇo”ti,

“Taṇhādutiyo puriso, dīghamaddhānasamsaram.

Itthabhāvaññathābhāvam, samsāraṃ nātivattati”ti³,

“Ūno loko atitto taṇhādāsoti kho mahārājā”ti⁴ca—

evamādīnavapaccavekkhaṇena vuttappakārehi sīlasamvarādīhi ca yo thokaṃ thokaṃ visosayitvā arahattamaggena asesam ucchijjati, so bhikkhu tasmimyeva khaṇe sabbappakārampi jahāti orapāranti. Desanāpariyosāne so bhikkhu arahatte patitṭhitoti.

4. **Yo mānamudabbadhīti** kā uppatti? Bhagavā Sāvattthiyam viharati, aññataro bhikkhu Gaṅgāya tīre viharanto gimhakāle appodake sote kataṃ naḷasetum pacchā āgatena mahoghena vuyhamānaṃ disvā “aniccā saṅkhārā”ti samviggo aṭṭhāsi, tassajjhāsayam viditvā Bhagavā imam obhāsagātham abhāsi.

1. Tassatīti (Sī, Syā)

2. Upari visālaṃ duppūraṃ, icchaṃ visaṭagāminim.

Ye ca taṃ anugacchanti (Sī, Syā) Khu 5. 132, 201 piṭṭhesu.

3. Khu 1. 201, 268; Khu 7. 362; Khu 8. 211 piṭṭhesu.

4. Ma 2. 256 piṭṭhe.

Tattha **mānoti** jāti-ādivatthuko cetaso uṇṇāmo¹. So “seyyohamasmī”ti māno, “sadisohamasmī”ti māno, “hīnohamasmī”ti mānoti evaṃ tividho hoti. Puna “seyyassa seyyohamasmīti, seyyassa sadiso, seyyassa hīno, sadisassa seyyo, sadisassa sadiso, sadisassa hīno, hīnassa seyyo, hīnassa sadiso, hīnassa hīnohamasmī”ti mānoti evaṃ navavidho hoti. Taṃ sabbappakārampi mānaṃ—

“Yena mānena mattāse, sattā gacchanti duggatin”ti²—

ādinā nayena tattha ādinavapaccavekkhaṇena vuttappakārehi sīlasamvarādīhi ca yo thokaṃ thokaṃ vadhento kilesānaṃ abaladubbalattā³ naḷasetusadisam lokuttaradhammānaṃ atibalattā mahoghasadisena arahattamaggena asesam udabbadhi, anavasesappahānavasena ucchindanto vadhetīti vuttaṃ hoti. So bhikkhu tasmiṃyeva khaṇe sabbappakārampi jahāti orapāranti. Desanāpariyosāne so bhikkhu arahatte patiṭṭhitoti.

5. **Yo nājjhagamāti** kā uppatti? Imissā gāthāya ito parānañca dvādasannaṃ ekāyeva uppatti—ekaṃ samayaṃ Bhagavā Sāvattthiyaṃ viharati, tena kho pana samayena aññataro brāhmaṇo attano dhītuyā vāreyye paccupaṭṭhite cintesi “kenaci vasalena aparibhuttapubbehi pupphehi dārikaṃ alaṅkaritvā patikulaṃ pesessāmī”ti. So santarabāhiraṃ Sāvattthiṃ vicinanto kiñci tiṇapupphampi aparibhuttapubbaṃ nāddasa. Atha sambahule dhuttakajātike brāhmaṇadārake sannipatīte disvā “ete pucchissāmi, avassaṃ sambahulesu koci jānissatī”ti upasaṅkamitvā pucchi. Te taṃ brāhmaṇaṃ uppaṇḍentā āhaṃsu “udumbarapupphaṃ nāma brāhmaṇa loke na kenaci paribhuttapubbaṃ, tena dhītaraṃ alaṅkaritvā dehi”ti. So dutiyadivase kālasseva vuṭṭhāya bhattavissaggam katvā Aciravatiyā nadiyā tīre Udumbaravanaṃ gantvā ekamekaṃ rukkhāṃ vicinanto pupphassa vaṇṭamattampi nāddasa. Atha vītivatte majjhanhike dutiyatīraṃ agamāsi, tattha ca aññataro bhikkhu aññatarasmim manuññe rukkhāmūle divāvihāraṃ nisinno

1. Uṇṇamo (Sī)

2. Khu 1. 197 piṭṭhe.

3. Abalātidubbalattā (Sī)

kammaṭṭhānaṃ manasi karoti. So tattha upasaṅkamtivā amanasi karitvā sakim nisīditvā sakim ukkuṭiko hutvā sakim ṭhatvā taṃ rukkhaṃ sabbasākhāviṭapapattantaresu vicinanto kilamati. Tato naṃ so bhikkhu āha “brāhmaṇa kiṃ maggasī”ti. Udumbarapupphaṃ bhoti. Udumbarapupphaṃ nāma brāhmaṇa loke natthi, musā etaṃ vacanaṃ, mā kilamāti. Atha Bhagavā tassa bhikkhūno ajjhāsayaṃ viditvā obhāsaṃ muñcitvā samuppannasamannāhārabahumānassa imā obhāsagāthāyo abhāsi “yo **nājjhagamā bhavesu sāran**”ti. Sabbā vattabbā.

Tattha paṭhamagāthāya tāva **nājjhagamāti** nādhigacchi, nādhigacchati vā. **Bhavesūti** kāmarūpārūpasaññī-asaññīnevasaññīnāsaññī-ekavokāra-catuvokārapañcavokārabhavesu. **Sāranti** niccabhāvaṃ attabhāvaṃ vā. **Vicinanti** paññāya gavesanto. **Pupphamiva udumbaresūti** yathā udumbararukkhesu pupphaṃ vicinanto esa brāhmaṇo nājjhagamā, evaṃ yo yogāvacaropi paññāya vicinanto sabbabhavesu kiñci sāraṃ nājjhagamā, so asārakaṭṭhena¹ te dhamme aniccato anattato ca vipassanto anupubbena lokuttaradhamme adhigacchanto jahāti orapāraṃ urago jīṇamiva tacāṃ purāṇanti ayamatto yojanā ca. Avasesagāthāsu panassa yojanaṃ avatvā visesatthamattameva vakkhāma.

6. “Yassantarato nasanti kopā,
Iti bhavābhavatañca vītivatto”ti²—

ettha tāva ayaṃ antarasaddo—

“Nadītīresu saṅghāne³, sabhāsu rathiyāsu ca.
Janā saṅgamma mantenti, mañca tañca kimantaran”ti⁴,
“Appamattakena visesādhigamena antarā vosānamāpādi”⁵,
“Anatthajanano kodho, kodho cittappakopano.
Bhayamantarato jātaṃ, taṃ jano nāvabujjhatī”ti⁶—

1. Asārakattena (Sī)

3. Panthāne (Sī), pathesu (Syā)

5. Am 3. 382 piṭṭhe.

2. Khu 1. 100 piṭṭhe. Itibbhavābhavatañca (Ka)

4. Sam 1. 203 piṭṭhe.

6. Am 2. 471; Khu 1. 252 piṭṭhesu.

evaṃ kāraṇavemajjhacittādīsu sambahulesu atthesu dissati. Idha pana citte. Tato **yassantarato na santi kopāti** tatiyamaggena samūhatattā yassa citte na santi kopāti attho. Yasmā pana **bhavoti** sampatti, **vibhavoti** vipatti. Tathā bhavoti vuddhi, vibhavoti hāni. Bhavoti sassato, vibhavoti ucchedo. Bhavoti puññaṃ, vibhavoti pāpaṃ. Vibhavo abhavoti ca atthato ekameva, tasmā **itibhavābhavatañca vītivattoti** ettha yā esā sampattivipattivuḍḍhihānisassatucchedapuññaṃpāpavasena iti anekappakārā bhavābhavatā vuccati, catūhipi maggehi yathāsambhavaṃ tena tena nayena taṃ itibhavābhavatañca vītivattoti evamattho ñātabbo.

7. **Yassa vitakkāti** ettha pana yassa bhikkhuno tayo kāmabyāpādavihiṃ sāvitaṅkā, tayo ñātijanapadāmaravitaṅkā, tayo parānuddayatāpaṭisaṃyuttalābha sakkāra siloka-anavaññatti paṭisaṃyuttavitaṅkāti ete nava vitakkā samantabhaddake vuttanayena tattha tattha ādīnavam paccavekkhitvā paṭipakkhavavatthānena tassa tassa pahānasamatthehi tīhi heṭṭhimamaggehi ca vidhūpitā bhusaṃ dhūpitā santāpitā daḍḍhāti attho. Evaṃ vidhūpetvā ca **ajjhattaṃ suvikappitā asesā**, niyakajjhattabhūte attano khandhasantāne ajjhattajjhattabhūte citte ca yathā na puna sambhavanti, evaṃ arahattamaggena asesā chinnā. Chinnam hi kappitanti vuccati. Yathāha “kappitakesamassū”¹. Evamettha attho daṭṭhabbo.

8. Idāni **yo nāccasārīti** ettha **yo nāccasārīti** yo nātidhāvi. **Na paccasārīti** na ohīyi. Kim vuttaṃ hoti? Accāraddhavīriyena hi uddhacce patanto accāsarati, atisithilena kosajje patanto paccāsarati. Tathā bhavataṅhāya attānaṃ kilamento accāsarati, kāmataṅhāya kāmasukhamanuyuñjanto paccāsarati. Sassatadiṭṭhiyā accāsarati, ucchedadiṭṭhiyā paccāsarati. Atītam anusocanto accāsarati, anāgataṃ paṭikaṅkhanto paccāsarati. Pubbantānudiṭṭhiyā accāsarati, aparantānudiṭṭhiyā paccāsarati. Tasmā yo ete ubho ante vajjetvā majjhimaṃ paṭipadaṃ paṭipajjanto nāccasārī na paccasārīti evaṃ vuttaṃ hoti.

1. Saṃ 1. 79; Saṃ 2. 525 piṭṭhesu.

Sabbaṃ accagamā imaṃ papañcanti tāya ca pana arahattamaggavosānāya majjhimāya paṭipadāya sabbaṃ imaṃ vedanāsaññāvitakkappabhavaṃ taṇhāmānadiṭṭhisāṅkhātāṃ tividhaṃ papañcaṃ accagamā atikkanto, samatikkantoti attho.

9. Tadanantaragāthāya pana **sabbaṃ vitathamidanti ñatvā loketi** ayameva viseso. Tassattho—**sabbanti** anavasesaṃ, sakalamanunanti vuttaṃ hoti. Evaṃ santepi pana vipassanupagaṃ lokiyakhandhāyatanadhātuppabhedāṃ saṅkhatameva idhādhippetāṃ. **Vitathanti** vigatatahabhāvaṃ, niccanti vā sukhanti vā subhanti vā attāti vā yathā yathā kilesavasena bālaṅjanehi gayhati, tathātathābhāvato vitathanti vuttaṃ hoti. **Idanti** tameva sabbaṃ paccakkhabhāvena dassento āha. **Ña tvāti** maggapaññāya jānitvā, tañca pana asammohato, na visayato¹. **Loketi** okāsaloṃke sabbaṃ khandhādibhedāṃ dhammajātaṃ “vitathamidan”ti ñatvāti sambandho.

10-13. Idāni ito parāsu catūsu gāthāsu **vītalobho vītarāgo vītadoso vītamohoti** ete visesā. Ettha lubbhanavasena **lobho**, sabbasaṅgāhikametaṃ paṭhamassa akusalamūlassa adhivacanaṃ, visamalobhassa vā, yo so “appekadā mātumattīsipi lobhadhammā uppajjanti, bhaginimattīsipi lobhadhammā uppajjanti, dhītumattīsipi lobhadhammā uppajjanti”ti² evaṃ vutto. Rajjanavasena **rāgo**, pañcakāmaguṇarāgassetāṃ adhivacanaṃ. Dussanavasena **doso**, pubbe vuttakodhassetāṃ adhivacanaṃ. Muyhanavasena **moho**, catūsu ariyasaccesu aññāṇassetāṃ adhivacanaṃ. Tattha yasmā ayaṃ bhikkhu lobhaṃ jigucchanto vipassanaṃ ārabhi “kudāssu nāmāhaṃ lobhaṃ vinetvā vīgalobho vihareyyan”ti, tasmā tassa lobhappahānupāyaṃ sabbasaṅkhārānaṃ vitathabhāvadassanaṃ³ lobhappahānānisamsaṅca orapārappahānaṃ⁴ dassento imaṃ gāthamāha. Esa nayo ito parāsupi. Keci panāhu “yathāvutteneva nayena ete dhamme jigucchitvā vipassanaṃ raddhassa tassa tassa bhikkhuno ekamekāva ettha gāthā vuttā”ti. Yaṃ rucati, taṃ gahetabbaṃ. Esa nayo ito parāsu catūsu gāthāsu.

1. Asammohoto ca visayato ca (Syā, Ka)

3. Vitathabhāvadassanatthaṃ (Sī, Ka)

2. Saṃ 2. 329 piṭṭhe.

4. Orapārappahānatthaṃ (Sī)

14. Ayaṃ panettha atthavaṇṇanā—appahīnaṭṭhena santāne sayantīti **anusayā**, kāmarāgapaṭiḡhamānadiṭṭhivicikicchābhavarāgāvijjānaṃ etaṃ adhivacanaṃ. Sampayuttadhammānaṃ attano ākāraṇuvidhānaṭṭhena **mūlā**, akhemaṭṭhena **akusalā**. Dhammānaṃ paṭiṭṭhābhūtātipi **mūlā**, sāvajjadukkhavipākaṭṭhena **akusalā**. Ubhayampetaṃ lobhadosamohānaṃ adhivacanaṃ. Te hi “lobho bhikkhave akusalañca akusalamūlañca”ti-ādinā nayena evaṃ niddiṭṭhā. Evamete anusayā tena tena maggena pahīnattā yassa keci na santi, ete ca akusalamūlā tatheva **samūhatāse**, samūhatā icceva attho. Paccattabahuvacanassa hi¹ sekārāgamaṃ icchanti saddalakkhaṇakovidā. Aṭṭhakathācariyā pana “**seti nipāto**”ti vaṇṇayanti. Yaṃ ruccati, taṃ gaḡhetabbaṃ. Ettha pana kiñcāpi so evaṃvidho bhikkhu khīṇāsavo hoti, khīṇāsavo ca neva ādiyati, na pajahati, pajahitvā ṭhitoti vutto, tathāpi vattamānasamīpe vattamānavacanalakkhaṇena “jahāti orapāraṇ”ti vuccati. Atha vā anupādisesāya ca nibbānadhātuyā parinibbāyanto attano ajjhattikabāhirāyatanasaṅkhātāṃ jahāti orapāranti veditabbo.

Tattha kilesapaṭiṭṭhiyā maggapaṭiṭṭhiyā cāti dvidhā anusayānaṃ abhāvo veditabbo. Kilesapaṭiṭṭhiyā hi kāmarāgānusayapaṭiḡghānusayānaṃ tatiyamaggena abhāvo hoti, mānānusayassa catutthamaggena, diṭṭhānusayavicikicchānusayānaṃ paṭṭhamamaggena, bhavarāgānusayāvijjānusayānaṃ catutthamaggeneva. Maggapaṭiṭṭhiyā pana paṭṭhamamaggena diṭṭhānusayavicikicchānusayānaṃ abhāvo hoti, duttiyamaggena kāmarāgānusayapaṭiḡghānusayānaṃ tanubhāvo, tatiyamaggena sabbaso abhāvo, catutthamaggena mānānusayabhavarāgānusayāvijjānusayānaṃ abhāvo hoti. Tattha yasmā na sabbe anusayā akusalamūlā. Kāmarāgabhavarāgānusayā eva hi lobhākusalamūlena saṅgahaṃ gacchanti, paṭiḡghānusayāvijjānusayā ca “doso akusalamūlaṃ moho akusalamūlami”cceva saṅkhaṃ gacchanti, diṭṭhimānavicikicchānusayā pana na kiñci akusalamūlaṃ honti. Yasmā vā anusayābhāvavasena ca akusalamūlasamugghātavasena ca kilesappahānaṃ paṭṭhapesi², tasmā—

1. Paccattabahuvacanassante (Ka)

2. Patthesi (Sī), patthesi paṭṭhapesi (Ka)

“Yassānusayā na santi keci,
Mūlā ca akusalā samūhatāse”—

iti Bhagavā āha.

15. **Yassa darathajāti** ettha pana paṭhamuppannā¹ kilesā pariḷāhaṭṭhena darathā nāma, aparāparuppannā pana tehi darathehi jātattā darathajā nāma. **Oranti sakkāyo** vuccati. Yathāha “orimaṃ tīranti kho bhikkhu sakkāyassetam adhivacanam”². **Āgamanāyāti** uppattiyā. **Paccayāseti** paccayā eva. Kim vuttam hoti? Yassa pana upādānakkhandhaggahaṇāya paccayabhūtā ariyamaggena pahīnattā keci darathajavevacanā kilesā na santi, pubbe vuttanayeneva so bhikkhu jahāti orapāranti.

16. **Yassa vanathajāti** etthapi darathajā viya vanathajā veditabbā. Vacanatthe pana ayaṃ veseso—vanute, vanotīti vā vanam, yācati sevati bhajatīti attho, taṇhāyetaṃ adhivacanam. Sā hi visayānam patthanato sevanato ca “vanam”^{ti} vuccati. Tampariyuṭṭhānavasena vanam tharati tanotīti vanatho, taṇhānusayassetam adhivacanam. Vanathā jātāti vanathajāti. Keci panāhu “sabbepi kilesā gahaṇāṭṭhena vanathoti vuccanti, aparāparuppannā pana vanathajā”^{ti}. Ayameva cettha Uragasutte attho adhippeto, itaro pana Dhammapadagāthāyam. **Vinibandhāya bhavāyāti** bhavavinibandhāya, atha vā cittassa visayesu vinibandhāya āyatim uppattiyā cāti attho. hetuyeva **hetukappā**.

17. **Yo nīvaraṇeti** ettha nīvaraṇāti cittam hitapaṭipattim vā nīvarantīti **nīvaraṇā**, paṭicchādentīti attho. **Pahāyāti** chaḍḍetvā. **Pañcāti** tesam saṅkhyāparicchedo. Īghābhāvato **anīgho**. Katham kathāya tiṇṇattā **tiṇṇakathamkatho**. Vigatasallattā **visallo**. Kim vuttam hoti? Yo bhikkhu kāmaccchandādīni pañca nīvaraṇāni samantabhaddake vuttanayena sāmāññato visesato ca nīvaraṇesu ādīnavam disvā tena tena maggena pahāya tesaṅca pahīnattā eva kilesadukkhasaṅkhātassa

1. Paṭhamuppannā paṭhamuppannā (Si)

2. Sam 2. 383 piṭṭhe.

īghassābhāvena **anīgho**, “ahosiṃ nu kho ahaṃ atītamaddhānan”¹ti-ādinā¹ nayena pavattāya kathaṃkathāya tiṇṇatā **tiṇṇakathaṃkatho**, “tatha katame pañca sallā, rāgasallo dosasallo mohasallo mānasallo diṭṭhisallo”²ti vuttānaṃ pañcannaṃ sallānaṃ vigatattā **visallo**, so bhikkhu pubbe vuttanayeneva jahāti orapāranti.

Atrāpi ca kilesapaṭipāṭiyā maggapaṭipāṭiyā cāti dvidhā eva nīvaraṇappahānaṃ veditabbaṃ. Kilesapaṭipāṭiyā hi kāmaccchandanivaraṇassa byāpādanīvaraṇassa ca tatiyamaggena pahānaṃ hoti, thinamiddhanīvaraṇassa uddhaccanīvaraṇassa ca catutthamaggena, “akataṃ vata me kusalan”²ti-ādinā² nayena pavattassa vippaṭisārasaṅkhātassa kukkucanīvaraṇassa vicikicchānīvaraṇassa ca paṭhamamaggena. Maggapaṭipāṭiyā pana kukkucanīvaraṇassa vicikicchā nīvaraṇassa ca paṭhamamaggena pahānaṃ hoti, kāmaccchandanivaraṇassa byāpādanīvaraṇassa ca duttiyamaggena tanubhāvo hoti, tatiyena anavasesappahānaṃ, thinamiddhanīvaraṇassa uddhaccanīvaraṇassa ca catutthamaggena pahānaṃ hotīti. Evaṃ—

“Yo nīvaraṇe pahāya pañca,
Anīgho tiṇṇakathaṃkatho visallo.
So bhikkhu jahāti orapāraṃ,
Urago jiṇṇamivattacaṃ purāṇaṃ”³ti—

arahattanikūṭeneva Bhagavā desanaṃ niṭṭhāpesi. Desanāpariyosāne so bhikkhu arahatte patiṭṭhito.³ “Ekacce yena yena tesāṃ bhikkhūnaṃ yā yā gāthā desitā, tena tena tassā tassā gāthāya pariyosāne so so bhikkhu arahatte patiṭṭhito”³ti vadanti³.

Paramatthajotikāya Khuddakaṭṭhakathāya

Suttanipātaṭṭhakathāya

Uragasuttavaṇṇanā niṭṭhitā.

1. Ma 1. 10; Sam 1. 265 piṭṭhesu.

2. Ma 3. 203; Khu 10. 155 piṭṭhesu.

3-3. Ekacce yena nayena tassā tassā gāthāya pariyosāne so so bhikkhu arahatte patiṭṭhitoti. (Sī)

2. Dhaniyasuttavaṇṇanā

18. **Pakkodanoti** Dhaniyasuttaṃ. kā uppatti? Bhagavā Sāvatthiyaṃ viharati, tena samayena Dhaniyo gopo mahīṭire paṭivasati. Tassāyaṃ pubbayogo—Kassapassa Bhagavato pāvacane dibbamāne vīsati vassasahassāni divase divase saṃghassa vīsati salākabhattāni adāsi, so tato cuto devesu uppanno. Evaṃ devaloke ekaṃ Buddhantaraṃ khepetvā amhākaṃ Bhagavato kāle Videharaṭṭhamajjhe Pabbataraṭṭhaṃ nāma atthi, tattha Dhammakoraṇḍaṃ¹ nāma nagaraṃ, tasmim̃ nagare seṭṭhiputto hutvā abhinibbatto goyūthaṃ nissāya jīvati. Tassa hi tiṃsamattāni gosahassāni honti, sattavīsasahassā gāvo khīraṃ duyhanti. Gopā nāma nibaddhavāsino na honti, vassike cattāro māse thale vasanti, avasese aṭṭhamāse yattha tiṇodakaṃ sukhaṃ labbhati,^t attha vasanti. Tañca nadītīraṃ vā jātassaratīraṃ vā hoti. Athāyampi vassakāle attano vasitagāmato nikkhamitvā gunnaṃ phāsuvihāratthāya okāsaṃ gavesanto mahāmahī bhijjitvā ekato kālamahī ekato mahāmahicceva saṅkhaṃ gantvā sandamānā puna samuddasamīpe samāgantvā pavattā, yaṃ okāsaṃ antaradīpaṃ akāsi, taṃ pavisitvā vacchānaṃ sālāṃ attano ca nivesanaṃ māpetvā vāsaṃ kappasi. Tassa satta puttā satta dhītaro satta suṇisā aneke ca kammakārā honti. Gopā nāma **vassanimittaṃ** jānanti. Yadā sakuṇikā kulāvakāni rukkhagge karonti, kakkāṭakā udakasamīpe dvāraṃ pidahitvā thalamīpadvārena² vaḷaṅjenti, tadā suvuṭṭhikā bhavissatīti gaṇhanti. Yadā pana sakuṇikā kulāvakāni nīcaṭṭhāne udakapiṭṭhe karonti, kakkāṭakā thalamīpe dvāraṃ pidahitvā udakasamīpadvārena³ vaḷaṅjenti, tadā dubbuṭṭhikā bhavissatīti gaṇhanti.

Atha so Dhaniyo suvuṭṭhikanimittāni upasallakkhetvā upakaṭṭhe vassakāle antaradīpā nikkhamitvā mahāmahiyā paratīre sattaakkāhampi deve vassante udakena anajjhottharaṇokāse attano vasanokāsaṃ katvā samantā parikkhipitvā vacchasālāyo māpetvā tattha nivāsaṃ kappesi. Athassa dāruṭiṇādisaṅgahe kate sabbesu

1. Dhammakoraṇḍaṃ (Sī)

2. Thalasaṃīpe dvārena (Sī, Ka)

3. Udaṅgasaṃīpe dvārena (Sī, Ka)

puttadārakammakaraporisesu samānīyesu¹ jātesu nānappakāre khajjabhojje paṭiyatte samantā catuddisā meghamaṇḍalāni uṭṭhahiṃsu. So dhenuyo duhāpetvā vacchasālāsu vacche saṅṭhāpetvā² gunnaṃ catuddisā dhūmaṃ kārāpetvā sabbaparijanaṃ bhojāpetvā sabbakiccāni kārāpetvā tattha tattha dīpe ujjālāpetvā sayam khīrena bhattam bhuñjitvā mahāsayane sayanto attano sīrisampattim disvā tuṭṭhacitto hutvā aparadisāya meghatthanitasaddam sutvā nipanno imaṃ udānaṃ udānesi “**pakkodano duddhakhīrohamasmī**”ti.

Tatrāyaṃ atthavaṇṇanā—**pakkodanoti** siddhabhatto. **Duddhakhīro**ti gāvo duhitvā gahitakhīro. **Ahanti** attānaṃ nidasseti, **asmīti** attano tathābhāvaṃ. **Pakkodano duddhakhīro** ca ahamasmi bhavāmīti attho. **Itīti** evamāhāti attho. Niddese pana “**itīti** padasandhi padasaṃsaggo padapāripūri akkharasamavāyo byañjanasiliṭṭhatā padānupubbatāmetan”ti³ evamassa attho vaṇṇito. Sopi idameva sandhāyāti veditabbo. Yaṃ yaṃ hi padaṃ pubbapadena vuttaṃ, tassa tassa evamāhāti etamatthaṃ pakāsentoyeva itisaddo pacchimena padena metteyyo iti vā Bhagavā iti vā evamādīnā padasandhi hoti, nāññathā.

Dhaniyo gopoti tassa seṭṭhiputtassa nāmasamodhānaṃ. So hi yānimāni thāvarādīni pañca dhanāni, tesu ṭhapetvā dānasīlādi-anugāmikadhanaṃ khettavatthu-ārāmādito thāvaradhanatopi, gavassādito jaṅgamadhanatopi, hiraññasuvaṇṇādito saṃhārimadhanatopi, sippāyatanādito aṅgasamadhanatopi yaṃ taṃ lokassa pañcagorasānuppadānena bahūpakāraṃ taṃ sandhāya “natthi gosamitaṃ dhanan”ti⁴ evaṃ visesitaṃ godhanaṃ, tena samannāgatattā **Dhaniyo**, gunnaṃ pālanato **gopo**. Yo hi attano gāvo pāleti, so “gopo”ti vuccati. Yo paresaṃ vetanena bhaṭo hutvā, so gopālako. Ayaṃ pana attanoyeva, tena gopoti vutto.

1. Samāhitesu (Sī)

3. Khu 8. 24 piṭṭhe.

2. Bandhāpetvā (Sī)

4. Saṃ 1. 6; Khu 10. 160 piṭṭhesu.

Anutīreti tīrassa samīpe. **Mahiyāti** mahāmahīnāmikāya nadiyā. Samānena anukūlavattinā parijanena saddhiṃ vāso yassa so samānavāso, ayañca tathāvidho. Tenāha “**samānavāso**”ti. **Channāti** tiṇṇapaṇṇacchadanehi anovassakā katā. **Kuṭīti** vasanagharassetam̐ adhivacanam̐. **Āhitoti** ābhato, jālito vā. **Ginīti** aggi. Tesu tesu ṭhānesu aggi “ginī”ti vohariyati. **Atha ce patthayasīti** idāni yadi icchasīti vuttam̐ hoti. **Pavassāti** siñca pagghara, udakam̐ muñcāti attho. **Devāti** megham̐ ālapati. Ayam̐ tāvettha padavaṇṇanā.

AYAM̐ PANA ATTHAVAṆṆANĀ—EVAMAYAM̐ DHANIYO GOPPO ATTANO
 sayanaghare mahāsayane nipanno meghatthanitam̐ sutvā
 “pakkodanohamasmī”ti bhaṇanto kāyadukkhavūpasamūpāyam̐
 kāyasukhahetuñca attano sannihitam̐ dīpeti, “duddhakhīrohamasmī”ti
 bhaṇanto cittadukkhavūpasamūpāyam̐ cittasukhahetuñca, “anutīre mahiyā”ti
 nivāsaṭṭhānasampattim̐, “samānavāso”ti tādise kāle
 piyavippayogapadaṭṭhānassa sokassābhāvam̐, “channā kuṭī”ti
 kāyadukkhāpagamaṭṭhānam̐. “Āhito ginī”ti yasmā gopolakā
 parikkhepadhūmadāru-aggivasena tayo aggī karonti, te ca tassa gehe sabbe
 katā, tasmā sabbadisāsu parikkhepaggiṃ sandhāya “āhito ginī”ti bhaṇanto
 vālamigāgamananivāraṇam̐ dīpeti, gunnam̐ majjhe gomayādīhi dhūmaggiṃ
 sandhāya ḍamsamakasādīhi gunnam̐ anābādham̐, gopālakānam̐ sayanaṭṭhāne
 dāru-aggiṃ sandhāya gopālakānam̐ sītābādhaṭṭhānam̐. So evam̐ dīpento
 attano vā gunnam̐ vā parijanassa vā vuṭṭhipaccayassa kassaci ābādhassa
 abhāvato pītisomanassajāto āha “atha ce patthayasī pavassa devā”ti.

19. Evam̐ Dhaniyassa imam̐ gātham̐ bhāsamānassa assosi Bhagavā
 dībbāya sotadhātuyā visuddhāya atikkantamānusikāya Jetavanamahāvihāre
 Gandhakuṭiyam̐ viharanto. Sutvā ca pana Buddhacakkhunā lokam̐ volokento
 addasa Dhaniyañca pajāpatiñcassa “ime ubhopi hetusampannā. Sace aham̐
 gantvā dhammam̐ desessāmi, ubhopi pabbajitvā arahattam̐ pāpuṇissanti. No
 ce gamissāmi, sve udakoghena vinassissanti”ti tañkhaṇeyeva Sāvattthito satta
 yojanasatāni Dhaniyassa nivāsaṭṭhānam̐ ākāsena gantvā tassa kuṭiyā upari
 aṭṭhāsi. Dhaniyo tam̐ gātham̐ punappunam̐

bhāsatiyeva, na niṭṭhāpeti, Bhagavati gatepi bhāsati. Bhagavā ca taṃ sutvā
“na ettakena santuṭṭhā vā vissatthā vā honti, evaṃ pana hontī”ti dassetuṃ—

**“Akkodhano vigatakhilohamasmi,
Anutīre mahiyekarattivāso.
Vivaṭā kuṭi nibbuto gini,
Atha ce patthayasī pavassa devā”ti—**

imaṃ paṭigāthaṃ abhāsi byañjanasabhāgaṃ no atthasabhāgaṃ. Na hi
“pakkodano”ti, “akkodhano”ti ca ādīni padāni atthato samenti
mahāsamuddassa orimapārimatīrāni viya, byañjanaṃ panettha kiñci kiñci
sametīti byañjanasabhāgāni honti. Tattha purimagāthāya sadisapadānaṃ
vuttanayeneva attho veditabbo.

Visesapadānaṃ panāyaṃ padato atthato ca vaṇṇanā—**akkodhanoti**
akujjhanasabhāvo. Yo hi so pubbe vuttappakāra-āghatavatthusambhavo
kodho ekaccassa suparittopi uppajjamāno hadayaṃ santāpetvā vūpasammati,
yena ca tato balavataruppanna ekacco mukhavikuṇaṇamattaṃ karoti, tato
balavatarena ekacco pharusāṃ vattukāmo hanusañcalanamattaṃ karoti,
aparo tato balavatarena pharusāṃ bhaṇati, aparo tato balavatarena daṇḍaṃ
vā satthaṃ vā gavesanto disā viloketi, aparo tato balavatarena daṇḍaṃ vā
satthaṃ vā āmasati, aparo tato balavatarena daṇḍādīni gahetvā upadhāvati,
aparo tato balavatarena ekaṃ vā dve vā pahāre deti, aparo tato balavatarena
api nāṭisālohitāṃ jīvitā voropeti, ekacco tato balavatarena pacchā vippaṭisārī
attānampi jīvitā voropeti Sīhaḷadīpe Kālagāmaṃvāsī amacco viya. Ettāvātā ca
kodho paramavepullappatto hoti. So Bhagavatā Bodhimaṇḍeyeva sabbaso
pahīno ucchinnamūlo tālavatthukato, tasmā Bhagavā “akkodhanohamasmi”ti
āha.

Vigatakhiloti apagatakhilo. Ye hi te cittabandhabhāvena¹ pañca
cetokhilā vuttā, yehi ca khilabhūte citte seyyathāpi nāma khile

1. Cittahaddhabhāvena (Sī, Syā)

bhūmibhāge cattāro māse vassantepi deve sassāni na ruhanti, evamevaṃ saddhammassavanādikusalahetuvasse vassantepi kusalaṃ na ruhati, te ca Bhagavatā Bodhimaṇḍeveyeva sabbaso pahīnā, tasmā Bhagavā “vigatakhilohamasmī”ti āha.

Ekarattim vāso assāti ekarattivāso. Yathā hi Dhaniyo tattha cattāro vassike māse nibaddhavāsaṃ upagato na tathā Bhagavā. Bhagavā hi taṃyeva rattim tassa atthakāmatāya tattha vāsaṃ upagato. Tasmā “ekarattivāso”ti āha. **Vivaṭā**ti apanītacchadanā. **Kuṭī**ti attabhāvo. Attabhāvo hi taṃ taṃ atthavaśaṃ paṭicca kāyotipi guhātipi dehotipi sandehotipi nāvātipi rathotipi vaṇotipi dhajotipi sandehotipi nāvātipi rathotipi vaṇotipi dhajoti vammikotipi kuṭītipi kuṭikātipi vuccati, idha pana kaṭṭhādīni paṭicca gehanāmikā kuṭi viya aṭṭhi-ādīni paṭicca saṅkhyāṃ gatattā “kuṭi”ti vutto. Yathāha—

“Seyyathāpi āvuso kaṭṭhañca paṭicca valliñca paṭicca mattikañca paṭicca tiñañca paṭicca ākāso parivārīto agāraṃtveva saṅkham gacchati, e vameva kho āvuso aṭṭhiñca paṭicca nhāruñca paṭicca maṃsañca paṭicca cammañca paṭicca ākāso parivārīto rūpaṃtveva saṅkham gacchati”ti¹.

Cittamakkaṭassa nivāsato vā kuṭi. Yathāha—

“Aṭṭhi kaṅkalakuṭi ce sā, makkaṭāvasatho iti.
Makkoṭo pañcadvārāya, kuṭikāya pasakkiya.
Dvārena anupariyāti, ghaṭṭayanto punappunan”ti².

Sā kuṭi yena taṅhāmānadiṭṭhichadanena sattānaṃ channattā punappunaṃ rāgādikilesavassaṃ ativassati. Yathāha—

“Channamativassati, vivaṭaṃ nātivassati.
Tasmā channaṃ vivaretha, evaṃ taṃ nātivassati”ti³.

1. Ma 1. 248 piṭṭhe.

2. Khu 2. 247 piṭṭhe Theragāthāyaṃ.

3. Khu 1. 144; Khu 2. 289; Vi 5. 263 piṭṭhesu.

Ayaṃ gāthā dvīsu ṭhānesu vuttā Khandhake Theragāthāyaṃ ca. Khandhake hi “yo āpattiṃ paṭicchādeti, tassa kilesā ca punappunāṃ āpattiyo ca ativassanti, yo pana na paṭicchādeti, tassa nātivassanti”ti imaṃ atthaṃ paṭicca vuttā. Theragāthāyaṃ “yassa rāgādicchadanaṃ atthi, tassa puna iṭṭhārammaṇādīsu rāgādisambhavato channamativassati. Yo vā uppanne kilese adhvāseti, tasseva adhvāsetakilesacchadanacchannā attabhāvakuṭi punappunāṃ kilesavassaṃ ativassati, yassa pana arahattamaggañāṇāvātena kilesacchadanassa viddhaṃsittatā vivaṭā, tassa nātivassati”ti. Ayamatto idha adhippeto. Bhagavatā hi yathāvuttaṃ chadanaṃ yathāvutteneva nayena viddhaṃsitaṃ, tasmā “vivaṭā kuṭi”ti āha. **Nibbutoti** upasanto. **Ginīti** aggi. Yena hi ekādasavidhena agginā sabbamidaṃ ādittaṃ. Yathāha “ādittaṃ rāgagginā”ti¹ vitthāro. So aggi Bhagavato bodhimūleyeva ariyamaggasalilasekena nibbuto, tasmā “nibbuto ginī”ti āha.

Evam vadanto ca Dhaniyaṃ atuṭṭhabbena tussamānaṃ aññāpadeseneva paribhāsati ovadati anusāsati. Kathaṃ? “Akkodhana”ti hi vadamāno Dhaniya tvaṃ “pakkodanohamasmi”ti tuṭṭho, odanapāko ca yāvajīvaṃ dhanaparikkhayaena kattabbo, dhanaparikkhayo ca ārakkhādiddukkhapadaṭṭhāno², evaṃ sante dukkheneva tuṭṭho hosi, ahaṃ pana “akkodhanohamasmi”ti tussanto sandiṭṭhikasamparāyikadukkhābhāvena tuṭṭho homīti dīpeti. “Vigatakhilo”ti vadamāno tvaṃ “duddhakhīrohamasmi”ti tussanto akatakiccova “katakiccohamasmi”ti mantvā tuṭṭho, ahaṃ pana “vigatakhilohamasmi”ti tussanto katakiccova tuṭṭho homīti dīpeti. “Anutīre mahiyekarattivāso”ti vadamāno tvaṃ anutīre mahiyā samānavāsoti tussanto catumāsānibaddhavāseṇa tuṭṭho. Nibaddhavāso ca āvāsasaṅgena hoti, so ca dukkho³, evaṃ sante dukkheneva tuṭṭho hosi. Ahaṃ pana ekarattivāsoti tussanto anibaddhavāseṇa tuṭṭho, anibaddhavāso ca āvāsasaṅgābhāvena hoti, āvāsasaṅgābhāvo ca sukhoti sukheneva tuṭṭho homīti dīpeti.

1. Saṃ 2. 51; Vi 3. 44 piṭṭhesu.

2. Ajjanarakkhaṇādīpadaṭṭhānaṃ (Sī), anurakkhaṇādīsu dukkhapadaṭṭhānaṃ (Syā)

3. Dukkhaṃ (Sī, Syā)

“Vivaṭā kuṭī”ti vadamāno tvaṃ channā kuṭīti tussanto channagehamtāya tuṭṭho, gehe ca te channepi attabhāvakuṭīkaṃ kilesavassaṃ ativassati, yena sañjanitehi catūhi mahoghehi vuyhamāno anayabyasanaṃ pāpuṇeyyāsi, evaṃ sante atuṭṭhabbeneva tuṭṭho hosi. Ahaṃ pana “vivaṭā kuṭī”ti tussanto attabhāvakuṭiyā kilesacchadanābhāvena tuṭṭho, evañca me vivaṭāya kuṭiyā na taṃ kilesavassaṃ ativassati, yena sañjanitehi catūhi mahoghehi vuyhamāno anayabyasanaṃ pāpuṇeyyaṃ, evaṃ sante tuṭṭhabbeneva tuṭṭho homīti dīpeti. “Nibbuto ginī”ti vadamāno tvaṃ āhito ginīti tussanto akatūpaddavanivāraṇova katūpaddavanivāraṇosmīti mantvā tuṭṭho, ahaṃ pana nibbuto ginīti tussanto ekādasaggipariḷāhābhāvato katūpaddavanivāraṇatāyeva tuṭṭhoti dīpeti. “Atha ce patthayasī pavassa devā”ti vadamāno evaṃ vigatadukkhānaṃ anuppattasukhānaṃ katasabbakiccānaṃ amhādisānaṃ etaṃ vacanaṃ sobhati, atha ce patthayasi, pavassa deva, na no tayi vassante vā avassantevā¹ vuḍḍhi vā hāni vā atthi, tvaṃ pana kasmā evaṃ vadasīti dīpeti. Tasmā yaṃ vuttaṃ “evaṃ vadanto ca Dhaniya atuṭṭhabbeneva tussamānaṃ aññāpadeseneva paribhāsati ovadati anusāsati”ti, taṃ sammadeva vuttanti.

20. Evamimaṃ Bhagavatā vuttaṃ gāthaṃ sutvāpi Dhaniyo gopo “ko ayaṃ gāthaṃ bhāsati”ti avatvā tena subhāsitena parituṭṭho punapi tathārūpaṃ sotukāmo aparampi gāthamāha “**andhakamakasā**”ti. tattha **andhakā**ti kālamakkhikānaṃ² adhivacanaṃ, piṅgalamakkhikānantipi eke. **Makasāti** makasāyeva. **Na vijjareti** natthi. **Kaccheti** dve kacchā nadīkaccho ca pabbatakaccho ca, idha nadīkaccho. **Ruḷhatīneti** sañjātatiṇe. **Carantīti** bhattakiccaṃ karonti. **Vuṭṭhimpīti** vātavuṭṭhi-ādikā anekā vuṭṭhiyo, tā Āḷavakasutte pakāsāyissāma. Idha pana vassavuṭṭhim sandhāya vuttaṃ. **Saheyyunti** khomeyyuṃ. Sesāṃ pākaṭameva. Ettha Dhaniyo ye andhakamakasā sannipatitvā rudhire³ pivantā muhutteneva gāvo anayabyasanaṃ pāpenti, tasmā vuṭṭhitamatteyeva te gopālakā paṃsunā ca sākhāhi

1. Tayā vassantena vā avassantena vā (Sī, Syā)

2. Kāṇamakkhikānaṃ (Sī)

3. Ruhiraṃ (Sī), ruhira (Syā)

ca mārenti, tesam abhāvena gunnaṃ khemataṃ, kacche ruḥhatinācaraṇena addhānagamanaparissamābhāvaṃ vatvā khudākilamathābhāvañca dīpento “yathā aññesaṃ gāvo andhakamakasasamphassehi dissamānā¹ addhānagamanena kilantā khudāya milāyamānā² ekavuṭṭhinipātampi na saheyyuṃ, na me tathā gāvo, mayhaṃ pana gāvo vuttappakārābhāvā dvikkhattuṃ vā tikkhattuṃ vā vuṭṭhimpī saheyyuṃ”ti dīpeti.

21. Tato Bhagavā yasmā Dhaniyo antaradīpe vasanto bhayaṃ disvā kullaṃ bandhitvā mahāmahim taritvā taṃ kacchaṃ āgamma “ahaṃ suṭṭhu āgato, nibbhayaeva ṭhāne ṭhito”ti maññamāno evamāha, sabhaya eva ca so ṭhāne ṭhito, tasmā tassa āgamaṇaṭṭhānā attano āgamaṇaṭṭhānaṃ uttaritarañca paṇītarañca vaṇṇonto “**baddhāsi bhisī**”ti imaṃ gāthamabhāsi atthasabhāgaṃ no byañjanasabhāgaṃ.

Tattha **bhisī**ti pattharivā puthulaṃ katvā baddhakullo vuccati loke, ariyassa pana dhammavinaye ariyamaggasettaṃ adhivacanaṃ. Ariyamaggo hi—

Maggo pajjo patho pantho, añjasam vaṭumāyanaṃ.
Nāvā uttarasetu ca, kullo ca bhisī saṅkamo³.
Addhānaṃ pabhavo ceva, tattha tattha pakāsito.

Imāyapi gāthāya Bhagavā purimanayeneva taṃ ovadanto imaṃ atthaṃ āhāti veditabbo—Dhaniya tvaṃ kullaṃ bandhitvā mahim taritvā imaṃ ṭhānamāgato, punapi ca te kullo bandhitabbo eva bhavissati, nadī ca taritabbā, na cetaṃ ṭhānaṃ khemaṃ. Mayā pana ekacitte maggaṅgāni samodhānetvā ñāṇabandhanena baddhā ahoṣi bhisī, sā ca sattatimsabodhipakkiyadhammaparipuṇṇatāya ekarasabhāvūpagatattā aññamaññaṃ anativattanena puna bandhitabbappayojanābhāvena devamanussesu kenaci mocetuṃ asakkuṇeyyatāya ca susaṅkhatā, tāya camhi **tiṇṇo** pubbe patthitaṃ tīrappadesaṃ gato. Gacchantopi ca na sotāpannādayo viya kañcīdeva padesaṃ gato, atha **pāragato** sabbāsavakkhayaṃ sabbadhammapāraṃ paramaṃ khemaṃ nibbānaṃ gato, **tiṇṇoti** vā sabbaññutaṃ patto, **pāragatoti** arahattaṃ

1. Rissamānā (Sī)

2. Mīyamānā (Sī, Syā)

3. Khu 8. 201 piṭṭhe Cūḷaniddese.

patto. Kim vineyya pāragatoti ce? **Vineyya ogham**, kāmoghādicatubbidham ogham taritvā atikkamma tam pāram gatoti. Idāni ca pana me puna taritabbābhāvato **attho bhisiyā na vijjati**, tasmā mameva yuttam vattum “atha ce patthayasī pavassa devā”ti.

22. Tampi sutvā Dhaniyo purimanayeneva “**gopī mama assavā**”ti imam gātham abhāsi. Tattha **gopī**ti bhariyam niddisati. **Assavā**ti vacanakarā kim kārapaṭṭisāvinī. **Alolā**ti mātuḡāmo hi pañcahi lolatāhi lolo hoti āhāralolatāya alaṅkāralolatāya parapurisalolatāya dhanalolatāya pādalolatāya. Tathā hi mātuḡāmo bhattapūvasurādibhede āhāre lolatāya antamaso pārivāsikabhattampi bhuñjati, hatthotāpakampi khādati, diguṇam¹ dhanamanuppadatvāpi suram pivati. Alaṅkāralolatāya aññam alaṅkāram alabhamāno antamaso udakatelakenapi kese osaṅhetvā² mukham parimajjati. Parapurisalolatāya antamaso puttenapi tādise padese pakkosiyamāno paṭhamam asaddhammasena cinteti. Dhanalolatāya haṁsarājam gahetvāna suvaṇṇā parihāyatha. Pādalolatāya āramādigamanasīlo hutvā sabbam dhanam vināseti. Tattha Dhaniyo “ekāpi lolatā mayham gopiyā natthī”ti dassento “**alolā**”ti āha.

Dīgharattam saṁvāsīyāti dīghakālam saddhim vasamānā komārabhāvato pabhuti ekato vaḍḍhitā. Tena parapurise na jānātīti dasseti. **Manāpā**ti evam parapurise ajānantī mameva manam³ allīyatīti dasseti. **Tassā na suṇāmi kañci pāpanti** “itthannāmena nāma saddhim imāya hasitam vā lapitam vā”ti evam tassā na suṇāmi kañci aticāradosanti dasseti.

23. Atha Bhagavā etehi guṇehi gopiyā tuṭṭham Dhaniyam ovadanto purimanayeneva “**cittam mama assavan**”ti imam gāthamabhāsi atthasabhāgam byañjanasabhāgañca. Tattha uttānatthāneva padāni. Ayam pana adhippāyo—Dhaniya tvam “gopī mama assavā”ti tuṭṭho, sā pana te

1. Dviguṇam (Sī)

2. Osaṅhetvā (Sī)

3. Mameva (Sī)

assavā bhaveyya vā na vā, dujjānaṃ paracittaṃ, viśesato mātugāmaṣṣa. Mātugāmaṃ hi kucchiyā parihaṛantāpi rakkhituṃ na sakkonti, evaṃ durakkhacittattā eva na sakkā tumhādisehi itthī alolāti vā samvāsīyāti vā manāpāti vā nippāpāti vā jānituṃ, mayhaṃ pana cittaṃ assavaṃ ovādapāṭikaraṃ, mama vase vattati, nāhaṃ tassa vase vattāmi. So cassa assavabhāvo yamakapāṭihāriye channaṃ vaṇṇānaṃ aggidhārāsu ca udakadhārāsu ca pavattamānāsu sabbajanassa pākaṭo ahoṣi. Agginimmāne hi tejokasiṇaṃ samāpajjitabbaṃ udakanimmāne āpokasiṇaṃ, nīlādi nimmāne nīlādikasiṇāni. Buddhānampi hi dve cittaṇi ekato nappavattanti, ekameva pana assavabhāvena evaṃ vasavatti ahoṣi. Tañca kho pana sabbakilesabandhanāpagamā **vimuttaṃ**, vimuttattā tadeva **alolaṃ**, na tava gopī. Dīpaṅkarabuddhakālato ca pabhuti dānasīlādīhi dīgharattaṃ paribhāvittatā **samvāsīyaṃ**, na tava gopī. Tadetam anuttarena damathena damittatā **sudantaṃ**, sudantattā attano vasena chadvāravisevanaṃ pahāya mameva adhippāyamaṣṣa vasaṇānuvattanato **manāpaṃ**, na tava gopī.

Pāpaṃ pana me na vijjatīti iminā pana Bhagavā tassa attano cittassa pāpābhāvaṃ dasseti, Dhaniyo viya gopiyā. So cassa pāpābhāvo na kevalaṃ Sammāsambuddhakāleyeva, ekūnatimsa vassāni sarāgādīkāle agāramajjhe vasantassāpi vedittabbo. Tadāpi hissa agāriyabhāvānurūpaṃ viññupāṭikuṭṭhaṃ kāyaduccaritaṃ vā vacīduccaritaṃ vā manoduccaritaṃ vā na uppannapubbaṃ. Tato paraṃ māropi chabbassāni anabhisambuddhaṃ, ekaṃ vassaṃ abhisambuddhanti satta vassāni Tathāgataṃ anubandhi “appeva nāma vālagganitudanamattampissa pāpasamācāraṃ passeyyan”ti. So adisvāva nibbinno imaṃ gāthaṃ abhāsi—

“Satta vassāni Bhagavantaṃ, anubandhiṃ padāpadaṃ.
Otāraṃ nādhigacchissaṃ, Sambuddhassa satīmato”ti¹.

Buddhakālepi naṃ Uttaramāṇavo satta māsāni anubandhi ābhisamācārikaṃ daṭṭhukāmo. So kiñci vajjaṃ adisvāva parisuddhasamācāro Bhagavāti gato. Cattāri hi Tathāgatassa arakkheyyāni. Yathāha—

1. Khu 1. 343 piṭṭhe.

“Cattārimāni bhikkhave Tathāgatassa arakkheyyāni. Katamāni cattāri, parisuddhakāyasamācāro bhikkhave Tathāgato, natthi Tathāgatassa kāyaduccaritaṃ, yaṃ Tathāgato rakkheyya ‘mā me idaṃ paro aññāsī’ti, parisuddhavacīsamācāro -pa-. Parisuddhamanosamācāro -pa-. Parisuddhājīvo bhikkhave Tathāgato, natthi Tathāgatassa micchājīvo, yaṃ Tathāgato rakkheyya ‘mā me idaṃ paro aññāsī’ti”¹.

Evam yasmā Tathāgatassa cittassa na kevalaṃ Sammāsambuddhakāle, pubbepi pāpaṃ natthi eva, tasmā āha “pāpaṃ pana me na vijjatī”ti. Tassādhippāyo—mameva cittassa pāpaṃ na sakkā suṇitum, na tava gopiyā. Tasmā yadi etehi guṇehi tuṭṭhena “atha ce patthayasī pavassa devā”ti vattabbaṃ, mayāvetam vattabbanti.

24. Tampi sutvā Dhaniyo tatuttaripi subhāsitarasāyanam pivitukāmo attano bhujissabhāvaṃ dassento āha “**attavetanabhatohamasmī**”ti. Tattha **attavetanabhatoti** attaniyeneva ghāsacchādanena bhato, attanoyeva kammaṃ katvā jīvāmi, na parassa vetanaṃ gahetvā parassa kammaṃ karomīti dasseti. **Puttāti** dhītarō ca puttā ca, te sabbe puttātveva ekajjhaṃ vuccanti. **Samāniyāti** sannihitā avippavuṭṭhā. **Arogāti** nirābādhā, sabbeva ūrubāhubalāti² dasseti. **Tesaṃ na suṇāmi kiñci pāpanti** tesaṃ corāti vā paradārikāti vā dussilāti vā kiñci pāpaṃ na suṇāmīti.

25. Evam vutte Bhagavā purimanayeneva Dhaniyam ovadanto imaṃ gāthaṃ abhāsi “**nāham bhatako**”ti. Atrāpi uttānatthāneva padāni. Ayam pana adhippāyo—tvam “bhujissohamasmī”ti mantvā tuṭṭho, paramatthato ca attano kammaṃ karitvā jīvantopi dāso evāsi taṇhādāsattā, bhatakavādā ca na parimuccasi. Vuṭṭañhetam “ūno loko atitto taṇhādāso”ti³. Paramatthato pana nāham bhatakosmi kassaci. Ahañhi kassaci parassa vā attano vā bhatako na homi. Kim kāraṇā?

1. Am 2. 459 piṭṭhe.

2. Ūrubalībāhubalīti (Sī), ūrupāsībāhubalīti (Syā)

3. Ma 2. 256 piṭṭhe.

Yasmā **nibbiṭṭhena carāmi sabbaloke**. Ahañhi Dīpaṅkarapādamūlato yāva bodhi, tāva sabbaññutaññāṇassa bhatako ahoṣim. Sabbaññutaṃ patto pana nibbiṭṭho nibbiso¹ rājabhato viya, teneva nibbiṭṭhena sabbaññubhāvena lokuttarasamādhisukhena ca jīvāmi. Tassa me idāni uttarikaraṇīyassa kataparicayassa vā abhāvato appahīnapaṭisandhikānaṃ tādīsānaṃ viya pattabbo koci **attho bhatiyā na vijjati**. “Bhaṭiyā”tipi pāṭho. Tasmā yadi bhujissatāya tuṭṭhena “atha ce patthayasī pavassa devā”ti vattabbaṃ, mayāvetāṃ vattabbanti.

26. Tampi sutvā Dhaniyo atittova subhāsītāmatena attano pañcappakāragomaṇḍalaparipuṇṇabhāvaṃ dasseto āha “**atthi vasā**”ti. Tattha **vasā**ti adāmitavuḍḍhavacchakā. **Dhenupā**ti dhenuṃ pivantā taruṇavacchakā, khīradāyikā vā gāvo. **Godharaṇiyoti** gabbhiniyo. **Paveṇiyoti** vayappattā balībaddehi saddhim methunapatthanakagāvo. **Usabhopi gavampatī**ti yo gopālakehi pāto eva nhāpetvā bhojetvā pañcaṅgulaṃ datvā mālaṃ bandhitvā “chi tāta gāvo gocaraṃ pāpetvā rakkhivā ānehī”ti pesīyati, evaṃ pesito ca tā gāvo agocaraṃ pariharitvā gocare cāretvā sīhabyagghādibhayā parittāyitvā āneti, tathārūpo usabhopi gavampati idha mayhaṃ gomaṇḍale atthīti dassesi.

27. Evaṃ vutte Bhagavā tatheva Dhaniyaṃ ovaḍanto imaṃ paccanīkagāthaṃ āha “**natthi vasā**”ti. Ettha cesa adhippāyo—idha amhākaṃ sāsane adāmitaṭṭhena vuḍḍhaṭṭhena ca vasāsaṅkhātā pariyuṭṭhānā vā, taruṇavacchake sandhāya vasānaṃ mūlaṭṭhena khīradāyiniyo sandhāya paggharaṇaṭṭhena dhenupāsaṅkhātā anusayā vā, paṭisandhigabbhadhāraṇaṭṭhena gocaraṇisaṅkhātā puññāpuññāneñjābhisāṅkhācetanā vā, saṃyogapatthanaṭṭhena paveṇisaṅkhātā patthanaṃ taṇhā vā, ādhipaccaṭṭhena pubbaṅgamaṭṭhena seṭṭhaṭṭhena ca gavampati-usabhasāṅkhātāṃ abhisāṅkhāraviññāṇaṃ vā natthi, svāhaṃ imāya sabbayogakkhemabhūtāya natthitāya tuṭṭho, tvam pana sokādivatthubhūtāya atthitāya

1. Nibbiṭṭhanibbiso (Sī, Syā)

tuṭṭho. Tasmā sabbayogakkhematāya tuṭṭhassa mamevetam yuttam vuttum
“atha ce patthayasī pavassa devā”ti.

28. Tampi sutvā Dhaniyo tatuttaripi subhāsitaṃ amatarasaṃ
adhigantukāmo attano gogaṇassa khilabandhanasampattim dassento āha
“**khilā nikhātā**”ti. Tattha **khilāti** gunnaṃ bandhanatthambhā. **Nikhātāti**
ākoṭetvā bhūmiyaṃ pavesitā khuddakā mahantā khaṇitvā ṭhapitā.
Asampavedhīti akampakā. **Dāmāti** vacchakānaṃ bandhanatthāya katā ganthi
tapāsayuttā¹ rajjubandhanavisesā. **Muñjamayāti** muñjatiṇamayā. **Navāti**
acirakatā. **Susanṭhānāti** suṭṭhu saṅṭhānā, suvaṭṭitasanṭhānā vā. **Na hi**
sakkhintīti neva sakkhissanti. **Dhenupāpi chettunti** taruṇavacchakāpi
chinditum.

29. Evaṃ vutte Bhagavā Dhaniyassa indriyaparipākakālaṃ ñatvā
purimanayeneva taṃ ovadanto imaṃ catusaccadīpikaṃ gāthaṃ abhāsi
“**usabhoriva chetvā**”ti. Tattha **usabhoti** gopitā gopariṇāyako goyūthapati
balībaddo. Keci pana bhaṇanti “gavasatajeṭṭho usabho, sahasasajeṭṭho
vasabho, satasahasasajeṭṭho nisabho”ti. Apare “ekagāmakhette jeṭṭho usabho,
dvīsu jeṭṭho vasabho, sabbattha appaṭihato nisabho”ti. Sabbepete papañcā,
apica kho pana usabhoti vā vasabhoti vā nisabhoti vā sabbepete
appaṭisamatṭhena veditabbā. Yathāha “nisabho vata bho samaṇo
Gotamo”ti². Rakāro padasandhikaro. **Bandhanānīti** rajjubandhanāni
kilesabandhanāni ca. **Nāgoti** hatthī. **Pūtilatanti** gaḷocīlataṃ. Yathā hi
suvaṇṇavaṇṇopi kāyo pūtikāyo, vassasatikopi sunakho kukkuro,
tadahujātopi siṅgālo “jarasiṅgālo”ti vuccati, evaṃ abhinavāpi gaḷocīlatā
asārakattena “pūtilatā”ti vuccati. **Dālayitvāti**³ chinditvā. Gabbhañca
seyyañca **gabbhaseyyam**. Tattha gabbhaggahaṇena jalābujayoni,
seyyaggahaṇena avasesā⁴. Gabbhaseyyamukhena vā sabbāpi tā vuttāti
veditabbā. Sesamettha padatthato uttānameva.

1. Ganthitā nandipāsayuttā (Sī), gaṇṭhipāsayuttā (Syā)

2. Saṃ 1. 26 piṭṭhe.

3. Padālayitvāti (Syā, Ka)

4. Avasesā gabbhaseyyā (Ka)

Ayaṃ panettha adhippāyo—Dhaniya tvaṃ bandhanena tuṭṭho, ahaṃ pana bandhanena aṭṭiyanto thāmaṃvīriyūpeto mahā-usabhoriva bandhanāni pañcuddhambhāgiyasaññojanāni catuttha-ariyamaggathāmaṃvīriyena chetvā, nāgo pūtilataṃva pañcorambhāgiyasaññojanabandhanāni heṭṭhāmagattayathāmaṃvīriyena dālayitvā, atha vā usabhoriva bandhanāni anusaye nāgo pūtilataṃva pariyuṭṭhānāni chetvā dālayitvāva ṭhito. Tasmā na puna gabbhaseyyaṃ upessaṃ. Sohaṃ jātidukkhavatthukehi sabbadukkhehi parimutto sobhāmi “atha ce patthayasī pavassa devā”ti vadamāno. Tasmā sace tvampi ahaṃ viya vattumicchasi, chinda tāni bandhanānīti. Ettha ca bandhanāni samudayasaccaṃ, gabbhaseyyā dukkhasaccaṃ, “na upessaṃ”ti ettha anupagamo anupādisesavasena, “chetvā dālayitvā”ti ettha chedo padālanañca sa-upādisesavasena nirodhasaccaṃ, yena chindati padāleti ca, taṃ maggasaccanti.

Evametaṃ catusaccadīpikaṃ gāthaṃ sutvā gāthāpariyosāne Dhaniyo ca pajāpati cassa dve ca dhītaroti cattāro janā sotāpattiṭṭhale patiṭṭhahimsu. Atha Dhaniyo aveccappasādayogena Tathāgate mūlajātāya patiṭṭhitāya saddhāya paññācakkhunā Bhagavato dhammakāyaṃ disvā dhammatāya coditahadayo¹ cintesi—“bandhanāni chindim, gabbhaseyyo ca me natthī”ti Avīcim pariyantaṃ katvā yāva bhavaggā ko añño evaṃ sīhanādaṃ nadissati aññatra Bhagavatā, āgato nu kho me Satthāti. Tato Bhagavā chabbaṇṇarasamijālavittraṃ suvaṇṇarasasekapiñjaraṃ viya sarīrābhaṃ Dhaniyassa nivesane muñci “passa dāni yathāsukhan”ti.

30. Atha Dhaniyo anto pavīṭṭhacandimasūriyaṃ viya samantā pajjalitapadīpasahassasamujjalitamiva ca nivesanaṃ disvā “āgato Bhagavā”ti cittaṃ uppādesi, tasmimīyeva ca samaye meghopi pāvassi. Tenāhu saṅgītikārā “**ninnañca thalañca pūrayanto**”ti. Tattha **ninnanti** pallalaṃ. **Thalanti** ukkūlaṃ. Evametaṃ ukkūlavikūlaṃ sabbampi samaṃ katvā pūrayanto mahāmegho pāvassi, vassituṃ ārabhīti vuttaṃ hoti. **Tāvadevāti** yaṃ khaṇaṃ Bhagavā sarīrābhaṃ muñci, Dhaniyo ca “Satthā me āgato”ti saddhāmayam

1. Dhammakāyasañcoditahadayo (Syā), dhammakāyacoditahadayo (Ka)

cittābhaṃ muñci, taṃ khaṇaṃ pāvassīti. Keci pana “sūriyuggamanampi tasmimyeva khaṇe”ti vaṇṇayanti.

31-32. Evaṃ tasmim Dhaniyassa saddhuppādatathāgatobhāsapharaṇa-sūriyuggamanakkhaṇe vassato devassa saddaṃ sutvā Dhaniyo pītisomanassajāto imamattaṃ abhāsatha “**lābhā vata no anappakā**”ti. Dve gāthā vattabbā.

Tattha yasmā Dhaniyo saputtadāro Bhagavato ariyamaggapaṭivedhena dhammakāyaṃ disvā lokuttaracakkhunā rūpakāyaṃ disvā lokiyacakkhunā saddhāpaṭilābhaṃ labhi, tasmā āha “lābhā vata no anappakā, ye mayaṃ Bhagavantam addasāmā”ti. Tattha **vata**-iti vimhayatthe nipāto. **No**-iti amhākaṃ. **anappakā**ti vipulā. Sesaṃ uttānameva. **Saraṇam taṃ upemā**ti ettha pana kiñcāpi maggapaṭivedhenevassa siddhaṃ saraṇagamaṇam, tattha pana nicchayagamaṇameva gato, idāni vācāya attasanniyātanaṃ karoti. Maggavasena vā sanniyātanasaraṇataṃ acalasaraṇataṃ patto, taṃ paresaṃ vācāya pākaṭam karonto paṇipātasaraṇagamaṇam gacchati. **Cakkhumā**ti Bhagavā pakatidibbapaññāsamantabuddhacakkhūhi pañcahi cakkhūhi cakkhumā. Taṃ ālapanto āha “saraṇam taṃ upema cakkhumā”ti. **Satthā no hohi tuvaṃ Mahāmunī**ti idaṃ pana vacanaṃ sissabhāvūpagamaṇenāpi saraṇagamaṇam pūretuṃ bhaṇati, **gopī ca ahañca assavā, brahmacariyaṃ Sugate carāmaseti** idaṃ samādānavasena.

Tattha **brahmacariyanti** methanaviratimaggasamaṇadhammasāsanasadārasantosā-nametaṃ adhivacanaṃ. “Brahmacārī”ti evamādīsu¹ hi methunavirati brahmacariyanti vuccati. “Idaṃ kho pana me Pañcasikha brahmacariyaṃ ekantanibbidāyā”ti evamādīsu² maggo. “Abhijānāmi kho panāhaṃ Sāriputta caturaṅgasamannāgataṃ brahmacariyaṃ caritā”ti evamādīsu³ samaṇadhammo. “Tayidaṃ brahmacariyaṃ iddhañceva phītañcā”ti evamādīsu⁴ sāsanaṃ.

1. Ma 1. 51 piṭṭhe.

3. Ma 1. 110 piṭṭhe.

2. Dī 2. 201 piṭṭhe.

4. Dī 3. 102 piṭṭhe.

“Mayañca bhariyā nātikkamāma,
Amhe ca bhariyā nātikkamanti.
Aññatra tāhi brahmacariyaṃ carāma,
Tasmā hi amhaṃ daharā na mīyare”¹—

evamādīsu sadārasantoso. Idha pana
samañadhammabrahmacariyapubbaṅgamaṃ
uparimaggabrahmacariyamadhippetam. **Sugateti** Sugatassa santike. Bhagavā
hi antadvayamanupaggamma suṭṭhu gatattā, sobhaṇena ca
ariyamaggagamanena samannāgatattā, sundarañca nibbānasaṅkhātāṃ
ṭhānaṃ gatattā Sugatoti vuccati. Samīpatthe cettha bhummavacanaṃ, tasmā
Sugatassa santiketi attho. **Carāmaseti** carāma. Yañhi taṃ sakkate² carāmasīti
vuccati, taṃ idha carāmaseti. Aṭṭhakathācariyā pana “seti nipāto”³ti bhaṇanti,
teneva cettha āyācanatthaṃ sandhāya “carema se”⁴tipi pāṭhaṃ vikappenti.
Yaṃ ruccati, taṃ gahetabbaṃ.

Evam Dhaniyo brahmacariyacaraṇāpadesena Bhagavantam pabbajjam
yācitvā pabbajjapayojanaṃ dīpento āha “**jātimaraṇassa pāragū**”,
dukkhassantakarā bhavāmase”³ti. **Jātimaraṇassa pāraṃ** nāma nibbānaṃ, taṃ
arahattamaggena gacchāma. **Dukkhasāti** vaṭṭadukkhassa. **Antakarāti**
abhāvakarā. **Bhavāmaseti** bhavāma, atha vā aho vata mayaṃ bhaveyyāmāti.
“Carāmase”³ti ettha vuttanayeneva taṃ veditabbaṃ. Evaṃ vatvāpi ca puna
ubhopi kira Bhagavantam vanditvā “pabbājetha no Bhagavā”³ti evam
pabbajjam yācimsūti.

33. Atha māro pāpimā evam te ubhopi vanditvā pabbajjam yācante
disvā “ime mama visayaṃ atikkamitukāmā, handa nesaṃ antarāyaṃ
karomī”³ti āgantvā gharāvāse guṇaṃ dassento imaṃ gāthamāha “**nandati
putthehi puttimā**”³ti. Tattha **nandatīti** tussati modati. **Puttehīti** putthehipi
dhītarehipi, sahayogatthe, karaṇatthe vā karaṇavacanaṃ, puttehi saha
nandati, puttehi karaṇabhūtehi nandatīti vuttaṃ hoti. **Puttimāti** puttavā
puggalo. **Itīti** evamāha. **Māroti** vasavattibhūmiyaṃ aññataro
Dāmarikadevaputto. So hi saṭṭhānātikkamitukāmam⁴

1. Khu 5. 214 piṭṭhe.

3. Pāragā (Sī, Syā)

2. Sakkatena (Sī), sugatena (Syā), sugate (Ka)

4. Taṃ ṭhānaṃ atikkamitukāmam (Sī, Syā)

janam yaṃ sakkoti, taṃ māreti. Yaṃ na sakkoti, tassapi maraṇam icchati. Tena “māro”ti vuccati. **Pāpimāti** lāmakapuggalo, pāpasamācāro vā. Saṅgītikārānametaṃ vacanam, sabbagāthāsu ca īdisāni¹. Yathā ca puttehi puttīmā, gopiyo² gohi tatheva nandati. Yassa gāvo atthi, sopi gopiyo, gohi saha, gohi vā karaṇabhūtehi tatheva nandatīti attho.

Evam vatvā idāni tassatthassa sādhakakāraṇam niddisati “**upadhī hi narassa nandanā**”ti. Tattha **upadhīti** cattāro upadhayo kāmūpadhi khandhūpadhi kilesūpadhi abhisāṅkhārūpadhīti. Kāmā hi “yaṃ pañcakāmaguṇe paṭicca uppajjati sukham somanassam, ayam kāmānam assādo”ti³ evam vuttassa sukhasa adhiṭṭhānabhāvato upadhīyati ettha sukhanti iminā cavanatthena upadhīti vuccanti, khandhāpi khandhamūlakadukkhassa adhiṭṭhānabhāvato, kilesāpi apāyadukkhassa adhiṭṭhānabhāvato, abhisāṅkhārāpi bhavadukkhassa adhiṭṭhānabhāvato. Idha pana kāmūpadhi adhippeto. So sattasaṅkhāravasena duvidho. Tattha satta paṭibaddho padhāno, taṃ dassento “puttehi gohī”ti vatvā kāraṇamāha “upadhī hi narassa nandanā”ti. Tassattho—yasmā ime kāmūpadhī narassa nandanā, nandayanti naram pītisomanassam upasamharantā, tasmā veditabbametam “nandati puttehi puttīmā, gopiyo gohi tatheva nandati, tvañca puttīmā gopiyo ca, tasmā etehi nanda, mā pabbajjam pāṭikānkhi. Pabbajitassa hi ete upadhayo na santi, evam sante tvaṃ dukkhassantam patthentopi dukkhitova bhavissasī”ti.

Idāni tassapi atthassa sādhakakāraṇam niddisati “**na hi so nandati, yo nirūpadhī**”ti. Tassattho—yasmā yassete upadhayo natthi, so piyehi nātīhi⁴ vippayutto nibbhogūpakaraṇo na nandati, tasmā tvaṃ ime upadhayo vajjetvā pabbajito dukkhitova bhavissasīti.

34. Atha Bhagavā “māro ayam pāpimā imesam antarāyāya āgato”ti viditvā phalena phalam pātentō viya tāyeva mārenābhatāya upamāya māravadam bhindanto tameva gātham parivattetvā

1. Idisāni vacanasesāni (Syā), evam dissati (Ka)

3. Ma 1. 120 piṭṭhe.

2. Gomiyo (Sī)

4. Upadhīhi (Ka)

“upadhi sokavatthu”ti dassento āha “**socati puttehi puttimā**”ti tattha sabbam padatthato uttānameva. ayaṃ pana adhippāyo—mā pāpima evaṃ avaca “nandati puttehi puttimā”ti. Sabbeheva hi piyehi manāpehi nānābhāvo vinābhāvo, anattikkamanīyo ayaṃ vidhi, tesañca piyamanāpānam puttadārānam gavāssavaḷavahiraññasuvaṇṇādīnam vinābhāvena adhimattasokasallasamappitahadayā sattā ummattakāpi honti khittacittā, maraṇampi nigacchanti maraṇamattampi dukkham. Tasmā evaṃ gaṇha¹—**socati puttehi puttimā**. Yathā ca puttehi puttimā, **gopiyo gohi tatheva socatīti**. Kim kāraṇā? **Upadhī hi narassa socanā**. Yasmā ca upadhī hi narassa socanā, tasmā eva. **Na hi so socati, yo nirūpadhi**. Yo upadhīsu saṅgappahānena nirupadhi hoti, so santuṭṭho hoti kāyaparihārikena cīvarena kucchiparihārikena piṇḍapātena, yena yeneva pakkamati, samādāyeva pakkamati. Seyyathāpi nāma pakkhī sakuṇo -pa- nāparam itthattāyāti pajānāti. Evaṃ sabbasokasamugghātā na hi so socati, yo nirupadhīti. Iti Bhagavā arahattanikūṭena desanam vosāpesi. Atha vā yo nirupadhi, yo nikkilesa, so na socati. Yāvadeva hi kilesā santi, tāvadeva sabbe upadhayo sokapphalāva² honti, kilesappahānā pana natthi sokoti. Evampi arahattanikūṭeneva desanam vosāpesi. Desanāpariyosāne Dhaniyo ca gopī ca ubhopi pabbajīmsu, Bhagavā ākāseneva Jetavanam agamāsi. Te pabbajitvā arahattam sacchikarīmsu, vasanaṭṭhāne ca nesam gopālakā vihāram kāresum. So ajjāpi Gopālakavīhārotveva³ paññāyatīti.

Paramatthajotikāya Khuddakaṭṭhakathāya

Suttanipātaṭṭhakathāya

Dhanyasuttavaṇṇanā niṭṭhitā.

1. Taṇhāya (Syā, Ka)

2. Sokamūlā (Sī), sokamūlā vā (Syā)

3. Gokulaṅkavīhārotveva (Sī)

3. Khaggavisāṇasuttavaṇṇanā

Sabbesu bhūtesūti Khaggavisāṇasuttaṃ. Kā uppatti? Sabbasuttānaṃ catubbidhā uppatti attajjhāsayato parajjhāsayato aṭṭhuppattito pucchāvasito cāti. Dvayatānupassanādīnañhi attajjhāsayato uppatti, Mettasuttādīnaṃ parajjhāsayato, Uragasuttādīnaṃ aṭṭhuppattito, Dhammikasuttādīnaṃ pucchāvasito. Tattha Khaggavisāṇasuttassa avisesena pucchāvasito uppatti. Visesena pana yasmā ettha kāci gāthā tena tena paccekasambuddhena puṭṭhena vuttā, kāci apuṭṭhena attanā adhigatamagganayānurūpaṃ¹ udānaṃyeva udānentena, tasmā kāyaci gāthāya pucchāvasito, kāyaci attajjhāsayato uppatti.

Tattha yā ayaṃ avisesena pucchāvasito uppatti, sā ādito pabhuti evaṃ veditabbā—ekaṃ samayaṃ Bhagavā Sāvatthiyaṃ viharati, atha kho āyasmato Ānandassa rahogatassa paṭisallīnassa evaṃ cetaso parivitakko udapādi “Buddhānaṃ patthanā ca abhinīhāro ca dissati, tathā sāvakānaṃ, Paccekabuddhānaṃ na dissati, yaṃnūnāhaṃ Bhagavantaṃ upasaṅkamtivā puccheyyan”ti. So paṭisallānā vuṭṭhito Bhagavantaṃ upasaṅkamtivā yathākkamena etamatthaṃ pucchi. Athassa Bhagavā Pubbayogāvācarasuttaṃ abhāsi—

“Pañcime Ānanda ānisaṃsā pubbayogāvācare diṭṭheva dhamme paṭikacceva aññaṃ ārādheti. No ce diṭṭheva dhamme paṭikacceva aññaṃ ārādheti, atha maraṇakāle aññaṃ ārādheti. No ce maraṇakāle aññaṃ ārādheti, atha devaputto samāno aññaṃ ārādheti, atha Buddhānaṃ sammukhībhāve khippābhiñño hoti, atha pacchime kāle paccekasambuddho hoti”ti—

Evaṃ vatvā puna āha—

“Paccekabuddhā nāma Ānanda abhinīhārasampannā pubbayogāvācarā honti, tasmā Buddhapaccekabuddhasāvakānaṃ sabbesaṃ patthanā ca abhinīhāro ca icchi tabbo”ti.

1. Attano abhisamayānurūpaṃ (Sī)

So āha “Buddhānaṃ bhante patthanā kīva ciraṃ vaṭṭati”ti. Buddhānaṃ Ānanda heṭṭhimaparichedena cattāri asaṅkhyeyyāni kappasatasahassaṇca, majjhimaparichedena aṭṭha asaṅkhyeyyāni kappasatasahassaṇca, uparimaparichedena soḷasa asaṅkhyeyyāni kappasatasahassaṇca. Ete ca bheda paññādhikasaddhādhikavīriyādhikavasena ñātabbā. Paññādhikānaṃ hi saddhā mandā hoti, paññā tikkhā. Saddhādhikānaṃ paññā majjhimā hoti, saddhā balavā. Vīriyādhikānaṃ saddhāpaññā mandā, vīriyaṃ balavanti. Appatvā pana cattāri asaṅkhyeyyāni kappasatasahassaṇca divase divase Vessantaradānasadisāṃ dānaṃ dentopi tadanurūpasīlādīsabbapāramidhamme ācinantopi antarā Buddhō bhavissatīti netaṃ ṭhānaṃ vijjati. Kasmā? Ñāṇaṃ gabbhaṃ na gaṇhāti, vepullaṃ nāpajjati, paripākaṃ na gacchatīti. Yathā nāma timāsacatumāsapaṇcamāsaccayena nipphajjanakaṃ sassaṃ taṃ taṃ kālaṃ appatvā divase divase sahasakkhattuṃ keḷāyantopi udakena siṅcantopi antarā pakkhena vā māsenā vā nipphādessatīti netaṃ ṭhānaṃ vijjati. Kasmā? Sassaṃ gabbhaṃ na gaṇhāti, vepullaṃ nāpajjati, paripākaṃ na gacchatīti. Evamevaṃ appatvā cattāri asaṅkhyeyyāni -pa- netaṃ ṭhānaṃ vijjatīti. Tasmā yathāvuttameva kālaṃ pāramipūraṇaṃ kātabbaṃ ñāṇaparipākathāya. Ettakenapi ca kālena Buddhattaṃ patthayato abhinīhāra karaṇe aṭṭha sampattiyo icchitabbā. Ayañhi—

Manussattaṃ liṅgasampatti, hetu Satthāradassanaṃ.

Pabbajjā guṇasampatti, adhikāro ca chandatā.

Aṭṭhadhammasamodhānā, abhinīhāro samijjhati¹.

Abhinīhāroti ca mūlapañidhānassetaṃ adhivacanaṃ. Tattha **manussattanti** manussajāti. Aññatra hi manussajātiyā avasesajātīsu devajātiyampi ṭhitassa paṇidhi na ijjhati, ettha ṭhitena pana Buddhattaṃ patthentena dānādīni puññakammāni katvā manussattaṃyeva patthetabbaṃ, tattha ṭhatvā paṇidhi kātabbo. Evañhi samijjhati. **Liṅgasampattīti** purisabhāvo. Mātugāmanapuṃsaka-ubhatobyañjanakānañhi manussajātiyaṃ ṭhitānampi paṇidhi na samijjhati, tattha ṭhitena pana Buddhattaṃ patthentena dānādīni puññakammāni katvā purisabhāvoyeva patthetabbo, tattha ṭhatvā paṇidhi kātabbo.

1. Khu 4. 311 piṭṭhe Buddhavaṃse.

Evañhi samijjhati. **Hetū**ti arahattassa upanissayasampatti. Yo hi tasmiñ attabhāve vāyamanto arahattañ pāpuñituñ samattho, tassa samijjhati, no itarassa yathā Sumedhapaṇḍitassa. So hi Dīpañkarapādamūle pabbajitvā tenattabhāvena arahattañ pāpuñituñ samattho ahosi. **Satthāradassananti** Buddhānañ sammukhādassanañ. Evañhi ijjhāti, no aññathā yathā Sumedhapaṇḍitassa. So hi Dīpañkarañ sammukhā disvā paṇidhesi.

Pabbajjāti anagāriyabhāvo. So ca kho sāsane vā kammavādikiriyavāditāpasaparibbājakanikāye vā vaṭṭati yathā Sumedhapaṇḍitassa. So hi Sumedho nāma tāpaso hutvā paṇidhesi.

Guṇasampattīti jhānādiguṇapaṭilābho. pabbajitassāpi hi guṇasampannasseva ijjhāti, no itarassa yathā Sumedhapaṇḍitassa. So hi pañcābhīṇṇo aṭṭhasamāpattilābhī ca hutvā paṇidhesi. **Adhikāro**ti adhikakāro, pariccāgoti attho. Jīvitādiriccāgañhi katvā paṇidahatoyeva ijjhāti, no itarassa yathā Sumedhapaṇḍitassa. So hi—

“Akkamitvāna mañ Buddhho, saha sissehi gacchatu.

Mā nañ kalale akkamittha, hitāya me bhavissatī”ti¹—

evañ jīvitapariccāgañ katvā paṇidhesi. **Chandatāti** kattukamyatā. Sā yassa balavatī hoti, tassa ijjhāti. Sā ca sace koci vadeyya “ko cattāri asañkhyeyyāni satasahassañca kappe niraye paccitvā Buddhattañ icchatī”ti, tañ sutvā yo “ahan”ti vattum ussahati, tassa balavatīti veditabbā. Tathā yadi koci vadeyya “ko sakalacakkavāḷaṃ vītaccikānañ aṅgārānañ pūrañ akkamanto atikkamitvā Buddhattañ icchati, ko sakalacakkavāḷaṃ sattisūlehi ākiñṇaṃ akkamanto atikkamitvā Buddhattañ icchati, ko sakalacakkavāḷaṃ samatittikañ udakapuñṇaṃ uttaritvā Buddhattañ icchati, ko sakalacakkavāḷaṃ nirantarañ veḷugumbasañchannañ maddanto atikkamitvā Buddhattañ icchatī”ti, tañ sutvā yo “ahan”ti vattum ussahati, tassa balavatīti veditabbā. Evarūpena ca kattukamyatāchandena samannāgato Sumedhapaṇḍito paṇidhesīti.

1. Khu 4. 310 piṭṭhe Buddhavaṃse.

Evam samiddhābhinihāro ca bodhisatto imāni aṭṭhārasa abhabbaṭṭhānāni na upeti. So hi tato pabhuti na jaccandho hoti na jaccabadhiro, na ummattako, na eḷamūgo, na piṭhasappī, na milakkhūsu uppajjati, na dāsikucchiyā nibbattati, na niyatami cchādiṭṭhiko hoti, nāssa liṅgam parivattati, na pañcānantariyakammāni karoti, na kuṭṭhī hoti, na tiracchānayoniyam vaṭṭakato pacchimattabhāvo hoti, ()¹ na khuppiṭṭhānāni jhāmatanḥikāpetesu uppajjati na kālakañcīkāsure, na Avīciniraye, na Lokantarikesu, kāmāvacareshu na māro hoti, rūpāvacareshu na asaṅṅībhava, na suddhāvāsabhavesu uppajjati, na arūpabhavesu², na aññaṃ cakkavāḷam saṅkamati.

Yā cimā ussāho ummaṅgo³ avatthānaṃ hitacariyā cāti catasso Buddhabhūmiyo, tāhi samannāgato hoti. Tattha—

Ussāho vīriyam vuttaṃ, ummaṅgo pañña pavuccati.

Avatthānaṃ adhiṭṭhānaṃ, hitacariyā mettābhāvanāti—

veditabbā. ye cāpi ime nekkhammajjhāsayo pavivekajjhāsayo alobhajjhāsayo adosajjhāsayo amohajjhāsayo nissaraṇajjhāsayoti cha ajjhāsayā bodhipariṭṭhāyā samvattanti, yehi samannāgatattā nekkhammajjhāsayā ca bodhisattā kāme dosadassāvino, pavivekajjhāsayā ca bodhisattā saṅgaṇikāyā dosadassāvino, alobhajjhāsayā ca bodhisattā lobhe dosadassāvino, adosajjhāsayā ca bodhisattā dose dosadassāvino, amohajjhāsayā ca bodhisattā mohe dosadassāvino, nissaraṇajjhāsayā ca bodhisattā sabbabhavesu dosadassāvinoti vuccati, tehi ca samannāgato hoti.

Paccekabuddhānaṃ pana kīva ciram patthanā vaṭṭatīti?

Paccekabuddhānaṃ dve asaṅkhyeyyāni kappasatasahassaṅca. Tato oram na sakkā. Pubbe vuttanayenevettha kāraṇam veditabbaṃ. Ettakenāpi ca kālena Paccekabuddhattam patthayato abhinīhāraṇe pañca sampattiyo icchitabbā. Tesaṅhi—

1. (Hatthito adhikattabhāvo.) (Sī)

2. Na antimabhavesu (Syā, Ka)

3. Ummaggo (Sī, Syā)

Manussattaṃ liṅgasampatti, vigatāsavadassanaṃ.

Adhikāro chandatā ete, abhinīhāraṅkāraṇā.

Tattha **vigatāsavadassananti** Buddhapaccekabuddhasāvakaṇaṃ yassa kassaci dassananti attho. Sesam vuttanayameva.

Atha sāvakaṇaṃ patthanā kittakam vaṭṭatīti? Dvinnam aggasāvakaṇaṃ ekaṃ asaṅkhyeyyaṃ kappasatasahassaṇca, asītimahāsāvakaṇaṃ kappasatasahassaṃ, tathā Buddhassa mātāpitūnaṃ upaṭṭhākassa puttassa cāti. Tato oraṃ na sakkā. Vuttanayamevettha kāraṇaṃ. Imesaṃ pana sabbesampi adhikāro chandatāti dvaṅgasampannoyeva abhinīhāro hoti.

Evaṃ imāya patthanāya iminā ca abhinīhārena yathāvuttappabhedam kalam pāramiyo pūretvā Buddhā loke uppajjantā khattiyakule vā brāhmaṇakule vā uppajjanti, Paccekabuddhā khattiyabrāhmaṇagahapatikulānaṃ aññatarasmim, aggasāvakaṇaṃ pana khattiyabrāhmaṇakulesveva Buddhā iva. Sabbabuddhā samvaṭṭamāne kappe na uppajjanti, vivaṭṭamāne kappe uppajjanti. Paccekabuddhā Buddhhe appatvā Buddhānaṃ uppajjanakāleyeva¹ uppajjanti. Buddhā sayāṇca bujjhanti, pare ca bodhenti. Paccekabuddhā sayameva bujjhanti, na pare bodhenti. Attharasameva paṭivijjhanti, na dhammarasaṃ. Na hi te lokuttaradhammaṃ paññattim āropetvā desetum sakkonti, mūgena diṭṭhasupino viya vanacarakena nagare sāyitabyañjanaraso viya ca nesaṃ dhammābhisamayo hoti. Sabbaṃ iddhisamāpattiṇisambhi dāpabhedam pāpuṇanti, guṇavisitṭhatāya Buddhānaṃ heṭṭhā sāvakaṇaṃ upari honti, aññe pabbājetvā ābhisamācārikaṃ sikkhāpenti, “cittasallekho kātabbo, vosānaṃ nāpajjitabban”ti iminā uddesena uposatham karonti, ajjuposathoti vacanamattena vā. Uposatham karontā ca Gandhamādane Mañjūsakarukkhamaṇe ratanamāle sannipatitvā karontīti. E vaṃ Bhagavā āyasmato Ānandassa Paccekabuddhānaṃ sabbākāraparipūraṃ patthanaṇca abhinīhāraṇca kathetvā idāni imāya patthanāya iminā ca abhinīhārena samudāgate te te Paccekabuddhe kathetum **“sabbesu bhūtesu nidhāya**

1. Antarā-uppajjanakāleyeva (Ka)

daṇḍan”ti-ādinā nayena imaṃ Khaggavisāṇasuttaṃ abhāsi. Ayaṃ tāva avisesena pucchāvasito Khaggavisāṇasuttassa uppatti.

35. Idāni visesena vattabbā. Tattha imissā tāva gāthāya evaṃ uppatti veditabbā—ayaṃ kira Paccekabuddho paccekabodhisattabhūmiṃ ogāhanto dve asaṅkhyeyyāni kappasatasahassaṅca pāramiyo pūretvā Kassapassa Bhagavato sāsane pabbajitvā ārañṇiko hutvā gatapaccāgatavattaṃ pūrento samaṇadhammaṃ akāsi. Etaṃ kira vattaṃ aparipūretvā paccekabodhiṃ pāpuṇantā nāma natthi. Kiṃ panetaṃ **gatapaccāgatavattaṃ** nāma? Haraṇapaccāharaṇanti. Taṃ yathā vibhūtaṃ hoti, tathā kathessāma.

Idhekacco bhikkhu harati na paccāharati, ekacco paccāharati na harati, ekacco pana neva harati na paccāharati, ekacco harati ca paccāharati ca. Tattha yo bhikkhu pageva vuṭṭhāya cetiyaṅgaṇabodhiyaṅgaṇavattaṃ katvā Bodhirukkhe udakaṃ āsiṅcivā pānīyaghaṭaṃ pūretvā pānīyamāle ṭhapetvā ācariyavattaṃ upajjhāyavattaṃ katvā dve-asīti khuddakavattāni¹ cuddasa mahāvattāni ca samādāya vattati, so sarīraparikammaṃ katvā senāsanam pavisitvā yāva bhikkhācāraṇelā, tāva vivittāsane vītināmetvā velaṃ ṇatvā nivāsetvā kāyabandhanaṃ bandhitvā uttarāsaṅgaṃ karitvā saṅghāṭim khandhe karitvā pattaṃ aṃse ālaggetvā kammaṭṭhānaṃ manasi karonto cetiyaṅgaṇaṃ patvā cetiyaṅca bodhiṅca vanditvā gāmasamīpe cīvaraṃ pārūpitvā pattamādāya gāmaṃ piṇḍāya pavisati. Evaṃ pavitṭho ca lābhī bhikkhu puñṇavā upāsakehi sakkatagarukato upaṭṭhākakule vā paṭikkamanasālāyaṃ vā paṭikkamitvā upāsakehi taṃ taṃ pañhaṃ pucchiyamāno tesaṃ pañhavissajjanena dhammadesanāvikkhepena ca taṃ manasikāraṃ chaḍḍetvā nikkhamati, vihāraṃ āgatopi bhikkhūnaṃ pañhaṃ puṭṭho katheti, dhammaṃ bhaṇati, taṃ taṃ byāpāramāpajjati. Pacchābhattampi purimayāmaṃ majjhimayāmaṃ evaṃ bhikkhūhi saddhiṃ papañcitvā kāyaduṭṭhullābhībhūto pacchimayāmepe² sayati, neva kammaṭṭhānaṃ manasi karoti. Ayaṃ vuccati **harati na paccāharatīti**.

1. Khandhakavattāni (Sī)

2. Pacchimayāme (Sī)

Yo pana byādhibahulo hoti, bhuttāhāro paccūsasamaye na sammā pariṇamati, pageva vuṭṭhāya yathāvuttaṃ vattaṃ kātum na sakkoti kammaṭṭhānam vā manasi kātum, aññadatthu yāguṃ vā bhesajjam vā patthayamāno kālasseva pattacīvaramādāya gāmaṃ pavisati, tattha yāguṃ vā bhesajjam vā bhattam vā laddhā bhattakiccaṃ niṭṭhāpetvā paññattāsane nisinnō kammaṭṭhānam manasi katvā visesam patvā vā appatvā vā viharāṃ āgantvā teneva manasikārena viharati. Ayaṃ vuccati **paccāharati na haratīti**. Edisā ca bhikkhū yāguṃ pivitvā vipassanam ārabhitvā Buddhasāsane arahattam pattā gaṇanapatham vītivattā, Sihaladīpeyeva tesu tesu gāmesu āsanasālāya na tam āsanam atthi, yattha yāguṃ pivitvā arahattam patto bhikkhu natthīti.

Yo pana pamādavihārī hoti nikkhattadhuro, sabbavattāni bhinditvā pañcavidhacetokhilavinibandhanabaddhacitto viharanto kammaṭṭhānamanasikāramananuyutto gāmaṃ piṇḍāya pavisitvā ghipapañcena papañcito tucchako nikkhamati, ayaṃ vuccati **neva harati na paccāharatīti**.

Yo pana pageva vuṭṭhāya purimanayeneva sabbavattāni paripūretvā yāva bhikkhācārelā, tāva pallaṅkam ābhujitvā kammaṭṭhānam manasi karoti. Kammaṭṭhānam nāma duvidham sabbatthakam pārihāriyañca. Sabbatthakam nāma mettā ca maraṇassati ca, tam sabbattha icchi tabbato “**sabbatthakan**”ti vuccati. Mettā nāma āvāsādīsu sabbattha icchitabbā. Āvāsesu hi mettāvihārī bhikkhu sabrahmacārīnam piyo hoti, tena phāsu asaṃghaṭṭho¹ viharati. Devatāsu mettāvihārī devatāhi rakkhitagopito sukham viharati. Rājarājamahāmattādīsu mettāvihārī tehi mamāyito sukham viharati. Gāmanigamādīsu mettāvihārī sabbattha bhikkhācariyādīsu manussehi sakkatarukato sukham viharati. Maraṇassatibhāvanāya jīvitānikantiṃ pahāya appamatto viharati.

Yaṃ pana sadā pariharitabbam caritānukūlena gahitattā² dasāsabhakasiṇānussatīsu aññataram, catudhātuvavatthānameva vā, tam sadā pariharitabbato rakkhitabbato bhāvetabbato ca **pārihāriyanti** vuccati,

1. Asaṃsaṭṭho (Sī), asaṃghaṭṭo (Ka)

2. Gahitam tam (Syā, Ka)

mūlakammaṭṭhānantipi tadeva. Tattha yaṃ paṭhamam
sabbatthakakammaṭṭhānam manasi karitvā pacchā pārihāriyakammaṭṭhānam
manasi karoti, tam catudhātuavattthānamukhena dassessāma.

Ayam hi yathāṭṭhitam yathāpaṇihitam kāyam dhātuso paccavekkhati—
yam imasmim sarīre vīsatiakoṭṭhāsesu kakkhaḷam kharagatam, sā
pathavīdhātu. Yam dvādasasu ābandhanakiccakaram snehagatam, sā
āpodhātu. Yam catūsu paripācanakaram usumagatam, sā tejodhātu. Yam
pana chasu vitthambhanakaram vāyogatam, sā vāyodhātu. Yam panettha
catūhi mahābhūtehi asamphuṭṭham chiddam vivaram, sā ākāsadhātu.
Tamvijānanakam cittam viññāṇadhātu. Tato uttari añño satto vā puggalo vā
natthi, kevalam suddhasaṅkhārapuñjova ayanti.

Evam ādimajjhapariyosānato kammaṭṭhānam manasi karitvā kālam
ñatvā uṭṭhāyāsana nivāsetvā pubbe vuttanayeneva gāmam piṇḍāya gacchati.
Gacchanto ca yathā andhaputhujanā abhikkamādīsu “attā abhikkamati,
attanā abhikkamo nibbattito”ti vā, “aham abhikkamāmi, mayā abhikkamo
nibbattito”ti vā sammuyhanti, tathā asammuyhanto “abhikkamāmīti citte
uppajjamāne teneva cittena saddhim cittasamuṭṭhānā sandhāraṇavāyodhātu
uppajjati, sā imam pathavīdhātvdīsannivesabhūtam kāyasammataṃ
aṭṭhikasaṅghātam vippharati, tato cittakiriyāvāyodhātu vipphāravasena ayam
kāyasammato aṭṭhikasaṅghāto abhikkamati. Tassevam abhikkamato
ekekapāduddhāraṇe catūsu dhātūsu vāyodhātu-anugatā tejodhātu adhikā
uppajjati, mandā itarā. Atiharaṇavītiharaṇāpaharaṇesu pana tejodhātu-
anugatā vāyodhātu adhikā uppajjati, mandā itarā. Orohaṇe pana
pathavīdhātu-anugatā āpodhātu adhikā uppajjati, mandā itarā.
Sannikkhepanasamuppīlanesu āpodhātu-anugatā pathavīdhātu adhikā
uppajjati, mandā itarā. Icceṭā dhātuyo tena tena attano uppādakacittena
saddhim tattha tattheva bhijjanti. Tattha ko eko¹ abhikkamati, kassa vā
ekassa abhikkamanam”ti evam ekekapāduddhāraṇādippakāresu ekekasmim
pakāre uppannā dhātuyo, tadavinibbhuttā ca sesā rūpadhammā,
tam samuṭṭhāpakam cittam, tam sampayuttā

1. Eso (Si)

ca sesā arūpadhammāti ete rūpārūpadhammā tato param
 atiharaṇavītiharaṇādīsu aññaṃ pakāraṃ na sampāpuṇanti, tattha tattheva
 bhijjanti. Tasmā aniccā. Yañca aniccaṃ, taṃ dukkhaṃ. Yaṃ dukkhaṃ,
 tadanattāti evaṃ sabbākāraparipūraṃ kammaṭṭhānaṃ manasikarontova
 gacchati. Atthakāmā hi kulaputtā sāsane pabbajitvā dasapi vīsampi timsampi
 cattālīsampi paññāsampi saṭṭhipi sattatipi satampi ekato vasantā
 katikavattaṃ katvā viharanti “āvuso tumhe na iṇaṭṭā na bhayaṭṭā na
 jīvikāpakatā pabbajitā, dukkhā muccitukāmā panettha pabbajitā. Tasmā
 gamane uppannakilesaṃ gamaneyeva niggaṇhatha, ṭhāne, nisajjāya, sayane
 uppannakilesaṃ sayaneyeva niggaṇhathā”ti. Te evaṃ katikavattaṃ katvā
 bhikkhācāraṃ gacchantā aḍḍha-usabha-usabha-aḍḍhagāvutagāvutantaresu
 pāsāṇā honti, tāya saññāya kammaṭṭhānaṃ manasikarontāva gacchanti. Sace
 kassaci gamane kilesa uppajjati, tattheva naṃ niggaṇhāti. Tathā asakkonto
 tiṭṭhati, athassa pacchato āgacchantopi tiṭṭhati. So “ayaṃ bhikkhu tuyhaṃ
 uppannavitakkaṃ jānāti, ananucchavikaṃ te etan”ti attānaṃ paṭicodetvā
 vipassanaṃ vaḍḍhetvā tattheva ariyabhūmiṃ okkamati. Tathā asakkonto
 nisīdati, athassa pacchato āgacchantopi nisīdatīti soyeva nayo. Ariyabhūmiṃ
 okkamituṃ asakkontopi taṃ kilesaṃ vikkhambhetvā kammaṭṭhānaṃ
 manasikarontova gacchati, na kammaṭṭhānavippayuttena cittena pādaṃ
 uddharati. Uddharati ce, paṭinivattitvā purimappadesaṃyeva eti Sīhaḍāḍīpe
Ālindakavāsī Mahāphussadevatthero viya.

So kira ekūnavīsati vassāni gatapaccāgatavattaṃ pūrento eva vihāsi.
 Manussāpi sudaṃ antarāmagge kasantā ca vapantā ca maddantā ca kammāni
 karontā therāṃ tathā gacchantāṃ disvā “ayaṃ thero punappunaṃ nivattitvā
 gacchati, kiṃ nu kho maggamūḷho, udāhu kiñci pamuṭṭho”ti samullapanti.
 So taṃ anādiyitvā kammaṭṭhānayutteneva cittena samaṇadhammaṃ karonto
 vīsati vassabbhantare arahattaṃ pāpuṇi. Arahattappattadivase cassa
 caṅkamanakoṭiyāṃ adhivatthā devatā aṅgulīhi dīpaṃ ujjaletvā aṭṭhāsi,
 cattāropi mahārājāno Sakko ca Devānamindo brahmā ca Sahampati
 upaṭṭhānaṃ āgamaṃsu. Tañca obhāsaṃ disvā vanavāsī Mahātissatthero taṃ
 dutiyadivase

pucchi “rattibhāge āyasmato santike obhāso ahosi, kiṃ so obhāso”ti. Thero vikkhepaṃ karonto “obhāso nāma dīpobhāsoṃpi hoti maṇi-obhāsoṃpi”ti evamādiṃ āha. So “paṭicchādetha tumhe”ti nibaddho “āmā”ti paṭijānitvā ārocesi.

Kālavallimaṇḍapavāsī Mahānāgatto viya ca. Sopi kira gatapaccāgatavattaṃ pūrento “paṭhamaṃ tāva Bhagavato mahāpadhānaṃ pūjemi”ti satta vassāni ṭhānacankamameva adhiṭṭhāsi, puna soḷasa vassāni gatapaccāgatavattaṃ pūretvā arahattaṃ pāpuṇi. Evaṃ kammaṭṭhānayutteneva cittena pādaṃ uddharanto vip̄payuttena cittena uddhaṭe pana paṭinivattanto gāmasamīpaṃ gantvā “gāvī nu pabbajito nū”ti āsaṅkanīyappadesa ṭhatvā saṃghāṭim pārupitvā pattaṃ gahetvā gāmadvāraṃ patvā kacchakantarato¹ udakaṃ gahetvā gaṇḍūsaṃ katvā gāmaṃ pavisati “bhikkhaṃ dātuṃ vā vandituṃ vā upagate manusse ‘dīghāyukā hothā’ti vacanamattenapi mā me kammaṭṭhānavikkhepo ahosī”ti. Sace pana “ajja bhante kiṃ sattamī, udāhu aṭṭhamī”ti divasaṃ pucchanti, udakaṃ gilitvā āroceti. Sace divasapucchakā na honti, nikkhamanavelāyaṃ gāmadvāre niṭṭhubhitvava yāti.

Sīhaḷadīpeyeva **Kalambatitthavihāre vassūpagatā paññāsabhikkhū** viya ca. Te kira vassūpanāyika-uposathadivase katikavattaṃ akāmsu “arahattaṃ appatvā aññaṃaññaṃ nālapissāmā”ti. Gāmañca piṇḍāya pavisantā gāmadvāre udakagaṇḍūsaṃ katvā pavisimsu, divase pucchite udakaṃ gilitvā ārocesuṃ, apucchite gāmadvāre niṭṭhubhitvā vihāraṃ āgamaṃsu. Tattha manussā niṭṭhubhanaṭṭhānaṃ disvā jānimsu “ajja eko āgato, ajja dve”ti. Evañca cintesuṃ “kiṃ nu kho ete amheheva saddhiṃ na sallapanti, udāhu aññaṃaññaṃpi. Yadi aññaṃaññaṃpi na sallapanti, addhā vivādaḷatā bhavissanti, handa nesaṃ aññaṃaññaṃ khamāpessāmā”ti. Sabbe vihāraṃ āgamaṃsu. Tattha paññāsabhikkhūsu vassaṃ upagatesu dve bhikkhū ekokāse nāddasaṃsu. Tato yo tesu cakkhumā puriso, so evamāha “na bho kalahakāraḷānaṃ vasanokāso īdiso hoti, susammaṭṭhaṃ cetiyaṅgaṇaṃ bodhiyaṅgaṇaṃ, sunikkhittā sammajjaniyo², sūpaṭṭhapitaṃ pānīyaparibhojanīyaṃ”ti. Te

1. Kacchakarakā (Sī), kacchakarato (Syā)

2. Samuñjaniyo (Ka)

tatova nivattā. Te bhikkhū antotemāseyeva vipassanaṃ ārabhitvā arahattaṃ patvā mahāpavāraṇāya visuddhipavāraṇaṃ pavāresuṃ.

Evam Kālavallimaṇḍapavāsī Mahānāgattothero viya Kalambatitthavīhāre vassūpagatabhikkhū viya ca kammaṭṭhānayutteneva cittaena pādaṃ uddharanto gāmasamīpaṃ patvā udakagaṇḍūsaṃ katvā vīthiyo sallakkhetvā yattha surāsoṇḍadhuttādayo kalahakāraḱā caṇḍahatthi-assādayo vā natthi, taṃ vīthiṃ paṭipajjati. Tattha ca piṇḍāya caramāno na turitaturito viya javena gacchati, javanapiṇḍapātikadhutaṅgaṃ nāma natthi. Visamabhūmibhāgappattaṃ pana udakabharitasakaṭamiva niccalova hutvā gacchati. Anugharaṃ pavīṭṭho ca dātukāmaṃ adātukāmaṃ vā sallakkhetuṃ tadanurūpaṃ kālaṃ āgamento bhikkhaṃ gahetvā patirūpe okāse nisīditvā kammaṭṭhānaṃ manasi karonto āhārepaṭikūlasaṅṅaṃ upaṭṭhapetvā akkhabbhaṅjanavaṇālepanaputtamaṃsūpamāvasena paccavekkhanto aṭṭhaṅgasamannāgataṃ āhāraṃ āhāreti neva davāya na madāya -pa- bhuttāvī ca udakakiccaṃ katvā muhuttaṃ bhattakilamathaṃ paṭippassambhetvā yathā pure bhattaṃ, evaṃ pacchā bhattaṃ purimayāmaṃ pacchimayāmaṅca kammaṭṭhānaṃ manasi karoti. Ayaṃ vuccati **harati ceva paccāharati cāti**. Evametaṃ haraṇapaccāharaṇaṃ gatapaccāgatavattanti vuccati.

Etaṃ pūrento yadi upanissayasampanno hoti, paṭhamavaye eva arahattaṃ pāpuṇāti. No ce paṭhamavaye pāpuṇāti, atha majjhimavaye pāpuṇāti. No ce majjhimavaye pāpuṇāti, atha maraṇasamaye pāpuṇāti. No ce maraṇasamaye pāpuṇāti, atha devaputto hutvā pāpuṇāti. No ce devaputto hutvā pāpuṇāti, atha paccekasambuddho hutvā parinibbāti. No ce paccekasambuddho hutvā parinibbāti, atha Buddhānaṃ santike khippābhiṅṅo hoti seyyathāpi thero Bāhiyo, mahāpaṅṅo vā hoti seyyathāpi thero Sāriputto.

Ayaṃ pana paccekabodhisatto Kassapassa Bhagavato sāsane pabbajitvā āraṅṅiko hutvā vīsati vassasahassāni etaṃ gatapaccāgatavattaṃ pūretvā kālaṃ katvā kāmāvacaradevaloke uppajji. Tato cavitvā Bārāṇasiraṅṅo aggamaheṣiyā kucchimhi paṭisandhiṃ aggahesi. Kusalā itthiyo tadaheva gabbhasaṅṅhānaṃ jānanti, sā ca

tāsamaññatarā, tasmā taṃ gabbhapatīṭṭhānaṃ rañño nivedesi. Dhammatā esā, yaṃ puññavante satte gabbhe uppanne mātugāmo gabbhparihāraṃ labhati. Tasmā rājā tassā gabbhparihāraṃ adāsi. Sā tato pabhuti nāccuṇhaṃ kiñci ajjhoharituṃ labhati, nātisītaṃ nāti-ambilaṃ nātiloṇaṃ nātikaṭukaṃ nātītittakaṃ. Accuṇhe hi mātaraṃ ajjhohaṭe gabbhassa lohakumbhivāso viya hoti, atisīte lokantarikavāso viya, accambilaloṇakaṭukatittakesu bhuttesu satthena phāletvā ambilādīhi sittāni viya gabbhaseyyakassa aṅgāni tibbavedanāni honti. Aticaṅkamaṇaṭṭhānanisajjāsayanatopi naṃ nivārenti “kucchigatassa sañcalanadukkhaṃ mā ahoṣi”ti. Mudukattharaṇatthātāya bhūmiyaṃ caṅkamanādīni mattāya kātuṃ labhati, vaṇṇagandhādisampannaṃ sādusappāyaṃ annapānaṃ labhati. Pariggahetvāva naṃ caṅkamāpentī nisīdāpentī vuṭṭhāpentī.

Sā evaṃ parihariyamānā gabbhparipākakāle sūtigharaṃ pavisitvā paccūsasamaye puttaṃ vijāyi pakkatelaṃ additamaṇosilāpiṇḍisadisā dhaññapuññalakkhaṇūpetāṃ. Tato naṃ pañcamadivase alaṅkatappaṭṭiyattaṃ rañño dassesuṃ, rājā tuṭṭho chasaṭṭhiyā dhātīhi upaṭṭhāpesi. So sabbasampattīhi vaḍḍhamāno na cirasseva viññutaṃ pāpuṇi. Taṃ soḷasavassuddesikameva samānaṃ rājā rajje abhisiñci, vividhanāṭakāni cassa upaṭṭhāpesi. Abhisitto rājaputto rajjaṃ kāresi nāmena Brahmaḍatto sakalajambudīpe vīsatiyā nagarasahassesu. Jambudīpe hi pubbe caturāsīti nagarasahassāni ahesuṃ, tāni parihāyantāni saṭṭhi ahesuṃ, tato parihāyantāni cattālīsaṃ, sabbparihāyanakāle pana vīsati honti. Ayañca Brahmaḍatto sabbparihāyanakāle uppajji, tenassa vīsati nagarasahassāni ahesuṃ vīsati pāsādasahassāni, vīsati hatthisahassāni, vīsati assasahassāni, vīsati rathasahassāni, vīsati patthisahassāni, vīsati itthisahassāni orodhā ca nāḷakitthiyo ca, vīsati amaccasahassāni. So mahārajjaṃ kārayamāno eva kasiṇaparikkammaṃ katvā pañca abhiññāyo aṭṭha samāpattiyō ca nibbattesi. Yasmā pana abhisittaraññā nāma avassaṃ aṭṭakaraṇe nisīditabbaṃ, tasmā ekadivasaṃ pageva pātarāsaṃ bhuñjitvā vinicchayaṭṭhāne nisīdi. Tattha uccāsaddamahāsaddaṃ, akaṃsuṃ, so “ayaṃ saddo samāpattiyā upakkilesō”ti

amakkhikamadhum passāmi, taṃ khādanto natthī”ti. Rājā “kiṃ etaṃ uppaṇḍetukāmo bhaṇatī”ti na suṇāti. So antaraṃ labhitvā punapi suṭṭhutarāṃ vaṇṇetvā ārocesi. Rājā “kiṃ etan”ti pucchi. Bārāṇasirajjāṃ devāti. Rājā “maṃ netvā māretukāmosī”ti āha. So “mā deva evaṃ avaca, yadi na saddahasi, manusse pesehī”ti. So manusse pesesi, te gantvā gopuraṃ khaṇitvā rañño sayanaghare uṭṭhahimsu.

Rājā disvā “kissa āgatāthā”ti pucchi. Corā mayaṃ mahārājāti. Rājātesaṃ dhanāṃ dāpetvā “mā puna evamakathā”ti ovaditvā vissajjesi. Te āgantvā tassa rañño ārocesuṃ. So punapi dvattikkhattuṃ tatheva vīmaṃsitvā “sīlavā rājā”ti caturaṅginīṃ senāṃ sannayhitvā sīmantare ekaṃ nagaraṃ upagamma tattha amaccassa pāhesi “nagaraṃ vā me dehi yuddhaṃ vā”ti. So Brahmaddattassa tamatthaṃ ārocāpesi “āṇāpetu devo kiṃ yujjhāmi, udāhu nagaraṃ demīti. Rājā “na yujjhitaḥḥaṃ, nagaraṃ datvā idhāgacchā”ti pesesi. So tathā akāsi. Paṭirājāpi taṃ nagaraṃ gahetvā avasesanagaresupi tatheva dūtaṃ pāhesi. Tepi amaccā tatheva Brahmaddattassa ārocetvā tena “na yujjhitaḥḥaṃ, idhāgantvabban”ti vuttā Bārāṇasiṃ āgamaṃsu.

Tato amaccā Brahmaddattaṃ āhaṃsu “mahārāja tena saha yujjhāmā”ti. Rājā “mama paṇātipāto bhavissatī”ti vāresi. Amaccā “mayaṃ mahārāja taṃ jīvaggāhaṃ gahetvā idheva ānessāmā”ti nānā-upāyehi rājānaṃ saññāpetvā “ehi mahārājā”ti gantuṃ āradhā. Rājā “sace sattamāraṇappaharaṇavilumpanakammaṃ na karotha, gacchāmi”ti bhaṇati. Amaccā “na deva karoma, bhayaṃ dassetvā palāpemā”ti caturaṅginīṃ senāṃ sannayhitvā ghaṭesu dīpe pakkhipitvā rattim gacchimsu. Paṭirājā taṃ divasaṃ Bārāṇasisamīpe nagaraṃ gahetvā idāni kinti rattim sannāhaṃ mocāpetvā pamatto niddaṃ okkami saddhim balakāyena. Tato amaccā Bārāṇasirājānaṃ gahetvā paṭirañño khandhāvāraṃ gantvā sabbaghaṭehi dīpe nīharāpetvā ekapajjotāya senāya saddaṃ akaṃsu. Paṭirañño amacco mahābalaṃ disvā bhīto attano rājānaṃ upasaṅkamitvā “uṭṭhehi amakkhikamadhum khādāhī”ti mahāsaddaṃ akāsi. Tathā dutiyopi tatiyopi. Paṭirājā tena saddena

paṭibujjhivā bhayaṃ santāsaṃ āpajji. Ukkuṭṭhisatāni pavattiṃsu. So “paravacanaṃ saddahivā amittahatthaṃ pattomhī”ti sabbarattim taṃ taṃ vippalapitvā dutiyadivase “dhammiko rājā, uparodhaṃ na kareyya, gantvā khamāpemi”ti cintetvā rājānaṃ upasaṅkamtivā jaṇṇukehi paṭiṭṭhahitvā “khama mahārāja mayhaṃ aparādhan”ti āha. Rājā taṃ ovaḍitvā “uṭṭhehi, khamāmi te”ti āha. So rañña evaṃ vuttamatteyeva paramassāsappatto ahoṣi, Bārāṇasirañño samīpeyeva janapade rajjaṃ labhi. Te aññaamaññaṃ saḥāyakā ahesuṃ.

Atha Brahmaddatto dvepi senā sammodamānā ekato ṭhitā disvā “mamekassa cittānurakkhaṇāya asmiṃ janakāye khuddakamakkhikāya pivanamattampi lohitaḥṇu na uppannaṃ, aho sādhu, aho suṭṭhu, sabbe sattā sukhitā hontu, averā hontu, abyāpajjhā hontū”ti mettājhānaṃ uppādetvā tadeva pādakaṃ katvā saṅkhāre sammāsivā paccekabodhiññaṃ sacchikatvā sayambhutaṃ pāpuṇi. Taṃ maggasukhena phalasukhena sukhitaṃ hatthikkhandhe nisinnaṃ amaccā paṇipātaṃ katvā āhaṃsu “yānakālo mahārāja vijjitalakāyassa sakkāro katabbo, parājitalakāyassa bhattaparibbayo dātabbo”ti. So āha “nāhaṃ bhaṇe rājā, Paccekabuddho nāmāhan”ti. Kiṃ devo bhaṇati, na edisā Paccekabuddhā hontīti. Kīdisā bhaṇe Paccekabuddhāti. Paccekabuddhā nāma dvaṅgulakesamassū aṭṭhaparikkhārayuttā bhavanti. So dakkhiṇahatthena sīsaṃ parāmasi, tāvadeva gihiliṅgaṃ antaradhāyi, pabbajitaveso pāturaḥṇo, dvaṅgulakesamassu aṭṭhaparikkhārasamannāgato vassasatikattherasadiṣo ahoṣi. So catutthajjhānaṃ samāpajjitvā hatthikkhandhato vehāsaṃ abbhuggantvā padumapupphe nisīdi. Amaccā vanditvā “kiṃ bhante kammaṭṭhānaṃ, kathaṃ adhigatosī”ti pucchimṃsu. So yato assa mettājhānakammaṭṭhānaṃ ahoṣi, taṅca vipassanaṃ vipassitvā adhigato, tasmā tamatthaṃ dassento udānagāthaṅca byākaraṇagāthaṅca imaṅñeva gāthaṃ abhāsi “**sabbesu bhūtesu nidhāya daṇḍan**”ti.

Tattha **sabbesūti** anavasesesu. **Bhūtesūti** sattesu. Ayamettha saṅkhepo, vitthāraṃ pana Ratanasuttavaṇṇanāyaṃ vakkhāma. **Nidhāyāti** nikkhipitvā.

Daṇḍanti kāyavacīmanodaṇḍaṃ, kāyaduccaritādīnametaṃ adhivacanaṃ. Kāyaduccaritaṃ hi daṇḍayatīti daṇḍo, bādheti anayabyasanaṃ pāpetīti vuttaṃ hoti. Evaṃ vacīduccaritaṃ manoduccaritaṃ ca. Paharaṇadaṇḍo eva vā daṇḍo, taṃ nidhāyātipi vuttaṃ hoti. **Aviheṭṭhayanti** aviheṭṭhayanto. **Aññātarampīti** yaṃkiñci ekampi. **Tesanti** tesam sabbabhūtānaṃ. **Na puttamiccheyyāti** atrajo khetrajo dinnako antevāsikoti imesu catūsu puttesu yaṃkiñci puttaṃ na iccheyya. **Kuto sahāyanti** sahāyaṃ pana iccheyyāti kuto eva etaṃ.

Ekoti pabbajjāsāṅkhātena eko, adutiyaṭṭhena eko, taṇhāpahānena eko, ekantavigatakilesoti eko, eko paccekasambodhiṃ abhisambuddhoti eko. Samaṇasahassasāpi hi majjhe vattamāno gihisaññojanassa chinnattā eko, evaṃ **pabbajjāsāṅkhātena** eko. Eko tiṭṭhati, eko gacchati, eko nisīdati, eko seyyaṃ kappeti, eko iriyati vattatīti evaṃ **adutiyaṭṭhena** eko.

“Taṇhādutiyo puriso, dīghamaddhānasamsaram.

Itthabhāvaññathābhāvaṃ, samsāraṃ nātivattati.

Evamādīnavaṃ ñatvā, taṇhaṃ dukkhassa sambhavaṃ.

Vītataṇho anādāno, sato bhikkhu paribbaje”¹—

evaṃ **taṇhāpahānatṭhena** eko. Sabbakilesāssa pahīnā ucchinnamūlā tālāvattukatā anabhāvaṃkatā āyatim anuppādadhammāti evaṃ **ekantavigatakilesoti** eko. Anācariyako hutvā sayambhū sāmāññeva paccekasambodhiṃ abhisambuddhoti evaṃ **eko paccekasambodhiṃ abhisambuddhoti** eko.

Careti yā imā aṭṭha cariyāyo. Seyyathidaṃ? Paṇidhisampannānaṃ catūsu iriyāpathesu iriyāpathacariyā, indriyesu guttadvārānaṃ ajjhattikāyatanesu āyatanacariyā, appamādavihārīnaṃ catūsu satipaṭṭhānesu saticariyā, adhiccittamanuyuttānaṃ catūsu jhānesu samādhicariyā, buddhisampannānaṃ catūsu ariyasaccesu ñāṇacariyā, sammā paṭipannānaṃ catūsu ariyamaggesu maggacariyā, adhigatapphalānaṃ catūsu sāmāñña

1. Khu 1. 201. 268; Khu 7. 362; Khu 8. 211 piṭṭhe.

phalesu patticariyā, tiṇṇaṃ Buddhānaṃ sabbasattesu lokatthacariyā, tattha padesato Paccekabuddhasāvakananti. Yathāha—“cariyāti aṭṭha cariyāyo iriyāpathacariyā”¹ ti vitthāro. Tāhi cariyāhi samannāgato bhaveyyāti attho. Atha vā yā imā “adhimuccanto saddhāya carati, paggaṇhanto vīriyena carati, upaṭṭhahanto satiyā carati, avikkhitto samādhinā carati, pajānanto paññāya carati, vijānanto viññāṇena carati, evaṃ paṭipannassa kusalā dhammā āyatantī² āyatanacariyāya carati, evaṃ paṭipanno visesamadhigacchatī visesacariyāya carati”³ evaṃ aparāpi aṭṭha cariyā vuttā, tāhipi samannāgato bhaveyyāti attho. **Khaggavisāṇakappoti** ettha khaggavisāṇaṃ nāma khaggamigasiṅgaṃ. Kappasaddassa atthaṃ vitthārato Maṅgalasuttavaṇṇanāyaṃ pakāsayissāma, idha paṇāyaṃ “Satthukappena vata bho kira sāvakena saddhiṃ mantayamānā”⁴ ti evamādisu⁴ viya paṭibhāgo veditabbo. Khaggavisāṇakappoti khaggavisāṇasadisoti vuttaṃ hoti. A yaṃ tāvetthapadato atthavaṇṇanā.

Adhippāyānusandhito pana evaṃ veditabbā—yvāyaṃ vuttappakāro daṇḍo bhūtesu pavattiyamāno ahito hoti, taṃ tesu appavattanena tappaṭipakkhabhūtāya mettāya parahitūpasamhārena ca sabbesu bhūtesu nidhāya daṇḍaṃ, nihitadaṇḍattā eva ca yathā anihitadaṇḍāsattā bhūtāni daṇḍena vā satthena vā paṇinā vā leḍḍunā vā viheṭayanti, tathā avihethayaṃ, aññatarampi tesāṃ imaṃ mettākammaṭṭhānamāgamma yadeva tattha devanāgataṃ saññāsāṅkhāraviññāṇagataṃ tañca tadanusāreneva tadaññāṅca saṅkhāragataṃ vipassitvā imaṃ paccekabodhiṃ adhigatomhīti ayaṃ tāva adhippāyo.

Ayaṃ pana anusandhi—evaṃ vutte te amaccā āhaṃsu “idāni bhante kuhiṃ gacchathā”¹ ti. Tato tena “pubbapaccekasambuddhā kattha vasanti”² ti āvajjetvā ñatvā “Gandhamādanapabbate”³ ti vutte punāhaṃsu “amhe dāni bhante pajahatha na icchathā”⁴ ti. Atha Paccekabuddho āha “na puttamiccheyyā”⁴ ti sabbaṃ. Tatrādhippāho—ayaṃ idāni atrajādīsu

1. Khu 9. 215, 400 piṭṭhesu.

3. Khu 9. 216, 401 piṭṭhesu.

2. Āyatananti (Sī, Syā)

4. Ma 1. 205 piṭṭhe.

yaṃ kiñci puttampi na iccheyyaṃ, kuto pana tumhādisaṃ sahāyaṃ. Tasmā tumhesupi yo mayā saddhiṃ gantuṃ mādiso vā hotuṃ icchati, so eko care khaggavisāṇakappo. Atha vā tehi “amhe dāni bhante pajahatha na icchathā”ti vutte so Paccekabuddho “na puttamiccheyya kuto sahāyan”ti vatvā attano yathāvuttenatthena ekacariyāya guṇaṃ disvā pamudito pītisomanassajāto imaṃ udānaṃ udānesi “eko care khaggavisāṇakappo”ti. Evaṃ vatvā pekkhamānasseva mahājanassa ākāse uppatitvā Gandhamādanaṃ agamāsi.

Gandhamādano nāma Himavati Cūḷakāḷapabbataṃ Mahākāḷapabbataṃ Nāgपालiveṭhanaṃ Candagabbhaṃ Sūriyagabbhaṃ Suvannaṇpassaṃ Himavantapabbatanti satta pabbate atikkamma hoti. Tattha Nandamūlakaṃ nāma pabbhāraṃ Paccekabuddhānaṃ vasanokāso, tisso ca guhāyo Suvannaṇaguhā Maṇiguhā Rajataguhāti. Tattha Maṇiguhādvāre Maṅjūsako nāma rukkho yojanaṃ ubbedhena, yojanaṃ vitthārena. So yattakāni uduke vā thale vā pupphāni, sabbāni tāni pupphayati viśesena Paccekabuddhāgamanadivase. Tassūparito sabbaratanamāḷo hoti. Tattha sammajjanakavāto kacavaraṃ chaḍḍeti, samakaraṇavāto sabbaratanamayaṃ vālikāṃ samaṃ karoti, siñcanakavāto Anotattadahato ānetvā udakaṃ siñcati, sugandhakarāṇavāto Himavantato sabbesaṃ gandharukkhānaṃ gandhe āneti, ocinakavāto pupphāni ocinitvā pāṭeti, santharakavāto sabbattha santharati. Sadā paññattāneva cettha āsanāni honti, yesu Paccekabuddhuppādādivase uposathādivase ca sabbapaccekabuddhā sannipatitvā nisīdanti. Ayaṃ tattha pakati¹. Abhisambuddhapaccekabuddho tattha gantvā paññattāsane nisīdati. Tato sace tasmim kāle aññepi Paccekabuddhā samvijjanti, tepi taṅkhaṇaṃ sannipatitvā paññattāsanesu nisīdanti. Nisīditvā ca kiñcideva samāpattim samāpajjitvā vuṭṭhahanti, tato samghatthero adhunāgatapaccekabuddhaṃ sabbesaṃ anumodanattāya “kathamadhigatan”ti 11kammaṭṭhānaṃ pucchati, tadāpi so tameva attano Udānabyākaraṇagāthaṃ bhāsati. Puna Bhagavāpi āyasmatā Ānandena puṭṭho tameva gāthaṃ bhāsati, Ānando ca saṅgītiyanti evamekeka gāthā paccekasambodhi-abhisambuddhaṭṭhāne,

1. Atha sampati (Sī)

Mañjūsakamāle, Ānandena pucchitakāle, saṅgītiyanti catukkhattum bhāsītā hotīti.

Paṭhamagāthāvaṇṇanā samattā.

36. **Saṃsaggajātassāti** kā uppatti? Ayampi paccekabodhisatto Kassapassa Bhagavato sāsane vīsati vassasahassāni purimanayeneva samaṇadhammaṃ karonto kasiṇaparikkammaṃ katvā paṭhamajjhānaṃ nibbattetvā nāmarūpaṃ vavatthapetvā lakkhaṇasammasanaṃ katvā ariyamaggaṃ anadhigamma brahmaloke nibbatti. So tato cuto Bārāṇasirañño aggamaheṣiyā kucchimhi uppajjitvā purimanayeneva vaḍḍhamāno yato pabhuti “ayaṃ itthi ayaṃ puriso”ti visesaṃ aññāsi, tatupādāya itthīnaṃ hatthe na ramati, ucchādananhāpanamaṇḍanādimmattampi na sahati. Taṃ purisā eva posenti, thaññapāyanakāle dhātiyo kañcukaṃ paṭimuñcitvā purisavesena thaññaṃ pāyenti. So itthīnaṃ gandhaṃ ghāyitvā saddaṃ vā sutvā rodāti, viññūtaṃ pattopi itthiyo passitum na icchati, tena taṃ **anittigandhot**veva sañjānimsu.

Tasmim soḷasavassuddesike jāte rājā “kulavaṃsaṃ saṅghapessāmī”ti nānākulehi tassa anurupā kaññāyo ānetvā aññataraṃ amaccaṃ āṇāpesi “kumāraṃ ramāpehi”ti. Amacco upāyena taṃ ramāpetukāmo tassa avidūre sāṇipākāraṃ parikkhipāpetvā nāṭakāni payojāpesi. Kumāro gītavādītasaddaṃ sutvā “kasseso saddo”ti āha. Amacco “taveso deva nāṭakitthīnaṃ saddo, puññavantānaṃ īdisāni nāṭakāni honti, abhirama deva mahāpuññosi tvaṃ”ti āha. Kumāro amaccaṃ daṇḍena tāḷāpetvā nikkāḍḍhāpesi. So rañño ārocesi. Rājā kumārassa mātaraṃ saha gantvā kumāraṃ khamāpetvā¹ puna amaccaṃ appesi². Kumāro tehi atinippīliyamāno seṭṭhasuvaṇṇaṃ datvā suvaṇṇakāre āṇāpesi “sundaraṃ itthirūpaṃ karoṭhā”ti. Te Vissakammūnā nimmitasadiṣaṃ sabbālaṅkāravibhūṣitaṃ itthirūpaṃ katvā dassesuṃ. Kumāro disvā vimhayaena sīsaṃ cāletvā mātāpitūnaṃ pesesi “yadi īdisim itthim labhissāmi, gaṇhissāmi”ti.

1. Kumāraṃ ramāpehī (Syā)

2. Āṇāpesi (Syā)

mātāpitaro “amhākaṃ putto mahāpuñño, avassaṃ tena saha katapuñña kāci dārikā loke uppannā bhavissatī”ti taṃ suvaṇṇarūpaṃ rathaṃ āropetvā amaccānaṃ appesum “gacchatha īdisiṃ dārikaṃ gavesathā”ti. Te gahetvā soḷasa mahājanapade vicarantā taṃ taṃ gāmaṃ gantvā udakatitthādīsu yattha yattha janasamūhaṃ passanti, tattha tattha devataṃ viya suvaṇṇarūpaṃ ṭhapetvā nānāpupphavatthālankārehi pūjaṃ katvā vitānaṃ bandhitvā ekamantaṃ tiṭṭhanti “yadi kenaci evarūpā diṭṭhapubbā bhavissati, so kathaṃ samuṭṭhāpessatī”ti. Etenupāyena aññaṭṭha Maddaraṭṭhā sabbe janapade āhiṇḍitvā taṃ “Khuddakaraṭṭhan”ti avamaññaṃ tatha paṭhamāṃ agantvā nivattiṃsu.

Tato nesaṃ ahosi “Maddaraṭṭhampi tāva gacchāma, mā no Bārāṇasīṃ pavitṭhepi rājā puna pāhesī”ti Maddaraṭṭhe Sāgalanagaraṃ agamaṃsu. Sāgalanagare ca Maddavo nāma rājā, tassa dhītā soḷasavassuddesikā abhirūpā hoti. Tassā vaṇṇadāsiyo nhānodakathāya titthaṃ gatā tattha amaccehi ṭhapitaṃ taṃ suvaṇṇarūpaṃ dūratova disvā “amhe udakathāya pesetvā rājaputtī sayameva āgatā”ti bhaṇantiyo samīpaṃ gantvā “nāyaṃ sāmīnī, amhākaṃ sāmīnī ito abhirūpataṃ”ti āhaṃsu. Amaccā taṃ sutvā rājānaṃ upasaṅkamtivā anurūpena nayena dārikaṃ yāciṃsu, sopi adāsī. Tato Bārāṇasirañño pāhesum “laddhā dārikā, sāmaṃ āgacchissati, udāhu amheva ānema”ti. So ca “mayi āgacchante janapadapīḷā bhavissati, tumheva ānethā”ti pesesi.

Amaccā dārikaṃ gahetvā nagarā nikkhamitvā kumārassa pāhesum “laddhā suvaṇṇarūpasadisī dārikā”ti. Kumāro sutvāva rāgena abhibhūto paṭhamajjhanā parihāyi. So dūtaparamparaṃ pesesi “sīghaṃ ānetha sīghaṃ ānethā”ti. Te sabbattha ekarattivāseneva Bārāṇasīṃ patvā bahinagare ṭhitā rañño pāhesum “ajja pavisitabbaṃ, no”ti. Rājā “setṭhakulā ānītā dārikā, maṅgalakiriyaṃ katvā mahāsakkārena pavesessāma, uyyānaṃ tāva naṃ nethā”ti āṇāpesi. Te tathā akaṃsu. Sā accantasukhumālā yānugghātena ubbāḷhā addhānaparissamena uppannavātarogā milātamaḷā

viya hutvā rattimyeva kālamakāsi. Amaccā “sakkārā paribhaṭṭhamhā”ti paridevimsu. Rājā ca nāgarā ca “kulavaṃso vinaṭṭho”ti paridevimsu. Nagare mahākolāhalaṃ ahoṣi, kumārassa sutamatteyeva mahāsoko udapādi. Tato kumāro sokassa mūlaṃ khaṇitumāraddho, so cintesi “ayaṃ soko nāma na ajātassa hoti, jātassa pana hoti, tasmā jātiṃ paṭicca soko”ti. “Jāti pana kim paṭiccā”ti. Tato “bhavaṃ paṭicca jāti”ti evaṃ pubbabhāvanānubhāvena yoniso manasikaronto anulomapaṭilomapaṭiccasamuppādaṃ disvā saṅkhāre sammasanto tattheva nisinno paccekabodhiṃ sacchākāsi. Taṃ maggaphalasukhena sukhitaṃ santindriyaṃ santamānaṃ nisinnaṃ disvā paṇipātaṃ katvā amaccā āhaṃsu “mā soci deva, mahanto jambudīpo, aññaṃ tato sundarataṃ ānessāma”ti. So āha “nāhaṃ socako, nissoko Paccekabuddho ahan”ti. Ito paraṃ sabbam purimagāthāsadisameva ṭhapetvā gāthāvaṇṇanaṃ.

Gāthāvaṇṇanāyaṃ pana **samsaggajātassāti** jātasaṃsaggassa. Tattha dassanasavanakāyasamullapanasambhogasaṃsaggavasena pañcavidho saṃsaggo. Tattha aññaṃaññaṃ disvā cakkhuvīññāvaṃvithivasena uppannarāgo **dassanasamsaggo** nāma. Tattha Sihaḷadīpe Kāḷadīghavāpīgāme¹ piṇḍāya carantaṃ kalyāṇavihāravāsīdīghabhāṇakadaharabhikkhuṃ disvā paṭibaddhacittā kenaci upāyena taṃ alabhitvā kālakatā kuṭumbiyadhītā, tassā nivāsanacoḷakhaṇḍaṃ disvā “evarūpavatthadhārinīyā nāma saddhiṃ saṃvāsaṃ nālatthan”ti hadayaṃ phāletvā kālakato so eva ca daharo nidassanaṃ.

Parehi pana kathiyamānaṃ rūpādisampattiṃ attanā vā hasitalapitagītasaddaṃsutvā sotavīññāvaṃvithivasena uppanno rāgo **savanasamsaggo** nāma. Tatrāpi Girigāmaṃvāsīkammāradhītāya pañcahi kumārīhi saddhiṃ padumassaraṃ gantvā nhatvā mālaṃ āropetvā uccāsaddena gāyantiyā ākāseṇa gacchanta saddaṃ sutvā kāmarāgena visesā parihāyitvā anayabyasanaṃ patto Pañcaggaḷaleṇavāsī Tissadaharo nidassanaṃ.

Aññaṃaññaṃ aṅgaparāmasanaṃ uppannarāgo **kāyasamsaggo** nāma. Dhammagāyanadaharabhikkhu cettha nidassanaṃ. Mahāvihāre kira daharabhikkhu dhammaṃ

1. Kāḷadīghagāme (Sī)

bhāsati, tattha mahājane āgate rājāpi agamāsi saddhiṃ antepurena. Tato rājadhītāya tassa rūpañca saddañca āgamma balavarāgo uppanno tassa ca daharassāpi. Tam disvā rājā sallakkhetvā sāṇipākārena parikkhipāpesi, te aññamaññaṃ parāmasitvā āliṅgiṃsu. Puna sāṇipākāraṃ apanetvā passantā dvepi kālakateyeva addasaṃsūti.

Aññamaññaṃ ālapanasamullapane uppanno rāgo pana **samullapanasaṃsaggo** nāma. Bhikkhubhikkhunīhi saddhiṃ paribhogakaraṇe uppannarāgo **sambhogasaṃsaggo** nāma. Dvīsupi cetesu pārājikappatto bhikkhu ca bhikkhunī ca nidassanaṃ. Maricivaṭṭināmamahāvihāramahe kira Duṭṭhagāmaṇi Abhayamahārājā mahādānaṃ paṭiyādetvā ubhatosaṃghaṃ parivisati. Tattha uṇhayāguyā dinnāya saṃghanavakasāmaṇerī anādhārakassa saṃghanavakasāmaṇerassa dantavalayaṃ datvā samullāpaṃ akāsi, te ubhopi upasampajjitvā saṭṭhivassā hutvā paratīraṃ gatā aññamaññaṃ samullāpena pubbasaññaṃ paṭilabhivā tāvadeva jātasinehā sikkhāpadaṃ vītikkamitvā pārājikā ahesunti.

Evam pañcavidhe saṃsagge yena kenaci saṃsaggena jātasāṃsaggassa **bhavati sneho**, purimarāgapaccayā balavarāgo uppajjati. Tato **snehanvayaṃ dukkhamidaṃ pahoti**, tameva snehaṃ anugacchantam sandiṭṭhikasamparāyikasokaparidevādinānappakāraṃ dukkhamidaṃ pahoti nibbattati bhavati jāyati. Apare pana “ārammaṇe cittassa vossaggo saṃsaggo”ti bhaṇanti. Tato sneho, snehā dukkhamidanti.

Evamatthappahedaṃ imaṃ aḍḍhagāthaṃ vatvā so Paccekabuddho āha “svāhaṃ yamidaṃ snehanvayaṃ sokādidukkhaṃ pahoti, tassa dukkhassa mūlaṃ khananto paccekasambodhimadhigato”ti. Evam vutte te amaccā āhaṃsu “amhehi dāni bhante kiṃ kātabban”ti. Tato so āhaṃ “tumhe vā aññe vā yo imahā dukkhā muccitukāmo, so sabbopi **ādīnavaṃ snehajaṃ pekkhamāno, eko care khaggavisāṇakappo**”ti. Ettha ca yaṃ “snehanvayaṃ dukkhamidaṃ pahoti”ti vuttam, tadeva sandhāya “ādīnavaṃ snehajaṃ pekkhamāno”ti idaṃ vuttanti vedittabbaṃ. Atha vā yathāvuttena saṃsaggena saṃsaggajātassa bhavati sneho, snehanvayaṃ dukkhamidaṃ pahoti, etaṃ yathābhūtaṃ ādīnavaṃ snehajaṃ pekkhamāno ahaṃ adhigatoti evam abhisambandhitvā catutthapādo pubbe

vuttanayeneva udānavasena vuttoti veditabbo. Tato param̄ sabbam̄ purimagāthāya vuttasadisamevāti.

Samsaggagāthāvaṇṇanā samattā.

37. **Mitte suhajjeti** kā uppatti? Ayam̄ paccekabodhisatto purimagāthāya vuttanayeneva uppajjitvā Bārāṇasiyam̄ rajjam̄ kārento paṭhamam̄ jhānam̄ nibbattetvā “kiṃ samaṇadhammo varo, rajjam̄ varan”ti vīmamsitvā catunnam̄ amaccānam̄ hatthe rajjam̄ niyyātetvā samaṇadhammam̄ karoti. Amaccā “dhammena samena karoṭhā”ti vuttāpi lañjam̄ gahetvā adhammena karonti, te lañjam̄ gahetvā sāmike parājentā ekadā aññataram̄ rājavallabham̄ parājesum̄. So rañño bhattachārakena saddhim̄ pavisitvā sabbam̄ ārocesi. Rājā dutiyadivase sayam̄ vinicchayaṭṭhānam̄ agamāsi. tato mahājanakāyā “amaccā sāmike asāmike karontī”ti mahāsaddam̄ karontā mahāyuddham̄ viya akamsu. Atha rājā vinicchayaṭṭhānā vuṭṭhāyapāsādam̄ abhiruhitvā samāpattim̄ appetum̄ nisinno tena saddena vikkhittacitto na sakkoti appetum̄. So “kiṃ me rajjena, samaṇadhammo varo”ti rajjasukham̄ pahāya puna samāpattim̄ nibbattetvā pubbe vuttanayeneva vipassanto paccekasambodhim̄ sacchākāsi. Kammatṭhānañca pucchito imam̄ gātham̄ abhāsi—

“Mitte suhajje anukampamāno,
Hāpeti attham̄ paṭibaddhacitto.
Etam̄ bhayam̄ santhave pekkhamāno,
Eko care khaggavisāṇakappo”ti.

Tattha mettāyanavasena **mittā**. Suhadayabhāvena **suhajjā**. Keci hi ekantahitakāmatāya mittāva honti, na suhajjā. Keci gamanāgamaṇaṭṭhānanisajjā samullāpādīsu hadayasukhajanana suhajjāva honti, na mittā. Keci tadubhayavasena suhajjā ceva mittā ca. Te duvidhā honti agāriyā anagāriyā ca. Tattha agāriyā tividhā honti upakāro samānasukhadukkho anukampakoti. Anagāriyā visesena atthakkhāyino eva. Te catūhi aṅgehi samannāgatā honti. Yathāha—

“Catūhi kho gahapatiputta ṭhānehi upakāro mitto suhado veditabbo, pamattaṃ rakkhati, pamattassa sāpateyyaṃ rakkhati, bhītaṃ saraṇaṃ hoti, uppannesu kiccakaraṇīyesu taddiguṇaṃ bhogaṃ anuppadeti”¹.

Tathā—

“Catūhi kho gahapatiputta ṭhānehi samānasukhadukkho mitto suhado veditabbo, guyhamassa ācikkhati, guyhamassa parigūhati, āpadāsu na vijahati, jīvitampissa atthāya pariccattaṃ hoti”¹.

Tathā—

“Catūhi kho gahapatiputta ṭhānehi anukampako mitto suhado veditabbo, abhavenassa na nandati, bhavenassa nandati, avaṇṇaṃ bhaṇamānaṃ nivāreti, vaṇṇaṃ bhaṇamānaṃ pasamsati”².

Tathā—

“Catūhi kho gahapatiputta ṭhānehi atthakkhāyī mitto suhado veditabbo, pāpā nivāreti, kalyāṇe niveseti, assutaṃ sāveti, saggassa maggaṃ ācikkhati”².

Tesvidha agāriyā adhippetā, atthato pana sabbepi yujjanti. Te mitte suhajje. **Anukampamānoti** anudayamāno, tesam sukhaṃ upasamharitukāmo dukkhaṃ apaharitukāmo ca.

Hāpeti atthanti diṭṭhadhammikasamparāyikaparamatthavasena tividhaṃ, tathā attatthaparatta-ubhayatthavasenāpi tividhaṃ atthaṃ laddhavināsanena aladdhānuppādanenāti dvidhāpi hāpeti vināseti. **Paṭibaddhacittoti** “ahaṃ imaṃ vinā na jīvāmi, esa me gati, e sa me parāyaṇaṃ”^{ti} evaṃ attānaṃ nīce ṭhāne ṭhapentopi paṭibaddhacitto hoti. “Ime maṃ vinā na jīvanti, ahaṃ tesam gati, tesam parāyaṇaṃ”^{ti} evaṃ attānaṃ ucce ṭhāne ṭhapentopi paṭibaddhacitto hoti. Idha pana evaṃ paṭibaddhacitto adhippeto. **Etaṃ bhayanti** atthahāpanabhayaṃ, attano samāpattihāniṃ sandhāya vuttaṃ.

1. Dī 3. 152 piṭṭhe.

2. Dī 3. 153 piṭṭhe.

Santhaveti tividho santhavo taṇhādiṭṭhimittasanthavavasena. Tattha aṭṭhasatappabhedāpi taṇhā taṇhāsanthavo, dvāsaṭṭhibhedāpi diṭṭhi diṭṭhisanthavo, paṭibaddhacittatāya mittānukampanā mittasanthavo. So idhādhippetho. Tena hissa samāpatti. Parihīnā. Tenāha ‘etaṃ bhayaṃ santhave pekkhamāno ahamadhigato’¹ti. Sesam vuttasadisamevāti veditabbanti.

Mittasuhajjagāthāvaṇṇanā samattā.

38. **Vamso visāloti** kā uppatti? Pubbe kira Kassapassa Bhagavato sāsane tayo paccakabodhisattā pabbajitvā vīsati vassasahassāni gatapaccāgatavattaṃ pūretvā devaloke uppannā. Tato cavitvā tesam jeṭṭhako Bārāṇasirājakule nibbato, itare paccantarājakulesu. Te ubhopi kammatṭhānaṃ uggaṇhitvā rajjaṃ pahāya pabbajitvā anukkamena Paccakabuddhā hutvā Nandamūlakapabbhāre vasantā ekadivasaṃ samāpattito vuṭṭhāya “mayam kiṃ kammaṃ katvā imaṃ lokuttarasukhaṃ anuppattā”²ti āvajjetvā paccavekkhamānā Kassapabuddhakāle attano cariyam addasaṃsu. tato “tatiyo kuhin”³ti āvajjentā Bārāṇasiyam rajjaṃ kārentam disvā tassa guṇe saritvā “so pakatiyāva appicchatādiguṇasamannāgato ahoṣi, amhākaññeva ovādako vattā vacanakkhamo pāpagarahī, handa naṃ ārammaṇaṃ dassetvā mocessāmā”⁴ti okāsaṃ gavesantā taṃ ekadivasaṃ sabbālaṅkāravibhūsitam uyyānaṃ gacchantaṃ disvā ākāsenaṅgantvā uyyānavāre veḷugumbamūle aṭṭhaṃsu. Mahājano atitto¹ rājadassanena rājānaṃ oloketi. Tato rājā “atthi nu kho koci mama dassane abyāvaṭo”²ti olokeno Paccakabuddhe addakki, saha dassaneneva cassa tesu sineho uppajji.

So hatthikkhandhā oruyha santena upacārena te upasaṅkamitvā “bhante kiṃ nāma tumhe”³ti pucchi. Te āhaṃsu “mayam mahārāja asajjamānā nāmā”⁴ti. Bhante asajjamānāti etassa ko atthoti. Alagganattho mahārājāti. Tato taṃ veḷugumbaṃ dassentā āhaṃsu “seyyathāpi mahārāja imaṃ veḷugumbaṃ sabbaso mūlakhandhasākhānusākhāhi² saṃsibbitvā ṭhitam asihattho puriso mūle chetvā āviñchanto na sakkuṇeyya

1. Attano (Syā, Ka)

2. Mūlakhandhasākhānusākhāṃ (Sī), mūlakhandhasākhā (Syā)

uddharitum, evameva tvaṃ anto ca bahi ca jaṭāya jaṭito āsattavisatto tattha laggo. Seyyathāpi vā panassa vemajjhagatopi¹ ayaṃ vaṃsakaḷīro asaṅjātasākhattā kenaci alaggo ṭhito, sakkā ca pana agge vā mūle vā chetvā uddharitum, evameva mayaṃ katthaci asajjamānā sabbadisā gacchāmā”ti tāvadeva catutthajjhānaṃ samāpajjitvā passato eva rañño ākāseṇa Nandamūlakapabbhāraṃ agamaṃsu. Tato rājācintesi “kadā nu kho ahampi evaṃ asajjamāno bhaveyyan”ti tattheva nisīditvā vipassanto paccekabodhiṃ sacchākāsi. Purimanayeneva kammaṭṭhānaṃ pucchito imaṃ gāthaṃ abhāsi—

“Vaṃso visālova yathā visatto,
Puttesu dāresu ca yā apekkhā.
Vaṃsakaḷīrova asajjamāno,
Eko care khaggavisāṇakappo”ti.

Tattha **Vaṃsoti** veḷu. **Visāloti** vitthiṇṇo. Cakāro avadhāraṇattho, evakāro vā ayaṃ, sandhivasenettha ekāro naṭṭho². Tassa parapadena sambandho, taṃ pacchā yoressāma. **Yathāti** paṭibhāge. **Visattoti** laggo jaṭito saṃsibbito. **Puttesu dāresu cāti** puttadhītubhariyāsu. **Yā apekkhāti** yā taṇhā yo sneho. **Vaṃsakaḷīrova asajjamānoti** vaṃsakaḷīro viya alaggamāno. Kim vuttaṃ hoti? Yathā vaṃso visālo visatto eva hoti, puttesu dāresu ca yā apekkhā, sāpi evaṃ tāni vatthūni saṃsibbitvā ṭhitattā visattā eva. Svāhaṃ tāva apekkhāya apekkhavā visālo vaṃso viya visattoti evaṃ apekkhāya ādīnavaṃ disvā taṃ apekkhaṃ maggañāṇena chindanto ayaṃ vaṃsakaḷīrova rūpādīsu vā lābhādīsu vā kāmabhavādīsu vā diṭṭhādīsu vā taṇhāmānadiṭṭhivasena asajjamāno paccekabodhiṃ adhigatoti. Sesam purimanayeneva veditabbanti.

Vaṃsakaḷīragāthāvaṇṇanā samattā.

1. Vā panassa vemajjhe jātopi (Sī), tassa majjhagatopi (Syā)

2. Evakāro daṭṭhabbo (Syā), vakāro daṭṭhabbo (Ka)

39. **Migo araṇṇamhīti** kā uppatti? Eko kira bhikkhu Kassapassa Bhagavato sāsane yogāvacaro kālaṃ katvā Bārāṇasīyaṃ seṭṭhikule uppanno aḍḍhe mahaddhane mahābhoge, so subhago ahosi, tato paradāriko hutvā tattha kālakato niraye nibbatto tattha paccivā vipākāvesesena seṭṭhibhariyāya kucchimhi itthipaṭisandhim aggahesi. Nirayato āgatānaṃ gattāni uṇhāni honti, tena seṭṭhibhariyā ḍayhamānena udarena kicchena kasirena taṃ gabbhaṃ dhāretvā kālena dārikaṃ vijāyi. Sā jātadivasato pabhuti mātāpitūnaṃ sesabandhuparijanānañca dessā ahosi. Vayappattā ca yamhi kule dinnā, tatthāpi sāmikasassusurānaṃ dessāva ahosi appiyā amanāpā. Atha nakkhatte Ghosite seṭṭhiputto tāya saddhim kīlitum anicchanto vesim ānetvā kīlati, sā taṃ dāsīnaṃ santikā sutvā seṭṭhiputtam upasaṅkamitvā nānappakārehi anunayitvā¹ āha “ayyaputta itthi nāma sacepi dasannaṃ rājūnaṃ kaniṭṭhā hoti cakkavattino vā dhītā, tathāpi sāmikassa pesanakarā hoti, sāmike anālapante sūle āropitā viya dukkhaṃ paṭisaṃvedeti. Sace ahaṃ anuggahārahā, anuggahetabbā. No ce, vissajjetabbā, attano ñātikulaṃ gamissāmī”ti. Seṭṭhiputto “hotu bhadde, mā soci, kīlanasajjā hohi, nakkhattaṃ kīlissāmā”ti āha. Seṭṭhidhītā tāvatakenapi sallāpamattena ussāhajātā “sve nakkhattaṃ kīlissāmī”ti bahum khajjabhojjaṃ paṭiyādeti. Seṭṭhiputto dutiyadivase anārocetvāva kīlanaṭṭhānaṃ gato. Sā “idāni pesessati, idāni pesessati”ti maggaṃ oloketi nisinnā ussūraṃ disvā manusse pesesi, te paccāgantvā “seṭṭhiputto gato”ti ārocesum. Sā sabbaṃ taṃ paṭiyāditam ādāya yānaṃ abhiruhitvā uyyānaṃ gantum āradhā.

Atha Nandamūlakapabbhāre paccekasambuddho sattame divase nirodhā vuṭṭhāya Anotatte mukhaṃ dhovitvā nāgalatādantapoṇaṃ khādītva “kattha ajja bhikkhaṃ carissāmī”ti āvajjento taṃ seṭṭhidhītaraṃ disvā “imissā mayi sakkāraṃ karitvā taṃ kammaṃ parikkhayaṃ gamissati”ti ñatvā

1. Ānayitvā (Ka)

pabbhārasamīpe saṭṭhiyojanaṃ manosilātaṃ, tattha ṭhatvā nivāsetvā
 pattacīvaramādāya abhiññāpādakajjhānaṃ samāpajjitvā ākāsenāgantvā tassā
 paṭipathe oruyha Bārāṇasībhimukho agamāsi. Taṃ disvā dāsiyo
 seṭṭhidhītāya ārocesuṃ, sā yānā oruyha sakkaccaṃ vanditvā pattam gahetvā
 sabbarasasampanna khādanīyabhojanīyena pūretvā padumapupphena
 paṭicchādetvā heṭṭhāpi padumapupphaṃ katvā pupphakalāpaṃ hatthena
 gahetvā Paccekabuddhaṃ upasaṅkamitvā tassa hatthe pattam datvā vanditvā
 pupphakalāpahatthā patthesi “bhante yathā idaṃ pupphaṃ, evāhaṃ yattha
 yattha uppajjāmi, tattha tattha mahājanassa piyā bhaveyyaṃ manāpā”ti.
 Evaṃ patthetvā dutiyaṃ patthesi “bhante dukkho gabbhavāso, taṃ
 anupagamma padumapupphe eva paṭisandhi bhaveyyā”ti. Tatiyampi patthesi
 “bhante jigucchānīyo mātuḡāmo, cakkavattidhītāpi paravasam gacchati,
 tasmā ahaṃ itthibhāvaṃ anupagamma puriso bhaveyyaṃ”ti. Catutthampi
 patthesi “bhante imaṃ saṃsāradukkhaṃ atikkamma pariyosāne tumhehi
 pattam amataṃ pāpuṇeyyaṃ”ti.

Evaṃ caturo paṇidhaya katvā taṃ padumapupphakalāpaṃ pūjetvā
 Paccekabuddhassa pañcapaṭiṭṭhitena vanditvā “pupphasadiso eva me gandho
 ceva vaṇṇo ca hotū”ti imaṃ pañcamam paṇidhiṃ akāsi. Tato
 Paccekabuddho pattam pupphakalāpaṃ gahetvā ākāse ṭhatvā—

“Icchitaṃ patthitaṃ tuyhaṃ, khippameva samijjhatu.

Sabbe pūrentu saṅkappā, cando pannaraso yathā”ti—

imāya gāthāya seṭṭhidhītāya anumodanaṃ katvā “seṭṭhidhītā maṃ
 gacchantam passatū”ti adhiṭṭhahitvā Nandamūlakapabbhāraṃ agamāsi.
 Seṭṭhidhītāya taṃ disvā mahatī pīti uppannā, bhavantare kataṃ
 akusalakammaṃ anokāsātāya parikkhīnaṃ,
 ciñcambiladhotatambabhājanamiva suddhā jātā. Tāvadeva cassā patikule
 ñātikule ca sabbo jano tuṭṭho “kiṃ karomā”ti piyavacanāni paṇṇākārāni ca
 pesesi. Seṭṭhiputto manusse pesesi “sīghaṃ sīghaṃ ānetha seṭṭhidhītaraṃ,
 ahaṃ vissaritvā uyyānaṃ āgato”ti. tato pabhuti ca naṃ ure vilittacandanaṃ
 viya āmuttamuttāhāraṃ viya pupphāmālaṃ viya ca piyāyanto parihari.

Sā tattha yāvatāyukam issariyabhogasukham anubhavitvā kālam katvā purisabhāvena devaloke padumapupphe uppajji. So devaputto gacchantopi padumapupphagabbheyeva gacchati, tiṭṭhantopi, nisīdantopi, sayantopi padumagabbheyeva sayati. Mahāpadumadevaputtoti cassa nāmaṃ akaṃsu. Evaṃ so tena iddhānubhāvena anulomapaṭilomaṃ chadevaloke eva saṃsarati.

Tena ca samayena Bārāṇasirañño vīsati itthisahassāni honti, rājā ekissāpi kucchiyaṃ puttaṃ na labhati. Amaccā rājānaṃ viññāpesuṃ “deva kulavaṃsānupālako putto icchitabbo, atraje avijjamāne khetrājopi kulavaṃsadharo hoti”ti. Rājā “ṭhapetvā mahesiṃ avasesā nātakitthiyo sattāhaṃ dhammanāṭakaṃ karoṭhā”ti yathākāmaṃ bahi carāpesi, tathāpi puttaṃ nālattha. Puna amaccā āhaṃsu “mahārāja mahesī nāma puññaena ca paññāya ca sabbitthīnaṃ aggā, appeva nāma devo mahesiyāpi kucchismiṃ puttaṃ labheyyā”ti. Rājā mahesiyā etamatthaṃ ārocesi. Sā āha “mahārāja yā itthī saccavādinī sīlavatī, sā puttaṃ labheyya, hirottapparahitāya kuto putto”ti pāsādaṃ abhiruhitvā pañca sīlāni samādiyitvā punappunaṃ anumajjati, sīlavatīyā rājadhītāya pañca sīlāni anumajjantiyā puttapatthanācette uppannamatte Sakkassa āsanaṃ santappi.

Atha Sakko āsanatāpakāraṇaṃ āvajjento etamatthaṃ viditvā “sīlavatīyā rājadhītāya puttavaraṃ demī”ti ākāsenāgantvā deviyā sammukhe ṭhatvā “kiṃ patthesi devī”ti pucchi. Puttaṃ mahārājāti. “Dammi te devi puttaṃ, mā cintayī”ti vatvā devalokaṃ gantvā “atthi nu kho ettha khīṇāyuko”ti āvajjento “ayaṃ Mahāpadumo uparidevaloke uppajjituṃ ito cavatī”ti ñatvā tassa vimānaṃ gantvā “tāta Mahāpaduma manussalokaṃ gacchāhī”ti yāci. So āha “mahārāja mā evaṃ bhaṇi, jeguccho manussaloko”ti. Tāta tvaṃ manussaloke puññaṃ katvā idhūpapanno, tattheva ṭhatvā pāramiyo pūretabbā, gaccha tātāti. Dukkho mahārāja gabbhavāso, na sakkomi tattha vasitunti. “Kiṃ te tāta gabbhavāsenā, tathā hi tvaṃ kammamakāsi,

yathā padumagabbheyeva nibbattissasi, gaccha tātā”ti punappunam vuccamāno adhivāsesi.

Tato Mahāpadumo devalokā cavitvā Bārāṇasirañño uyyāne Silāpaṭṭapokkharāṇiyam padumagabbhe nibbatto. Tañca rattim mahesī paccūsasamaye supinanta vīsati-itthisahassaparivutā uyyānam gantvā Silāpaṭṭapokkharāṇiyam padumassare puttam laddhā viya ahosi. Sā pabhātāya rattiya silāni rakkhamānā tatheva tattha gantvā ekam padumapuppham addasa, tam neva tīre hoti na gambhīre. Saha dassaneneva cassā tattha puttasineho uppajji. Sā sāmānyeva pavisitvā tam puppham aggahesi, pupphe gahitamatteyeva pattāni vikasimsu. Tattha taṭṭake¹ āsittasuvannaṇapaṭimam viya dārakam addasa, disvāva “putto me laddho”ti saddam nicchāresi. Mahājano sādhu-kārasahassāni muñci. Rañño ca pesesi. Rājā sutvā “kattha laddho”ti pucchitvā laddhokāsañca sutvā “uyyānañca pokkharāṇiyam padumañca amhākaññeva khettam, tasmā amhākam khetto jātattā Khetrajo nāmāyam putto”ti vatvā nagaram pavesetvā vīsatisahassa-itthiyo dhātikiccam kārapesi. Yā yā kumārassa rucim nātva patthitapatthitam khādanīyam khādāpeti, sā sā sahasam labhati. Sakalabārāṇasī calitā, sabbo jano kumārassa paṇṇakārasahassāni pesesi. Kumāro tam tam atinetvā “imam khāda, imam bhujjā”ti vuccamāno bhojanena ubbāḷho ukkaṇṭhito hutvā gopuradvāram gantvā lākhaguḷakena kīḷati.

Tadā aññataro Paccekabuddho Bārāṇasim nissāya Isipatane vasati, so kālasseva vuṭṭhāya senāsanavattasarīraparikammamanasikārādīni sabbakiccāni katvā paṭisallānā vuṭṭhito “ajja kattha bhikkham gahessāmi”ti āvajjento kumārassa sampattim disvā “esa pubbe kim kammam karī”ti vīmaṃsanto “mādisassa piṇḍapātāṃ datvā catasso patthanā patthesi, tattha tisso siddhā, ekā tāva na sijjhati, tassa upāyena ārammaṇam dassemi”ti bhikkhācariyavasena kumārassa santikam agamāsi. Kumāro tam disvā “samaṇa mā idha āgacchi, ime hi tampi ‘idam khāda, idam bhujjā’ti vadeyyun”ti āha. So ekavacaneneva tato

1. Pattake (Syā)

nivattitvā attano senāsanam pāvīsi. Kumāro parijanam āha “ayam samaṇo mayā vuttamattova nivatto, kuddho nu kho mamā”ti. Tato tehi “pabbajitā nāma deva na kodhaparāyaṇā honti, parena pasannamanena yaṃ dinnam hoti, tena yāpentī”ti vuccamānopi “kuddho eva mamāyam samaṇo, khamāpessāmi nan”ti mātāpitūnam ārocetvā hatthim abhiruhitvā mahatā rājānubhāvena Isipatanam gantvā migayūtham disvā pucchi “kim nāma ete”ti. Ete sāmi migā nāmāti. Etesam¹ “imam khādatha, imam bhuñjatha, imam sāyathā”ti vatvā paṭijaggantā atthīti. Natthi sāmi, yattha tiṇodakam sulabham, tattha vasantīti.

Kumāro “yathā ime arakkhiyamānāva yattha icchanti, tattha vasanti, kadā nu kho ahampi evam vaseyyan”ti etamārammaṇam aggahesi. Paccekabuddhopi tassa āgamanam ñatvā senāsanamaggañca caṅkamañca sammajjitvā maṭṭham katvā ekadvikkhattum caṅkamitvā padanikkhepaṃ dassetvā divāvihārokāsañca paṇṇasālañca sammajjitvā maṭṭham katvā pavisanapadanikkhepaṃ dassetvā nikkhamanapadanikkhepaṃ adassetvā aññatra agamāsi. Kumāro tattha gantvā tam padesam sammajjitvā maṭṭham kataṃ disvā “vasati maññe ettha so Paccekabuddho”ti parijanena bhāsitam sutvā āha “pātopi so samaṇo kuddho, idāni hatthi-assādīhi attano okāsam akkantaṃ disvā suṭṭhutarāṃ kujjheyya, idheva tumhe tiṭṭhathā”ti hatthikkhandhā oruyha ekakova senāsanam pavitṭho vattasīsenā susammaṭṭhokāse padanikkhepaṃ disvā “ayam samaṇo ettha caṅkamanto na vaṇijjādikammaṃ cintesi, addhā attano hitameva cintesi maññe”ti² pasannamānaso caṅkamaṃ aruhitvā dūrīkataputhuvitakko gantvā pāsāṇaphalake nisīditvā sañjāta-ekaggo hutvā paṇṇasālam pavisitvā vipassanto paccekabodhiñāṇam adhigantvā purimanayeneva purohitena kammaṭṭhāne pucchite gaganatale nisinno imam gāthamāha²—

1. Ete (Sī, Syā)

2-2. Vīmaṃsanto divāvihāraṭṭhānam agamāsi, tatrāpi padanikkhepaṃ disvā tatheva cintetvā puna pāde pādam nikkhipanto dvāram vivaritvā antopaṇṇasālam pavisitvā Paccekabuddham apassanto ito cito ca olokayamāno tassāsanasilāpaṭṭam addasa, tampi disvā “nāyam samaṇo idha nisinno vaṇijjādikammaṃ cintesi, addhā attano hitam samaṇadhammeva cintesi”ti tattheva

“Migo araṇṇamhi yathā abaddho,
Yenicchakaṃ gacchati gocarāya.
Viññū naro seritaṃ pekkhamāno,
Eko care khaggavisāṇakappo”ti.

Tattha **migoti** dve migā eṇimigo¹ pasadamigo cāti. Apica sabbesaṃ āraṇṇikānaṃ catuppadānametaṃ adhivacanaṃ. Idha pana pasadamigo adhippeto. **Araṇṇamhīti** gāmañca gāmūpacārañca ṭhapetvā avasesaṃ araṇṇaṃ, idha pana uyyānamadhippetam, tasmā uyyānamhīti vuttaṃ hoti. **Yathāti** paṭibhāge. **Abaddhoti** rajjubandhanādīhi abaddho, etena vissatthacariyaṃ dīpeti. **Yenicchakaṃ gacchati gocarāyāti** yena yena disābhāgena gantumicchati, tena tena disābhāgena gocarāya gacchati. **Vuttampi** cetam Bhagavatā—

“Seyyathāpi bhikkhave āraṇṇako migo araṇṇe pavane caramāno vissattho gacchati, vissattho tiṭṭhati, vissattho nisīdati, vissattho seyyam kappeti. Tam kissa hetu, anāpāthagato bhikkhave luddassa, evameva kho bhikkhave bhikkhu vivicceva kāmehi -pa- paṭhamaṃ jhānaṃ upasampajja viharati. Ayaṃ vuccati bhikkhave bhikkhu andhamakāsi māraṃ² apadaṃ, vadhivā māracakkhuṃ adassanaṃ gato pāpimato”ti³ vitthāro.

nisīditvā yoniso manasikaronto yathākkamena samathaṃ vipassanañca paripūretvā paccakabodhiṃ sacchākāsi. So lokuttarasukhaṃ anubhavanto tato na nikkhamati, amaccā “rañño āṇā nāma garukā, mama puttaṃ gahetvā ciraṃ araṇṇe papañcitthāti daṇḍampi no paṇeyya, kumāraṃ gahetvā gacchāmā”ti paṇṇasālaṃ pavisitvā Paccakabuddhaṃ adisvā kumāraṃ tathā nisinnaṃ disvā “ayaṃ Paccakabuddhaṃ apassanto cintāya nisinna”ti mantvā āhaṃsu “deva Paccakabuddho idheva vasati, na kuhiñci gato, svepi naṃ āgantvā khamāpessāma, na diṭṭho Paccakabuddhoti mā cintayi, ehi gacchāmā”ti. Kumāro “nāhaṃ cintemi, acintakomhi jāto”ti āha. Kim kataṃ sāmīti. Paccakabuddho jātomhīti purimanayeneva kammaṭṭhānaṃ pucchito imaṃ gāthaṃ abhāsi “migo araṇṇamhī”ti. (Sī)

1. Tiṇamigo (Sī, Syā) 2. Mārassa (Ka) 3. Ma 1. 231; Khu 8. 243 piṭṭhesu.

Viññū naroti paṇḍitapuriso. **Seritanti** sacchandavuttitaṃ aparāyattataṃ. ¹**Pekkhamaṇoti** paññācakkhunā olokayamāno. Atha vā dhammaseritaṃ puggalaseritañca. Lokuttaradhammā hi kilesavasamā agamanato serino tehi samannāgatā puggalā ca, tesamā bhāvaniddeso seritā. Taṃ pekkhamānoti. Kim vuttaṃ hoti? “Yathā migo araññamhi abaddho yenicchakaṃ gacchati gocarāya, kadā nu kho ahampi evaṃ gaccheyyan”ti iti me tumhehi ito cito ca parivāretvā (hitehi baddhassa yenicchakaṃ gantuṃ alabhantassa tasmimā yenicchakagamānābhāvena yenicchakagamane cānisaṃsaṃ disvā anukkamena samathavipassanā pāripūrimā agamaṃsu. Tato paccekabodhimā adhigatomi. Tasmā aññopi viññū paṇḍito naro seritaṃ pekkhamāno eko care khaggavisāṇakappoti. Sesamā vuttanayeneva vedittabanti¹.

Miga-araññagāthāvaṇṇanā samattā.

40. **Āmantanā hotīti** kā uppatti? Atīte kira Ekavajjikabrahmadatto nāma rājā ahosi mudukajātiko. yadā amaccā tena saha yuttaṃ vā ayuttaṃ vā mantetukāmā honti, tadā naṃ pāṭiyekkaṃ pāṭiyekkaṃ ekamantaṃ nenti. Taṃ ekadivasamā divāseyyamā upagataṃ aññataro amacco “deva mama sotabbaṃ atthī”ti ekamantaṃ gamanaṃ yāci, so utthāya agamāsi. Puna eko mahā-upaṭṭhāne nisinnaṃ varaṃ yāci, eko hatthikkhandhe, eko assapiṭṭhiyaṃ, eko suvaṇṇarathe, eko sivikāya nisīditvā uyyānaṃ gacchantaṃ yāci, rājā tato orohitvā ekamantaṃ agamāsi. Aparo janapadacārikaṃ gacchantaṃ yāci, tassāpi vacanaṃ sutvā hatthito oruyha ekamantaṃ agamāsi. Evaṃ so tehi nibbinno hutvā pabbaji. Amaccā issariyena vaḍḍhanti. Tesu eko gantvā rājānaṃ āha “amukaṃ mahārāja janapadaṃ mayhaṃ dehi”ti. Rājā “taṃ itthannāmo bhuñjati”ti bhaṇati. So rañño vacanaṃ anādiyitvā “gacchāmaṃ taṃ janapadaṃ gahetvā bhuñjāmi”ti tattha gantvā kalahaṃ katvā puna ubhopi rañño santikaṃ āgantvā aññamaññassa dosaṃ ārocenti, rājā “na sakkā ime tosetun”ti

1-1. Idam vuttaṃ hoti—yathā migo araññamhi abaddho yenicchakaṃ gacchati gocarāya, tathā ahampi taṇhābandhanaṃ chinditvā evaṃ gaccheyyanti, tasmā aññopi viññū paṇḍito naro seritaṃ pekkhamāno eko caretī. (Ka)

tesaṃ lobhe ādīnavāṃ disvā vipassanto paccekasambodhiṃ sacchākāsi. So purimanayeneva imaṃ udānagāthaṃ abhāsi—

“Āmantanā hoti sahāyamajjhe,
Vāse ṭhāne gamane cārikāya.
Anabhijjhitāṃ seritaṃ pekkhamāno,
Eko care khaggavisāṇakappo”ti.

Tassattho—sahāyamajjhe ṭhitassa divāseyyasaṅkhāte vāse ca, mahā-
upaṭṭhānasaṅkhāte ṭhāne ca, uyyānagamanasaṅkhāte gamane ca,
janapadacārikasaṅkhātāya cārikāya ca “idaṃ me suṇa, idaṃ me dehi”ti-
ādinā nayena tathā tathā āmantanā hoti, tasmā ahaṃ tattha nibbijjivā yāyaṃ
ariyajānasevitā anekānisaṃsā ekantasukhā, evaṃ santepi lobhābhībhūtehi
sabbakāpurisehi anabhijjhitā anabhipatthitā pabbajjā, taṃ anabhijjhitaṃ
paresaṃ avasavattanena dhammapuggalavasena ca seritaṃ pekkhamāno
vipassanaṃ ārabhitvā anukkamena paccekasambodhiṃ adhigatomhīti.
Sesaṃ vuttanayamevāti.

Āmantanāgāthavaṇṇanā samattā.

41. **Khiḍḍā ratīti** kā uppatti? Bārāṇasiyaṃ Ekaputtakabrahmadatto nāma
rājā ahosi, so cassa ekaputtako piyo ahosi manāpo pāṇasamo, so
sabbiriyāpathesu puttaṃ gahetvāva vattati. So ekadivasaṃ uyyānaṃ
gacchanto taṃ ṭhapetvā gato, kumāropi taṃ divasaṃyeva uppanna
byādhinā mato. Amaccā “puttasinehena rañño hadayampi phaleyyā”ti
anārocetvāva naṃ jhāpesuṃ. Rājā uyyāne surāmadena matto puttaṃ neva
sari, tathā dutiyadivasepi nhānabhojanavelāsu, atha bhuttāvī nisinno saritvā
“puttaṃ me ānethā”ti āha. tassa anurūpena vidhānena taṃ pavattim
ārocesuṃ. Tato sokābhībhūto nisinno evaṃ yoniso manasākāsi “imasmim
sati idaṃ hoti, imassuppādā idaṃ uppajjati”ti. So evaṃ anukkamena
anulomapaṭilomaṃ paṭiccasamuppādaṃ sammāsanto paccekabodhiṃ
sacchākāsi. Sesaṃ saṃsaggagāthāya vuttasadisameva ṭhapetvā
gāthāyatthavaṇṇanaṃ.

Atthavaṇṇanāyaṃ pana **khiddā**ti kīlanā. Sā duvidhā hoti kāyikā vācasikā ca. Tattha kāyikā nāma hatthīhipi kīlanti, assehipi rathehipi dhanūhipi tharūhipīti evamādi. Vācasikā nāma gītaṃ silokabhāṇanam mukhabherīti evamādi. **Ratī**ti pañcakāmaguṇarati. **Vipulanti** yāva aṭṭhimiñjaṃ āhacca ṭhānena sakalattabhāvavyāpakam. Sesam pākaṭameva. Anusandhiyojanāpi cettha saṃsaggagāthāya vuttanayeneva veditabbā, tato parañca sabbanti.

Khiddāratigāthāvaṇṇanā samattā.

42. **Cātuddisoti** kā uppatti? Pubbe kira Kassapassa Bhagavato sāsane pañca paccekabodhisattā pabbajitvā vīsati vassasahassāni gatapaccāgatavattam pūretvā devaloke uppannā. Tato cavitvā tesam jeṭṭhako Bārāṇasiyaṃ rājā ahoṣi, sesā pākatikarājāno. Te cattāropi kammaṭṭhānam uggaṇhitvā rajjam pahāya pabbajitvā anukkamena Paccekabuddhā hutvā Nandamūlakapabbhāre vasantā ekadivasaṃ samāpattito vuṭṭhāya vaṃsakaḷīragāthāyaṃ vuttanayeneva attano kammañca sahāyañca āvajjetvā ñatvā Bārāṇasirañño upāyena ārammaṇam dassetuṃ okāsam gavesanti. So ca rājā tikkhattuṃ rattiyā ubbijjati, bhīto vissaram karoti, mahātale dhāvati. Purohitena kālasseva vuṭṭhāya sukhasēyyaṃ pucchitopi “kuto me ācariya sukhan”ti sabbam taṃ pavattim ārocesi. Purohitopi “ayaṃ rogo na sakkā yena kenaci uddhamvirecanādīnā bhesajjakammaena vinetuṃ, mayham pana khādanūpāyo uppanno”ti cintetvā “rajjahānījīvitantarāyādīnam pubbanimittam etaṃ mahārājā”ti rājānam suṭṭhutaṃ ubbejetvā tassa vūpasamanattham “ettake ca ettake ca hatthi-assarathādayo hiraññasuvaṇṇaṃ dakkhiṇam datvā yañño yajitabbo”ti taṃ yaññayajane samādapesi.

Tato Paccekabuddhā anekāni pañasahassāni yaññatthāya sampiṇḍiyamānāni disvā “etasmiṃ kamme kate dubbodhaneyyo bhavissati¹, handa naṃ paṭikacceva gantvā pekkhāmā”ti vaṃsakaḷīragāthāyaṃ vuttanayeneva āgantvā piṇḍāya caramānā rājaṅgaṇe paṭipāṭiyā agamaṃsu. Rājā sihapañjare ṭhito rājaṅgaṇam olokayamāno te

1. Hoti (Sī, Syā)

addakkhi, saha dassaneneva cassa sineho uppajji. Tato te pakkosāpetvā ākāsatāle paññattāsane nisīdāpetvā sakkaccaṃ bhojetvā katabhattakicce “ke tumhe”ti pucchi. Mayaṃ mahārāja cātuddisā nāmāti. Bhante cātuddisāti imassa ko atthoti. Catūsu disāsu katthaci kutoci bhayaṃ vā cittutrāso vā amhākaṃ natthi mahārājāti. Bhante tumhākaṃ taṃ bhayaṃ kimkāraṇā na hotīti. “Mayaṃ hi mahārāja mettaṃ bhāvema, karuṇaṃ bhāvema, muditaṃ bhāvema, upekkhaṃ bhāvema, tena no taṃ bhayaṃ na hotī”ti vatvā uṭṭhāyāsanaṃ attano vasatiṃ agamaṃsu.

Tato rājā cintesi “ime samaṇā mettādibhāvanāya bhayaṃ na hotīti bhaṇanti, brāhmaṇā pana anekasahassapāṇavadhaṃ vaṇṇayanti, kesaṃ nu kho vacanaṃ saccaṃ”ti. Athassa etadahosi “samaṇā suddhena asuddhaṃ dhovanti, brāhmaṇā pana asuddhena asuddhaṃ. Na ca sakkā asuddhena asuddhaṃ dhovituṃ, pabbajitānaṃ eva vacanaṃ saccaṃ”ti. So “sabbe sattā sukhitā hontū”ti-ādinā nayena mettādayo cattāropi brahmavihāre bhāvetvā hitapharaṇacittena amacce āṇāpesi “sabbe pāṇe muñcatha, sītāni pāṇiyāni pivantu, haritāni tiṇāni khādantu, sīto ca nesaṃ vāto upavāyatū”ti. Te tathā akāṃsu.

Tato rājā “kalyāṇamittānaṃ vacaneneva pāpakammato muttomhī”ti tattheva nisinno vipassitvā paccakasambodhiṃ sacchākāsi. Amacchehi ca bhojanavelāyaṃ “bhuñja mahārāja kālo”ti vutte “nāhaṃ rājā”ti purimanayeneva sabbaṃ vatvā imaṃ Udānabyākaraṇagāthaṃ abhāsi—

“Cātuddiso appaṭigho ca hoti,
Santussamāno itarītarena.
Parissayānaṃ sahitā achambhī,
Eko care khaggavisāṇakappo”ti.

Tattha **cātuddisoti** catūsu disāsu yathāsukhavihārī, “ekaṃ disaṃ pharitvā viharatī”ti-ādinā¹ vā nayena brahmavihārabhāvanāpharitā catasso disā assa santītipi cātuddiso. Tāsu disāsu katthaci

1. Dī 3. 187; Am 1. 443; Khu 8. 248 piṭṭhesu.

satte vā saṅkhāre vā bhayena na paṭihaññatīti **appaṭigho**. **Santussamānoti** dvādasavidhassa santosassa vasena santussako. **Itarītareṇāti** uccāvacena paccayena. **Parissayānaṃ sahitā achambhīti** ettha parissayanti kāyacittāni, pariḥāpentī vā tesāṃ sampattīm, tāni vā paṭicca sayantīti parissayā, bāhirānaṃ sīhabyagghādīnaṃ abhantarānañca kāmaccchandānaṃ kāyacittupaddavānaṃ etaṃ adhivacanaṃ. Te parissaye adhivāsanakhantiyā ca vīriyādīhi dhammehi ca sahatīti **parissayānaṃ sahitā**.

Thaddhabhāvakarabhayābhāvena **achambhī**. Kim vuttaṃ hoti? Yathā te cattāro samaṇā, evaṃ itarītareṇa paccayena santussamāno ettha paṭipattipadaṭṭhāne santose ṭhito catūsu disāsu mettādibhāvanāya cātuddiso, sattaṅkhāresu paṭihanabhayābhāvena appaṭigho ca hoti. So cātuddisattā vuttapakārānaṃ parissayānaṃ sahitā, appaṭighattā achambhī ca hotīti evaṃ paṭipattiguṇaṃ disvā yoniso paṭipajjitvā paccekabodhiṃ adhigatomhīti. Atha vā te samaṇā viya santussamāno itarītareṇa vuttanayeneva cātuddiso hotīti ñatvā evaṃ cātuddisabhāvaṃ patthayanto yoniso paṭipajjitvā adhigatomhi. Tasmā aññopi īdisaṃ ṭhānaṃ patthayamāno cātuddisatāya parissayānaṃ sahitā appaṭighatāya ca achambhī hutvā eko care khaggavisāṇakappoti. Sesāṃ vuttanayamevāti.

Cātuddisagāthāvaṇṇanā samattā.

43. **Dussaṅgahāti** kā uppatti? Bārāṇasirañño kira aggamahesī kālamakāsi. Tato vītivattesu sokadivasesu ekaṃ divasaṃ amaccā “rājūnaṃ nāma tesu tesu kiccesu aggamahesī avassaṃ icchitabbā, sādhu devo aññaṃ devīṃ ānetū”ti yācimsu. Rājā “tena hi bhāṇe jānāthā”ti āha. Te pariyesantā sāmantarajje rājā mato, tassa devī rajjaṃ anusāsati, sā ca gabbhinī hoti, amaccā “ayaṃ rañño anurūpā”ti ñatvā taṃ yācimsu. Sā “gabbhinī nāma manussānaṃ amanāpā hoti, sace āgametha, yāva vijāyāmi, evaṃ hotu. No ce, aññaṃ pariyesathā”ti āha. Te raññopi etamatthaṃ ārocesuṃ. Rājā “gabbhinīpi hotu ānethā”ti. Te ānesuṃ. Rājā taṃ abhisiñcivā sabbaṃ mahesībhogāṃ adāsi, tassā parijanañca

nānāvidhehi paṇṇākārehi saṅgaṇhāti. Sā kālena puttam vijāyi, tampi rājā attano jātaputtamiva sabbiriyāpathesu aṅke ca ure ca katvā viharati. Tato deviyā parijano cintesi “rājā ativiya saṅgaṇhāti kumāram, ativissāsanīyāni¹ rājahadayāni, handa nam paribhedemā”ti.

Tato kumāram “tvaṃ tāta amhākaṃ rañño putto, na imassa rañño, mā ettha viṣṣāsam āpajjī”ti āhaṃsu. Atha kumāro “ehi puttā”ti raññā vuccamānopi hatthe gahetvā ākaḍḍhiyamānopi pubbe viya rājānam na allīyati. Rājā “kiṃ etan”ti vīmaṃsanto taṃ pavattim ṇatvā “are ete mayā evaṃ saṅgahitāpi paṭikūlavuttino evā”ti nibbijjivā rajjam pahāya pabbajito. “Rājā pabbajito”ti amaccaparijanāpi bahū pabbajitā, “saparijano rājā pabbajito”ti manussā paṇīte paccaye upanenti, rājā paṇīte paccaye yathāvuḍḍham dāpeti. Tattha ye sundaram labhanti, te tussanti. Itare ujjhāyanti “mayam pariveṇasammajjanādīni sabbakiccāni karontā lūkhabhattam jīṇṇavatthaṅca labhāmā”ti. So tampi ṇatvā “are yathāvuḍḍham diyyamānepi nāma ujjhāyanti, aho ayam parisā dussaṅgahā”ti pattacīvaram ādāya eko araṇṇam pavisitvā vipassanam ārabhitvā paccekabodhim sacchākāsi. Tattha āgatehi ca kammaṭṭhānam pucchito imam gātham abhāsi—

“Dussaṅgahā pabbajitāpi eke,
Atha gahaṭṭhā gharamāvasantā.
Apposukko paraputtesu hutvā,
Eko care khaggavisāṇakappo”ti.

Sā atthato pākaṭā eva. Ayam pana yojanā—dussaṅgahā pabbajitāpi eke, ye asantosābhībhūtā, tathāvidhā eva ca atho gahaṭṭhā gharamāvasantā. Etamahaṃ dussaṅgahabhāvaṃ jigucchanto vipassanam ārabhitvā paccekabodhim adhigatomhīti. Sesam purimanayeneva veditabbanti.

Dussaṅgahagāthāvaṇṇanā samattā.

1. Avissasanīyāni (Sī)

44. **Oropayitvā**ti kā uppatti? Bārāṇasiyaṃ kira Cātumāsikabrahmadatto nāma rājā gimhānaṃ paṭhame māse uyyānaṃ gato tattha ramaṇīye bhūmibhāge nīlaghanapattasañchannaṃ koviḷāraruḅkhaṃ disvā “koviḷāramūle mama sayanaṃ paññāpethā”ti vatvā uyyāne kīḷitvā sāyanhasamayaṃ tattha seyyaṃ kappesi. Puna gimhānaṃ majjhime māse uyyānaṃ gato, tadā koviḷāro pupphito hoti, tadāpi tatheva akāsi. Puna gimhānaṃ pacchime māse gato, tadā koviḷāro sañchinnapatto¹ sukharuḅkko viya hoti, tadāpi so adisvāva taṃ ruḅkhaṃ pubbapariyaya tattheva seyyaṃ āṇāpesi, amaccā jānantāpi “raññā āṇattan”ti bhayena tattha sayanaṃ paññāpesuṃ. So uyyāne kīḷitvā sāyanhasamayaṃ tattha seyyaṃ kappento taṃ ruḅkhaṃ disvā “are ayaṃ pubbe sañchinnapatto maṇimayo viya abhirūpadassano ahosi, tato maṇivaṇṇasākhantare ṭhapitapavāḷaṅkurasadisēhi pupphehi sassirikacārudassano ahosi, muttādalasadisavālikākīṇṇo cassa heṭṭhā bhūmibhāgo bandhanā pamuttapupphasañcha nno rattakambalasantha to viya ahosi, so nāmajja sukharuḅkko viya sākhamattāvaseso ṭhito, aho jarāya upahato koviḷāro”ti cintetvā “anupādinnaṃpi tāva jarā haññati, kimaṅgaṃ pana upādinnaṃ”ti aniccaaññaṃ paṭilabhi. Tadanusāreneva sabbasaṅkhāre dukkhato anattato ca vipassanto “aho vatāhampi sañchinnapatto koviḷāro viya apetaḡihibyaṅjano bhavēyyaṃ”ti patthayamāno anupubbena tasmim̄ sayanatale dakkhiṇena passena nipanno yeva paccekabodhim̄ sacchākāsi. Tato gamanakāle amaccehi “kālo gantuṃ mahārājā”ti vutte “nāhaṃ rājā”ti-ādīni vatvā purimanayena imaṃ gāthaṃ abhāsi—

“Oropayitvā gihibyaṅjanāni,
 Sañchinnapatto yathā koviḷāro.
 Chetvāna vīro gihibandhanāni,
 Eko care khaggavisāṇakappo”ti.

Tattha **oropayitvā**ti apanetvā. **Gihibyaṅjanāni**ti kesamassu-odātavatthālaṅkāramālāgandhavilepana-itthiputtadāsīdāsīdīni. Etāni hi

1. Samsīnapatto (Sī)

gihibhāvaṃ byañjayanti, tasmā “gihibyañjanāni”ti vuccanti.

Sañchinnapattoti¹ patitapatto. **Chetvānāti** maggañāṇena chinditvā. **Vīroti** maggavīriyasamannāgato. **Gihibandhanānīti** kāmabandhanāni. Kāmā hi gihīnaṃ bandhanāni. ayaṃ tāva padattho.

Ayaṃ pana adhippāyo—“aho vatāhampi oropayitvā gihibyañjanāni sañchinnapatto yathā koviḷāro bhaveyyan”ti evaṃ hi cintayamāno vipassanaṃ ārabhitvā paccekabodhiṃ adhigatomhīti. Sesam purimanayeneva veditabbanti.

Koviḷāragāthāvaṇṇanā samattā.

Paṭhamo vaggo niṭṭhito.

45-46. **Sace labhethāti** kā uppatti? Pubbe kira Kassapassa Bhagavato sāsane dve paccekabodhisattā pabbajitvā vīsati vassasahassāni gatapaccāgatavattaṃ pūretvā devaloke uppannā. Tato cavitvā tesam jetṭhako Bārāṇasirañño putto ahosi, kaniṭṭho purohitassa putto ahosi. Te ekadivasamyeva paṭisandhiṃ gahetvā ekadivasameva mātukucchito nikkhamitvā sahapamsukīḷitasahayakā ahesum. Purohitaputto paññavā ahosi, so rājaputtaṃ āha “samma tvaṃ pituno accayena rajjaṃ labhissasi, ahaṃ purohitaṭṭhānaṃ, susikkhiteṇa ca sukhaṃ rajjaṃ anusāsituṃ sakkā, ehi sippaṃ uggahessāma”ti. Tato ubhopi pubbopacitakammā² hutvā gāmanigamādīsu bhikkhaṃ caramānā paccantajanapadagāmaṃ gatā. Tañca gāmaṃ Paccekabuddhā bhikkhācāraṇelāya pavisanti, atha manussā Paccekabuddhe disvā ussāhajātā āsanāni paññāpentī, pañṭitaṃ khādanīyaṃ bhojanīyaṃ upanāmenti mānenti pūjenti. Tesam etadahosi “amhehi sadisā uccākulikā nāma natthi, atha ca panime manussā yadi icchanti, amhākaṃ bhikkhaṃ denti, yadi ca nicchanti, na denti, imesaṃ pana pabbajitānaṃ evarūpaṃ sakkāraṃ karonti, addhā ete kiñci sippaṃ jānanti, handa nesaṃ santike sippaṃ uggaṇhāmā”ti.

1. Saṃsīnapattoti (Sī)

2. Yaññopavītakaṇṭhā (Sī)

Te manussesu paṭikkantesu okāsaṃ labhitvā “yaṃ bhante tumhe sippaṃ jānātha, taṃ amhepi sikkhāpethā”ti yācimsu. Paccekabuddhā “na sakkā apabbajitena sikkhituṃ”ti āhamsu. Te pabbajjaṃ yācitvā pabbajimsu. Tato nesaṃ Paccekabuddhā “evaṃ vo nivāsetabbaṃ, evaṃ pārupitabbaṃ”ti-ādinā nayena ābhisamācārikaṃ ācikkhitvā “imassa sippassa ekībhāvābhirati nipphatti, tasmā ekeneva nisīditabbaṃ, ekena caṅkamitabbaṃ, ṭhātabbaṃ, sayitabbaṃ”ti pāṭiyekkaṃ paṇṇasālamadaṃsu, tato te attano attano paṇṇasālaṃ pavisitvā nisīdiṃsu. Purohitaputto nisinnakālato pabhuti cittasamādhānaṃ laddhā jhānaṃ labhi. Rājaputto muhutteneva ukkaṇṭhito tassa santikaṃ āgato. So taṃ disvā “kiṃ sammā”ti pucchi. “Ukkaṇṭhitomhī”ti āha. Tena hi idha nisīdāti. So tattha muhuttaṃ nisīditvā āha “imassa kira samma sippassa ekībhāvābhirati nipphattī”ti. Purohitaputto “evaṃ samma, tena hi tvaṃ attano nisinnokāsaṃ eva gaccha, uggahessāmi imassa sippassa nipphattin”ti āha. So gantvā punapi muhutteneva ukkaṇṭhito purimanayeneva tikkhattuṃ āgato.

Tato naṃ purohitaputto tatheva uyyojetvā tasmim gate cintesi “ayaṃ attano ca kammaṃ hāpeti mama ca idhābhikkhaṇaṃ āgacchanto”ti. So paṇṇasālato nikkhamma araṇṇaṃ pavitṭho. Itaro attano paṇṇasālāyeva nisinno punapi muhutteneva ukkaṇṭhito hutvā tassa paṇṇasālaṃ āgantvā ito cito ca maggantopi taṃ adisvā cintesi “yo gahaṭṭhakāle paṇṇākāraṃpi ādāya āgato maṃ daṭṭhuṃ na labhati, so nāma mayi āgate dassanampi adātukāmo pakkāmi, aho re citta na lajjasi, yaṃ maṃ catukkhattuṃ idhānesi, sodāni te vase na vattissāmi, aññadatthu taṃyeva mama vase vattāpessāmi”ti attano senāsaṇaṃ pavisitvā vipassanaṃ ārabhitvā paccekabodhiṃ sacchikatvā ākāseṇa Nandaṃlakapabbhāraṃ agamāsi. Itaropi araṇṇaṃ pavisitvā vipassanaṃ ārabhitvā paccekabodhiṃ sacchikatvā tattheva agamāsi. Te ubhopi manosilātale nisīditvā pāṭiyekkaṃ pāṭiyekkaṃ imā udānagāthāyo abhāsimsu—

“Sace labhetha nipakaṃ saḥāyaṃ,
Saddhiṃ caraṃ sādhuviḥāri dhīraṃ.
Abhibhuyya sabbāni parissayāni,
Careyya tenattamano satīmā.

No ce labhetha nipakaṃ saḥāyaṃ,
Saddhiṃ caraṃ sādhuviḥāri dhīraṃ.
Rājāva raṭṭhaṃ vijitaṃ pahāya,
Eko care mātaṅgaraññeva nāgo”ti.

Tattha **nipakanti** pakatinipuṇaṃ¹ paṇḍitaṃ kasiṇaparikkammādīsū kusalaṃ. **Sādhuviḥāranti** appanāvihārena vā upacārena vā samannāgataṃ. **Dhīranti** dhitisampannaṃ. Tattha nipakattena dhitisampadā vuttā. Idha pana dhitisampannamevāti attho. Dhiti nāma asithilaparakkamatā, “kāmaṃ taco ca nhāru cā”ti² evaṃ pavattavīriyassetāṃ adhivacanaṃ. Apica dhikatapāpotipi dhīro. **Rājāva raṭṭhaṃ vijitaṃ pahāyāti** yathā paṭirājā “vijitaṃ raṭṭhaṃ anattāhāvanā”ti ñatvā rajjaṃ pahāya eko carati, evaṃ bālasahāyaṃ pahāya eko care. Atha vā **rājāva raṭṭhanti** yathā Sutasomo rājā vijitaṃ raṭṭhampahāya eko cari, yathā ca mahājanako, evaṃ eko careti ayampi tassattho. Sesāṃ vuttānusārena sakkā jānitunti na vitthāritanti.

Sahāyagāthāvaṇṇanā samattā.

47. **addhā pasamsāmāti** imissā gāthāya yāva ākāsatāle paññattāsane Paccekabuddhānaṃ nisajjā, tāva cātuddisagāthāya uppattisadisā eva uppatti. Ayaṃ pana viseso—yathā so rājā ratti-ā tikkhattuṃ ubbiji, na tathā ayaṃ, nevassa yañño paccupaṭṭhito ahosi. So ākāsatāle paññattesu āsanesu Paccekabuddhe nisīdāpetvā “ke tumhe”ti pucchi. Mayaṃ mahārāja anavajjabhōjino nāmāti. Bhante “anavajjabhōjino”ti imassako atthoti. Sundaraṃ vā asundaraṃ vā laddhā nibbikārā bhuñjāma mahārājāti. Taṃ sutvā rañño etadahosi “yaṃnunāhaṃ ime upparikkheyyaṃ edisā vā no vā”ti. Taṃ divasaṃ

1. Pakatinipakaṃ (Ka)

2. Ma 2. 146; Aṃ 1. 52; Khu 7. 379 piṭṭhesu.

kaṇājakena bilaṅgadutiyena parivisi, Paccekabuddhā amatam̐ bhuñjantā viya nibbikārā bhuñjimsu. Rājā “honti nāma ekadivasam̐ paṭiññātattā nibbikārā, sve jānissāmī”ti svātanāyapi nimantesi, tato dutiyadivasepi tathevākāsi. Tepi tatheva paribhuñjimsu. Atha rājā “idāni sundaram̐ datvā vīmaṃsissāmī”ti punapi nimantetvā dve divase mahāsakkāram̐ katvā paṇītena ativicitrena khādanīyena bhojanīyena parivisi, tepi tatheva nibbikārā bhuñjitvā rañño maṅgalam̐ vatvā pakkamimsu. Rājā acirapakkantesu tesu “anavajjabhojinova ete samaṇā, aho vatāhampi anavajjabhojī bhaveyyan”ti cintetā mahārajam̐ pahāya pabbajjam̐ samādāya vipassanam̐ ārabhitvā Paccekabuddho hutvā Mañjūsakarukkhāmūle Paccekabuddhānam̐ majjhe attano ārammaṇam̐ vibhāvento imam̐ gātham̐ abhāsi—

“Addhā pasamsāma sahāyasampadam̐,
 Setṭhā samā sevittabbā sahāyā.
 Ete aladdhā anavajjabhojī,
 Eko care khaggavisāṇakappo”ti.

Sā padatthato uttānā eva. kevalam̐ pana **sahāyasampadanti** ettha asekhehi sīlādikkhandhehi sampannā sahāyā eva sahāyasampadāti veditabbā. Ayam̐ panettha yojanā—yāyam̐ vuttā sahāyasampadā, tam̐ sahāyasampadam̐ **addhā pasamsāma**, ekaṃseneva thomemāti vuttam̐ hoti. Katham̐? **Setṭhā samā sevittabbā sahāyāti**. Kasmā? Attano hi sīlādīhi setṭhe sevamānassa sīlādayo dhammā anuppannā uppajjanti, uppannā vuddhim̐ virūḷhim̐ vepullam̐ pāpuṇanti. Same sevamānassa aññamaññam̐ samadhāraṇena kukkuccassa vinodanena ca laddhā na parihāyanti. Ete pana sahāyake setṭho ca same ca aladdhā kuhanādemicchājīvam̐ vajjetvā dhammena samena uppannam̐ bhojanam̐ bhuñjanto tattha ca paṭighānunayam̐ anuppādentō anavajjabhojī hutvā atthakāmo kulaputto eko care khaggavisāṇakappo. ahampi hi evam̐ caranto imam̐ sampattim̐ adhigatomhīti.

Anavajjabhojigāthāvaṇṇanā samattā.

48. **Disvā suvaṇṇassāti** kā uppatti? Aññataro Bārāṇasirājā gimhasamaye divāseyyaṃ upagato, santike cassa vaṇṇadāsī gosītacandanam pisati. Tassā ekabāhāyaṃ ekaṃ suvaṇṇavalayaṃ, ekabāhāyaṃ dve, tāni saṅghaṭṭanti, itaraṃ na saṅghaṭṭati. Rājā taṃ disvā “evameva gaṇavāse saṅghaṭṭanā, ekavāse asaṅghaṭṭanā”ti punappunam taṃ dāsīm olokayamāno cintesi. Tena ca samayena sabbālaṅkārabhūsitā devī taṃ bījayantī ṭhitā hoti, sā “vaṇṇadāsīyā paṭibaddhacitto maññe rājā”ti cintevā taṃ dāsīm utṭhāpetvā sayameva pisitumāraddhā. Tassā ubhosu bāhāsu aneke suvaṇṇavalayā, te saṅghaṭṭantā mahāsaddam janayimsu. Rājā suṭṭhutarāṃ nibbinno dakkhiṇena passena nipannoyeva vipassanam ārabhitvā paccekabodhim sacchākāsi. Tam anuttarena sukkena sukhitam nipannam candanahatthā devī upasaṅkamitvā “ālimpāmi mahārājā”ti āha. Rājā “apehi mā ālimpāhī”ti aha. Sā “kissa mahārājā”ti āha. So “nāham rājā”ti. Evametesam taṃ kathāsallāpam sutvā amaccā upasaṅkamimsu, tehipi mahārājavādena ālapito “nāham bhāṇe rājā”ti āha. Sesam paṭhamagāthāya vuttasadisameva.

Ayam pana gāthāvaṇṇanā—**disvāti** oloketvā. **Suvaṇṇassāti** kañcanassa. “Valayāni”ti pāṭhaseso. Sāvasesapāṭho¹ hi ayam attho. **Pabhassarānīti** pabhāsanasilāni, jutimantānīti vuttam hoti. Sesam uttānatthameva. Ayam pana yojanā—disvā bhujasmim suvaṇṇassa valayāni “gaṇavāse sati saṅghaṭṭanā, ekavāse asaṅghaṭṭanā”ti evam cintento vipassanam ārabhitvā paccekabodhim adhigatomhīti. Sesam vuttanayamevāti.

Suvaṇṇavalayagāthāvaṇṇanā samattā.

49. **Evam dutiyenāti** kā uppatti? Aññataro Bārāṇasirājā daharova pabbajitukāmo amacce āṇāpesi “devim gahetvā rajjam pariharatha, aham pabbajissāmī”ti. Amaccā “na mahārāja arājakaṃ rajjam amhehi sakkā rakkhitum, sāmantarājāno āgamma vilumpissanti, yāva ekaputtopi uppajjati, tāva āgamehī”ti saññāpesum. Muducitto

1. Sāvasesa-attho (Syā, Ka)

rājā adhvāsesi. Atha devī gabbhaṃ gaṇhi, rājā punapi te āṇāpesi “devī gabbhinī, puttaṃ jātaṃ rajje abhisiñcitvā rajjaṃ pariharatha, ahaṃ pabbajissāmī”ti. Amaccā “dujjānaṃ mahārāja etaṃ, devī puttaṃ vā vijāyissati dhītaraṃ vā, vijāyanakālaṃ tāva āgamehi”ti punapi saññāpesuṃ. Atha sā puttaṃ vijāyi. Tadāpi rājā tatheva amacce āṇāpesi, amaccā punapi rājānaṃ “āgamehi mahārāja yāva paṭibalo hotī”ti bahūhi kāraṇehi saññāpesuṃ. Tato kumāre paṭibale jāte amacce sannipātāpetvā “paṭibalo ayaṃ, taṃ rajje abhisiñcitvā paṭipajjathā”ti amaccānaṃ okāsaṃ adatvā antarāpaṇā kāsāyavattādayo sabbaparikkhāre āharāpetvā antepure eva pabbajitvā mahājanako viya nikkhami, sabbaparijano nānappakāraṃ paridevamāno rājānaṃ anubandhi.

Rājā yāva attano rajjasīmā, tāva gantvā kattaradaṇḍena lekhaṃ katvā “ayaṃ lekhā nātikkamitabbā”ti āha. Mahājano lekhāya sīsaṃ katvā bhūmiyaṃ nipanno paridevamāno “tuyhaṃ dāni tāta raṇṇo āṇā kim karissatī”ti kumāraṃ lekhaṃ atikkamāpesi. Kumāro “tāta tātā”ti dhāvitvā rājānaṃ sampāpuṇi. Rājā kumāraṃ disvā “etaṃ mahājanaṃ pariharanto rajjaṃ kāresim, kim dāni ekaṃ dāraṃ pariharitum na sakkhissan”ti kumāraṃ gahetvā araṇṇaṃ pavittā tattha pubbapaccakabuddhehi vasitapaṇṇasālaṃ disvā vāsaṃ kappesi saddhim puttana. Tato kumāro varasayanādīsu kataparicayo tiṇasanthārake vā rajjumaṅcake vā sayamāno rodati. Sītavātādīhi phuttā samāno “sītaṃ tāta, uṇhaṃ tāta, makkhikā tāta khādanti, chātomhi tāta, pipāsītomi tāta”ti vadati. Rājā taṃ saññāpentoyeva rattim vītināmeti. Divāpissa piṇḍāya caritvā bhattaṃ upanāmeti, taṃ hoti missakabhattaṃ kaṅguvarakamuggātibahulaṃ, kumāro acchādentampi taṃ jighacchāvasena bhuñjamāno katipāheneva uṇhe ṭhapitapadumaṃ viya milāyi. Pacceka bodhisatto pana paṭisaṅkhānabalena nibbikāroyeva bhuñjati.

Tato so kumāraṃ saññāpento āha “nagarasmim tāta paṇitāhāro labbhati, tattha gacchāmā”ti. Kumāro “āma tātā”ti āha. Tato naṃ purakkhatvā āgatamaggeneva nivatti. Kumāramātāpi

devī “na dāni rājā kumāraṃ gahetvā araṇṇe ciram vasissati, katipāheneva nivattissati”ti cintetvā raṇṇā kattaradaṇḍena likhitaṭṭhāneyeva vatim¹ kārapetvā vasaṃ kappesi. Tato rājā tassā vatiyā avidūre ṭhatvā “ettha te tāta mātā nisinnā, gacchāhi”ti pesesi. Yāva ca so taṃ ṭhānaṃ pāpuṇāti, tāva udikkhanto aṭṭhāsi “mā hevanam koci viheṭṭheyā”ti. Kumāro mātu santikaṃ dhāvanto agamāsi, ārakkhakapurisā ca naṃ disvā deviyā ārocesum, divī vīsatināṭakittisahasaparivutā gantvā paṭiggahesi, raṇṇo ca pavattim pucchi. Atha “pacchato āgacchati”ti sutvā manusse pesesi. Rājāpi tāvadeva sakavasatiṃ agamāsi. Manussā rājānaṃ adisvā nivattimsu. Tato devī nirāsāva hutvā puttaṃ gahetvā nagaraṃ gantvā taṃ rajje abhisīñci. Rājāpi attano vasatiṃ patvā tattha nisinnā vipassitvā paccekabodhim sacchikatvā Mañjūsakarukkhamaṇe Paccekabuddhānaṃ majjhe imaṃ udānagātham abhāsi—

“Evaṃ dutiyena saha mamassa,
Vācābhilāpo abhisajjanā vā.
Etaṃ bhayaṃ āyati pekkhamāno,
Eko care khaggavisāṇakappo”ti.

Sā padatthato uttānā eva. Ayaṃ panettha adhippāyo—yvāyaṃ etena dutiyena kumārena sītuṇhādīni nivedentena saha vāsena taṃ saṇṇāpentassa mama vācābhilāpo, tasmim sinehasena abhisajjanā ca jātā, sace ahaṃ imaṃ na pariccajāmi, tato āyatimpi hessati, yatheva idāni, evaṃ dutiyena saha mamassa vācābhilāpo abhisajjanā vā. Ubhayampi cetam antarāyakaraṃ visesādhigamassāti etaṃ bhayaṃ āyatiṃ pekkhamāno taṃ chaḍḍetvā yoniso paṭipajjitvā paccekabodhim adhigatomhīti. Sesam vuttanayamevāti.

Āyatibhayagāthāvaṇṇanā samattā.

50. **Kāmā hi citrāti kā uppatti?** Bārāṇasiyaṃ kira seṭṭhiputto daharova seṭṭhiṭṭhānaṃ labhi, tassa tiṇṇaṃ utūnaṃ tayo pāsādā

1. Guttim (Si)

honti. So tattha sabbasampattīhi devakumāro viya paricāreti. So daharova samāno “pabbajissāmī”ti mātāpitaro yāci, te nañ vārenti. So tatheva nibandhati. Punapi nañ mātāpitaro “tvañ tāta sukhumālo, dukkarā pabbajjā khuradhārāya upari cañkamanasadisā”ti nānappakārehi vārenti. So tatheva nibandhati. Te cintesuñ “sacāyañ pabbajati, amhākañ domanassañ hoti. Sace nañ nivārema, etassa domanassañ hoti. Apica amhākañ domanassañ hotu, mā ca etassā”ti anujānimsu. Tato so sabbaparijanañ paridevamānañ anādiyitvā Isipatanañ gantvā Paccekabuddhānañ santike pabbaji. Tassa uḷārasenāsañ na pāpuṇāti, mañcake taṭṭikañ pattharivā sayi. So varasayane kataparicayo sabbarattim atidukkhito ahoṣi. Pabhātepi sarīraparikammañ katvā pattacīvaramādāya Paccekabuddhehi saddhim piṇḍāya pāvīsi. Tattha vuḍḍhā aggāsanañca aggapiṇḍañca labhanti, navakā yañkiñcīdeva āsañ lūkhabhojanañca. So tena lūkhabhojanenāpi atidukkhito ahoṣi. So katipāhañyeva kiso dubbaṇṇo hutvā nibbijji yathā tañ aparipākagate samañadhamme. Tato mātāpitūnañ dūtañ pesetvā uppabbaji. So katipāhañyeva balañ gahetvā punapi pabbajitukāmo ahoṣi, tato teneva kamena pabbajitvā punapi uppabbajitvā tatiyavāre pabbajitvā sammā paṭipanno paccekasambodhim sacchikatvā imañ udānagāthañ vatvā puna Paccekabuddhānañ majjhe imameva byākaraṇagāthañ abhāsi—

“Kāmā hi citrā madhurā manoramā,
Virūparūpena mathenti cittañ.
Ādīnañ kāmaguṇesu disvā,
Eko care khaggavisāṇakappo”ti.

Tattha **kāmā**ti dve kāmā vatthukāmā ca kilesakāmā ca. Tattha vatthukāmā manāpiyarūpādayo dhammā, kilesakāmā chandādayo sabbepi rāgappabhedā. Idha pana vatthukāmā adhippetā. Rūpādi-anekappakāravasena **citrā**. Lokassādavasena **madhurā**. Bālaputhujjanānañ manañ ramentīti **manoramā**. **Virūparūpenā**ti virūpena rūpena, anekavidhena sabbhāvenāti vuttañ hoti. Te hi rūpādivasena citrā, rūpādisupi nīlādivasena vividharūpā. Evañ tena virūparūpena tathā tathā assādañ

dassetvā **mathenti cittaṃ**, pabbajjāya abhiraṃituṃ na dentīti. Sesametta pākaṭameva, nigamanampi dvīhi tīhi vā padehi yojetvā purimagāthāsu vuttanayeneva veditabbanti.

Kāmagāthāvaṇṇanā samattā.

51. **Īti cāti** kā uppatti? Bārāṇasiyaṃ kira rañño gaṇḍo udapādi, bālāhā vedanā vattanti, vejjā “satthakammaṃ vinā phāsu na hotī”ti bhaṇanti. Rājā tesam abhayaṃ datvā satthakammaṃ kārāpesi. Te phāletvā pubbalohitaṃ nīharitvā nibbedanaṃ katvā vaṇaṃ paṭṭena bandhimsu¹, āhārācāresu² ca naṃ sammā ovadimsu. Rājā lūkhahojanena kisasarīro ahosi, gaṇḍo cassa milāyi. So phāsukasaññī hutvā siniddhāhāraṃ bhuñji, tena ca sañjātābalo visaye³ paṭisevi, tassa gaṇḍo puna purimasabhāvameva sampāpuṇi. Evaṃ yāva tikkhattuṃ satthakammaṃ kārāpetvā vejjehi parivajjito nibbijjivā rajjaṃ pahāya pabbajivā araññaṃ pavisitvā vipassanaṃ ārabhitvā sattahi vassehi paccekabodhiṃ sacchikatvā imaṃ udānagāthaṃ bhāsivā Nandamūlakapabbhāraṃ agamāsi.

“Īti ca gaṇḍo ca upaddavo ca,
Rogo ca sallañca bhayañca metaṃ.
Etaṃ bhayaṃ kāmaguṇesu disvā,
Eko care khaggavisāṇakappo”ti.

Tattha eṭīti **īti**, āgantukānaṃ akusalabhāgiyānaṃ byasanahetūnaṃ etaṃ adhivacanaṃ. Tasmā kāmaguṇāpi ete anekabyasanāvahatṭhena dalhasannipātaṭṭhena ca īti. Gaṇḍopi asuciṃ paggharati, uddhumātāparipakkaparibhinno hoti. Tasmā ete kilesāsucipaggharaṇato uppādajarābhaṅgehi uddhumātāparipakkaparibhinnabhāvato ca **gaṇḍo**. Upaddavatīti **upaddavo**, anattaṃ janento abhibhavati, ajjhottharatīti attho, rājadaṇḍādīnametaṃ adhivacanaṃ. Tasmā kāmaguṇāpete aviditanibbānatthāvahahetutāya sabbupaddavavatthutāya ca upaddavo. Yasmā panete kilesāturabhāvaṃ janentā silasañkhātāmārogyaṃ, loluppaṃ

1. Vaṇapaṭaṃ bandhimsu (Syā), vaṇapaṭaṃ paṭibandhimsu (Ka)

2. Lūkhamaṃsāhāresu (Syā)

3. Sañjātavaṇo tādisaṃheva (Syā), sañjātavaṇavisaye (Ka)

vā uppādentā pākatikameva ārogyaṃ vilumpanti, tasmā iminā
ārogyavilumpanaṭṭheneva **rogo**. Abbhantaramanuppaviṭṭhaṭṭhena pana
antotudakaṭṭhena dunniharaṇīyaṭṭhena ca **sallaṃ**.

Diṭṭhadhammikasamparāyikabhayāvahanato **bhayaṃ**. Me etanti **metaṃ**.
Sesamettha pākaṭameva. Nigamanaṃ vuttanayeneva veditabbanti.

Ītigāthāvaṇṇanā samattā.

52. **Sītañcāti** kā uppatti? Bārāṇasiyaṃ kira Sītālukabrahmadatto nāma
rājā ahosi, so pabbajitvā araṇṇakuṭikāya viharati. Tasmiṃca padese sīte
sītaṃ, uṇhe uṇhameva ca hoti abbhokāsattā padesassa. gocaragāme bhikkhā
yāvadatthāya na labhati, pivanakapāṇīyampi dullabhaṃ,
vātātapaḍaṃsasarīsapāpi bādheti. Tassa etadahosi “ito aḍḍhayaohanamate
samppanno padeso, tathā sabbepi ete parissayā natthi, yaṃnūnāhaṃ tathā
gaccheyyaṃ, phāsukaṃ viharantena sakkā visesaṃ adhigantun”ti. Tassa
puna ahosi “pabbajitā nāma na paccayavasikā honti, e varūpaṅca cittaṃ vase
vattenti, na cittassa vase vattenti, nāhaṃ gamissāmi”ti paccavekkhitvā na
agamāsi. Evaṃ yāvataiyakaṃ uppannacittaṃ paccavekkhitvā nivattesi. Tato
tathēva satta vassāni vasitvā sammā paṭipajjamāno paccakasambodhim
sacchikatvā imaṃ udānagāthaṃ bhāsivā Nandamūlakapabbhāraṃ agamāsi.

“Sītaṅca uṇhaṅca khudaṃ pipāsaṃ,
Vātātape ḍaṃsasarīsape ca.
Sabbānipetāni abhisambhavitvā,
Eko care khaggavisāṇakappo”ti.

Tathā **sītañcāti** sītaṃ nāma duvidhaṃ
abbhantaradhātukkhobhapaccayaṅca bāhiradhātukkhobhapaccayaṅca, tathā
uṇhaṃ. **Ḍaṃsāti** piṅgalamakkhikā. **Sarīsapāti** ye keci dīghajātikā saritvā
gacchanti. Sesaṃ pākaṭameva. Nigamanampi vuttanayeneva veditabbanti.

Sītālukagāthāvaṇṇanā samattā.

53. **Nāgovā**ti kā uppatti? Bārāṇasiyaṃ kira aññataro rājā vīsati vassāni rajjaṃ kāretvā kālakato niraye vīsati eva vassāni paccitvā Himavantappadese hatthiyoniyaṃ uppajjitvā sañjātakkhando padumavaṇṇasakalasarīro uḷāro yūthapati mahānāgo ahoṣi. Tassa obhaggobhaggaṃ sākḥābhaṅgaṃ hatthichāpāva khādanti, ogāhepi naṃ hatthiniyo kaddamena limpanti, sabbaṃ Pālileyayakanāgasseva ahoṣi. So yūthā nibbijitvā pakkāmi. Tato naṃ padānusārena yūthaṃ anubandhi. Evaṃ yāvataṭṭhiyaṃ pakkanto anubaddhova. Tato cintesi “idāni mayhaṃ nattako Bārāṇasiyaṃ rajjaṃ kāreti, yaṃnūnāhaṃ attano purimajāṭiyā uyyānaṃ gaccheyyaṃ, tatra maṃ so rakkhissatī”ti. Tato rattim niddāvasaṃ gate yūthe yūthaṃ pahāya tameva uyyānaṃ pāvisi. Uyyānapālo disvā rañño ārocesi, rājā “hatthim gahessāmi”ti senāya parivāresi. Hatthī rājānaṃ eva abhimukho gacchati, rājā “maṃ abhimukho etī”ti khurappaṃ sannayhitvā aṭṭhāsi. Tato hatthī “vijjheyyāpi maṃ eso”ti mānusikāya vācāya “Brahmadatta mā maṃ vijjha, ahaṃ te ayyako”ti āha. Rājā “kiṃ bhaṇasī”ti sabbaṃ pucchi, hatthīpi rajje ca narake ca hatthiyoniyaṃca pavattim sabbaṃ ārocesi. Rājā “sundaraṃ mā bhāyi, mā ca kañci bhimsāpehī”ti hatthino vaṭṭaṅga ārakkhake ca hatthibhaṇḍe ca upaṭṭhāpesi.

Athakadivasaṃ rājā hatthikkhandhagato “ayaṃ vīsati vassāni rajjaṃ katvā niraye pakko, vipākāvasesena ca tiracchānayaniyaṃ uppanno, tatthapi gaṇavāsasaṅghaṭṭanaṃ asahanto idhāgato, aho dukkho gaṇavāso, ekībhāvo eva ca pana sukho”ti cintetvā tattheva vipassanaṃ ārabhitvā paccekabodhim sacchākāsi. Tam lokuttarasukhena sukhitaṃ amaccā upasaṅkamtivā paṇipātaṃ katvā “yānakālo mahārājā”ti āhaṃsu. Tato “nāhaṃ rājā”ti vatvā purimanayeneva imaṃ gāthaṃ abhāsi—

“Nāgo va yūthāni vivajjayitvā,
 Sañjātakhandho padumī uḷāro.
 Yathābhirantaṃ viharaṃ araññe,
 Eko care khaggavisāṇakappo”ti.

Sā padatthato pākaṭā eva. Ayaṃ panettha adhippāyayanā, sā ca kho yuttivaseneva, na anussavavasena. Yathā ayaṃ hatthī manussakantesu sīlesu dantattā adatabhūmiṃ nāgacchatīti vā, sarīramahantatāya vā nāgo, evaṃ kudāssu nāmāhampi ariyakantesu sīlesu dantattā adantabhūmiṃ nāgamanena āguṃ akaraṇena puna itthattaṃ anāgamanena ca guṇasarīramahantatāya vā nāgo bhaveyyaṃ. Yathā cesa yūthāni vivajjetvā ekacariyasukhena yathābhirantaṃ viharaṃ araṇṇe eko care khaggavisāṇakappo, kudāssu nāmāhampi evaṃ gaṇaṃ vivajjetvā ekavīhārasukhena¹ jhānasukhena yathābhirantaṃ viharaṃ araṇṇe attano yathā yathā sukhaṃ, tathā tathā, yattakaṃ vā icchāmi, tattakaṃ araṇṇe nivāsaṃ eko care khaggavisāṇakappo careyyanti attho. Yathā cesa susaṇṭhitakkhandhatāya **sañjātakkhando**, kudāssu nāmāhampi evaṃ asekkhālakkhandaṃ mahantatāya sañjātakkhando bhaveyyaṃ. Yathā cesa padumasadisagattatāya vā padumakule uppannatāya vā **padumī**, kudāssu nāmāhampi evaṃ padumasadisā-ujugattatāya² vā ariyājātipadume uppannatāya vā padumī bhaveyyaṃ. Yathā cesa thāmaḍḍajavādīhi uḷāro, kudāssu nāmāhampi evaṃ parisuddhakāyasamācārātādīhi sīlasamādhinibbedhikapaṇṇādīhi vā uḷāro bhaveyyanti evaṃ cintento vipassanaṃ ārabhitvā paccekabodhiṃ adhiḡatomhīti.

Nāgagāthāvaṇṇanā samattā.

54. **Aṭṭhāna tanti** kā uppatti? Bārāṇasiraṇṇo kira putto daharo eva samāno pabbajitukāmo mātāpitaro yāci, mātāpitaro naṃ vārenti. So vāriyamānopi nibandhatiyeva “pabbajissāmi”ti. Tato naṃ pubbe vuttaseṭṭhiputtaṃ viya sabbaṃ vatvā anujānimsu. Pabbajitvā ca uyyāneyeva vasitabbanti paṭijānāpesuṃ, so tathā akāsi. Tassa mātā pātova vīsatisahassanātakitthiparivutā uyyānaṃ gantvā puttaṃ yāguṃ pāyetvā antarā khajjakādīni ca khādāpetvā yāva majjhanhikasamayaṃ tena saddhiṃ samullapitvā nagaraṃ pavisati, pitā ca majjhanhike āgantvā taṃ bhojetvā attanāpi bhujjivā divasaṃ tena saddhiṃ samullapitvā

1. Ekantābhiratisukhena(Sī), ekantavīhārasukhena (Syā)

2. Padumasadisābojjhaṅgamahantatāya (Sī)

sāyanhasamaye jagganapurise¹ ṭhapetvā nagaraṃ pavisati. So evaṃ rattindivaṃ avivitto viharati. Tena kho pana samayena Ādiccabandhu nāma Paccekabuddho Nandamūlakapabbhāre viharati. So āvajjento taṃ addasa “ayaṃ kumāro pabbajitūṃ asakkhi, jaṭaṃ chinditūṃ na sakkotī”ti. Tato paraṃ āvajji “attano dhammatāya nibbijjissati, no”ti. Atha “dhammatāya nibbindanto aticiraṃ bhavissatī”ti ñatvā “tassa ārammaṇaṃ dassessāmi”ti pubbe vuttanayeneva manosilātalato āgantvā uyyāne aṭṭhāsi. Rājapuriso disvā “Paccekabuddho āgato mahārājā”ti rañño ārocesi. Rājā “idāni me putto Paccekabuddhena saddhim̃ anukkaṇṭhito vasissatī”ti pamuditamano hutvā Paccekabuddhaṃ sakkaccaṃ upaṭṭhahitvā tattheva vāsaṃ yācitvā paṇṇasālādivihāraṭṭhānacaṅkamādisabbaṃ kāretvā vāsesi.

So tattha vasanto ekadivasaṃ okāsaṃ labhitvā kumāraṃ pucchi “kosi tvan”ti. So āha “ahaṃ pabbajito”ti. Pabbajitā nāma na edisā hontīti. “Atha bhante kīdisā hontī, kiṃ mayhaṃ ananucchavikan”ti vutte “tvaṃ attano ananucchavikaṃ na pekkhasi, nanu te mātā vīsatisahassa-itthīhi saddhim̃ pubbaṇhasamaye āgacchantī uyyānaṃ avivittaṃ karoti, pitā mahatā balakāyena sāyanhasamaye, jagganapurisā sakalarattim̃, pabbajitā nāma tava sadisā na hontī, edisā pana hontī”ti tatra ṭhitasseva iddhiyā Himavante aññataraṃ vihāraṃ dassesi. So tattha Paccekabuddhe ālambanabāhaṃ nissāya ṭhite ca caṅkamante ca rajanakammasūcikammādīni karonte ca disvā āha “tumhe idha nāgacchatha, pabbajjā nāma² tumhehi anuññātā”ti. “Āma pabbajjā anuññātā, pabbajitakālato paṭṭhāya samaṇā nāma attano nissaraṇaṃ kātuṃ icchitapatthitañca padesaṃ gantuṃ labhanti, ettakaṃva vaṭṭatī”ti vatvā ākāse ṭhatvā—

“Aṭṭhāna taṃ saṅgaṇikāratassa,

Yaṃ phassaye sāmayaikaṃ vimuttin”ti—

1. Jāgarakapurise (Sī), jaggikapurise (Syā) 2. Pabbajjā tāva (Sī), pabbajjā ca (Syā)

imaṃ upaḍḍhagāthaṃ vatvā dissamāneneva kāyena
Nandamūlakapabbhāraṃ agamāsi. Evaṃ gate Paccekabuddhe so attano
paṇṇasālaṃ pavisitvā nipajji. Ārakkhakapurisopi “sayito kumāro, idāni
kuhiṃ gamissatī”ti pamatto niddaṃ okkami. So tassa pamattabhāvaṃ ñatvā
pattacīvaraṃ gahetvā araṇṇaṃ pāvisi. Tatra ca vivitto vipassanaṃ ārabhitvā
paccekabodhiṃ sacchikatvā Paccekabuddhaṭṭhānaṃ gato. Tatra ca
“kathamadhigatan”ti pucchito Ādiccabandhunā vuttaṃ upaḍḍhagāthaṃ
paripuṇṇaṃ katvā abhāsi.

Tassattho—**aṭṭhāna tanti** aṭṭhānaṃ taṃ, akāraṇaṃ tanti vuttaṃ hoti,
anunāsikalopo kato “ariyasaccāna dassanan”ti-ādīsu¹ viya.

Saṅgaṇikāratassāti gaṇābhiraṭṭassa. **Yanti** karaṇavacanametāṃ “yaṃ hirīyati
hirīyitabbenā”ti-ādīsu² viya. **Phassayeti** adhigacche. **Sāmayikaṃ vimuttinti**
lokiyasamāpattiṃ. Sā hi appitappitasamaye eva paccanīkehi vimuccanato
“sāmayikā vimutti”ti vuccati. Taṃ sāmayikaṃ vimuttiṃ. Aṭṭhānaṃ taṃ, na
taṃ kāraṇaṃ vijjati saṅgaṇikāratassa, yena kāraṇena phassayeti etaṃ
Ādiccabandhussa paccakabuddhassa vaco nisamma saṅgaṇikāratim pahāya
yoniso paṭipajjanto adhigatomhīti āha. Sesam vuttanayamevāti.

Aṭṭhānagāthāvaṇṇanā samattā.

Dutiyo vaggo niṭṭhito.

55. **Diṭṭhivīsūkānīti** kā uppatti? Bārāṇasiyaṃ kira aññataro rājā
rahogato cintesi “yathā sītādīnaṃ paṭighātakāni uṇhādīni atthi, atthi nu kho
evaṃ vaṭṭapaṭighātakāṃ vivaṭṭaṃ, no”ti. So amacce pucchi “vivaṭṭaṃ
jānāthā”ti. Te “jānāma mahārājā”ti āhamsu. Rājā kimtanti. Tato “antavā
loko”ti-ādīnā nayena sassatucchedaṃ kathesuṃ. Atha rājā “ime na jānanti,
sabbepime diṭṭhigatikā”ti sayameva tesāṃ vilomatañca ayuttatañca disvā
“vaṭṭapaṭighātakāṃ vivaṭṭaṃ atthi, taṃ gavesitabban”ti cintetvā rajjaṃ
pahāya pabbajitvā vipassanto paccekabodhiṃ sacchākāsi. Imañca
udānagāthaṃ abhāsi Paccekabuddhamajjhe byākaraṇagāthañca—

1. Khu 1. 4, 319 piṭṭhesu.

2. Abhi 1. 22 piṭṭhe.

“Diṭṭhivīsūkāni upātivatto,
 Patto niyāmaṃ paṭiladdhamaggo.
 Uppannañāṇomhi anaññaneyyo,
 Eko care khaggavisāṇakappo”ti.

Tassattho—**diṭṭhivīsūkānī** dvāsaṭṭhidiṭṭhigatāni. Tāni hi maggasammādiṭṭhiyā visūkaṭṭhena vijjhaṇaṭṭhena vilomaṭṭhena ca visūkāni. Evaṃ diṭṭhiyā visūkāni, diṭṭhi eva vā visūkāni diṭṭhivīsūkāni. **Upātivattoti** dassanamaggena atikkanto. **Patto niyāmanti** avinipātadhammatāya sambodhiparāyaṇatāya ca niyatabhāvaṃ adhigato, sammattaniyāmasaṅkhātāṃ vā paṭhamamagganti. Ettāvataṃ paṭhamamaggakiccanipphatti ca tassa paṭilābho ca vutto. Idāni **paṭiladdhamaggoti** iminā sesamaggapaṭilābhaṃ dasseti. **Uppannañāṇomhīti** uppannapaccekabodhiñāṇo amhi. Etena phalaṃ dasseti. **Anaññaneyyoti** aññehi “idaṃ saccaṃ idaṃ saccaṃ”ti na netabbo. Etena sayambhutaṃ dīpeti, patte vā paccekabodhiñāṇe aneyyatāya abhāvā sayamvasitaṃ. Samathavipassanāya vā¹ diṭṭhivīsūkāni upātivatto, ādimaggena patto niyāmaṃ, sesehi paṭiladdhamaggo, phalañāṇena uppannañāṇo, taṃ sabbam attanāva adhigatoti anaññaneyyo. Sesam vuttanayeneva veditabbanti.

Diṭṭhivīsūkagāthāvaṇṇanā samattā.

56. **Nillolupoti** kā uppatti? Bārāṇasirañño kira sūdo antarabhataṃ pacitvā upanāmesi manuññadassanaṃ sādurasam “appeva nāma me rājā dhanamanuppadeyyā”ti. Taṃ rañño gandheneva bhottukāmataṃ janesi mukhe kheḷaṃ uppādentāṃ. Paṭhamakabaḷe pana mukhe pakkhittamatte sattarasaharaṇisahassāni amateneva phuṭṭhāni ahesuṃ. Sūdo “idāni me dassati, idāni me dassati”ti cintesi. Rājāpi “sakkārāraho sūdo”ti cintesi, “rasaṃ sāyitvā pana sakkarontaṃ maṃ pāpako kittisaddo abbhuggaccheyya ‘lolo ayaṃ rājā rasagaruko’ti” na kiñci abhaṇi. Evaṃ yāva bhojanapariyosānaṃ, tāva sūdopi “idāni dassati, idāni dassati”ti cintesi. Rājāpi avaṇṇabhayena na kiñci abhaṇi.

Tato sūdo “natthi imassa rañño jivhāviññāṇan”ti dutiyadivase arasabhattaṃ¹ upanāmesi. Rājā bhuñjanto “niggahāraho ajja sūdo”ti jānantopi pubbe viya paccavekkhitvā avaṇṇabhayena na kiñci abhaṇi. Tato sūdo “rājā neva sundaraṃ nāsundaraṃ jānātī”ti cintetvā sabbaṃ paribbayaṃ attanā gahetvā yaṃkiñcideva pacitvā rañño deti. Rājā “aho vata lobho, ahaṃ nāma vīsati nagarasahassāni bhuñjanto imassa lobhena bhattachattampi na labhāmī”ti nibbijitvā rajjaṃ pahāya pabbajitvā vipassanto paccekabodhiṃ sacchākāsi, purimanayeneva ca imaṃ gātham abhāsi—

“Nillolupo nikkhuho nippipāso,
Nimmakkho niddhantakasāvamoho.
Nirāsayo sabbaloke bhavitvā,
Eko care khaggavisāṇakappo”ti.

Tattha **nillolupoti** alolupo. Yo hi rasataṇhābhībhūto hoti, so bhusaṃ luppati punappunañca luppati, tena lolupoti vuccati. Tasmā esa taṃ paṭikkhipanto-āha “nillolupo”ti. **Nikkuhoti** ettha kiñcāpi yassa tividhaṃ kuhanavatthu natthi, so nikkuhoti vuccati, imissā pana gāthāya manuññabhojanādīsu vimhayamanāpajjanato nikkuhoti ayamadhippāyo. **Nippipāsoti** ettha pātumicchā pipāsā, tassā abhāvena nippipāso, sādurasalobhena bhottukamyatāviraḥitoti attho. **Nimmakkhoti** ettha paraguṇavināsanalakkhaṇo makkho, tassa abhāvena nimmakkho. Attano gahaṭṭhakāle sūdassa guṇamakkhanābhāvaṃ sandhāyāha. **Niddhantakasāvamohoti** ettha rāgādayo tayo, kāyaduccaritādīni ca tīṇīti cha dhammā yathāsambhavaṃ appasannaṭṭhena sakabhāvaṃ vijahāpetvā parabhāvaṃ gaṇhāpanaṭṭhena kasaṭṭhena ca kasāvāti veditabbā. Yathāha—

“Tattha katame tayo kasāvā, rāgakasāvo dosakasāvo mohakasāvo,
ime tayo kasāvā. Tattha katame aparepi tayo kasāvā kāyakasāvo
vacīkasāvo manokasāvo”ti².

1. Asāduvantam (Sī), asādhubhattam (Syā)

2. Abhi 2. 383 piṭṭhe.

Tesu moham̐ ṭhapetvā pañcannam̐ kasāvānam̐ tesañca sabbesam̐ mūlabhūtassa mohassa niddhantattā niddhantakasāvamoho, tiṇṇam̐ eva vā kāyavacīmanokasāvānam̐ mohassa ca niddhantattā niddhantakasāvamoho. Itaresu nillolupatādīhi rāgakasāvassa, nimmakkhatāya dosakasāgassa niddhantabhāvo siddho eva. **Nirāsayoti**¹ nittan̐ho. **Sabbaloketi** sakalaloke, tīsu bhavesu dvādasasu vā āyatanesu bhavavibhavataṇhāviraḥito hutvāti attho. Sesam̐ vuttanayeneva veditabbam̐. Atha vā tayopi pāde vatvā **eko caretī** eko caritum̐ sakkuṇeyyāti evampi ettha sambandho kātabboti.

Nillolupagāthāvaṇṇanā samattā.

57. **Pāpam̐ sahāyanti** kā uppanti? Bārāṇasiyam̐ kira aññataro rājā mahaccarājānubhāvena nagaram̐ padakkhiṇam̐ karonto manusse koṭṭhāgārato purāṇadhaññāni bahiddhā nīharante disvā “kiṃ bhāṇe idan”ti amacce pucchi. Idāni mahārāja navadhaññāni uppajjissanti, tesam̐ okāsam̐ kātum̐ ime manussā purāṇadhaññādīni chaḍḍentīti. Rājā kiṃ bhāṇe itthāgārabalakāyādīnam̐ vaṭṭam̐ paripuṇṇanti. Āma mahārāja paripuṇṇanti. Tena hi bhāṇe dānasālam̐ kārāpetha, dānam̐ dassāmi, mā imāni dhaññāni anupakārāni vinassimsūti. Tato nam̐ aññataro diṭṭhigatiko amacco “mahārāja natthi dinnan”ti ārabba yāva “bālā ca paṇḍitā ca sandhāvitvā saṃsaritvā dukkhassantam̐ karissanti”ti vatvā nivāresi. So dutiyampi tatiyampi koṭṭhāgāre vilumpante disvā tatheva āṇāpesi. Tatiyampi nam̐ “mahārāja dattupaññattam̐ yadidam̐ dānan”ti-ādīni vatvā nivāresi. So “are aham̐ attano santakampi na labhāmi dātum̐, kiṃ me imehi pāpasahāyehi”ti nibbinno rajjam̐ pahāya pabbajitvā vipassanto paccekabodhim̐ sacchākāsi, tañca pāpam̐ sahāyam̐ garahanto imam̐ udānagātham̐ abhāsi—

“Pāpam̐ sahāyam̐ parivajjayetha,
Anatthadassim̐ visame nivīṭṭham̐.
Sayam̐ na seve pasutam̐ pamattam̐,
Eko care khaggavisāṇakappo”ti.

1. Nirāsasoti (Sī), nirāsāsoti (Ka)

Tassāyaṃ saṅkhepattho—yvāyaṃ dasavatthukāya pāpadiṭṭhiyā samannāgatattā **pāpo**, paresampi anattaṃ passatīti **anattadassī**, kāyaduccaritādimhi ca **visame nivīṭṭho**, taṃ atthakāmo kulaputto pāpaṃ sahāyaṃ parivajjayetha anattadassim visame nivīṭṭhaṃ. **Sayaṃ na seveti** attano vasena na seve. Yadi pana paravaso hoti, kiṃ sakkā kātunti vuttaṃ hoti. **Pasutanti** pasaṭaṃ¹, diṭṭhivasena tattha tattha lagganti attho. **Pamattanti** kāmaguṇesu vossaṭṭhacittam, kusalahāvanārahitaṃ vā. Taṃ evarūpaṃ na seve na bhaje na payirupāse, aññadatthu eko care khaggavisāṇakappoti.

Pāpasahāyagāthāvaṇṇanā samattā.

58. **Bahussutanti** kā uppatti? Pubbe kira Kassapassa Bhagavato sāsane aṭṭha paccekabodhisattā pabbajitvā gatapaccāgatavattaṃ pūretvā devaloke uppannāti sabbaṃ anavajjabhojīgāthāya vuttasadisameva. Ayaṃ pana viseso—Paccekabuddhe nisīdāpetvā rājā āha “ke tumhe”ti. Te āhaṃsu “mayam mahārāja bahussutā nāmā”ti. Rājā “ahaṃ Sutabrahmadatto nāma, sutena tittim na gacchāmi, handa nesaṃ santike vicitrānayaṃ saddhammadesanaṃ sossāmī”ti attamano dakkhiṇodakaṃ datvā parivisitvā bhattakiccapariyosāne saṃghattherassa pattam gahetvā vanditvā purato nisīdi “dhammakathaṃ bhante karoṭhā”ti. So “sukhito hotu mahārāja, rāgakkhāyo hotū”ti vatvā uṭṭhito. Rājā “ayaṃ na bahussuto, dutiyo bahussuto bhavissati, sve dāni vicitrādharmadesanaṃ sossāmī”ti svātanāya nimantesi. Evaṃ yāva sabbesaṃ paṭipāṭi gacchati, tāva nimantesi. Te sabbepi “dosakkhāyo hotu, mohakkhāyo, gatikkhāyo, vaṭṭakkhāyo, upadhikkhāyo, taṇhākkhāyo hotū”ti evaṃ ekekaṃ padaṃ visesetvā sesaṃ paṭhamasadisameva vatvā uṭṭhahimsu.

Tato rājā “ime ‘bahussutā mayan’ti bhaṇanti, na ca tesam vicitrakathā, kimetehi vuttan”ti tesam vacanattaṃ upaparikkhitumāraddho. Atha “rāgakkhāyo hotū”ti upaparikkhanto “rāge khīṇe dosopi

1. Pasattam (Sī)

mohopi aññataraññatarepi kilesā khīṇā hontī”ti ñatvā attamano ahosi “nippariyāyabahussutā ime samaṇā. Yathā hi purisena mahāpathaviṃ vā ākāsaṃ vā aṅgulyā niddisanta na aṅgulimattova padeso niddiṭṭho hoti, apica kho pana pathavī-ākāsā eva niddiṭṭhā honti, evaṃ imehi ekamekaṃ atthaṃ niddisantehi aparimāṇā atthā niddiṭṭhā hontī”ti. Tato so “kudāssu nāmāhampi evaṃ bahussuto bhavissāmī”ti tathārūpaṃ bahussutabhāvaṃ patthento rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi—

“Bahussutaṃ dhammadharaṃ bhajetha,
Mittaṃ uḷāraṃ paṭibhānavantaṃ.
Aññāya atthāni vineyya kaṅkhaṃ,
Eko care khaggavisāṇakappo”ti.

Tathāyaṃ saṅkhepattho—**bahussutanti** duvidho bahussuto tisu piṭakesu atthato nikhilo¹ pariyattibahussuto ca, maggaphalavijjābhiññānaṃ paṭividdhattā² paṭivedhabahussuto ca. Āgatāgamo **dhammadharo**. Uḷārehi pana kāyavacīmanokammehi samannāgato **uḷāro**. Yuttapaṭibhāno ca muttapaṭibhāno ca yuttamuttapaṭibhāno ca **paṭibhānavā**. Pariyattiparipucchādhigamavasena vā tidhā paṭibhānavā veditabbo. Yassa hi pariyatti paṭibhāti, so pariyattipaṭibhānavā. Yassa atthañca ñāyañca lakkhaṇaṃca ṭhānāṭṭhānañca paripucchantassa paripucchā paṭibhāti, so paripucchāpaṭibhānavā. Yena maggādayo paṭividdhā honti, so adhigamapaṭibhānavā. Tam evarūpaṃ **bahussutaṃ dhammadharaṃ bhajetha mittaṃ uḷāraṃ paṭi bhānavantaṃ**. Tato tassānubhāvena attatthaparattathabhayattabhedato vā diṭṭhadhammikasamparāyikaparamatthabhedato vā anekappakārāni **aññāya atthāni**, tato “ahosiṃ nu kho ahaṃ atītamaddhānaṃ”ti-ādīsu³ kaṅkhaṭṭhānesu **vineyya kaṅkhaṃ** vicikicchaṃ vinetvā vināsetvā evaṃ katasabbakicco eko care khaggavisāṇakappoti.

Bahussutagāthāvaṇṇanā samattā.

1. Niccalo (Si)

2. Maggaphalavijjābhiññāpaṭividdhatto (Ka)

3. Ma 1. 10; Saṃ 1. 265 piṭṭhesu.

59. **Khiḍḍam ratinti** kā uppatti? Bārāṇasiyaṃ Vibhūsakabrahmadatto nāma rājā pātova yāguṃ vā bhattaṃ vā bhuñjitvā nānāvidhavibhūsanehi attānaṃ vibhūsāpetvā mahā-ādāse sakalasarīraṃ disvā yaṃ na icchati, taṃ apanetvā aññena vibhūsanena vibhūsāpeti. Tassa ekadivasam evaṃ karoto bhattavelā majjhanhikasamayo patto. Atha avibhūsitova dussapaṭṭena sīsam veṭhetvā bhuñjitvā divāseyyaṃ upagacchi. Punapi utṭhāhitvā tatheva karoto sūriyo atthaṅgato. Evaṃ dutiyadivasepi tatiyadivasepi. Athassa evaṃ maṇḍanappasutassa piṭṭhirogo udapādi. Tassetadahosi “aho re ahaṃ sabbathāmena vibhūsantopi imasmim kappake vibhūsane asantuṭṭho lobhaṃ uppādesim, lobho ca nāmesa apāyagamanīyo dhammo, handāhaṃ lobhaṃ niggaṇhāmī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi—

“Khiḍḍam ratim kāmasukhañca loke,
Analaṅkaritvā anapekkhamāno.
Vibhūsanaṭṭhānā virato saccavādī,
Eko care khaggavisāṇakappo”ti.

Tattha **khiḍḍā** ca **rati** ca pubbe vuttāva. **Kāmasukhanti** vatthukāmasukhaṃ. Vatthukāmāpi hi sukhassa visayādibhāvena sukhanti vuccanti. Yathāha “atthi rūpaṃ sukhaṃ sukhānupatitan”ti¹. Evametam khiḍḍam ratim kāmasukhañca imasmim okāsaloke **analaṅkaritvā** alanti akatvā, etaṃ tappakanti vā sārabhūtanti vā evaṃ aggahetvā. **Anapekkhamāno**ti tena alaṅkaraṇena anapekkhaṇasīlo apihāluke nittanḥo vibhūsanaṭṭhānā virato saccavādī eko careti. Tattha vibhūsā duvidhā agārikavibhūsā anagārikavibhūsā ca. Tattha agārikavibhūsā sātakaveṭhanamālāgandhādi, anagārikavibhūsā pattamaṇḍanādi. Vibhūsā eva **vibhūsanaṭṭhānam**, tasmā vibhūsanaṭṭhānā tividhāya viratiyā **virato**. Avitathavacanato **saccavādī**ti evamattho daṭṭhabbo.

Vibhūsanaṭṭhānagāthāvaṇṇanā samattā.

1. Sam 2. 57 piṭṭhe.

60. **Puttañca dāranti** kā uppatti? Bārāṇasirañño kira putto daharakāle eva abhisitto rajjam kāresi. So paṭhamagāthāya vuttapaccekabodhisatto viya rajjasirimanubhavanto ekadivasam cintesi “aham rajjam kārento bahūnam dukkham karomi, kim me ekabhattatthāya iminā pāpena, handa sukhamuppādemī”ti rajjam pahāya pabbajitvā vipassanto paccekabodhim sacchikatvā imam udānagātham abhāsi—

“Puttañca dāram pitarañca mātaram,
Dhanāni dhaññāni ca bandhavāni.
Hitvāna kāmāni yathodhikāni,
Eko care khaggavisāṇakappo”ti.

Tattha **dhanānī**ti muttāmaṇiveḷuriyasaṅkhasilāpavāḷarajatajātarūpādīni ratanāni. **Dhaññānī**ti sālivihiyavagodhumakaṅkuvarakakudrūsakapabhedāni satta sesāparaṇṇāni ca. **Bandhavānī**ti nātibandhugottabandhumittabandhusippabandhuvasena catubbidhe bandhave. **Yathodhikānī**ti sakasaka-odhivasena ṭhitāneva. Sesam vuttanayamevāti.

Puttadāragāthāvaṇṇanā samattā.

61. **Saṅgo esoti** kā uppatti? Bārāṇasiyam kira Pādaloḷabrahmadatto nāma rājā ahoṣi. So pātova yāguṃ vā bhattam vā bhujjivā tīsu pāsādesu tividhanāṭakāni passati. Tivedhanāṭakānīti kira pubbarājato āgataṃ, anantararājato āgataṃ, attano kāle uṭṭhitanti. So ekadivasam pātova daharanāṭakapāsādam gato, tā nāṭakitthiyo “rājānam ramāpessāmā”ti Sakkassa Devānamindassa accharāyo viya atimanoharam naccagītavāditam payojesum. Rājā “anacchariyametam daharanam”ti asantuṭṭho hutvā majjhimanāṭakapāsādam gato, tāpi nāṭakitthiyo tatheva akaṃsu. So tatthāpi tatheva asantuṭṭho hutvā mahānāṭakapāsādam gato, tāpi nāṭakitthiyo tatheva akaṃsu. Rājā dve tayo rājaparivaṭṭe atītānam tāsam mahallakabhāvena aṭṭhikīḷanasadisam naccam disvā gītañca amadhuram sutvā punadeva daharanāṭakapāsādam, puna majjhimanāṭakapāsādanti evam vicaritvā katthaci asantuṭṭho cintesi “imā nāṭakitthiyo

Sakkaṃ Devānamindaṃ accharāyo viya maṃ ramāpetukāmā sabbathāmena naccagītavāditaṃ payojesuṃ, svāhaṃ katthaci asantuṭṭho lobhameva vaḍḍhemi, lobho ca nāmesa apāyagamanīyo dhammo, handāhaṃ lobhaṃ niggaṇhāmī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi—

“Saṅgo eso parittamettha sokhyaṃ,
Appassādo dukkhamettha bhiyyo.
Gaḷo eso iti ñatvā matimā,
Eko care khaggavisāṇakappo”ti.

Tassattho—**saṅgo esoti** attano upabhogaṃ niddisati. So hi sajjanti tattha pāṇino kaddame pavitṭho hatthī viyāti **saṅgo**. **Parittamettha sokhyanti** ettha pañcakāmaguṇūpabhogakāle viparītasaññāya uppādetabbato kāmāvacaradhammapariyāpannato vā lāmaḥkaṭṭhena sokhyaṃ parittaṃ, vijjupabhāya obhāsitanaccadassanasukhaṃ viya ittaraṃ, tāvakālikanti vuttaṃ hoti. **appassādo dukkhamettha bhiyyoti** ettha ca yvāyaṃ “yaṃ kho bhikkhave ime pañca kāmaguṇe paṭicca uppajjati sukhaṃ somanassaṃ, ayaṃ kāmānaṃ assādo”ti¹ vutto, so yadidaṃ “ko ca bhikkhave kāmānaṃ ādīnavo, idha bhikkhave kulaputto yena sippaṭṭhānena jīvikaṃ kappeti yadi muddāya yadi gaṇanāyā”ti evamādinā¹ nāyenettha dukkhaṃ vuttaṃ, taṃ upanidhāya appo udakabindumatto hoti, atha kho dukkhameva bhiyyo bahu, catūsu samuddesu udakasadiṣaṃ hoti. Tena vuttaṃ “appassādo dukkhamettha bhiyyo”ti. **Gaḷo esoti** assādaṃ dassetvā ākaḍḍhanavasena baliso viya eso yadidaṃ pañca kāmaguṇā. **Iti ñatvā matimā**ti evaṃ ñatvā buddhimā paṇḍito puriso sabbampetaṃ pahāya eko care khaggavisāṇakappoti.

Saṅgagāthāvaṇṇanā samattā.

62. **Sandālayitvānāti** kā uppatti? Bārāṇasiyaṃ kira Anivattabrahmadatto nāma rājā ahoṣi. So saṅgamaṃ otiṇṇo ajinitvā aññaṃ vā kiccaṃ āraddho aniṭṭhapetvā na nivattati, tasmā naṃ evaṃ sañjānimsu.

1. Ma 1. 120 piṭṭhe.

So ekadivasam uyyānam gacchati, tena ca samayena vanadāho uṭṭhāsi, so aggi sukkhāni ca haritāni ca tiṇādīni dahanto anivattamāno eva gacchati. Rājā tam disvā tappaṭibhāganimittam uppādesi “yathāyam vanadāho, evameva ekādasavidho aggi sabbasatte dahanto anivattamānova gacchati mahādukkham uppādentō, kudāssu nāmāhampi imassa dukkhassa nivattanattham ayaṃ aggi viya ariyamaggañāṇagginā kilese dahanto anivattamāno gaccheyyan”ti. Tato muhuttam gantvā kevaṭṭe addasa nadiyam macche gaṇhante. Tesam jālantaram pavittō eko mahāmaccho jālam bhetvā palāyi. Te “maccho jālam bhetvā gato”ti saddamakaṃsu. Rājā tampi vacanam sutvā tappaṭibhāganimittam uppādesi “kudāssu nāmāhampi ariyamaggañāṇena taṇhādīṭṭhijālam bhetvā asajjamāno gaccheyyan”ti. So rajjam pahaya pabbajitvā vipassanam ārabhitvā paccakabodhim sacchākāsi, imaṃca udānagātham abhāsi—

“Sandālayitvāna samyojanāni,
Jālamva bhetvā salilambucārī.
Aggīva daḍḍham anivattamāno,
Eko care khaggavisāṇakappo”ti.

Tassā dutiyapāde **jā**lanti suttamayaṃ vuccati. **Ambū**ti udakam, tattha caratīti **ambucārī**, macchassetam adhivacanam. Salile ambucārī **salilambucārī**, tasmim nadīsalile jālam bhetvā ambucārīvāti vuttam hoti. Tatiyapāde **daḍḍ**hanti daḍḍhaṭṭhānam vuccati. Yathā aggi daḍḍhaṭṭhānam puna na nivattati, na tattha bhiyyo āgacchati, evam maggañāṇagginā daḍḍham kāmaguṇaṭṭhānam anivattamāno tattha bhiyyo anāgacchantoti vuttam hoti. Sesam vuttanayamevāti.

Sandālanagāthāvaṇṇanā samattā.

63. **Okkhittacakkhū**ti kā uppatti? Bārānasiyam kira Cakkhulolabrahmadatto nāma rājā Pādālolabrahmadatto viya nāṭakadassanamanuyutto hoti. Ayaṃ pana viseso—so asantuṭṭho tattha tattha gacchati, ayaṃ tam tam nāṭakam disvā ativiya abhinanditvā nāṭakaparivattadassanena taṇham vaḍḍhento vicarati. So kira nāṭakadassanāya āgataṃ

aññataram kuṭumbiyabhariyaṃ disvā rāgaṃ uppādesi. Tato samvegamāpajjitvā puna “ahaṃ imaṃ taṇhaṃ vaḍḍhento apāyaparipūrako bhavissāmi, handa naṃ niggaṇhāmi”ti pabbajitvā vipassanto paccekabodhiṃ sacchikatvā attano purimapaṭipattiṃ garahanto tappaṭipakkhaguṇadīpikaṃ imaṃ udānagāthaṃ abhāsi—

“Okkhittacakkhu na ca pādalolo,
Guttindriyo rakkhitamānasāno.
Anavassuto aparidayhamāno,
Eko care khaggavisāṇakappo”ti.

Tattha **okkhittacakkhū**ti heṭṭhākhittacakkhu, satta gīvaṭṭhīni paṭipāṭiyā ṭhapetvā parivajjagahetabbadassanatthaṃ¹ yugamattaṃ pekkhamānoti vuttaṃ hoti. Na tu hanukaṭṭhinā hadayaṭṭhiṃ saṅghaṭṭento. Evañhi okkhittacakkhutā na samaṇasārūppā hoti. **Na ca pādaloloti** ekassa dutiyo, dvinnāṃ tatiyoti evaṃ gaṇamajjhaṃ pavisitukāmatāya kaṇḍūyamānapādo viya abhavanto², dīghacārika anavaṭṭhitacārikavirato vā³. **Guttindriyoti** chasu indriyesu idha visumvuttāvasesavasena gopitindriyo.

Rakkhitamānasānoti mānasāṃ yeva mānasānaṃ, taṃ rakkhitamassāti rakkhitamānasāno. Yathā kilesehi na viluppati, evaṃ rakkhitacittoti vuttaṃ hoti. **anavassutoti** imāya paṭipāṭiyā tesu tesu ārammaṇesu kilesa-anvāssavavirahito. **aparidayhamānoti** evaṃ anvāssavavirahāva kilesaggīhi aparidayhamāno. Bahiddhā vā anavassuto, ajjhattaṃ aparidayhamāno. Sesāṃ vuttanayamevāti.

Okkhittacakkhugāthāvaṇṇanā samattā.

64. **Ohārayitvāti** kā uppatti? Bārāṇasiyaṃ kira ayaṃ aññopi Cātumāsikabrahmadatto nāma rājā catumāse catumāse uyyānakīlaṃ gacchati. So ekadivasaṃ gimhānaṃ majjhime māse uyyānaṃ pavisanto

1. Parivajjanāpahātabbadassanatthaṃ (Sī), parivajjanāpahātabbadassanatthaṃ (Syā)

2. Avicāranto (Syā), adhāvanto (Ka)

3. Dīghacārika-anavaṭṭhitacārikavirato vā (Sī), dīghacārikānivattacārikavirato vā (Syā), dīghacārikāya vā anavaṭṭhitacārikā virato (Ka)

uyyānavāre pattasañchannaṃ pupphālaṅkataviṭṭapaṃ
 pāricchattakakoviḷāraṃ disvā ekaṃ pupphaṃ gahetvā uyyānaṃ pāvīsi. Tato
 “raññā aggapupphaṃ gahitaṃ”ti aññataropi amacco hatthikkhandhe ṭhito eva
 ekaṃ pupphaṃ aggahesi. Eteneva upāyena sabbo balakāyo aggahesi.
 Pupphaṃ anassādentā pattampi gaṇhiṃsu. So rukkho nippattapuppho
 khandhamattova ahoṣi. Taṃ rājā sāyanhasamaye uyyānā nikkhamanto disvā
 “kiṃ kato ayaṃ rukkho, mama āgamanavelāyaṃ maṇivaṇṇasākhaṅgataresu
 pavālasadisapupphālaṅkato ahoṣi, idāni nippattapuppho jāto”ti cintento
 tassevāvidūre apupphitaṃ rukkhaṃ sañchannapalāsaṃ addasa. Disvā cassa
 etadahosi “ayaṃ rukkho pupphabharitasākhattā bahujaṅgassa lobhanīyo
 ahoṣi, tena muhutteneva byasaṇaṃ patto, ayaṃ panañño alobhanīyattā
 tatheva ṭhito. Idampi rajjaṃ pupphitarukkho viya lobhanīyaṃ,
 bhikkhubhāvo pana apupphitarukkho viya alobhanīyo. Tasmā yāva idampi
 ayaṃ rukkho viya na viluppati, tāva ayamañño sañchannapatto yathā
 pāricchattako, evaṃ kāsāvena parisāchannena¹ hutvā pabbajitabban”ti. So
 rajjaṃ pahāya pabbajitvā vipassanto paccekabodhiṃ sacchikatvā imaṃ
 udānagāthaṃ abhāsi—

“Ohārayitvā gihibyañjanāni,
 Sañchannapatto yathā pārichatto.
 Kāsāyavatto abhinikkhamitvā,
 Eko care khaggavisāṇakappo”ti.

Tattha **kāsāyavatto abhinikkhamitvā**ti imassa pādassa gehā
 abhinikkhamitvā kāsāyavatto hutvāti evamattho veditabbo. Sesāṃ
 vuttanayeneva sakkā jānitunti na vitthāritanti.

Pāricchattakagāthāvaṇṇanā samattā.

Tatiyo vaggo niṭṭhito.

65. **Rasesūti** kā uppatti? Aññataro kira Bārāṇasirājā uyyāne
 amaccaputtehi parivuto Silāpaṭṭapokkharāṇiyaṃ kīḷati. Tassa

1. Kāsāyenapi sañcha nmena (Sī), kāsāvena hi sañcha nmena (Syā)

sūdo sabbamaṁsānaṁ rasaṁ gahetvā atīva susaṅkhataṁ amatakappaṁ antarabhattaṁ pacitvā upanāmesi, so tattha gedhamāpanno kassaci kiñci adatvā attanāva bhuñji. Uda¹ka¹lato ca ativikāle nikkhanto sīghaṁ sīghaṁ bhuñji. Yehi saddhiṁ pubbe bhuñjati, na tesaṁ kañci sari. Atha pacchā paṭisaṅkhānaṁ uppādetvā “aho mayā pāpaṁ kataṁ, yvāhaṁ rasataṇhāya abhibhūto sabbajanaṁ visaritvā ekakova bhuñjīm, handa rasataṇhaṁ niggaṇhāmī”ti rajjaṁ pahāya pabbajitvā vipassanto paccekabodhiṁ sacchikatvā attano purimapaṭipattiṁ garahanto tappaṭipakkhaguṇadīpikaṁ imaṁ udānagāthaṁ abhāsi—

“Rasesu gedhaṁ akaraṁ alolo,
 Anaññaposī sapadānacārī.
 Kule kule appaṭibaddhacitto,
 Eko care khaggavisāṇakappo”ti.

Tattha **rasesūti** ambilamadhuratittakaṭukaloṇikakhārikakasāvādibhedesu sāyaṇīyesu. **Gedhaṁ akaranti** giddhiṁ akaronto, taṇhaṁ anuppādentoti vuttaṁ hoti. **Aloloti** “idaṁ sāyissāmi, idaṁ sāyissāmi”ti evaṁ rasavisesesu anākulo. **Anaññaposīti** posetabbakasaddhivihārikādivirahito, kāyasandhāraṇamattena santuṭṭhoti vuttaṁ hoti. Yathā vā pubbe uyyāne rasesu gedhakarāṇalolo hutvā aññaposī āsīm, evaṁ ahutvā yāya taṇhāya lolo hutvā rasesu gedhaṁ karoti, taṁ taṇhaṁ hitvā āyatim taṇhāmūlakassa aññassa attabhāvassa anibbattanena anaññaposīti dasseti. Atha vā atthabhañjanakaṭṭhena aññeti kilesā vuccanti, tesaṁ aposanena anaññaposīti ayampettha attho. **Sapadānacārīti** avokkammacārī anupubbacārī, gharapaṭipāṭim achaḍḍetvā aḍḍhakulañca daliddakulañca nirantaraṁ piṇḍāya pavisamānoti attho. **Kule kule appaṭibaddhacittoti** khattiyakulādīsu yattha katthaci kilesavasena alaggacitto, candūpamo niccanavako hutvāti attho. Sesaṁ vuttanayamevāti.

Rasagedhagāthāvaṇṇānā samattā.

1. Uda¹ka¹lato (Syā, Ka)

66. **Pahāya pañcāvaraṇānī**ti kā uppatti? Bārāṇasiyaṃ kira aññataro rājā paṭhamajjhānalābhī ahoṣi. So jhānānurakkhaṇatthaṃ rajjaṃ pahāya pabbajitvā vipassanto paccekabodhiṃ sacchikatvā attano paṭipattisampadaṃ dīpento imaṃ udānagāthaṃ abhāsi—

“Pahāya pañcāvaraṇāni cetaso,
Upakkilese byapanujja sabbe.
Anissito chetva¹ sinehadosaṃ,
Eko care khaggavisāṇakappo”ti.

Tattha **āvaraṇānī**ti nīvaraṇāneva, tāni atthato Uragasutte vuttāni. Tāni pana yasmā abbhādayo viya candasūriye ceto āvaranti, tasmā “āvaraṇāni cetaso”ti vuttāni. Tāni upacārena vā appanāya vā pahāya. **Upakkileseti** upagamma cittaṃ vibādheṇte akusale dhamme, vatthopamādīsu vutte abhijjhādayo vā. **Byapanujjāti** panuditvā vināsetvā, vipassanāmaggena pajahitvāti attho. **Sabbeti** anavasese. Evaṃ samathavipassanāsampanno paṭhamamaggena diṭṭhinissayassa pahīnattā **anissito**, sesamaggehi chetvā tedhātukaṃ **sinehadosaṃ**, taṇhārāganti² vuttaṃ hoti. Sineho eva hi guṇapaṭipakkhato sinehadosoti vutto. Sesam vuttanayamevāti.

Āvaraṇagāthāvaṇṇanā samattā.

67. **Vipiṭṭhikatvānāti** kā uppatti? Bārāṇasiyaṃ kira aññataro rājā catutthajjhānalābhī ahoṣi. So jhānānurakkhaṇatthaṃ rajjaṃ pahāya pabbajitvā vipassanto paccekabodhiṃ sacchikatvā attano paṭipattisampadaṃ dīpento imaṃ udānagāthaṃ abhāsi—

“Vipiṭṭhikatvāna sukhaṃ dukhañca,
Pubbeva ca somanassadomanassaṃ.
Laddhānupekkhaṃ samathaṃ visuddhaṃ,
Eko care khaggavisāṇakappo”ti.

1. Chetvā (Sī, Syā, Ka)

2. Taṇhaṃ rāganti (Sī)

Tattha **vipīṭṭhikatvānā**ti piṭṭhito katvā, chaḍḍetvā jahitvāti attho. **Sukhaṃ dukhañcā**ti kāyikaṃ sātāsātaṃ. **Somanassadomanassanti** cetasikaṃ sātāsātaṃ. **Upekkhanti** catutthajjhānupekkhaṃ. **Samathanti** catutthajjhānasamathameva. **Visuddhanti** pañcanīvaraṇavitakkavicārapīṭṭhisukhasaṅkhātehi navahi paccanīkadhammehi vimuttattā visuddhaṃ, niddhantasuvaṇṇamiva vigatūpakkilesanti attho.

Ayaṃ pana yojanā—vipīṭṭhikatvāna sukhaṃ dukkhañca pubbeva, paṭhamajjhānupacārabhūmiyaṃyeva dukkhaṃ, tatiyajjhānupacārabhūmiyaṃ sukhanti adhippāyo. Puna ādito vuttaṃ cakāraṃ parato netvā “somanassaṃ domanassañca vipīṭṭhikatvāna pubbevā”ti adhikāro. Tena somanassaṃ catutthajjhānupacāre, domanassañca dutiyajjhānupacāreyevāti dīpeti. Etāni hi etesaṃ pariyāyato pahānaṭṭhānāni. Nippariyāyato pana dukkhassa paṭhamajjhānaṃ, domanassassa dutiyajjhānaṃ, sukhasa tatiyajjhānaṃ, somanassassa catutthajjhānaṃ pahānaṭṭhānaṃ. Yathāha “paṭhamajjhānaṃ upasampajja viharati etthuppannaṃ dukkhindriyaṃ aparisesaṃ nirujjhati”ti-ādi¹. Taṃ sabbaṃ Aṭṭhasāliniyā Dhammasaṅgahaṭṭhakathāyaṃ² vuttaṃ. Yato pubbeva tīsu paṭhamajjhānādīsu dukkhadomanassasukhāni vipīṭṭhikatvā ettheva catutthajjhāne somanassaṃ vipīṭṭhikatvā imāya paṭipadāya laddhānupekkhaṃ samathaṃ visuddhaṃ eko caretī. Sesāni sabbattha pākaṭamevāti.

Vipīṭṭhikatvāgāthāvaṇṇanā samattā.

68. **Āraddhaviriyoti** kā uppatti? Aññataro kira paccantarājā sahasayodhaparimāṇabalakāyo rajjena khuddako, paññāya mahanto ahosi. So ekadivasaṃ “kiñcāpi ahaṃ khuddako, paññavatā ca pana sakkā sakalajambudīpaṃ gahetun”ti cintetvā sāmantarañño dūtaṃ pāhesi “sattadivasaḥbhantare me rajjaṃ vā detu yuddhaṃ vā”ti. Tato so attano amacce samodhānetvā āha “mayā tumhe anāpucchāyeva sāhasaṃ kataṃ, amukassa rañño evaṃ pahitaṃ, kiṃ kātābbaṃ”ti. Te āhamsu “sakkā mahārāja so dūto nivattetun”ti. Na sakkā, gato bhavissatīti. Yadi evaṃ vināsitaṃhā tayā, tena hi

1. Saṃ 3. 188 piṭṭhe.

2. Abhi-Ṭṭha 1. 221 piṭṭhe.

dukkham aññassa satthena maritum, handa mayam aññamaññam paharivā marāma, attānam paharivā marāma, ubbandhāma, visam khādāmāti. Evam tesu ekameko maraṇameva samvaṇṇeti. Tato rājā “kim me imehi, atthi bhaṇe mayham yodhā”ti āha. Atha “aham mahārāja yodho, aham mahārāja yodho”ti tam yodhasahassam uṭṭhahi.

Rājā “ete upaparikkhissāmī”ti mantvā citakam sajjetvā āha “mayā bhaṇe idam nāma sāhasam katam, tam me amaccā paṭikkosanti, soham citakam pavisissāmi, ko mayā saddhim pavisissati, kena mayham jīvitam pariccattan”ti. Evam vutte pañcasatā yodhā uṭṭhahimsu “mayam mahārāja pavisāmā”ti. Tato rājā apare pañcasate yodhe āha “tumhe idāni tātā kim karissathā”ti. Te āhamsu “nāyam mahārāja purisakāro, itthikiriya¹ esā, apica mahārājena paṭirañño dūto pesito, tena mayam raññā saddhim yujjhivā marissāmā”ti. Tato rājā “pariccattam tumhehi mama jīvitam”ti caturaṅginim senam sannayhitvā tena yodhasahassena parivuto gantvā rajjasīmāya nisīdi.

Sopi paṭirājā tam pavattim sutvā “are so khuddakarājā mama dāsassāpi nappahoti”ti kujjhivā² sabbam balakāyam ādāya yujjhitem nikkhami. khuddakarājā tam abbhuyyātam disvā balakāyam āha “tātā tumhe na bahukā, sabbe sampiṇḍitvā asicammaṃ gahetvā sīgham imassa rañño purato ujukam eva gacchathā”ti. Te tathā akaṃsu, atha sā senā dvidhā bhijjhivā antaramadāsi. Te tam rājānam jivaggāham gaṇhimsu, aññe yodhā palāyimsu. Khuddakarājā “tam māremī”ti purato dhāvati, paṭirājā tam abhayam yāci. Tato tassa abhayam datvā sapatham kārāpetvā tam attano manussam katvā tena saha aññam rājānam abhuggantvā tassa rajjasīmāya ṭhatvā pesesi “rajjam vā me detu yuddham vā”ti. So “aham ekayuddhampi na sahāmī”ti rajjam niyyātesi. Eteneva upāyena sabbarājāno gahetvā ante Bārāṇasirājānampi aggahesi.

1. Itthicariyā (Sī, Syā)

2. Russitvā (Sī), tusitvā (Syā), dussitvā (Ka)

So ekasatarājaparivuto sakalajambudīpe rajjaṃ anusāsanto cintesi “ahaṃ pubbe khuddako ahoṣiṃ, somhi attano ñāṇasampattiyā sakalajambudīpassa issaro jāto. Taṃ kho pana me ñāṇaṃ lokiyavīriyasampayuttaṃ, neva nibbidāya na virāgāya saṃvattati, sādhu vatassa svāhaṃ iminā ñāṇena lokuttaradhammaṃ gaveseyyaṃ”ti. Tato Bārāṇasiraṇṇo rajjaṃ datvā puttadāraṇca sakajanapadameva pesetvā pabbajjaṃ samādāya vipassanaṃ ārabhitvā paccekabodhiṃ sacchikatvā attano vīriyasampattim dīpento imaṃ udānagāthaṃ abhāsi—

“Āraddhaviriyo paramatthapattiyā,
Alīnacitto akusītavutti.
Daḷhanikkamo thāmabalūpapanno,
Eko care khaggavisāṇakappo”ti.

Tattha āraddhaṃ vīriyamassāti **āraddhaviriyo**. Etena attano vīriyārambhaṃ ādivīriyaṃ dasseti. Paramattho vuccati nibbānaṃ, tassa pattiyā **paramatthapattiyā**. Etena vīriyārambhena pattabbaphalaṃ dasseti. **Alīnacittoti** etena balavīriyūpatthambhānaṃ¹ cittacetasikānaṃ alīnataṃ dasseti, **akusītavuttīti** etena ṭhāna-āsanacaṅkamanādīsu kāyassa anavasīdanāṃ. **Daḷhanikkamoti** etena “kāmaṃ taco ca nhāru cā”ti² evaṃ pavattaṃ padahanavīriyaṃ dasseti, yaṃ taṃ anupubbasikkhādīsu padahanto “kāyena ceva paramasaccaṃ sacchikaroti, paññāya ca naṃ ativiḷḷha passaṭi”ti vuccati. Atha vā etena maggasampayuttavīriyaṃ dasseti. Tañhi daḷhaṇca bhāvanāpāripūriṃ gatattā³, nikkamo ca sabbaso paṭipakkhā nikkhantattā, tasmā taṃsamaṅgīpuggalopi daḷho nikkamo assāti “daḷhanikkamo”ti vuccati. **Thāmabalūpapannoti** maggakkhaṇe kāyathāmena ñāṇabalena ca upapanno, atha vā thāmabhūtena balena upapannoti thāmabalūpapanno, thirañāṇabalūpapannoti vuttaṃ hoti. Etena tassa vīriyassa vipassanāñāṇasampayogaṃ dīpento yoniso padahanabhāvaṃ sādheti. Pabbabhāgamajjhima-ukkaṭṭhavīriyavasena vā tayopi pādā yojetabbā. Sesāṃ vuttanayamevāti.

Āraddhavīriyagāthāvaṇṇanā samattā.

1. Vīriyūpatthambhānaṃ (Sī)

2. Ma 2. 146; Aṃ 1. 52; Khu 7. 379 piṭṭhesu.

3. Bhāvanāya laddhattā (Syā)

69. **Paṭisallānanti** kā uppatti? Imissā gāthāya āvaraṇagāthāya uppattisadisā eva uppatti, natthi koci viseso. Atthavaṇṇanāyaṃ paṇassā **paṭisallānanti** tehi tehi sattasaṅkhārehi paṭinivattitvā sallīnaṃ ekattasevitā¹ ekābhāvo, kāyavivekoti attho. **Jhānanti** paccanīkajhāpanato ārammaṇalakkhaṇūpanijjhānato ca cittaviveko vuccati. Tattha aṭṭhasamāpattiyo nīvaraṇādipaccanīkajhāpanato ārammaṇūpanijjhānato ca jhānanti vuccati, vipassanāmaggaḥphalāni sattasaññādipaccanīkajhāpanato, lakkhaṇūpanijjhānatoyeva cettha phalāni². Idha pana ārammaṇūpanijjhānameva adhippetarā. Evametarā paṭisallānañca jhānañca **ariṇcamāno** ajahamāno anissajjamāno. **Dhammesūti** vipassanūpagesu pañcakkhandhādiddhammesu. **Niccanti** satatāṃ samitāṃ abbhokiṇṇaṃ. **Anudhammacārīti** te dhamme ārabha pavattamānena anugataṃ vipassanādhammaṃ caramāno. Atha vā dhammāti nava lokuttaradhammā, tesāṃ dhammānaṃ anulomo dhammoti anudhammo, vipassanāyetaṃ adhivacanaṃ. Tattha “dhammānaṃ niccaṃ anudhammacārī”ti vattabbe gāthābandhasukhatthaṃ vibhattibiyattayena “dhammesū”ti vuttaṃ siyā. **Ādīnavaṃ sammāsītā bhavesūti** tāya anudhammacaritāsaṅkhātāya vipassanāya aniccākārādidosāṃ tīsu bhavesu samanupassanto evaṃ imaṃ kāyavivekacittavivekaṃ ariṇcamāno sikhāppattavipassanāsaṅkhātāya paṭipadāya adhigatoti vattabbo eko careti evaṃ yojanā veditabbo.

Paṭisallānagāthāvaṇṇanā samattā.

70. **Taṇhākkhayanti** kā uppatti? Aññataro kira Bārāṇasirājā mahaccarājānubhāvena nagaraṃ padakkhiṇaṃ karoti. tassa sarīrasobhāya āvaṭṭitahadayā³ sattā purato gacchantāpi nivattitvā tameva ullokenti, pacchato gacchantāpi, ubhohi passehi gacchantāpi. Pakatīyā eva hi Buddhadassane puṇṇacandasamuddarājadassane ca atitto loko. Atha aññatarā kuṭumbiyabhariyāpi uparipāsādagatā sīhapañjaraṃ vivaritvā olokayamānā aṭṭhāsi. Rājā taṃ disvāva paṭibaddhacitto hutvā amaccaṃ āṇāpesi “jānāhi tāva bhaṇe ayaṃ itthī sasāmikā

1. Ekamantasevitā (Sī), ekamattasevitā (Syā), ekamattasevitattā (Ka)

2. Jhānāni (Sī, Syā)

3. Āvajjitahadayā (Sī, Ka)

vā asāmikā vā”ti. So gantvā “sasāmikā”ti ārocesi. Atha rājā cintesi “imā vīsatisahassanāṭakitthiyo devaccharāyo viya maṃyeva ekaṃ abhiraṃenti, so dānāhaṃ etāpi atusitvā¹ parassa itthiyā taṇhaṃ uppādesiṃ, sā uppānā apāyameva ākaḍḍhati”ti taṇhāya ādīnavāṃ disvā “handā naṃ niggaṇhāmi”ti rajjāṃ pahāya pabbajitvā vipassanto paccakabodhiṃ sacchikatvā imaṃ udānagāthaṃ abhāsi—

“Taṇhakkhayaṃ patthayamappamatto,
Aneḷamūgo sutavā satīmā.
Saṅkhātadhammo niyato padhānavā,
Eko care khaggavisāṇakappo”ti.

Tattha **taṇhākkhayaṃ** nibbānaṃ, evaṃ diṭṭhādīnavāya taṇhāya eva appavattim. **Appamattoti** sātaccakārī sakkaccakārī. **Aneḷamūgoti** alālāmukho. Atha vā aneḷo ca amūgo ca, paṇḍito byattoti vuttaṃ hoti. Hitasukhasampāpakaṃ sutamassa atthīti **sutavā**, āgamasampannoti vuttaṃ hoti. **Satīmāti** cirakatādīnaṃ anussarītā. **Saṅkhātadhammoti** dhammupaparikkhāya pariññātadhammo. **Niyatoti** ariyamaggena niyāmaṃ patto. **Padhānavāti** sammappadhānavīriyasampanno. Uppaṭipāṭiyā esa pāṭho yojetabbo Evametehi appamādādihi samannāgato niyāmasampāpakena padhānena padhānavā, tena padhānena pattaniyāmatā niyato, tato arahattappattiyā saṅkhātadhammo. Arahā hi puna saṅkhātābbābhāvato “saṅkhātadhammo”ti vuccati. Yathāha “ye ca saṅkhātadhammāse, ye ca sekha puthū idhā”ti². Sesāṃ vuttanayamevāti.

Taṇhakkhayaḡāthāvaṇṇanā samattā.

71. **Sīho vāti** kā uppatti? Aññatarassa kira Bārāṇasirañño dūre uyyānaṃ hoti, so pageva vuṭṭhāya uyyānaṃ gacchanto antarāmagge yānā oruyha udakaṭṭhānaṃ upagato “mukhaṃ dhovissāmi”ti. Tasmīṃca padese sīhī potakaṃ janetvā³ gocarāya gatā, rājapuriso taṃ disvā “sīhapotako devā”ti ārocesi. Rājā “sīho

1. Atīyitvā (Sī)

2. Khu 1. 434; Khu 8. 34 piṭṭhesu.

3. Jahitvā (Sī)

kira na kassaci bhāyati”ti taṃ upaparikkhituṃ bheri-ādīni ākoṭāpesi, sīhapotako taṃ saddaṃ sutvāpi tatheva sayi. Rājā yāvataiyakam ākoṭāpesi, so tatiyavāre sīsaṃ ukkhipitvā sabbaṃ parisam oloketvā tatheva sayi. Atha rājā “yāvassa mātā nāgacchati, tāva gacchāmā”ti vatvā gacchanto cintesi “taṃ divasaṃ jātopi sīhapotako na santasati na bhāyati, kudāssu nāmāhampi taṇhādiṭṭhiparitāsaṃ chetvā na santaseyyaṃ na bhāyeyyan”ti. So taṃ ārammaṇaṃ gahetvā gacchanto puna kevaṭṭehi macche gahetvā sākḥāsu bandhitvā pasārite jāle vātaṃ alaggaṃyeva¹ gacchamānaṃ disvā tampi nimittaṃ aggahesi “kudāssu nāmāhampi taṇhādiṭṭhiajālaṃ mohajālaṃ vā phāletvā evaṃ asajjamāno gaccheyyan”ti.

Atha uyyānaṃ gantvā Silāpaṭṭapokkharāṇitīre nisinno vātabbhāhatāni padumāni onamitvā udakaṃ phusitvā vātavigame puna yathāṭṭhāne ṭhitāni udakena anupalittāni disvā tampi nimittaṃ aggahesi “kudāssu nāmāhampi yathā etāni udake jātāni udakena anupalittāni tiṭṭhanti, evamevaṃ loke jāto lokena anupalitto tiṭṭheyyan”ti. So punappunaṃ “yathā sīhavātapadumāni, evaṃ asantasantena asajjamānena nupalittena bhavitabban”ti cintetvā rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi—

“Sīhova saddesu asantasanto,
Vātova jālamhi asajjamāno.
Padumaṃva toyena alippamāno,
Eko care khaggavisāṇakappo”ti.

Tattha **sīhoti** cattāro sīhā tiṇasīho paṇḍusīho² kālasīho kesarasīhoti. Kesarasīho tesam aggamakkhāyati, sova idha adhippeto. **Vāto** puratthimādivasena anekavidho, **padumaṃ** rattasetādivasena. Tesu yo koci vāto yaṃkiñci padumaṃca vaṭṭatiyeva. Tattha yasmā santāso attasinehena hoti, attasineho ca taṇhālepo, sopi diṭṭhisampayuttana vā diṭṭhivippayuttana vā

1. Asaṅgaṃyeva (Sī), asaṃsajjamānameva (Syā)

2. Narasiheva (Syā, Ka)

lobhena hoti, so ca taṇhāyeva. Sajjanam̐ pana tattha upaparikkhāviraḥitassa mohena hoti, moho ca avijjā. Tattha samathena taṇhāya pahānam̐ hoti, vipassanāya avijjāya. Tasmā samathena attasineham̐ pahāya **sīhova saddesu** aniccādīsū **asantasanto**, vipassanāya moham̐ pahāya **vātova jālamhi** khandhāyatanādīsū **asajjamāno**, samatheneva lobham̐ lobhasampayuttam̐ eva¹ diṭṭhiṅca pahāya, **padumam̐va toyena** sabbabhavabhogalobhena alippamāno. Ettha ca samathassa sīlam̐ padaṭṭhānam̐, samatho samādhi, vipassanā paññāti evam̐ tesu dvīsū dhammesu siddhesu tayopi khandhā siddhā honti. tattha sīlakkandhena surato hoti, so sīhova saddesu āghātavatthūsū kujjhitukāmatāya na santasati, paññākkandhena paṭividdhasabhāvo vātova jālamhi khandhādiddhammabhede na sajjati, samādhikkandhena vītarāgo padumam̐va toyena rāgena na lippati. Evam̐ samathavipassanāhi sīlasamādhipaññākkandhehi ca yathāsambhavam̐ avijjātaṇhānam̐ tiṇṇaṅca akusalamūlānam̐ pahānavasena asantasanto asajjamāno alippamāno ca vedītabbo. Sesam̐ vuttanayamevāti.

Asantasantaḡāthāvaṇṇanā samattā.

72. **Sīho yathāti** kā uppatti? Aññataro kira Bārāṇasirājā paccantam̐ kuppitam̐ vūpasametum̐ ḡamānugāmimaggam̐ chaḍḍetvā ujum̐ aṭavimaggam̐ gaḥetvā mahatiyā senāya gacchati. Tena ca samayena aññatarasmim̐ pabbatapāde sīho bālasūriyātapam̐ tappamāno nipanno hoti. Tam̐ disvā rājapuriso rañño ārocesi. Rājā “sīho kira saddena na santasati”ti bherisaṅkhapaṇavādīhi saddam̐ kārāpesi, sīho tatheva nipajji. Dutiyampi kārāpesi, sīho tatheva nipajji. Tatiyampi kārāpesi, sīho “mama paṭisattu atthī”ti catūhi pādehi suppatiṭṭhitam̐ patiṭṭhahitvā sīhanādam̐ nadi. Tam̐ sutvāva hatthārohādayo hatthi-ādīhi orohitvā tiṇagahanāni pavīṭṭhā, hatthi-assagaṇā disāvidisā palātā. Rañño hatthīpi rājānam̐ gaḥetvā vanagahanāni pothayamāno palāyi. So tam̐ sandhāretum̐ asakkonto rukkhāsākhāya

1. Lobhasampayuttattā eva (Sī)

olambitvā pathaviṃ patitvā ekapadikamaggena gacchanto
 Paccekabuddhānaṃ vasaṇaṭṭhānaṃ pāpuṇitvā tattha Paccekabuddhe pucchi
 “api bhante saddamassutthā”ti. Āma mahārājāti. Kassa saddaṃ bhanteti.
 Paṭhamāṃ bherisaṅkhādīnaṃ, pacchā sīhassāti. Na bhāyittha bhanteti. na
 mayāṃ mahārāja kassaci saddassa bhāyāmāti. Sakkā pana bhante mayhampi
 edisaṃ kātunti. Sakkā mahārāja sace pabbajasīti, pabbajāmi bhanteti. Tato
 naṃ pabbājetvā pubbe vuttanayeneva ābhisamācārikaṃ sikkhāpesuṃ. Sopi
 pubbe vuttanayeneva vipassanto paccekabodhiṃ sacchikatvā imaṃ
 udānagāthaṃ abhāsi—

“Sīho yathā dāṭṭhabalī pasayha,
 Rājā migānaṃ abhibhuyya cārī.
 Sevetha pantāni senāsanāni,
 Eko care khaggavisāṇakappo”ti.

Tattha sahanā ca hananā ca sīghajavattā ca **sīho**. Kesarasīhova idha
 adhippeto. Dāṭṭhā balamassa atthīti **dāṭṭhabalī**. **Pasayha abhibhuyyāti**
 ubhayaṃ **cārī**saddena saha yojetabbaṃ **pasayhacārī abhibhuyyacārī**ti. tattha
 pasayha niggahetvā caraṇena pasayhacārī, abhibhavitvā santāsetvā vasīkatvā
 caraṇena abhibhuyyacārī. Svāyaṃ kāyabalena pasayhacārī, tejasā
 abhibhuyyacārī. Tattha sace koci vadeyya “kiṃ pasayha abhibhuyya cārī”ti,
 tato **migānanti** sāmivacanaṃ upayogavacanaṃ katvā “mige pasayha
 abhibhuyya cārī”ti paṭivattabbaṃ. **Pantānī**ti dūrāni. **Senāsanānī**
 vasaṇaṭṭhānāni. Sesāṃ pubbe vuttanayeneva sakkā jānitunti na vitthāritanti.

Dāṭṭhabalīgāthāvaṇṇanā samattā.

73. **Mettaṃ upekkhanti** kā uppatti? Aññataro kira rājā
 mettādijhānalābhī ahoṣi. So “jhānasukhantarāyakaraṃ rajjan”ti
 jhānānurakkhaṇatthaṃ rajjaṃ pahāya pabbajitvā vipassanto paccekabodhiṃ
 sacchikatvā imaṃ udānagāthaṃ abhāsi—

“Mettaṃ upekkhaṃ karuṇaṃ vimuttiṃ,
 Āsevamāno muditañca kāle.
 Sabbena lokena avirujjhamāno,
 Eko care khaggavisāṇakappo”ti.

Tattha “sabbe sattā sukhitā hontū”ti-ādinā nayena hitasukhupanayanakāmatā **mettā**. “Aho vata imamahā dukkhā vimucceyyun”ti-ādinā nayena ahitadukkhāpanayanakāmatā **karuṇā**. “Modanti vata bhonto sattā, modanti sādhu suṭṭhū”ti-ādinā nayena hitasukhāvippayogakāmatā **muditā**. “Paññāyissanti sakena kammena”ti sukhadukkhesu ajjupekkhanatā **upekkhā**. Gāthābandhasukhatthaṃ pana uppaṭipāṭiyā mettaṃ vatvā upekkhā vuttā, muditā pacchā. **Vimuttinti** catassopi hi etā attano paccanīkadhammehi vimuttattā vimuttiyo. Tena vuttaṃ “mettaṃ upekkhaṃ karuṇaṃ vimuttiṃ, āsevamāno muditañca kāle”ti.

Tattha **āsevamānoti** tisso tikacatukkajjhānavasena, upekkhaṃ catutthajjhānavasena bhāvayamāno. **Kāleti** mettaṃ āsevitvā tato vuṭṭhāya karuṇaṃ, tato vuṭṭhāya muditaṃ, tato itarato vā nippītikajjhānato vuṭṭhāya upekkhaṃ āsevamāno “kāle āsevamāno”ti vuccati, āsevitum phāsukāle vā. **Sabbena lokena avirujjhamānoti** dasasu disāsu sabbena sattalokena avirujjhamāno. Mettādīnañhi bhāvitattā sattā appaṭikūlā honti, sattesu ca virodhabhūto paṭigho vūpasammati. Tena vuttaṃ “sabbena lokena avirujjhamāno”ti. Ayamettha saṅkhepo, vitthārena pana mettādīkathā Atṭhasāliniyā Dhammasaṅgahaṭṭhakathāyaṃ¹ vuttā. Sesam pubbavuttasadisamevāti.

Appamaññāgāthāvaṇṇanā samattā.

74. **Rāgañca dosañcāti** kā uppatti? Rājagahaṃ kira upanissāya Mātaṅgo nāma Paccekabuddho viharati sabbapacchimo Paccekabuddhānaṃ. Atha amhākaṃ bodhisatte uppanne devatāyo bodhisattassa pūjanatthāya āgacchantiyo taṃ disvā “mārisā mārisā Buddho loke uppanno”ti

1. Abhi-Ṭṭha 1. 237 piṭṭhe.

bhaṇimsu. So nirodhā vuṭṭhahanto taṃ saddaṃ sutvā attano ca jīvitakkhayaṃ disvā Himavante Mahāpapāto¹ nāma pabbato Paccekabuddhānaṃ parinibbānaṭṭhānaṃ, tattha ākāseṇa gantvā pubbe parinibbutapaccekabuddhassa aṭṭhisāṅghātaṃ papāte pakkhipitvā silātale nisīditvā imaṃ udānagāthaṃ abhāsi—

“Rāgañca dosañca pahāya moham,
Sandālayitvāna saṃyojanāni.
Asantasaṃ jīvitasāṅkhayamhi,
Eko care khaggavisāṇakappo”ti.

Tattha rāgadosamohā Uragasutte vuttā. **Saṃyojanānī**ti dasa saṃyojanāni, tāni ca tena tena maggena sandālayitvā. **asantasaṃ jīvitasāṅkhayamhī**ti jīvitasāṅkhayo vuccati cuticittassa paribhedo, tasmim ca jīvitasāṅkhaye jīvitanikantiyā pahīnattā asantasanti. Ettāvataṃ sopādisesaṃ nibbānadhātuṃ attano dassetvā gāthāpariyosāne anupādisesāya nibbānadhātuyā parinibbāyīti.

Jīvitasāṅkhayagāthāvaṇṇanā samattā.

75. **Bhajantī**ti kā uppatti? Bārāṇasiyaṃ kira aññataro rājā ādigāthāya vuttappakārameva phītaṃ rajjaṃ samanūsāsati, tassakharo ābādho uppajji, dukkhā vedanā vattanti. Vīsatisahassitthiyo parivāretvā hatthapādasambāhanādīni karonti. Amaccā “na dānāyaṃ rājā jīvissati, handa mayaṃ attano saraṇaṃ gavesāma”ti cintetvā aññassa rañño santikaṃ gantvā upaṭṭhānaṃ yācimsu. Te tattha upaṭṭhahantiyeva, na kiñci labhanti. Rājāpi ābādhaṃ vuṭṭhahitvā pucchi “itthannāmo ca itthannāmo ca kuhin”ti. Tato taṃ pavattiṃ sutvā sīsaṃ cāletvā tuṅhī ahoṣi. Tepi amaccā “rājā vuṭṭhito”ti sutvā tattha kiñci alabhamānā paramena pārijuññaṇa samannāgatā punadeva āgantvā rājānaṃ vanditvā ekamantaṃ aṭṭhaṃsu. tena ca rañña “kuhiṃ tātā tumhe gatā”ti vuttā āhaṃsu “devaṃ dubbalaṃ disvā ājīvikabhayenamhā asukaṃ nāma janapadaṃ gatā”ti.

1. Sujāto (Ka)

Rājā sīsaṃ cāletvā cintesi “yamnūnāhaṃ ime vīmaṃseyyaṃ, kiṃ punapi evaṃ kareyyuṃ no”ti. So pubbe ābādhikarogena¹ phuṭṭho viya bālḥavedanaṃ attānaṃ dassento gilānālayaṃ akāsi. Itthiyo samparivāretvā pubbasadisameva sabbaṃ akaṃsu. Tepi amaccā tatheva puna bahutaraṃ janaṃ gahetvā pakkamīsu. Evaṃ rājā yāvataṭṭhiyaṃ sabbaṃ pubbasadisama akāsi, tepi tatheva pakkamīsu. Tato catutthampi te āgate disvā “aho ime dukkaraṃ akaṃsu, ye maṃ byādhitāṃ pahāya anapekkhā pakkamīsu”ti nibbinno rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi—

“Bhajanti sevanti ca kāraṇatthā,
Nikkāraṇā dullabhā ajja mittā.
Attaṭṭhapaññā asucī manussā,
Eko care khaggavisāṇakappo”ti.

Tattha **bhajantīti** sarīrena allīyitvā² payirupāsanti. **Sevantīti** añjalikammādīhi kiṃkāraṇaṭṭhiya ca paricaranti. Kāraṇaṃ attho etesanti **kāraṇatthā**, bhajanāya sevanāya ca nāññaṃ kāraṇamatthi, attho eva nesaṃ kāraṇaṃ, atthahetu sevantīti vuttaṃ hoti. **Nikkāraṇā dullabhā ajja mittāti** “ito kiñci lacchāmā”ti evaṃ attapaṭilābhakāraṇena nikkāraṇā, kevalaṃ—

“Upakāro ca yo mitto,
Sukhe dukkhe ca yo sakhā.
Atthakkhāyī ca yo mitto,
Yo ca mittānukampako”ti³—

evaṃ vuttena ariyena mittabhāvena samannāgatā dullabhā ajja mittā. Attani ṭhitā etesaṃ paññā, attānaṃyeva olokenti, na aññanti **attaṭṭhapaññā**. Diṭṭhatthapaññāti ayampi kira porāṇapāṭho, sampati diṭṭheyyeva atthe etesaṃ paññā, āyatim na pekkhantīti vuttaṃ hoti.

1. Sābhāvikarogena (Sī)

2. Allīyanti (Sī)

3. Dī 3. 153 piṭṭhe.

Asucīti asucinā anariyena kāyavacīmanokammena samannāgatā. Sesarī pubbe vuttanayeneva veditabbanti.

Kāraṇatthagāthāvaṇṇanā samattā.

Catuttho vaggo niṭṭhito ekādasahi gāthāhi.

Evametam ekacattālīsagāthāparimāṇam Khaggavisāṇasuttam katthacideva vuttena yojanāyena sabbattha yathānurūpaṃ yojetvā anusandhito atthato ca veditabbam. Ativittārābhayena pana amhehi na sabbattha yojitanti.

Paramatthajotikāya Khuddakaṭṭhakathāya

Suttanipātaṭṭhakathāya

Khaggavisāṇasuttavaṇṇanā niṭṭhitā.

4. Kasibhāradvājasuttavaṇṇanā

Evam me sutanti Kasibhāradvājasuttam. Kā uppatti? Bhagavā Magadhesu viharanto Dakkhiṇāgirismiṃ Ekanālāyam brāhmaṇagāme purehattakiccam pacchābhattakiccanti imesu dvīsu Buddhakiccesu purehattakiccam niṭṭhāpetvā pacchābhattakiccāvasāne Buddhacakkhunā lokam volokento Kasibhāradvājam brāhmaṇam arahattassa upanissayasampannam disvā “tattha mayi gate kathā pavattissati, tato kathāvasāne dhammadesanam sutvā esa brāhmaṇo pabbajitvā arahattam pāpuṇissati”ti ca ñatvā tattha gantvā katham samuṭṭhāpetvā imam suttam abhāsi.

Tattha siyā “katamam Buddhānam purehattakiccam, katamam pacchābhattakiccam”ti. Vuccate—Buddho Bhagavā pāto eva uṭṭhāya upaṭṭhākānuggahattham sarīraphāsu katthañca mukhadhovanādi-sarīraparikammaṃ katvā yāva bhikkhācārelā, tāva vivittāsane vītināmetvā bhikkhācārelāya nivāsetvā kāyabandhanam bandhitvā cīvaram pārūpitvā pattamādāya kadāci ekakoca, kadāci bhikkhusamghaparivuto gāmam nigamam vā piṇḍāya pavissati kadāci pakatiyā, kadāci

anekehi pāṭihāriyehi vattamānehi. Seyyathidaṃ? Piṇḍāya pavisato Lokanāthassa purato purato gantvā mudugatiyo vātā pathaviṃ sodhenti, valāhakā udakaphusitāni muñcantā magge reṇuṃ vūpasametvā upari vitānaṃ hutvā tiṭṭhanti, apare vātā pupphāni upasaṃharitvā magge okiranti, unnatā bhūmippadesā onamanti, onatā unnamanti, pādanikkhepasamaye samāva bhūmi hoti, sukhasamphassāni rathacakkamattāni padumapupphāni vā pāde sampaṭicchanti, indakhīlassa anto ṭhapitamatte dakkhiṇapāde sarīrā chabbaṇṇarasmiyo niccharitvā suvaṇṇarasapiṇḍarāni viya citrapaṭaparikkhittāni viya ca pāsādakūṭāgārādīni karontiyo ito cito ca vidhāvanti, hatthi-assavihaṅgādayo sakasakaṭṭhānesu ṭhitāyeva madhurenākārena saddaṃ karonti, tathā bherivīṇādīni tūriyāni manussānaṃ kāyūpagāni ca ābharaṇāni, tena saññāṇena manussā jānanti “ajja Bhagavā idha piṇḍāya pavīṭṭho”ti. Te sunivatthā supārutā gandhapupphādīni ādāya gharā nikkhamitvā antaravīthiṃ paṭipajjitvā Bhagavantam gandhapupphādīhi sakkaccaṃ pūjetvā vanditvā “amhākaṃ bhante dasa bhikkhū, amhākaṃ vīsati, amhākaṃ bhikkhusataṃ dethā”ti yācitvā Bhagavatopi pattaṃ gahetvā āsanaṃ paññāpetvā sakkaccaṃ piṇḍapātena paṭimānenti.

Bhagavā katabhattakicco tesam santānāni oloketvā tathā dhammaṃ deseti, yathā keci saraṇagamane paṭiṭṭhahanti, keci pañcasu sīlesu, keci sotāpattisakadāgāmi-anāgāmiphalānaṃ aññatarasmim, keci pabbajitvā aggaphale arahatteti. Evaṃ tathā tathā janaṃ anuggahetvā uṭṭhāyāsanaṃ vihāraṃ gacchati. Tattha maṇḍalamāle paññattavarabuddhāsane nisīdati bhikkhūnaṃ bhattakiccapariyosānaṃ āgamayamāno. Tato bhikkhūnaṃ bhattakiccapariyosāne upaṭṭhāko Bhagavato nivedeti, atha Bhagavā Gandhakuṭiṃ pavisati. Idaṃ tāva **purebhattakiccaṃ**. Yañcetha na vuttaṃ, taṃ Brahmāyusutte vuttanayeneva gahetabbam.

Atha Bhagavā evaṃ katapurebhattakicco Gandhakuṭiyā upaṭṭhāne nisīditvā pāde pakkhāletvā pādapiṭṭhe ṭhatvā bhikkhusaṅghaṃ ovadati “bhikkhave appamādena sampādettha, Buddhuppādo dullabho lokasmim, manussapaṭilābho dullabho, saddhāsampatti¹ dullabhā, pabbajjā dullabhā, saddhammassavanaṃ

1. Khaṇasampatti (Sī)

dullabham lokasmin”ti. Tato bhikkhū Bhagavantam vanditvā kammaṭṭhānam pucchanti, atha Bhagavā bhikkhūnam cariyavasena kammaṭṭhānam deti. Te kammaṭṭhānam uggahetvā Bhagavantam abhivādetvā attano attano vasanaṭṭhānam gacchanti, keci araṇṇam, keci rukkhamūlam, keci pabbatādīnam aññataram, keci Cātumahārājikabhavanam -pa- keci Vasavattibhavananti. Tato Bhagavā Gandhakuṭim pavisitvā sace ākaṅkhati, dakkhiṇena passena sato sampajāno muhuttam sīhaseyyam kappeti. Atha samassāsitaḥ uṭṭahitvā dutiyabhāge lokam voloketi. Tatiyabhāge yaṁ gāmaṁ vā nigamaṁ vā upanissāya viharati, tattha jano purebhattam dānam datvā pacchābhattam sunivattho supāruto gandhapupphādīni ādāya vihāre sannipatati. Tato Bhagavā sampattaparisāya anurūpena paṭihāriyena gantvā dhammasabhāyam paññattavarabuddhāsane nisajja dhammam deseti kālayuttam pamāṇayuttam. Atha kālam viditvā parisam uyyojeti.

Tato sace gattāni osiñcitukāmo hoti, atha Buddhāsanā uṭṭhāya upaṭṭhākena udakapaṭiyāditokāsam gantvā upaṭṭhākahatthato udakasāṭikam gahetvā nhānakoṭṭhakam pavisati. Upaṭṭhākopi Buddhāsanam ānetvā Gandhakuṭipariveṇe paññāpeti, Bhagavā gattāni osiñcitvā surattadupaṭṭam nivāsetvā kāyabandhanam bandhitvā uttarāsaṅgam katvā tattha āgantvā nisīdati ekakova muhuttam paṭisallīno. Atha bhikkhū tato tato āgamma Bhagavato upaṭṭhānam gacchanti. Tattha ekacce pañham pucchanti, ekacce kammaṭṭhānam, ekacce dhammassavanam yācanti. Bhagavā tesam adhippāyam sampādentō paṭhamam yāmaṁ vītināmeti.

Majjhimayāme sakaladasasahasilokadhātudevātāyo okāsam labhamāno Bhagavantam upasaṅkamitvā pañham pucchanti yathābhisaṅkhatam antamaso caturakkharampi. Bhagavā tāsam devatānam pañham vissajjento majjhimayāmaṁ vītināmeti. Tato pacchimayāmaṁ cattāro bhāge katvā ekam bhāgam caṅkamaṁ adhiṭṭhāti, dutiyabhāgam Gandhakuṭim pavisitvā dakkhiṇena passena sato sampajāno sīhaseyyam kappeti, tatiyabhāgam phalasamāpattiyā vītināmeti, catutthabhāgam mahākaruṇāsamāpattim pavisitvā Buddhacakkhunā lokam voloketi apparajakhamahārajakkhādisattadassanattam. Idam **pacchābhattakiccam.**

Evamimassa pacchābhattakiccassa lokavolokanasāṅkhāte catutthabhāgāvasāne Buddhadhammasaṅghesu dānasīla-uposathakammādīsū ca akatādhikāre katādhikāre ca anupanissayasampanne upanissayasampanne ca satte passitūṃ Buddhacakkhunā lokam volokento Kasibhāradvājam brāhmaṇam arahattassa upanissayasampannam disvā “tattha mayi gate kathā pavattissati, tato kathāvasāne dhammadesanam sutvā esa brāhmaṇo pabbajitvā arahattam pāpuṇissatī”ti ca ñatvā tattha gantvā katham samuṭṭhāpetvā imam suttamabhasi.

Tattha **evam me sutanti**-ādi āyasmatā Ānandena paṭhamamahāsaṅgītikāle dhammasaṅgītim karontena āyasmatā Mahākassapattherena puṭṭhena pañcannam arahantasatānam vuttam, “aham kho samaṇa kasāmi ca vapāmi cā”ti Kasibhāradvājena vuttam, “ahampi kho brāhmaṇa kasāmi ca vapāmi cā”ti-ādi Bhagavatā vuttam, tadetam sabbampi samodhānetvā “Kasibhāradvājasuttan”ti vuccati.

Tattha **evanti** ayam ākārānidassanāvadhāraṇattho evamsaddo. Ākāratthena hi etena etamattham dīpeti—
nānāyananipuṇamanekajjhāsayasamuṭṭhānam atthabyañjanasampannam vividhapāṭihāriyam dhammatthadesanāpaṭivedhagambhīram sabbasattehi sakasakabhāsānurūpamupalakkhaṇiyasabhāvam tassa Bhagavato vacanam, tam sabbākārena ko samattho viññātum, atha kho evam me sutam, mayāpi ekenākārena sutanti. Nidassanatthena “nāham sayambhū, na mayā idam sacchikatan”ti attānam parimocento “evam me sutam, mayā evam sutan”ti idāni vattabham Sakalasuttam nidasseti. Avadhāraṇatthena “etadaggam bhikkhave mama sāvakānam bhikkhūnam bahussutānam yadidam Ānando, gatimantānam, satimantānam, dhitimantānam, upaṭṭhākānam yadidam Ānando”ti¹ evam Bhagavatā pasatthabhāvānurūpam attano dhāraṇabalam dassento sattānam sotukamyatam janeti “evam me sutam taṅca atthato vā byañjanato vā anūnamanadhikam, evameva, na aññāthā daṭṭhabban”ti. **Me sutanti** ettha mayāsaddattho mesaddo, sotadvāraviññāṇattho sutasaddo. Tasmā evam me sutanti evam mayā sotaviññāṇapubbaṅgamāya viññāṇavīthiyā upadhāritanti vuttam hoti.

1. Am 1. 25 piṭṭhe.

Ekam samayanti ekam kalam. **Bhagavāti** Bhāgyavā Bhaggavā Bhattavāti vuttam hoti. **Magadhesu viharatīti** Magadhā nāma janapadino rājakumārā, tesam nivāso ekopi janapado ruḥhīsaddena “Magadhā”ti vuccati, tasmim Magadhesu janapade. Keci pana “yasmā Cetiyarājā musāvādam bhaṇitvā bhūmim pavisanto ‘mā gadham pavisā’ti vutto, yasmā vā tam rājānam maggantā bhūmim khanantā purisā ‘mā gadham karoṭhā’ti vuttā, tasmā Magadhā”ti evamādīhi nayehi bahudhā papañcenti. Yam ruccati, tam gahetabbanti. **Viharatīti** ekam iriyāpathabādhanam aparena iriyāpathena vicchinditvā aparipatantam attabhāvam harati, pavattetīti vuttam hoti. dībbabrahma-ariyavihārehi vā sattānam vividham hitam haratīti viharati. Haratīti upasamharati upaneti janeti uppādetīti vuttam hoti. Tathā hi yadā sattā kāmesu vipṭapajjanti, tadā kira Bhagavā dibbena vihārena viharati tesam alobhakusalamūluppādanattham “appeva nāma imam paṭipattim disvā ettha rucim uppādetvā kāmesu virajjeyyū”ti. Yadā pana issariyattham sattesu vipṭapajjanti, tadā brahmavihārena viharati tesam adosakusalamūluppādanattham “appeva nāma imam paṭipattim disvā ettha rucim uppādetvā adosena dosam vūpasameyyū”ti. Yadā pana pabbajitā dhammādhikaraṇam vivadanti, tadā ariyavihārena viharati tesam amohakusalamūluppādanattham “appeva nāma imam paṭipattim disvā ettha rucim uppādetvā amohena moham vūpasameyyū”ti. Iriyāpathavihārena pana na kadāci na viharati tam vinā attabhāvapariharaṇābhāvatoti. Ayamettha saṅkhepo, vitthāram pana Maṅgalasuttavaṇṇanāyam vakkhāma.

Dakkhiṇāgirisminti yo so Rājagaham parivāretvā ṭhito giri, tassa dakkhiṇapasse janapado “Dakkhiṇāgiri”ti vuccati¹ tasmim janapadeti vuttam hoti. Tattha vihārassāpi tadeva nāmam. **Ekanālayam brāhmaṇagāmeti** Ekanālati tassa gāmassa nāmam. Brāhmaṇa cettha sambahulā paṭivasanti, brāhmaṇabhogo vā so, tasmā “brāhmaṇagāmo”ti vuccati.

Tena kho pana samayenāti yam samayam Bhagavā Aparājitapallaṅkam ābhujitvā anuttaram sammāsambodhim abhisambujjhitvā pavattitavaradhammacakko

1. Vuccati, Dakkhiṇāgirīti vā (Sī)

Magadharatthe Ekanālam brāhmaṇagāmaṃ upanissāya
 Dakkhiṇāgirimahāvihāre brāhmaṇassa indriyaparipākam āgamayamāno
 viharati, tena samayena karaṇabhūtenāti vuttam hoti. **Kho panāti** idam
 panettha nipātadvayaṃ padapūraṇamattam, adhiḅkārantaradassanattam vāti
 daṭṭhabbam. **Kasibhāradvājassa brāhmaṇassāti** so brāhmaṇo kasiyā jīvati,
 Bhāradvājoti cassa gottam, tasmā evam vuccati. **Pañcamattānīti** yathā
 “bhojane mattaññū”ti ettha mattasaddo pamāṇe vattati, evamidhāpi, tasmā
 pañcapamāṇāni anūnāni anadhikāni, pañcanaṅgalasatānīti vuttam hoti.
Payuttānīti payojitāni, balibaddānam khandhesu ṭhapetvā yuge yottehi
 yojitāni hontīti attho.

Vappakāleti vapanakāle, bījanikkhipakāleti vuttam hoti. Tattha dve
 vappāni kalalavappaṇca paṃsuvappaṇca. Paṃsuvappaṇam idha adhippetam,
 taṇca kho paṭhamadivase maṅgalavappaṇam. Tattāyaṃ upakaraṇasampadā—
 tīṇi balibadda sahaṣṣāni upaṭṭhāpitāni honti, sabbesaṃ suvaṇṇamayāni
 siṅgāni paṭimukkāni, rajatamayā khurā, sabbe setamālāhi
 sabbagandhasugandhehi pañcaṅgulikehi ca alaṅkatā paripuṇṇaṅgapaccaṅgā
 sabbalakkaṇasampannā, ekacce kāḷā añjanavaṇṇāyeva, ekacce setā
 phalikavaṇṇā¹, ekacce rattā pavāḷavaṇṇā, ekacce kammāsā
 masāragallavaṇṇā. Pañcasatā kassakapurisā sabbe ahatasetavattanivatthā
 mālālaṅkatā dakkhiṇa-aṃsakūṭesu ṭhapitapupphacumbaṭakā
 haritālamanosilālaṅcha nujjalitagattabhāgā² dasa dasa naṅgalā ekekagumbā
 hutvā gacchanti. Naṅgalānam sīsaṅca yugaṅca patodā ca suvaṇṇavinaddhā.
 Paṭhamanaṅgale aṭṭha balibaddā yuttā, sesesu cattāro cattāro, avasesā
 kilantaparivattanattam ānītā. ekekagumbe ekamekaṃ bījasakaṭam ekeko
 kasati, ekeko vapati.

Brāhmaṇo pana pegeva massukammaṃ kārapetvā nhatvā
 sugandhagandhehi vilitto pañcasatagghanakaṃ vattham nivāsetvā
 sahaṣṣagghanakaṃ ekaṃsaṃ karitvā ekamekissā aṅguliyā dve dve katvā
 vīsati aṅgulimuddikāyo, kaṇṇesu sīhakuṇḍalāni³, sīse ca brahmaveṭhanam
 paṭimuñcivā suvaṇṇamālam

1. Valāhakavaṇṇā (Sī), rajatavaṇṇā (Syā), bakavaṇṇā (Ka)

2. ...laṅcha nujjalagattabhāgā (Sī, ...laṅchanujjalagattā (Am-Ṭṭha 1. 223 piṭṭhe.)

3. Gehamukhakuṇḍalāni (Ka)

kaṇṭhe katvā brāhmaṇaṅgaṇaparivuto kammantaṃ vosāsati. Athassa brāhmaṇī anekasatabhājanesu pāyāsaṃ pacāpetvā mahāsakaṭesu āropetvā gandhodakena nhāyitvā sabbālaṅkāravibhūsitā brāhmaṇīgaṇaparivutā kammantaṃ agamāsi. Gehampissa sabbattha gandhehi¹ suvilittaṃ pupphehi sukatabalikammaṃ, khettañca tesu tesu ṭhānesu samussitapaṭākāṃ ahoṣi. Parijanakammakarehi saha kammantaṃ oṣaṭaparisaṃ aḍḍhateyyasahassaṃ ahoṣi sabbe ahatavatthanivatthā, sabbesañca pāyāsabhojanaṃ paṭiyattaṃ ahoṣi.

Atha brāhmaṇo yattha sāmāṃ bhūñjati, taṃ suvaṇṇapātīm² dhovāpetvā pāyāsassa pūretvā sappimadhuphāṇitādīni abhisaṅkharitvā naṅgalabalikammaṃ kārapesi. Brāhmaṇī pañca kassakasatāni suvaṇṇaraṅgatakaṃsatambamayāni bhājanāni gahetvā nisinnāni suvaṇṇakaṭacchum gahetvā pāyāsena parivisaṅti gacchati. Brāhmaṇo pana balikammaṃ kārapetvā rattasuvaṇṇabandhūpāhanāyo³ ārohitvā rattasuvaṇṇadaṇḍaṃ gahetvā “idha pāyāsaṃ detha, idha sappim, idha sakkharaṃ dethā”ti vosāsamāno vicarati. Atha Bhagavā Gandhakuṭiyāṃ nisinnova brāhmaṇassa parivesanaṃ vattamānaṃ ṇatvā “ayaṃ kālo brāhmaṇaṃ dametun”ti nivāsetvā kāyabandhanaṃ bandhitvā saṅghāṭim pārupitvā pattaṃ gahetvā Gandhakuṭito nikkhāmi yathā taṃ anuttaro purisadammasārathi. Tenāha āyasmā Ānando “**atha kho Bhagavā pubbaṅhasamayaṃ nivāsetvā**”ti.

Tattha **atha**-iti nipāto aññādhikāravacanārambhe⁴, **khoti** padapūraṇe. **Bhagavā**ti vuttanayameva. **Pubbaṅhasamaya**ti divasassa pubbaḥbhāgasamayaṃ, pubbaṅhasamayeti attho, pubbaṅhe vā samayaṃ pubbaṅhasamayaṃ, pubbaṅhe ekaṃ khaṇanti vuttaṃ hoti. Evaṃ accantaṣaṃyoge upayogavacanāṃ labbhati. **Nivāsetvā**ti paridahitvā, vihāranivāsanaparivattanavasenetāṃ veditabbaṃ. Na hi Bhagavā tato pubbe anivattho āsi. **Pattacīvaramādāyā**ti pattaṃ hatthehi, cīvaram kāyena ādiyitvā, sampaṭicchitvā dhāretvāti attho. Bhagavato kira piṇḍāya pavisitukāmassa bhamaro viya vikasitapadumadvayamajjhaṃ,

1. Sabbagandhehi (Sī)

2. Suvaṇṇathālim (Sī)

3. Rattasuvaṇṇūpāhanāyo (Sī, Syā)

4. Adhikāravacanārambhaṃ joteti (Syā), adhikāravacanārambhe (Ka)

indanīlamanīvaṇṇaṃ selamayaṃ pattaṃ hatthadvayamajjhaṃ āgacchati, tasmā evamāgataṃ pattaṃ hatthehi sampaṭicchitvā cīvaraṅca parimaṇḍalaṃ pārutaṃ kāyena dhāretvāti evamassa attho veditabbo. Yena vā tena vā hi pakārena gaṇhanto ādāya icceva vuccati yathā “samādāyeva pakkamati”ti.

Yenāti yena maggena. **Kammantoti** kammakaraṇokāso. **Tenāti** tena maggena. **Upasaṅkamīti** gato, yena maggena Kasibhāradvājassa brāhmaṇassa kammanto gammati, tena maggena gatoti vuttaṃ hoti. Atha kasmā bhikkhū Bhagavantam nānubandhimsūti? Vuccate—yadā Bhagavā ekakova katthaci upasaṅkamitukāmo hoti, bhikkhācāraṇelāyaṃ dvāraṃ pidahitvā antogandhakuṭim pavisati, tato bhikkhū tāya saññāya jānanti “ajja Bhagavā ekakova gāmaṃ pavisitukāmo, addhā kañci eva vinetabbapuggalaṃ addasā”ti. Te attano pattacīvaraṃ gahetvā Gandhakuṭim padakkhiṇaṃ katvā bhikkhācāraṃ gacchanti. Tadā ca Bhagavā evamakāsi, tasmā bhikkhū Bhagavantam nānubandhimsūti.

Tena kho pana samayenāti yena samayena Bhagavā kammantaṃ upasaṅkami, tena samayena tassa brāhmaṇassa parivesanā vattati, bhattavissaggo vattatīti attho. Yaṃ pubbe avocumha “brāhmaṇī pañca kassakasatāni suvaṇṇarajatakaṃsatambamayāni bhājanāni gahetvā nisinnāni suvaṇṇakaṭacchum gahetvā pāyāsena parivanti gacchati”ti. Atha kho Bhagavā yena parivesanā tenupasaṅkami. Kimkāraṇāti? Brāhmaṇassa anuggahakaraṇatthaṃ. Na hi Bhagavā kapaṇapuriso viya bhottukāmatāya¹ parivesanaṃ upasaṅkamati. Bhagavato hi dve asītisahassasaṅkhyā Sakyakoliyarājāno nātayo, te attano sampattiyā nibaddhabhattaṃ dātum ussahanti. Na pana Bhagavā bhattatthāya pabbajito, apica kho pana “anekāni asaṅkheyyāni pañca mahāpariccāge pariccajanto pāramiyo pūretvā mutto mocessāmi, danto damessāmi, santo samessāmi, parinibbuto parinibbāpessāmi”ti pabbajito. Tasmā attano muttattā -pa- parinibbutattā ca paraṃ mocento -pa- parinibbāpento ca loke vicaranto brāhmaṇassa anuggahakaraṇatthaṃ yena parivesanā tenupasaṅkamīti veditabbaṃ.

1. Bhattakāmatāya (Ka)

Upasaṅkamitvā ekamantaṃ aṭṭhāsīti evaṃ upasaṅkamitvā ca ekamantaṃ aṭṭhāsī. **Ekamantanti** bhāvanapūsakaniddeso, ekokāsaṃ ekapassanti vuttaṃ hoti. Bhummatthe vā upayogavacanaṃ, tassa dassanūpacāre kathāsavanaṭṭhāne, yattha ṭhitaṃ brāhmaṇo passati, tattha uccaṭṭhāne aṭṭhāsī. **Ṭhatvā** ca suvaṇṇarasapiṅjaraṃ sahasacandasūriyobhāsātibhāsayamānaṃ sarīrābhaṃ muñci samantato asītihatthaparimāṇaṃ, yāya ajjhottharitattā brāhmaṇassa kammantasālābhittirukkhakasitamattikāpiṇḍādayo suvaṇṇamayā viya ahesuṃ. Atha manussā pāyāsaṃ bhuttā asīti-anubyañjanaparivāradvattiṃsavaraḷakkhaṇapaṭimaṇḍitasarīraṃ byāmapabhāparikkhepavibhūsitabāhuyugaḷaṃ ketumālāsamuḷjalitasassirikadassanaṃ jaṅgamamiva padumassaraṃ, raṃsijālujjalitatārāgaṇamiva gaganatalaṃ, ādittamiva ca kanakagirisikharaṃ siriyā jalamānaṃ Sammāsambuddhaṃ ekamantaṃ ṭhitaṃ disvā hatthapāde dhovivā añjaliṃ paggayha samparivāretvā aṭṭhaṃsu. Evaṃ tehi samparivāritaṃ addasa kho Kasibhāradvājo brāhmaṇo Bhagavantaṃ piṇḍāya ṭhitaṃ, disvāna Bhagavantaṃ etadavoca **“ahaṃ kho samaṇa kasāmi ca vapāmi cā”**ti.

Kasmā panāyaṃ evamāha, kiṃ samantapāsādike pasādanīye uttamadamathasamathamamuppattēpi Bhagavati appasādena, udāhu aḍḍhateyyānaṃ janasaḥsaṇaṃ pāyāsaṃ paṭiyādetvāpi kaṭacchubhikkhāya maccherenāti? Ubhayathāpi no, apica khvāssa Bhagavato dassanena atittaṃ nikkhittakammantaṃ janaṃ disvā “kammabhaṅgaṃ me kātuṃ āgato”ti anattamanatā ahoṣi, tasmā evamāha. Bhagavato ca lakkhaṇasampattiṃ disvā “sacāyaṃ kammante payojayissa¹, sakalajambudīpe manussānaṃ sīse cūḷamaṇi viya abhavissa, ko nāmassa attho na sampajjissa, evamevaṃ alasaṭāya kammante appayojetvā vappamaṅgalādīsu piṇḍāya caritvā bhuñjanto kāyadaḷhībahulo vicarati”tipissa ahoṣi. Tenāha—ahaṃ kho samaṇa kasāmi ca vapāmi ca, kasitvā ca vapitvā ca bhuñjāmīti. Na me kammantā byāpajjanti, na camhi yathā tvaṃ evaṃ lakkhaṇasampannoti adhippāyo. **Tvampi samaṇa -pa- bhuñjassu**, ko te attho na sampajjeyya evaṃ lakkhaṇasampannasāti adhippāyo.

1. Payojayittha (Sī, Syā)

Apicāyaṃ assosi “Sakyarājakule kira kumāro uppanno, so cakkavattirajjaṃ pahāya pabbajito”ti. Tasmā “idāni ayaṃ so”ti ñatvā “cakkavattirajjaṃ kira pahāya kilantosi”ti¹ upārambhaṃ karonto āha “**ahaṃ kho samaṇā**”ti. apicāyaṃ tikkhapaṇṇo brāhmaṇo, na Bhagavantam avakkipanto bhaṇati, Bhagavato pana rūpasampattiṃ disvā paññāsampattiṃ sambhāvayamāno kathāpavattanatthampi evamāha “ahaṃ kho samaṇā”ti. Tato Bhagavā veneyyavasena sadevake loke aggakassakavappakabhāvaṃ² attano dassento āha “**ahampi kho brāhmaṇā**”ti.

Atha brāhmaṇassa cintā udapādi “ayaṃ samaṇo ‘kasāmi ca vapāmi cā’ti āha, na cassa oḷārikāni yuganaṅgalādīni kasibhaṇḍāni passāmi, so musā nu kho bhaṇati, no”ti Bhagavantam pādatalā paṭṭhāya yāva upari kesantā sammālokayamāno³ aṅgavijjāya katādhikārattā dvattiṃsavalarakkhaṇasampattimassa ñatvā “aṭṭhānametaṃ anavakāso, yaṃ evarūpo musā bhaṇeyyā”ti tāvadeva sañjātabahumāno Bhagavati samaṇavādaṃ pahāya gottena Bhagavantam samudācaramāno āha “**na kho pana mayaṃ passāma bhoto Gotamassā**”ti.

Evam ca pana vatvā tikkhapaṇṇo brāhmaṇo “gambhīrattham sandhāya iminā etaṃ vuttan”ti ñatvā pucchitvā tamattham ñātukāmo Bhagavantam gāthāya ajjhabhāsi. Tenāha āyasmā Ānando “**atha kho Kasibhāradvājo brāhmaṇo Bhagavantam gāthāya ajjhabhāsi**”ti. Tattha gāthāyāti akkharapadaniyamitena vacanena. **Ajjhabhāsīti** abhāsi.

76-77. Tattha brāhmaṇo “kasin”ti yuganaṅgalādikasisambhārasamāyogaṃ vadati. Bhagavā pana yasmā pubbadhammasabhāgena ropetvā kathanam nāma Buddhānam ānubhāvo, tasmā Buddhānubhāvaṃ dīpento pubbadhammasabhāgena ropento āha “saddhā bijan”ti. Ko panettha pubbadhammasabhāgo, nanu brāhmaṇena Bhagavā yuganaṅgalādikasisambhārasamāyogaṃ pucchito atha ca pana apucchitassa bījassa sabhāgena ropento āha “saddhā bijan”ti, evaṅca sati ananusandhikāva ayaṃ kathā hotīti? Vuccate—na

1. Nikk Santosībhi (Ka) 2. Aggakassakabhāvaṃ (Ka) 3. Samolokayamāno (Ka)

Buddhānaṃ ananusandhikā nāma kathā atthi, nāpi Buddhā
pubbadhammasabhāgaṃ anāropetvā¹ kathenti. Evañcetha anusandhi
veditabbā—anena hi brāhmaṇena Bhagavā
yuganaṅgalādikasisambhāravasena kasim̐ pucchito, so tassa anukampāya
“idaṃ apucchitaṃ”ti aparihāpetvā samūlaṃ sa-upakāraṃ sasambhāraṃ
saphalaṃ kasim̐ nāpetum̐ mūlato paṭṭhāya kasim̐ dassento āha “saddhā
bījan”ti. Bījaṃ hi kasiyā mūlaṃ tasmim̐ sati kattabbato, asati akattabbato,
tappamāṇena ca kattabbato. Bīje hi sati kasim̐ karonti, asati na karonti.
Bījappamāṇena ca kusalā kassakā khettaṃ kasanti, na ūnaṃ “mā no sassam̐
parihāyī”ti, na adhikaṃ “mā no mogho vāyāmo ahoṣi”ti. Yasmā ca
bījameva mūlaṃ, tasmā Bhagavā mūlato paṭṭhāya kasim̐ dassento tassa
brāhmaṇassa kasiyā pubbadhammassa bījassa sabhāgena attano kasiyā
pubbadhammaṃ ropento āha “saddhā bījan”ti. Evamettha
pubbadhammasabhāgo veditabbo.

Pucchitaṃyeva vatvā apucchitaṃ pacchā kim̐ na vuttanti ce? Tassa
upakārabhāvato dhammasambandhasamatthabhāvato ca. Ayañhi brāhmaṇo
paññavā, micchādiṭṭhikule pana jātattā saddhāviraḥito. Saddhāviraḥito ca
paññavā paresaṃ saddhāya attano visaye apaṭipajjamāno visesaṃ
nādhigacchati, kilesakālussiyabhāvāpagamappasādamattalakkhaṇāpi cassa
dubbalā saddhā balavatiyā paññāya saha vattamānā atthasiddhiṃ na karoti
hatthinā saha ekadhure yuttagoṇo viya. Tasmā tassa saddhā upakārikā.
Evaṃ tassa brāhmaṇassa sa-upakārabhāvato taṃ brāhmaṇaṃ saddhāya
patiṭṭhāpentena pacchāpi vattabbo ayamatto pubbe vutto desanākusalatāya
yathā aññatrāpi “saddhā bandhati pātheyyan”ti² ca, “saddhā dutiyā purisassa
hoti”ti³ ca, “saddhā vittaṃ purisassa seṭṭhan”ti⁴ ca, “saddhāya tarati
oghan”ti⁵ ca, “saddhāhattho mahānāgo”ti⁶ ca, “saddhesiko⁷ kho bhikkhave
ariyasāvakoṭi cā”ti⁸. Bījassa ca upakārikā vuṭṭhi, sā tadanantaraññeva
vuccamānā samatthā hoti. Evaṃ

1. Aropetvā (Sī), āropetvā (Syā) 2. Saṃ 1. 41 piṭṭhesu. 3. Saṃ 1. 35, 42 piṭṭhesu.
4. Saṃ 1. 39, 216; Khu 1. 306 piṭṭhesu. 5. Saṃ 1. 217 piṭṭhesu.
6. Am̐ 2. 304; Khu 2. 318 piṭṭhesu.
7. Saddhāyiko (Sī), saddho (Syā), saddhāya (Ka) 8. Am̐ 2. 480 piṭṭhesu.

dhammasambandhasamatthabhāvato pacchāpi vattabbo ayamattho pubbe vutto, añño ca evaṃvidho īsāyottādi.

Tattha sampasādanalakkhaṇā saddhā, okappanalakkhaṇā vā, pakkhandanarasā, adhimuttipaccupaṭṭhānā, akālussiyapaccupaṭṭhānā vā, sotāpattiyaṅgapadaṭṭhānā, saddahitabbadhammapadaṭṭhānā vā, ādāsajalatalādīnaṃ pasādo viya cetaso pasādabhūtā, udakappasādakamaṇi viya udakassa, sampayuttadhammānaṃ pasādikā. **Bijanti** pañcavidham mūlabījaṃ khandhabījaṃ phalubījaṃ aggabījaṃ bījabījameva pañcamanti. Taṃ sabbampi viruhaṇaṭṭhena bījaṃtveva saṅkhaṃ gacchati. Yathāha “bījañcetaṃ viruhaṇaṭṭhena”ti.

Tattha yathā brāhmaṇassa kasiyā mūlabhūtaṃ bījaṃ dve kiccāni karoti, heṭṭhā mūlena patiṭṭhāti, upari aṅkuraṃ uṭṭhāpeti, evaṃ Bhagavato kasiyā mūlabhūtā saddhā heṭṭhā sīlamūlena patiṭṭhāti, upari samathavipassanaṅkuraṃ uṭṭhāpeti. Yathā ca taṃ mūlena pathavirasam āporasam gahetvā nāḷena dhaññaparipākagahaṇattham vaḍḍhati, evamayaṃ sīlamūlena samathavipassanārasam gahetvā ariyamaggañāḷena ariyaphaladhaññaparipākagahaṇattham vaḍḍhati. Yathā ca taṃ subhūmiyaṃ patiṭṭhahitvā mūlaṅkurapaṇṇanāḷakaṇḍapasavehi vuḍḍhiṃ virūḷhiṃ vepullaṃ patvā khīraṃ janetvā anekasāliphalabharitaṃ sālīsisaṃ nipphādeti, evamayaṃ cittasantāne patiṭṭhahitvā sīlacittadiṭṭhikaṅkhāvitarāṇamaggāmaggañāḷadassanapaṭipadāñāḷadassanavi suddhīhi vuḍḍhiṃ virūḷhiṃ vepullaṃ patvā khīraṃ janetvā anekasāliphalabharitaṃ sālīsisaṃ nipphādeti, evamayaṃ cittasantāne patiṭṭhahitvā sīlacittadiṭṭhikaṅkhāvitarāṇamaggāmaggañāḷadassana paṭipadāñāḷadassanavisuddhīhi vuḍḍhiṃ virūḷhiṃ vepullaṃ patvā ñāḷadassanavisuddhikhīraṃ janetvā anekapaṭisambhidābhiññābharitaṃ arahattaphalaṃ nipphādeti. tenāha Bhagavā “saddhā bījan”ti.

Tattha siyā “paropaññāsakusaladhammesu ekato uppajjamānesu kasmā saddhāva bījanti vuttā”ti? Vuccate—bījakiccakaraṇato. Yathā hi tesu viññāṇāmyeva vijānanakiccaṃ karoti, evaṃ saddhā bījakiccaṃ, sā ca sabbakusalānaṃ mūlabhūtā. Yathāha—

“Saddhājāto upasaṅkamati, upasaṅkamanto payirupāsati, payirupāsanto sotam odahati, ohitasoto dhammaṃ suṇāti, sutvā dhammaṃ dhāreti, dhatānaṃ dhammānaṃ atthaṃ

upaparikkhati, atthaṃ upaparikkhato dhammā nijjhānaṃ khamanti,
dhammanijjhānakkhantiyā sati chando jāyati, chandajāto ussahati,
ussāhetvā tulayati, tulayitvā padahati, pahitatto samāno kāyena ceva
paramasaccaṃ sacchikaroti, paññāya ca naṃ ativijjha passatī”¹.

Tapati akusale dhamme kāyañcāti **tapo**, indriyasamvaravīriyadhutaṅga-
dukkarakārikānaṃ etaṃ adhivacanaṃ, idha pana indriyasamvaro adhippeto.
Vuṭṭhīti vassavuṭṭhivātavuṭṭhīti-ādinā anekavidhā, idha vassavuṭṭhi
adhippetā. Yathā hi brāhmaṇassa vassavuṭṭhisamanuggahitaṃ bījaṃ
bījamūlakaṇca sassaṃ viruhati na milāyati nipphattiṃ gacchati, evaṃ
Bhagavato indriyasamvarasamanuggahitā saddhā saddhāmūlā ca silādayo
dhammā viruhanti na milāyanti nipphattiṃ gacchanti. Tenāha “tapo
vuṭṭhī”ti. “Paññā me”ti ettha ca vutto me-saddo imesupi padesu yojetabbo
“saddhā me bījaṃ, tapo me vuṭṭhī”ti. Tena kiṃ dīpeti? Yathā brāhmaṇa tayā
vapite bīje sace vuṭṭhi atthi, sādhu, no ce atthi, udakampi dātabbaṃ hoti,
tathā mayā hiri-īse paññāyuganaṅgale manoyottena ekābaddhe kate
vīriyabalibadde yojetvā satipācanena vijjhivā attano cittasantānakhette
saddhābīje vapite vuṭṭhi-abhāvo nāma natthi. Ayaṃ pana me satataṃ
samitaṃ tapo vuṭṭhīti.

Pajānāti etāya puggalo, sayam vā pajānātīti **paññā**, sā
kāmaṅvacarādibhedato anekavidhā, idha pana saha vipassanāya maggapaññā
adhippetā. **Yuganaṅgalanti** yugaṅca naṅgalaṅca. Yathā hi brāhmaṇassa
yuganaṅgalaṃ, evaṃ Bhagavato duvidhāpi paññā. Tattha yathā yugaṃ īsāya
upanissayaṃ² hoti, purato hoti, īsābaddhaṃ hoti, yottānaṃ nissayaṃ hoti,
balibaddānaṃ ekato gamaṇaṃ dhāreti³, evaṃ paññā hiripamukhānaṃ
dhammānaṃ upanissayā⁴ hoti. Yathāha “paññuttarā sabbe kusalā
dhammā”⁵ti ca, “paññā hi seṭṭhā kusalā vadanti, nakkhattarājāriva
tārakānaṃ”⁶ti ca. Kusalānaṃ dhammānaṃ pubbaṅgamaṭṭhena purato ca hoti.
Yathāha “sīlaṃ hirī cāpi sataṅca dhammo, anvāyikā paññavato bhavanti”⁶ti.

1. Ma 2. 145, 385 piṭṭhesu.

2. Uparisayaṃ (Sī)

3. Vāreti (Sī)

4. Uparisayā (Sī)

5. Am 3. 153, 343 piṭṭhesu.

6. Khu 6. 10 piṭṭhe.

Hirivippayogena anuppattito īsābaddhā hoti, manosaṅkhātassa samādhīyottassa nissayapaccayato yottānaṃ nissayo hoti, accāraddhātīlinabhāvapaṭisedhanato vīriyabalibaddānaṃ ekato gamaṇaṃ dhāreti. Yathā ca naṅgalaṃ phālayuttaṃ kasaṇakāle pathavighanaṃ bhindati, mūlasantānakāni padāleti, evaṃ satiyuttā paññā vipassanākāle dhammānaṃ santatisamūhakkiccārammaṇaṅghanaṃ bhindati, sabbakilesamūlasantānakāni padāleti. Sā ca kho lokuttarāva, itarā pana lokiyāpi siyā. Tenāha “paññā me yuganaṅgalaṃ”ti.

Hirīyati etāya puggalo, sayāṃ vā hirīyati akusalappavattiṃ jigucchati **hirī**. Taggahaṇena saha caraṇabhāvato ottappaṃ gahitaṃyeva hoti. **Īsā**ti yuganaṅgalasandhārikā dāruyaṭṭhi. Yathā hi brāhmaṇassa īsā yuganaṅgalaṃ sandhāreti, evaṃ Bhagavatopi hirī lokiyalokuttarapaññāsaṅkhātāṃ yuganaṅgalaṃ sandhāreti hiriyā asati paññāya abhāvato. Yathā ca īsāpaṭibaddhaṃ yuganaṅgalaṃ kiccakaraṃ hoti acalaṃ asithilaṃ, evaṃ hiripaṭibaddhā ca paññā kiccakārī hoti acalā asithilā abbokiṇṇā ahirikenā. Tenāha “hirī īsā”ti.

Munāti mano, cittassetāṃ adhivacanaṃ, idha pana manosiṣena taṃsampayutto samādhī adhippeto. **Yottanti** rajjubandhanaṃ. Taṃ tividhaṃ īsāya saha yugassa bandhanaṃ, yugena saha balibaddhānaṃ bandhanaṃ, sārathinā saha balibaddānaṃ bandhananti. Tattha yathā brāhmaṇassa yottaṃ īsāyugabalibadde ekābaddhe katvā sakakicce paṭipādeti, evaṃ Bhagavato samādhī sabbeva te hiripaññāvīriyadhamme ekārammaṇe avikkhepabhāvena bandhitvā sakakicce paṭipādeti. Tenāha “mano yottan”ti.

Sarati etāya cirakatādimatthaṃ puggalo, sayāṃ vā saratīti **sati**, sā asammussanalakkaṇā. Phāletīti **phālo**. Pājeti etenāti **pājanaṃ**. Taṃ idha “pācanaṃ”ti vuccati, patodassetāṃ adhivacanaṃ. Phālo ca pācanaṃca **phālapācanaṃ**. Yathā hi brāhmaṇassa phālapācanaṃ, evaṃ Bhagavato vipassanāyuttā maggayuttā ca sati. Tattha yathā phālo naṅgalamanurakkhati, purato cassa gacchati, evaṃ sati kusalānaṃ dhammānaṃ gatiyo samanvesamānā ārammaṇe vā upaṭṭhāpayamānā paññānaṅgalaṃ rakkhati. Tathā hi

“satārakkhena cetasā viharatī”ti-ādīsu¹ “ārakkhā”ti vuttā. Asammu ssnavasena cassa purato hoti. Satiparicite hi dhamme paññā pajānāti, no sammuṭṭhe. Yathā ca pācanam balibaddānam vijjhanabhayaṃ dassentam saṃsīdanam na deti, uppathagamanañca vāreti, evam sati vīriyabalibaddānam apāyabhayaṃ dassentī kosajjasamsīdanam na deti, kāmaguṇasaṅkhāte agocare cāram nivāretvā kammaṭṭhāne niyojenti uppathagamanañca vāreti. Tenāha “sati me phālapācanam”ti.

78. **Kāyaguttoti** tividhena kāyasucaritena gutto. **Vacīguttoti** catubbidhena vacīsucaritena gutto. Ettāvataṃ pātīmokkhasamvarasīlam vuttam. **Āhāre udare yatoti** ettha āhāramukhena sabbapaccayānam saṅgahitattā catubbidhepi paccaye yato saṃyato nirupakkilesoti attho. Iminā ājīvapārisuddhisīlam vuttam. **Udare yatoti** udare yato saṃyato mitabhōjī, āhāre mattaññūti vuttam hoti. Iminā bhōjane mattaññūtāmukhena paccayaapaṭisevanasīlam vuttam. Tena kim dīpeti? Yathā tvaṃ brāhmaṇa bījam vapitvā sassaparipālanattham kaṇṭakavatim vā rukkhatim vā pākāraparikkhepaṃ vā karosi, tena te gomahimsamigagaṇā pavesam alabhantā sassam na vilumpanti, evamahampi saddhābījam vapitvā nānappakārakusalasassaparipālanattham kāyavacī-āhāraguttimayaṃ tividhaparikkhepaṃ karomi, tena me rāgādi-akusaladhammagomahimsamigagaṇā pavesam alabhantā nānappakārakusalasassam na vilumpantīti.

Saccam karomi niddānanti ettha dvīhi dvārehi avisaṃvādanam **saccam**. **Niddānanti** chedanam lunanam uppāṭanam, karaṇatthe² cetam upayogavacanam veditabbaṃ. Ayañhi ettha attho “saccena karomi niddānan”ti. Kim vuttam hoti? Yathā tvaṃ bāhiram kasim kasitvā sassadūsakānam tiṇānam hatthena vā asitena vā niddānam karosi, evamahampi ajjhattikam kasim kasitvā kusalasassadūsakānam visamvādanatiṇānam saccena niddānam karomi. **Ñāṇasaccam** vā ettha saccanti veditabbaṃ, yaṃ tam yathābhūtañāṇanti vuccati, tena attasaññādīnam tiṇānam niddānam karomīti evam yojetabbaṃ. Atha vā **niddānanti** chedakam lāvakam, uppāṭakanti attho. Evam sante yathā tvaṃ dāsam vā

1. Am 3. 280 piṭṭhe atthato samānam.

2. Karaṇavacanatthe (Sī, Syā)

kammakaraṃ vā niddānaṃ karosi, “niddehi tiṇānī”ti tiṇānaṃ chedakaṃ lāvakaṃ uppāṭakaṃ karosi, evamaḥaṃ saccam karomīti upayogavacaneneva vattum yujjati. Atha vā **saccanti** diṭṭhisaccam. Tamahaṃ niddānaṃ karomi, chinditabbaṃ lunitabbaṃ uppāṭetabbaṃ karomīti evampi upayogavacaneneva vattum yujjati.

Soraccaṃ me pamocananti ettha yaṃ taṃ “kāyiko avītikkamo vācasiko avītikkamo”ti, evaṃ sīlameva “soraccan”ti vuttam na taṃ idha adhippetam, vuttameva etaṃ “kāyagutto”ti-ādinā nayena, arahattaphalaṃ pana adhippetam. Tampi hi sundare nibbāne ratabhāvato “soraccan”ti vuccati. **Pamocananti** yoggavissajjanaṃ. Kim vuttam hoti? Yathā tava pamocanaṃ punapi sāyanhe vā dutiyadivase vā anāgatasamvacchare vā yojetabbato appamocanameva hoti, na mama evaṃ. Na hi mama antarā mocanaṃ nāma atthi. Ahañhi Dīpaṅkaradasabalakālato pabhuti paññānaṅgale vīriyabalibadde yojetvā cattāri asaṅkhyeyyāni kappasatasahassaṅga mahākasim kasanto tāva na muñcim, yāva na sammāsambodhim abhisambujjhim. Yadā ca me sabbaṃ taṃ kālaṃ khepetvā Bodhirukkhamūle Aparājitapallaṅke nisinnassa sabbaguṇaparivāraṃ arahattaphalaṃ udapādi, tadā mayā taṃ sabbussukkapaṭippassaddhippattiyā pamuttam, na dāni puna yojetabbaṃ bhavissatīti. Etamatthaṃ sandhāyāha Bhagavā “soraccaṃ me pamocanan”ti.

79. **Vīriyaṃ me dhuradhorayhanti** ettha **vīriyanti** “kāyiko vā cetasiko vā vīriyārambho”ti-ādinā nayena vuttapadhānaṃ. Dhurāyaṃ dhorayhaṃ **dhuradhorayhaṃ**, dhuraṃ vahatīti attho. Yathā hi brāhmaṇassa dhurāyaṃ dhorayhākaḍḍhitam naṅgalaṃ bhūmighanaṃ bhindati, mūlasantānakāni ca padāleti, evaṃ Bhagavato vīriyākaḍḍhitam paññānaṅgalaṃ yathāvuttam ghanam bhindati, kilesasantānakāni ca padāleti. Tenāha “vīriyaṃ me dhuradhorayhan”ti. Atha vā purimadhuraṃ vahantā dhurā, mūladhuraṃ vahantā dhorayhā. Dhurā ca dhorayhā ca **dhūradhorayhā**. Tattha yathā brāhmaṇassa ekamekasmim naṅgale catubalibaddappabhedam dhuradhorayhaṃ vahantaṃ uppannānuppannatiṇamūlaghātam sassasampattiṅga sādheti, evaṃ Bhagavato catusammappadhānavīriyappabhedam dhuradhorayhaṃ vahantaṃ uppannānuppannākusalamūlaghātam kusalasampattiṅga sādheti. Tenāha “vīriyaṃ me dhuradhorayhan”ti.

Yogakkhemādhivāhananti ettha yogehi khemattā “yogakkheman”ti nibbānaṃ vuccati, taṃ adhikatvā¹ vāhīyati, abhimukhaṃ vā vāhīyatīti adhvāhanam, yogakkhemassa adhvāhanam yogakkhemādhivāhanam. Tena kiṃ dīpeti? Yathā tava dhuradhorayhaṃ puratthimaṃ disaṃ pacchimādīsu vā aññataraṃ abhimukhaṃ vāhīyati, tathā mama dhuradhorayhaṃ nibbānābhimukhaṃ vāhīyati.

Evam vāhiyamānaṃ **gacchati anivattantaṃ**. Yathā tava naṅgalaṃ vahantaṃ dhuradhorayhaṃ khettaḷaṃ patvā puna nivattati, evam anivattantaṃ Dīpaṅkarakālato pabhuti gacchateva. Yasmā vā tena tena maggena pahīnā kilesā punappunaṃ pahātabbā na honti, yathā tava naṅgalena chinnāni tiṇāni punapi aparasmim samaye chinditabbāni honti, tasmāpi etaṃ² paṭhamamaggavasena diṭṭhekaṭṭhe kilese, dutiyavasena oḷārike, tatiyavasena anusahagate kilese, catutthavasena sabbakilese pajahantaṃ **gacchati anivattantaṃ**. Atha vā **gacchati anivattanti** nivattanarahitaṃ hutvā gacchatīti attho. **Tanti** taṃ dhuradhorayhaṃ. Evampettha padacchedo veditabbo. Evam gacchantaṃ yathā tava dhuradhorayhaṃ na taṃ ṭhānaṃ gacchati, yattha gantvā kassako asoko nissoko virajo hutvā na socati, etaṃ pana taṃ ṭhānaṃ gacchati, **yattha gantvā na socati**. Yattha satipācanaṃ etaṃ vīriyadhuradhorayhaṃ codento gantvā mādiso kassako asoko nissoko virajo hutvā na socati, taṃ sabbasokasallasamugghābhūtaṃ nibbānāmatasaṅkhātaṃ ṭhānaṃ gacchatīti.

80. Idāni nigamaṇaṃ karonto Bhagavā imaṃ gāthamāha—

“Evamesā kasī kaṭṭhā, sā hoti amatapphalā.

Etaṃ kasim kasitvāna, sabbadukkhā pamuccatī”ti.

Tassāyaṃ saṅkhepattho—mayābrāhmaṇa **esā** saddhābījā tapovuṭṭhiyā anuggahitā **kasi** paññāmayam yuganaṅgalaṃ hirimayaṅca īsam manomayena yottena ekābaddhaṃ katvā paññānaṅgale satiphālaṃ ākoṭetvā satipācanaṃ gahetvā kāyavacī-āhāraguttiyā gopetvā saccam niddānaṃ katvā soraccam pamocanaṃ vīriyam dhuradhorayhaṃ yogakkhemābhimukhaṃ anivattantaṃ vāhentaṃ **kaṭṭhā**, kasikammaṃ pariyoṣānaṃ catubbidhaṃ sāmāññaphalaṃ pāpitā,

1. Adhigantvā (Syā, Ka) 2. Tathā mama (Sī), tasmāpi evam (Sam-Ṭṭha 1. 234 piṭṭhe)

sā hoti amatapphalā, sā esā kasi amatapphalā hoti. Amataṃ vuccati nibbānaṃ, nibbānānisamsā hotīti attho. Sā kho panesā kasi na mamevekassa amatapphalā hoti, apica kho pana yo koci khattiyo vā brāhmaṇo vā vesso vā suddo vā gahaṭṭho vā pabbajito vā etaṃ kasim̐ kasati, so sabbopi **etaṃ kasmim̐ kasitvāna, sabbadukkhā pamuccati** sabbasmā vaṭṭadukkhadukkhadukkhasaṅkhāradukkhavipariṇāmadukkhā pamuccatīti. Evaṃ Bhagavā brāhmaṇassa arahattanikūṭena nibbānapariyosānaṃ katvā desanaṃ niṭṭhāpesi.

Tato brāhmaṇo gambhīratthaṃ desanaṃ sutvā “mama kasiphalaṃ bhuñjitvā aparajju eva chāto hoti, imassa pana kasi amatapphalā, tassā phalaṃ bhuñjitvā sabbadukkhā pamuccatī”ti ca viditvā pasanno pasannākāraṃ kātum̐ pāyāsaṃ dātum̐ raddho. Tenāha “**atha kho Kasibhāradvājo**”ti. Tattha **mahatiyāti** mahatiyanti attho. **Kaṃsapātiyāti** suvaṇṇapātiyaṃ, satahassagghanake attano suvaṇṇathāle. **Vaḍḍhetvāti** chupitvā, ākiritvāti vuttaṃ hoti. **Bhagavato upanāmesīti** sappimadhuphāṇitādīhi vicitraṃ katvā dukūlavitānena paṭicchādetvā ukkhipitvā sakkaccaṃ Tathāgatassa abhahari, kinti? “**Bhuñjatu bhavaṃ Gotamo pāyāsaṃ kassako bhavaṃ**”ti. tato kassakabhāvasādhakaṃ kāraṇamāha “**yañhi -pa- kasatī**”ti, yasmā bhavaṃ -pa- kasatīti vuttaṃ hoti. Atha Bhagavā “**gāthābhigītaṃ me**”ti āha.

81. Tattha **gāthābhigītanti** gāthāhi abhigītaṃ, gāthāyo bhāsivā laddhanti vuttaṃ hoti. **Meti** mayā. **Abhojaneyyanti** bhuñjanārahaṃ na hoti. **Sampassatanti** sammā ājīvasuddhiṃ passataṃ, samantā vā passataṃ sampassataṃ, Buddhānanti vuttaṃ hoti. **Nesa dhammoti** “gāthābhigītaṃ bhuñjitabban”ti esa dhammo etaṃ cārittaṃ na hoti, tasmā **gāthābhigītaṃ panudanti Buddhā**, paṭikkhipanti na bhuñjantīti. Kim̐ pana Bhagavatā pāyāsattaṃ gāthā abhigīta, yena evamāhāti? Na etadatthaṃ abhigīta, apica kho pana pāto paṭṭhāya khetasamīpe ṭhatvā kaṭacchubhikkhampi alabhitvā puna sakalabuddhaguṇe pakāsetvā laddhaṃ tadetaṃ naṭanaccakādīhi naccitvā gāyitvā ca laddhasadisāṃ hoti, tena “gāthābhigītan”ti vuttaṃ. Tādisañca

yasmā Buddhānaṃ na kappati, tasmā “abhojaneyyan”ti vuttaṃ. Appicchatānurūpañcetaṃ na hoti, tasmāpi pacchimaṃ janataṃ anukampamānena ca evaṃ vuttaṃ. Yatra ca nāma parappakāsitenaṃpi attano guṇena uppannaṃ lābhaṃ paṭikkhipanti seyyathāpi appiccho ghaṭikāro kumbhakāro, tatra kathaṃ koṭippattāya appicchatāya samannāgato Bhagavā attanāva attano guṇappakāsanena uppannaṃ lābhaṃ sādiyissati, yato yuttameva etaṃ Bhagavato vattunti¹.

Ettāvatā “appasannaṃ adātukāmaṃ brāhmaṇaṃ gāthagāyanena² dātukāmaṃ katvā samaṇo Gotamo bhojanaṃ paṭiggahesi, āmisakāraṇā imassa desanā”ti imamahā lokāpavādā attānaṃ mocento desanāpārisuddhiṃ dīpetvā idāni ājīvapārisuddhiṃ dīpento āha “**dhamme satī brāhmaṇa vuttiresā**”ti. Tassattho—ājīvapārisuddhidhamme vā dasavidhasucaritadhamme vā Buddhānaṃ cārittadhamme vā **sati** samvijjamāne anupahate³ vattamāne **vuttiresā** ekantavodātā ākāse pāṇippasāraṇakappā esanā pariyesanā jīvitavutti Buddhānaṃ **brāhmaṇāti**.

82. Evaṃ vutte brāhmaṇo “pāyāsaṃ me paṭikkhipati, akappiyaṃ kiretaṃ bhojanaṃ, adhañño vatasmi⁴, dānaṃ dātuṃ na labhāmi”ti domanassaṃ uppādetvā “appeva nāma aññaṃ paṭiggaṇheyyā”ti ca cintesi. Taṃ ñatvā Bhagavā “ahaṃ bhikkhācāravelaṃ paricchinditvā āgato ‘ettakena kālena imaṃ brāhmaṇaṃ pasādessaṃ; ti, brāhmaṇo ca domanassaṃ akāsi, idāni tena domanassena mayi cittaṃ pakopetvā amatavaradhammaṃ paṭivijjhitaṃ na sakkhissati”ti brāhmaṇassa pasādajananatthaṃ tena pattitamanorathaṃ pūrento āha “**aññaṃ ca kevalinan**”ti. tatha **kevalinanti** sabbaguṇaparipuṇṇaṃ, sabbayogavisamyuttaṃ vāti attho. Mahantānaṃ sīlakkhandhādīnaṃ guṇānaṃ esanato **mahesiṃ**. Parikkhīṇasabbāsavattā **khīṇāsavaṃ**. Hatthapādakukkuccamādiraṃ katvā vūpasantasabbakukkuccattā **kukkuccavūpasantaṃ**. **Upaṭṭhahassūti** parivissassu⁵ paṭimānayasassu. Evaṃ brāhmaṇena citte uppāditepi pariyaṃyameva bhaṇati, na tu bhaṇati “dehi, āharāhi”ti. Sesamettha uttānameva.

1. Bhagavatā vuttanti (Syā), Bhagavato vattanti (Ka)

2. Gāthābhāsanena (Syā, Ka)

4. Ahaññaeva tasmiraṃ (Syā, Ka)

3. ANusahagate (Syā, Ka)

5. Paṭicarassu (Sī)

Atha brāhmaṇo “ayaṃ pāyāso Bhagavato ānīto, nāhaṃ arahāmi taṃ attano chandena kassaci dātun”ti cintetvā āha “**atha kassa cāhan**”ti. Tato Bhagavā “taṃ pāyāsaṃ ṭhapetvā Tathāgataṃ Tathāgatasāvakaṅca aññassa ajīraṇadhammo”ti ñatvā āha “**na khvāhaṃ tan**”ti. Tattha **sadevaka**vacanena pañcakāmāvacaradevaggahaṇaṃ, **samāraka**vacanena chaṭṭhakāmāvacaradevaggahaṇaṃ, **sabrahmaka**vacanena rūpāvacarabrahmaggaṇaṃ arūpāvacarā pana bhuñjeyyunti asambhāvaneyyā. **Sassamaṇabrāhmaṇi**vacanena sāsanaṃ paccatthikapaccāmittasamaṇabrāhmaṇaggahaṇaṃ samitapāpabāhitapāpasamaṇabrāhmaṇaggahaṇaṅca, **pajā**vacanena sattalokaggahaṇaṃ, **sadevamanussa**vacanena sammutideva-avasesamanussaggahaṇaṃ. Evamettha tīhi vacanehi okāsaloko, dvīhi pajāvasena sattaloko gahitoti veditabbo. Esa saṅkhepo, vitthāraṃ pana Āḷavakasutte vaṇṇahissāma.

Kasmā pana sadevakādīsu kassaci na sammā pariṇāmaṃ gaccheyyāti? Oḷārike sukhumoḷāpakkipanato. Imasmiṃ hi pāyāse Bhagavantaṃ uddissa gahitamatteyeva devatāhi oḷā pakkhittā yathā Sujātāya pāyāse, Cundassa ca sūkaramaddave paccamāne, Verañjāyaṅca Bhagavatā gahitagahitālope, Bhesajjakkhandhake ca kaccānassa gulḷhakumbhasmiṃ avasiṭṭhagulḷhe. So oḷārike sukhumoḷāpakkipanato devānaṃ na pariṇamati. Devā hi sukhamasarīrā, tesāṃ oḷāriko manussāhāro na sammā pariṇamati. Manussānampi na pariṇamati. Manussā hi oḷārikasarīrā, tesāṃ sukhumā dibbojā na sammā pariṇamati. Tathāgataṃ pana pakati-aggināva pariṇamati, sammā jīrati. Kāyabalañāṇapalappabhāvenāti eke. Tathāgatasāvakaṃ khīṇāsavassetāṃ samādhibalena mattaññutāya ca pariṇamati, itaresāṃ iddhimantānampi na pariṇamati. Acintanīyaṃ vā ettha kāraṇaṃ, Buddhavisayo esoti.

Tena hi tvanti yasmā aññaṃ na passāmi, mama na kappati, mama akappantaṃ sāvakaṃ sāpi me na kappati, tasmā tvaṃ brāhmaṇāti vuttaṃ hoti. **Appahariteti** parittaharitatīṇe, apparulḷaharitatīṇe vā pāsāṇapitṭhisadise. **appāṇaketi** nippāṇake, pāyāsajjhottharaṇakāraṇena maritabbapāṇarahite vā mahā-udakakkhandhe, saha tiṇanissitehi pāṇehi tiṇānaṃ pāṇakānaṅca anurakkhaṇatthāya etaṃ vuttaṃ. **Cicciṭāyati**

ciṭṭiṭāyatīti evaṃ saddaṃ karoti. **Saṃdhūpāyatī**ti samantā dhūpāyati. **Sampadhūpāyatī**ti tatheva adhimattaṃ dhūpāyati. Kasmā evaṃ ahoṣīti? Bhagavato ānubhāvena, na udakassa, na pāyāsassa, na brāhmaṇassa, na aññesaṃ devayakkhādīnaṃ. Bhagavā hi brāhmaṇassa dhammasaṃvegatthaṃ tathā adhiṭṭhāsi. **Seyyathāpi nāmā**ti opammanidassanamattametaṃ, yathā phāloti ettakameva vuttaṃ hoti. **Samviggo** cittena, **lomahaṭṭhajāto** sarīrena. Sarīre kirassa navaṇavutilomakūpasahassāni suvaṇṇabhittiyā āhatamaṇināgadantā viya uddhaggā ahesuṃ. Sesam pākaṭameva.

Pādesu pana nipatitvā Bhagavato dhammadesanaṃ abbhanumodamaṇo Bhagavantaṃ etadavoca “**abhikkantaṃ bho Gotama abhikkantaṃ bho Gotamā**”ti. Abbhanumodane hi ayamidha **abhikkantasaddo**. Vitthārato panassa Maṅgalasuttavaṇṇanāyaṃ atthavaṇṇanā āvibhavissati. Yasmā ca abbhanumodanatthe, tasmā sādhu sādhu bho Gotamāti vuttaṃ hotīti veditabbaṃ.

“Bhaye kodhe pasamsāyaṃ, turite kotūhalacchare.
Hāse soke pasāde ca, kare āmeditaṃ budho”ti—

iminā ca lakkhaṇena idha pasādavasena pasamsāvasena cāyaṃ dvikkhattuṃ vuttoti veditabbo. Atha vā **abhikkantanti** abhikantaṃ¹ ati-iṭṭhaṃ atimanāpaṃ, atisundaranti vuttaṃ hoti.

Tattha ekena abhikkantasaddena desanaṃ thometi, ekena attano pasādaṃ. Ayañhi ettha adhippāyo—abhikkantaṃ bho Gotama yadidaṃ bhoto Gotamassa dhammadesanā, abhikkantaṃ yadidaṃ bhoto Gotamassa dhammadesanaṃ āgamma mama pasādoti. Bhagavato eva vā vacanaṃ dve dve atthe sandhāya thometi—bhoto Gotamassa vacanaṃ abhikkantaṃ dosanāsanato, abhikkantaṃ guṇādhiḡamanato, tathā saddhājananato, paññājananato, sātthato, sabyañjanato, uttānapadato, gambhīratthato, kaṇṇasukhato, hadayaṅgamato, anattukkaṃsanato, aparavambhanato, karuṇāsītalato, paññāvadātato, āpātharamaṇiyato, vimaddakkhamato, suyyamānasukhato, vīmaṃsiyamānahitatoti evamādīhi yojetabbaṃ.

1. Atikantaṃ (Sī), atikkantaṃ (Syā), abhikkantaṃ (Ka)

Tato parampi catūhi upamāhi desanaṃyeva thometi. Tattha **nikkujjita**ti adhomukhaṭṭhapitaṃ, heṭṭhā mukhajātaṃ vā. **Ukkujjeyyā**ti uparimukhaṃ kareyya. **Paṭicchannanti** tiṇapaṇṇādicchāditaṃ. **Vivareyyā**ti ugghāṭeyya. **Mūḷhassā**ti disāmūḷhassa. **Maggam ācikkheyyā**ti hatthe gahetvā “esa maggo”ti vadeyya. **Andhakāre**ti kāḷapakkhacātuddasī-aḍḍharattaghanavanasaṇḍameghapaṭalehi caturaṅge tamasi. Ayaṃ tāva padattho.

Ayaṃ pana adhippāyayojanā—yathā koci nikkujjitaṃ ukkujjeyya, evaṃ saddhammavimukhaṃ asaddhammapatitaṃ maṃ asaddhammā vuṭṭhāpentena, yathā paṭicchannaṃ vivareyya, evaṃ Kassapassa Bhagavato sāsanaantaradhānā pabhuti micchādiṭṭhigahanapaṭicchannaṃ sāsanaṃ vivarantena, yathā mūḷhassa maggam ācikkheyya, evaṃ kummaggamicchāmaggapaṭipannassa me saggamokkhamaggaṃ ācikkhantena, yathā andhakāre telapajjotaṃ dhāreyya, evaṃ mohandhakāranimuggassa me Buddhādiratanarūpāni apassato tappaṭicchādakamohandhakāraviddhaṃsakadesanāpajjotadhāraṇena mayhaṃ bhotā Gotamena etehi pariyāyehi desitattā anekapariyāyena dhammo pakāsito.

Atha vā ekacciyena matena yasmā ayaṃ dhammo dukkhadassanena asubhe “subhan”ti vipallāsappahānena ca nikkujjitukkujjitasadiso, samudayadassanena dukkhe “sukhan”ti vipallāsappahānena ca paṭicchannavivaraṇasadiso, nirodhadassanena anicce “niccan”ti vipallāsappahānena ca mūḷhassa maggācikkhaṇasadiso, maggadassanena anattani “attā”ti vipallāsappahānena ca andhakāre pajjotasadiso, tasmā seyyathāpi nāma nikkujjitaṃ vā ukkujjeyya -pa- pajjotaṃ dhāreyya “cakkhumanto rūpāni dakkhantī”ti, evaṃ pakāsito hoti.

Yasmā panettha saddhātapakāya guttatādīhi sīlakkhandho pakāsito hoti, paññāya paññākkhandho, hirimanādīhi samādhikkhandho, yogakkhemena nirodhoti evaṃ tikkhandho ariyamaggo nirodho cāti sarūpeneva dve ariyasaccāni pakāsītāni, tattha maggo paṭipakkho samudayassa, nirodho dukkhassāti paṭipakkhena dve. Iti iminā pariyāyena cattāri saccāni pakāsītāni. Tasmā anekapariyāyena pakāsito hotīti veditabbo.

Esāhanti-ādīsu eko ahanti esāham. **Saraṇam gacchāmīti** pādesu nipatitvā paṇipātena saraṇagamanena gatopi idāni vācāya samādiyanto āha, atha vā paṇipātena Buddhamaṇyeva saraṇam gatoti idāni tamādim katvā sese dhammasaṅghepi gantum āha. **Ajjataggeti** ajjatarā ādim katvā, ajjadaggeti vā pātho, dakāro padasandhikaro, ajja aggam katvāti vuttam hoti. Pāṇehi upetaṃ **pāṇupetaṃ**, yāva me jīvitam pavattati, tāva upetaṃ, anaññasatthukam tīhi saraṇagamanehi saraṇam gataṃ maṃ bhavaṃ Gotamo dhāretu jānātūti vuttam hoti. Ettāvatā anenasutānurūpā paṭipatti dassitā hoti. Nikkujjitādīhi vā Satthusampattim dassetvā iminā “esāhan”ti-ādinā sissasampatti dassitā. Tena vā paññāpaṭilābham dassetvā iminā saddhāpaṭilābho dassito. Idāni evaṃ paṭiladdhasaddhena paññavatā yaṃ kattabam, tam kattukāmo Bhagavantam yācati “**labheyāhan**”ti. Tattha Bhagavato iddhiyādīhi abhippasāditacitto “Bhagavāpi cakkavattirajjam pahāya pabbajito, kimaṅgam panāhan”ti saddhāya pabbajjam yācati, tattha paripūrakāritam patthento paññāya upasampadam. Sesam pākāṭameva.

Eko vūpakatṭhoti-ādīsu pana **eko** kāyavivekena, **vūpakatṭho** cittavivekena, **appamatto** kammaṭṭhāne sati-avijahanena, **ātāpī** kāyikacetasikavīriyasaṅkhātena ātāpena, **pahitatto** kāye ca jīvite ca anapekkhatāya **viharanto** aññatara-īriyāpathavihārena. **Na cirassevāti** pabbajjam upādāya vuccati. **Kulaputtā**tiduvidhā kulaputtā jātikulaputtā ācārakulaputtā ca, ayam pana ubhayathāpi kulaputto. **Agārasmāti** gharā. Agārānam hitam agāriyam, kasigorakkhādikuṭumbaposaṅkammaṃ vuccati, natthi ettha agāriyanti **anagāriyam**, pabbajjāyetaṃ adhivacanaṃ. **Pabbajantīti** upagacchanti upasaṅkamanti. **Tadanuttaranti** tam anuttaraṃ. **Brahmacariyapariyosānanti** maggabrahmacariyassa pariyosānaṃ, arahattaphalanti vuttam hoti. Tassa hi atthāya kulaputtā pabbajanti. **Diṭṭheva dhammeti** tasmiṃyeva attabhāve. **sayam abhiññā sacchikatvāti** attanāyeva paññāya paccakkham katvā, aparappaccayam ñatvāti attho. **Upasampajja vihāsīti** pāpuṇitvā sampādetvā vā vihāsi. Evaṃ viharanto ca **khīṇā jāti -pa-abbhaññāsi**. Etenassa paccavekkhaṇabhūmiṃ dasseti.

Katamā panassa jāti khīṇā, kathañca naṃ abbhaññāsīti? Vuccate—na tāvassa atītā jāti khīṇā pubbeva khīṇattā, na anāgatā anāgate vāyāmābhāvato, na paccuppannā vijjamānattā. Yā pana maggassa abhāvitattā uppajjeyya ekacatupañcavikārabhavesu ekacatupañcakkhandhappabhedā jāti, sā maggassa bhāvitattā anuppādadhammataṃ āpajjanena khīṇā. Taṃ so maggabhāvanāya pahīnakilese paccavekkhitvā kilesābhāve vijjamānampi kammaṃ āyatim apaṭisandhikaṃ hotīti jānanto jānāti.

Vusitanti vutthaṃ parivutthaṃ, kataṃ caritaṃ niṭṭhāpitanti attho. **Brahmacariyanti** maggabrahmacariyaṃ. **Kataṃ karaṇīyanti** catūsu saccesu catūhi maggehi pariññāpahānasacchi kiriyabhāvanāvasena soḷasavidhampi kiccaṃ niṭṭhāpitanti attho. **Nāparaṃ itthattāyāti** idāni puna itthabhāvāya evaṃ soḷasakiccabhāvāya kilesakkhayāya vā maggabhāvanā natthīti. Atha vā **itthattāyāti** itthabhāvato, imasmā evaṃpakārā idāni vattamānakkhandhasantānā aparaṃ khandhasantānaṃ natthi, ime pana pañcakkhandhā pariññātā tiṭṭhanti chinnamūlako rukkho viyāti abbhaññāsīti. **Aññataroti** eko. **Arahatanti** arahantānaṃ. Mahāsāvakaṇaṃ abbhantaro āyasmā Bhāradvājo ahoṣīti ayaṃ kirettha adhippāyoti.

Paramatthajotikāya Khuddakaṭṭhakathāya

Suttanipātaṭṭhakathāya

Kasibhāradvājasuttavaṇṇanā niṭṭhitā.

5. Cundasuttavaṇṇanā

83. **Pucchāmi Munim pahūtapaññanti** Cundasuttaṃ. Kā uppatti? Saṅkhepato tāva attajjhāsayaparajjhāsaya-aṭṭhuppattipucchāvasikabhedato catūsu uppattīsu imassa suttassa pucchāvasikā uppatti. Vitthārato pana ekaṃ samayaṃ Bhagavā Mallesu cārikaṃ caramāno mahatā bhikkhusaṃghena saddhiṃ yena Pāvā tadavasari. Tatra sudam Bhagavā Pāvāyaṃ viharati Cundassa kammāraputtassa ambavane. Ito pabhuti yāva “atha kho Bhagavā pubbaṇhasamayaṃ nivāsetvā pattacīvaramādāya saddhiṃ bhikkhusaṃghena yena

Cundassa kammāraputtassa nivesanaṃ tenupasaṅkami, upasaṅkamitvā paññatte āsane nisīdi”ti¹, tāva sutte āgatanayeneva vitthāretabbaṃ.

Evam bhikkhusaṅghena saddhiṃ nisinne Bhagavati Cundo kammāraputto Buddhappamukhaṃ bhikkhusaṅghaṃ parivisanto byañjanasūpādigahaṇatthaṃ bhikkhūnaṃ suvaṇṇabhājanāni upanāmesi, apaññatte sikkhāpade keci bhikkhū suvaṇṇabhājanāni paṭicchimsu, keci na paṭicchimsu. Bhagavato pana ekameva bhājanaṃ attano selamayaṃ pattam, dutiyabhājanaṃ Buddhā na gaṇhanti. Tattha aññataro pāpabhikkhu sahaṣṣagghanakaṃ suvaṇṇabhājanaṃ attano bhojanatthāya sampattam theyyacittena kuṅcikatthavikāya pakkhipi. Cundo parivisitvā hatthapādaṃ dhovivā Bhagavantaṃ namassamāno bhikkhusaṅghaṃ olokeno taṃ bhikkhuṃ addasa, disvā ca pana apassamāno viya hutvā na naṃ kiñci abhaṇi Bhagavati thesua ca gāravena, apica “micchādiṭṭhikānaṃ vacanapatho mā aho”ti. So “kiṃ nu kho saṃvarayuttāyeva samaṇā, udāhu bhinnasaṃvarā īdisāpi samaṇā”ti nātukāmo sāyanhasamaye Bhagavantaṃ upasaṅkamitvā āha “pucchāmi Munin”ti.

Tattha **pucchāmī**ti idaṃ “tisso pucchā adiṭṭhajotanaṃ pucchā”ti-ādinā² nayena niddese vuttanayameva. **Muninti** etampi “monaṃ vuccati ñāṇaṃ. Yā paññā pajānaṇā -pa- sammādiṭṭhi, tena ñāṇena samannāgato Muni, monappattoti, tīṇi moneyyāni kāyamoneyyan”ti-ādinā³ nayena tattheva vuttanayameva. Ayaṃ panettha saṅkhepo—**pucchāmī**ti okāsaṃ kārento **Muninti** munimuniṃ Bhagavantaṃ ālapati. **Pahūtapaññanti**-ādini thutivacanāni, tehi taṃ munim thunāti. Tattha **pahūtapaññanti** vipulapaññaṃ. Ñe yyapariyantikattā⁴ cassa vipulatā veditabbā. **Iti Cundo kammāraputtoti** idaṃ dvayaṃ Dhaniyasutte vuttanayameva. Ito paraṃ pana ettakampi avatvā sabbaṃ vuttanayaṃ chaḍḍetvā avuttanayameva vaṇṇayissāma.

Buddhanti tīsu Buddhesu tatiyabuddhaṃ. **Dhammassāminti** maggadhammassa janakatā puttasseva pitaraṃ attanā uppādītasippāyatanādīnaṃ viya ca ācariyaṃ dhammassa sāmim, dhammissaraṃ dhammarājaṃ dhammavasavattinti attho. Vuttampi cetam—

1. Dī 2. 105 piṭṭhe.

3. Khu 7. 44 piṭṭhe.

2. Khu 8. 50 piṭṭhe Cūlaniddese.

4. Ñeyyapariyantikatā (Ka)

“So hi brāhmaṇā Bhagavā anuppannassa maggassa uppādetā, asaṅjātassa maggassa saṅjanetā, anakkhātassa maggassa akkhātā, maggaññū maggavidū maggakovidō. Maggānugā ca pana etarahi sāvakā viharanti pacchā samannāgatā”¹.

Vītaṇṇanti vigatakāmahavavibhavataṇṇam. **Dvipaduttamanti** dvipadānaṃ uttamaṃ. Tattha kiñcāpi Bhagavā na kevalaṃ dvipaduttamo eva, atha kho yāvatā sattā apadā vā dvipadā vā -pa- nevasaññīnāsaññīno vā, tesaṃ sabbesaṃ uttamo. Atha kho ukkaṭṭhaparicchedavasena dvipaduttamotveva vuccati. Dvipadā hi sabbasattānaṃ ukkaṭṭhā cakkavattimahāsāvakaṃpaccekabuddhabuddhānaṃ tattha uppattito, tesaṃca uttamoti vutte sabbasattuttamoti vuttoyeva hoti. **Sārathīnaṃ pavaranti** sārētīti **sārathī**, hatthidamakādīnametaṃ adhivacanaṃ. Tesaṃca Bhagavā **pavaro** anuttarena damanena purisadamme dametuṃ samatthabhāvato. Yathāha—

“Hatthidamakena bhikkhave hatthidammo sārīto ekaṃ eva disaṃ dhāvati puratthimaṃ vā pacchimaṃ vā uttaraṃ vā dakkhiṇaṃ vā. Assadamakena bhikkhave assadammo -pa-. Godamakena bhikkhave godammo -pa- dakkhiṇaṃ vā. Tathāgatena hi bhikkhave Arahatā Sammāsambuddhena urisadammo sārīto aṭṭha disā vidhāvati, rūpī rūpāni passati, ayamekā disā -pa- saññāvedayitanirodhaṃ upasampajja viharati, ayaṃ aṭṭhamī disā”².

Katīti atthappabhedapucchā. **Loketi** sattaloke. **Samaṇāti** pucchitabba-atthanidassanaṃ. Inghāti yācanatthe nipāto. **Tadiṅghāti** te iṅgha. **Brūhīti** ācikkhakathayassūti.

84. Evaṃ vutte Bhagavā Cundaṃ kammāraputtaṃ “kiṃ bhante kusalaṃ, kiṃ akusalaṃ”³ti-ādina³ nayena gihipaṇhaṃ apucchitvā samaṇapaṇhaṃ pucchantaṃ disvā āvajjento “taṃ pāpabhikkhuṃ sandhāya ayaṃ pucchati”⁴ti nītvā tassa aññatra vohāramattā⁴ assamaṇabhāvaṃ dīpento āya “**caturō samaṇā**”⁴ti. Tattha **caturōti** saṅkhyāparicchedo. **Samaṇāti**

1. Ma 3. 59; Khu 7. 357 piṭṭhesu.

3. Ma 4. 248 piṭṭhe.

2. Ma 3. 264 piṭṭhe.

4. Tassa paṇṇattivohāramattā (Syā)

kadāci Bhagavā titthiye samaṇavādena vadati. Yathāha “yāni tāni puthusamaṇabrāhmaṇānaṃ vatakotūhalamaṅgalānī”ti¹. Kadāci puthujjane. Yathāha “samaṇā samaṇāti kho bhikkhave jano sañjānāti”ti². Kadāci sekkhe. Yathāha “idheva bhikkhave samaṇo, idha dutiyo samaṇo”ti³. Kadāci khīṇāsave. Yathāha “āsavānaṃ khayā samaṇo hotī”ti⁴. Kadāci attānaṃyeva. Yathāha “samaṇoti kho bhikkhave Tathāgatassetāṃ adhivacanan”ti⁵. Idha pana tīhi padehi sabbepi ariye sīlavantaṃ puthujjanañca, catutthena itaraṃ assamaṇampi bhaṇḍuṃ kāsāvakaṇṭhaṃ kevalaṃ vohāramattakena samaṇāti saṅgaṇhitvā “caturo samaṇā”ti āha. **Na pañcamatthīti** imasmim dhammavinaye vohāramattakena paṭiññāmattakenāpi pañcamo samaṇo nāma natthi.

Te te āvikaromīti te caturo samaṇe tava pākaṭe karomi. **Sakkipuṭṭhoti** sammukhā pucchito. **Maggajinoti** maggena sabbakilese vijitāvīti attho. **Maggadesakoti** paresaṃ maggaṃ desetā⁶. **Magge jīvātīti** sattasu sekkhesu yo koci sekkho apariyositamaggavāsattā lokuttare, sīlavantaputhujjano ca lokiye magge jīvati nāma, sīlavantaputhujjano vā lokuttaramagganimittaṃ jīvanatopi magge jīvātīti veditabbo. **Yo ca maggadūsīti** yo ca dussīlo micchādīṭṭhi maggapaṭilomāya paṭipattiyā maggadūsakoti attho.

85. “Ime te caturo samaṇā”ti evaṃ Bhagavatā saṅkhepena uddiṭṭhe caturo samaṇe “ayaṃ nāmettha maggajino, ayaṃ maggadesako, ayaṃ magge jīvati, ayaṃ maggadūsī”ti evaṃ paṭivijjhitaṃ asakkonto puna pucchitaṃ Cundo āha “**kaṃ maggajinan**”ti. Tatha **magge jīvati meti** yo so magge jīvati, taṃ me brūhi puṭṭhoti. Sesāṃ pākaṭameva.

86. Idānissa Bhagavā caturopi samaṇe catūhi gāthāhi niddisanto āha “**yo tiṇṇakathamkatho visallo**”ti. Tatha **tiṇṇakathamkatho visalloti** etaṃ Uragasutte vuttanayameva. Ayaṃ pana viseso—yasmā imāya gāthāya maggajinoti Buddhasamaṇo adhippeto, tasmā

1. Ma 1. 332 piṭṭhe.

3. Ma 1. 92; Dī 2. 125; Am 1. 560 piṭṭhesu.

5. Am 3. 153 piṭṭhe.

2. Ma 1. 349 piṭṭhe.

4. Ma 1. 353 piṭṭhe.

6. Maggadesako (Ka)

sabbaññutaññāna kathamkathāpatirūpakassa sabbadhammesu aññānaassa tiṇṇattāpi “tiṇṇakathamkatho”ti veditabbo. Pubbe vuttanayena hi tiṇṇakathamkathāpi sotāpannādayo Paccekabuddhapariyosānā sakadāgāmivisayādīsu Buddhavisayapariyosānesu paṭihataññāṇappabhāvattā pariyaena atiṇṇakathamkathāva honti, Bhagavā pana sabbappakārena tiṇṇakathamkathoti. **Nibbānābhiratoti** nibbāne abhirato, phalasaṃpattivasena sadā nibbānaninnacittoti attho. Tādiso ca Bhagavā. Yathāha—

“So kho ahaṃ Aggivessana tassā eva kathāya pariyoṣāne tasmimyeva purimasmim samādhinimitte ajjhattameva cittaṃ saṅghapemi sannisāдеми, ekodim karomi samādahāmi”ti¹.

Anānugiddhoti kañci dhammaṃ taṇhāgedhena ananugijjhanto. **Lokassa sadevakassa netāti** āsayānusayānulomena dhammaṃ desetvā pārāyanamahāsamayādīsu anekesu suttantesu aparimāṇānaṃ devamanussānaṃ saccapaṭivedhasampādanena sadevakassa lokassa netā gamayitā tāretā, pārāṃ sampāpetāti attho. **Tādinti** tādisaṃ², yathāvuttappakāralokadhammehi nibbikāranti attho. Sesamettha pākaṭameva.

87. Evaṃ Bhagavā imāya gāthāya “maggajinan”ti Buddhasamaṇaṃ niddisitvā idāni khīṇāsavasamaṇaṃ niddisanto āha “**paramaṃ paramanti**”ti. Tattha **paramaṃ** nāma nibbānaṃ, sabbadhammānaṃ aggaṃ uttamanti attho. **Paramanti yodha ñatvāti** taṃ paramaṃ paramamicceva yo idha sāsane ñatvā paccavekkhaṇaṇāna. **Akkhāti vibhajate idheva dhammanti** nibbānadhammaṃ akkhāti, attanā paṭividdhattā paresaṃ pākaṭaṃ karoti “idaṃ nibbānaṃ”ti, maggadhammaṃ vibhajati “ime cattāro satipaṭṭhānā -pa-ariyo aṭṭhaṅgiko maggo”ti. Ubhayampi vā ugghaṭitaññūnaṃ saṅkhepadesanāya ācikkhati, vipaṇcitaññūnaṃ vitthāradesanāya vibhajati. Evaṃ ācikkhanto vibhajanto ca “idheva sāsane ayaṃ dhammo, na ito bahiddhā”ti sīhanādaṃ nadanto akkhāti ca vibhajati ca. Tena vuttaṃ “akkhāti vibhajate idheva dhammaṃ”ti. **Taṃ kaṅkhachidaṃ muniraṃ anejanti** taṃ evarūpaṃ catusaccapaṭivedhena attano, desanāya ca paresaṃ kaṅkhacchedanena

1. Ma 1. 316 piṭṭhe.

2. Tādinam (Sī)

kaṅkhaçchidaṃ, moneyyasamannāgamena Muniraṃ, ejaṣaṅkhātāya taṇhāya abhāvato anejaṃ **dutiyaraṃ bhikkhunamaḥu maggadesinti**.

88. Evaraṃ imāya gāthāya sayaraṃ anuttaraṃ maggaṃ uppādetvā desanāya anuttaro maggadesi samānopi dūtamiva lekhaṇācākaṃ ca rañño attano sāsanaḥaram sāsanaḥotakaṇca “maggadesin”ti khīṇāsavaṣamaṇaṃ niddisitivā idāni sekkhaṣamaṇaṇca sīlavantaḥpuṭhuḥjanaṣamaṇaṇca niddisanto āha “**yo dhammapade**”ti. Tattha ḥadavaṇṇanā ḥakaṭāyeva. Ayaṃ ḥanettha atthaḥvaṇṇanā—yo nibbānaḥdhammaṣa ḥadattā **dhammapade**, ubho ante anupaḥamma desitattā āṣayānurūḥato vā ṣatipaṭṭhānāḥdinānappaḥkārehi desitattā **sudesite**, maggaṣamaṅgīḥi anavaṣitamaggaḥkiccattā **maggejīvati**, sīlaṣaṃyameṇa **saññato**, kāyāḥdisu sūḥaṭṭhitāya cirakaṭāḥi saraṇāya vā ṣatiyā **satimā**, aṇumattassāḥi vaḥjassa abhāvato anavaḥjattā, koṭṭhāṣabhāveṇa ca ḥadattā ṣattatiṃṣabodhipakkaḥhiyaṃṣeṃkhātāni **anavaḥjapaḥāni** bhaṇḥaṇāṇato ḥabhuṭi bhāvaṇāṣevanāya **sevamāno**, taṃ **bhikkhunaṃ tatiyaraṃ maggaḥjīvinti āhūti**.

89. Evaraṃ Bhagaḥvā imāya gāthāya “maggaḥjīvin”ti sekkhaṣamaṇaṃ sīlavantaḥpuṭhuḥjanaṣamaṇaṇca niddisitivā idāni taṃ bhaṇḥuṃ kāṣāvakaṇṭhaṃ kevalaṃ vohaṃramattasamaṇaṃ niddisanto āha “**chadanaṃ katvānā**”ti. Tattha **chadanaṃ katvānā**ti ḥatirūḥaṃ karitvā, veṣaṃ gaḥetvā, liṅgaṃ dhāretvāti attho. **Subbatānanti** Buddhaḥpaçcekabuddhaṣāvakaṇaṃ. Teṣaṃ hi suḥdarāni vatāni, taṣmā te subbatāti vuccanti. **Pakkhandī**ti ḥakkaḥhandako, anto ḥaviṣakoti attho. Duṣṣilo hi gūṭhaḥpaṭiçchāḥanaṭṭhaṃ tiṇaḥpaṇṇāḥdicchadanaṃ viya attano duṣṣilaḥbhāvaṃ ḥaṭiçchāḥanaṭṭhaṃ subbatānaṃ chadanaṃ katvā “ahaḥḥi bhikkhū”ti bhikkhumaḥjhe ḥakkaḥhandati, “ettakaḥvassena bhikkhunaḥ gaḥetabbaṃ etan”ti lābhe ḥīyamāne “ahaṃ ettakaḥvasso”ti gaṇḥituṃ ḥakkaḥhandati, tena vuccati “chadanaṃ katvāna subbatānaṃ ḥakkaḥhandī”ti. Caṭunnaḥḥi khattiyāḥdikulānaṃ uppannaṃ ḥaṣāḥaraṃ ananurūḥapaṭiḥpattiyā ḥūsetīti **kuladūṣako**. **Paḥabbhoti** aṭṭhaṭṭhāneṇa kāyapaḥabbhiyena, caṭuṭṭhāneṇa vacīḥpaḥabbhiyena, anekaṭṭhāneṇa maṇopaḥabbhiyena, caṭuṭṭhāneṇa vacīḥpaḥabbhiyena, anekaṭṭhāneṇa maṇopaḥabbhiyena ca ṣamaṇnāḥgatoti attho. Ayaṃettha ṣaṅkheḥo, vitthāraṃ ḥana Mettaṣuttavaṇṇanāyaṃ vakkhāma.

Katapaṭicchādanalakkhaṇāya māyāya samannāgatattā **māyāvī**.
 Sīlasamyamābhāvena **asaññato**. Palāpasadisattā **palāpo**. Yathā hi palāpo anto
 taṇḍularahitopi bahi thusena vīhi viya dissati, evamidhekacco anto
 sīlādiguṇasāravirahitopi bahi viya dissati, evamidhekacco anto
 sīlādiguṇasāravirahitopi bahi subbatacchadanena samaṇavesena samaṇo viya
 dissati, so evaṃ palāpasadisattā “palāpo”ti vuccati. Ānāpānassatisutte pana
 “apalāpāyaṃ bhikkhave parisā, nippalāpāyaṃ bhikkhave parisā suddhā sāre
 patiṭṭhitā”ti¹ evaṃ puthujjanakalyāṇopi “palāpo”ti vutto. Idha pana
 Kapilasutte ca “tato palāpe vāhetha assamaṇe samaṇamānine”ti² evaṃ
 parājitako “palāpo”ti vutto. **Patirūpena caraṃ samaggadūsīti** taṃ
 subbatānaṃ chadanaṃ katvā yathā carantaṃ “āraññiko ayaṃ,
 rukkhamūliko, paṃsukūliko, piṇḍapātiko, appiccho, santuṭṭho”ti jano jānāti,
 evaṃ patirūpena yuttarūpena bāhiramaṭṭhena ācārena caranto puggalo
 attano lokuttaramaggassa, paresaṃ sugatimaggassa ca dūsanato
 “maggadūsī”ti veditabbo.

90. Evaṃ imāya gāthāya “maggadūsī”ti dussīlaṃ
 vohāramattakasamaṇaṃ niddisitivā idāni tesaṃ aññamaññaṃ
 abyāmissībhāvaṃ dipento āha “**ete ca paṭivijjhi**”ti. Tassattho—ete caturo
 samaṇe yathāvuttana lakkhaṇena **paṭivijjhi** aññāsi sacchākāsi **yo gahaṭṭho**
 khattiyo vā brāhmaṇo vā añño vā koci, imesaṃ catunnaṃ samaṇānaṃ
 lakkhaṇassavanamattena **sutavā**, tasseva lakkhaṇassa ariyānaṃ santike
 sutattā **ariyasāvako**, teyeva samaṇe “ayaṇca ayaṇca evaṃlakkhaṇo”ti
 pajānanamattena **sappañño**, yādiso ayaṃ pacchā vutto maggadūsī, itarepi
sabbe netādisāti ñatvā iti disvā evaṃ pāpaṃ karontampi etaṃ
 pāpabhikkhuṃ disvā. Tatthāyaṃ yojanā—ete ca paṭivijjhi yo gahaṭṭho
 sutavā ariyasāvako sappañño, tassa tāya paññāya sabbe “netādisā”ti ñatvā
 viharato iti disvā na hāpeti saddhā, evaṃ pāpakammaṃ karontaṃ
 pāpabhikkhuṃ disvāpi na hāpeti na hāyati na nassati saddhāti.

1. Ma 3. 123 piṭṭhe.

2. Khu 1. 322 piṭṭhe.

Evam imāya gāthāya tesam abyāmissibhāvaṃ dīpetvā idāni iti disvāpi “sabbe netādisā”ti jānantam ariyasāvakaṃ pasamsanto āha “**katham hi duṭṭhenā**”ti. Tassa sambandho—etadeva ca yuttam sutavato ariyasāvakassa, yadidaṃ ekaccaṃ pāpaṃ karontaṃ iti disvāpi sabbe “netādisā”ti jānantam. Kimkāraṇā?¹ Katham hi duṭṭhena asampaduṭṭham, suddham asuddhena samaṃ kareyyāti. Tassattho—katham hi sutavā ariyasāvako sappañño sīlavipattiyā duṭṭhena maggadūsinā aduṭṭham itaraṃ samaṇattayaṃ, suddham samaṇattayamevaṃ aparisuddhakāyasamācāratādīhi² asuddhena pacchimena vohāramattakasamaṇena samaṃ kareyya sadisanti jāneyyāti. Suttapariyosāne upāsakassa maggo vā phalaṃ vā na kathitaṃ. Kaṅkhāmattameva hi tassa pahīnanti.

Paramatthajotikāya Khuddakaṭṭhakathāya

Suttanipātaṭṭhakathāya

Cundasuttavaṇṇanā niṭṭhitā.

6. Parābhavasuttavaṇṇanā

Evam me sutanti Parābhavasuttam. Kā uppatti? Maṅgalasuttam kira sutvā devānam etadahosi “Bhagavatā Maṅgalasutte sattānam vuḍḍhiṅca sotthiṅca kathayamānena ekamsena bhavo eva kathito, no parābhavo, handa dāni yena sattā parihāyanti vinassanti, tam nesam parābhavampi pucchāmā”ti. Atha Maṅgalasuttam kathitadivasato dutiyadivase dasasahassacakkavālesu devatāyo Parābhavasuttam sotukāmā imasmim ekacakkavāle sannipatitvā ekavālaggakoṭi-okāsamatte dasapi vīsampi timsampi cattālīsampi paññāsampi saṭṭhipi sattatipi asītipi sukhumattabhāve nimminitvā sabbadevamārabrahmāno siriya ca tejena ca adhigayha virocamaṇam paññattavarabuddhāsane nisinnam Bhagavantam parivāretvā aṭṭhamsu. Tato Sakkena Devānamindena āṇatto aññataro devaputto Bhagavantam parābhavapañham pucchi, atha Bhagavā pucchāvasena imam suttamabhāsi.

1. Kim kāraṇam (Sī, Ka)

2. Itaram samaṇam taṃsadisamattameva parisuddham kāyasamācāratādīhi (Syā)

Tattha “evaṃ me sutan”ti-ādi āyasmataṃ Ānandena vuttaṃ, “parābhavantam purisan”ti-ādinā nayena ekantarikā gāthā devaputtana vuttā, “suvijāno bhavam hoti”ti-ādinā nayena ekantarikā eva avasānagāthā ca Bhagavatā vuttā, tadetaṃ sabbampi samodhānetvā “Parābhavasuttan”ti vuccati. Tattha “evaṃ me sutan”ti-ādīsu yaṃ vattabbaṃ, taṃ sabbam Maṅgalasuttavaṇṇanāyaṃ vakkhāma.

91. **Parābhavantam purisanti**-ādīsu pana **parābhavantanti** parihāyantam vinassantam. **Purisanti** yaṃkiñci sattaṃ jantum. **Mayam pucchāma Gotamā**ti sesadevehi saddhim attānam nidassetvā okāsam kārento so devaputto gottena Bhagavantam ālapati. **Bhavantam puṭṭhumāgamhāti** mayam hi bhavantam pucchissāmāti tato tato cakkavāḷā āgatāti attho. Etena ādaram dasseti. **Kimparābhavato mukhanti** evam āgatānam amhākam brūhi parābhavato purisassa kim mukham kim dvāram kā yoni kim kāraṇam, yena mayam parābhavantam purisam jāneyyāmāti attho. Etena “parābhavantam purisan”ti ettha vuttassa parābhavato purisassa parābhavakāraṇam pucchati. Parābhavakāraṇe hi ñāte tena kāraṇasāmaññena sakkā yo koci parābhavapuriso jānitunti.

92. Athassa Bhagavā suṭṭhu pākaṭikaraṇattham paṭipakkham dassetvā puggalādhiṭṭhānāya desanāya parābhavamukham dīpento āha “**suvijāno bhavan**”ti. Tassattho—yvāyam **bhavam** vaḍḍhanto aparihāyanto puriso, so **suvijāno hoti**, sukkena akasirena akicchena sakkā vijānitum. Yopāyam parābhavatīti **parābhavo**, parihāyati vinassati, yassa tumhe parābhavato purisassa mukham maṃ pucchatha, sopi **suvijāno**. Katham? Ayaṃ hi **dhammakāmo bhavam hoti** dasakusalakammaphadhammam kāmeti piheti pattheti suṇāti paṭipajjati, so taṃ paṭipattim disvā sutvā ca jānitabbato suvijāno hoti. Itaropi **dhammadessī parābhavo**, tameva dhammam dessati na kāmeti na piheti na pattheti na suṇāti na paṭipajjati, so taṃ vipaṭipattim disvā sutvā ca jānitabbato suvijāno hotīti. Evamettha Bhagavā paṭipakkham dassento atthato dhammakāmatam bhavato mukham dassetvā dhammadessitam parābhavato mukham dassetīti veditabbanam.

93. Atha sā devatā Bhagavato bhāsitaṃ abhinandamānā āha “**iti hetan**”ti. Tassattho—iti hi yathā vutto Bhagavatā, tatheva¹ etaṃ vijānāma gaṇhāma dhārema, **paṭhamo so parābhavo** so dhammadessitālakkhaṇo paṭhamo parābhavo. Yāni mayaṃ parābhavamukhāni vijānitum āgatamhā, tesu idaṃ tāva ekaṃ parābhavamukhanti vuttaṃ hoti. Tattha viggaho—parābhavanti etenāti parābhavo. Kena ca parābhavanti? Yaṃ parābhavato mukhaṃ kāraṇaṃ, tena. Byañjanamattena eva hi ettha nānākaraṇaṃ, atthato pana parābhavoti vā parābhavato mukhanti vā nānākaraṇaṃ natthi. Evamekaṃ parābhavato mukhaṃ vijānāmāti abhinanditvā tato paraṃ nātukāmatāyāha “**dutiyam Bhagavā brūhi, kiṃ parābhavato mukhan**”ti. Ito parañca **tatiyam catutthanti**-ādīsupi imināva nāyentho veditabbo.

94. Byākaraṇapakkehi ca yasmā te te sattā tehi tehi² parābhavamukhehi samannāgatā, na ekoyeva sabbehi, na ca sabbe ekeneva³, tasmā tesam tāni tāni parābhavamukhāni dassetuṃ “**asantassa piyā hontī**”ti-ādinā nāyena puggalādhiṭṭhānāya eva desanāya nānāvīdhāni parābhavamukhāni byākāsīti veditabbā.

Tatrāyaṃ saṅkhepato atthavaṇṇanā—**asanto** nāma cha sathāro, ye vā panaññepi avūpasantena kāyavacīmanokammaena samannāgatā, te asanto assa piyā hontī sunakkhattādīnaṃ acelakakorakhattiyādayo viya. **Santo** nāma Buddhapaccekabuddhasāvaka, ye vā panaññepi vūpasantena kāyavacīmanokammaena samannāgatā, te **sante na kurute piyam**, attano piya iṭṭhe kante manāpe na kuruteti attho. Veneyyavasena hettha vacanabhedo katoti veditabbo. Atha vā **sante na kuruteti** sante na sevātīti attho yathā “**rājānaṃ sevātī**”ti. Etasmiṃ hi atthe rājānaṃ piyam kuruteti⁴ saddavidū mantenti⁵. **Piyanti** piyamāno tussamāno modamānoti attho.

1. Iti yathāvuttadhammadessitameva (Ka)

2. Yehi yehi (Ka)

3. Na ekoyeva na ca dve, atha kho anekā (Ka)

4. Pakuruteti (Sī)

5. Vaṇṇenti (Syā)

asataṃ dhammo nāma dvāsaṭṭhi diṭṭhigatāni, dasākusalakammaphathā vā. Tam asataṃ dhammaṃ **roceti** piheti pattheti sevati. Evametāya gāthāya asantapiyatā santa-appiyatā asaddhammarocanañcāti tividhaṃ parābhavato mukhaṃ vuttaṃ. Etena hi samannāgato puriso parābhavati parihāyati, neva idha na hurāṃ vuḍḍhiṃ pāpuṇāti, tasmā “parābhavato mukhaṃ”ti vuccati. Vitthāraṃ panettha “asevanā ca bālānaṃ, paṇḍitānañca sevanā”ti gāthāvaṇṇanāyaṃ vakkhāma.

96. **Niddāsīlī** nāma yo gacchantopi nisīdantopi tiṭṭhantopi sayānopi niddāyatiyeva. **Sabhāsīlī** nāma saṅgaṇikārāmatāṃ bhassārāmatamanuyutto. **Anuṭṭhātī** vīriyatejavirahito uṭṭhānasīlo na hoti, aññehi codiyamaṇo gahaṭṭho vā samāno gahaṭṭhakammaṃ, pabbajito vā pabbajitakammaṃ ārabhati. **Alasoti** jāti-alaso accantābhibhūto thinena ṭhitaṭṭhāne ṭhito eva hoti, nisinnaṭṭhāne nisinno eva hoti, attano ussāhena aññaṃ iriyāpathaṃ na kappeti. Atīte araññe aggimhi uṭṭhite apalāyana-alasā cettha nidassanaṃ. Ayamettha ukkaṭṭhaparicchedo, tato lāmakaparicchedenāpi pana alaso alasotveva veditabbo. Dhajova rathassa, dhūmova aggino, kodho paññāṇamassāti **kodhapaññāṇo**. Dosacarito khippakopī arukūpamacitto puggalo evarūpo hoti. Imāya gāthāya niddāsīlatā sabhāsīlatā anuṭṭhānatā alasatā kodhapaññāṇatī pañcavidhaṃ parābhavamukhaṃ vuttaṃ. Etena hi samannāgato neva gahaṭṭho gahaṭṭhavuḍḍhiṃ, na pabbajito pabbajitavuḍḍhiṃ pāpuṇāti, aññadatthu parihāyatiyeva parābhavatiyeva, tasmā “parābhavato mukhaṃ”ti vuccati.

98. **Mātī** janikā veditabbā. **Pitī** janakoyeva. **Jiṇṇakaṃ** sarīrasithilatāya. **Gatayobbanāṃ** yobbanātikkamena āsītikaṃ vā nāvutikaṃ vā sayāṃ kammāni kātumasamatthaṃ. **Pahu santoti** samattho samāno sukhaṃ jīvamāno. **Na bharatī** na poseti. Imāya gāthāya mātāpitūnaṃ abharaṇaṃ aposanaṃ anupaṭṭhānaṃ ekaṃyeva parābhavamukhāṃ vuttaṃ. Etena hi samannāgato yaṃ taṃ—

“Tāya naṃ pāricariyāya, mātāpitūsu paṇḍitā.

Idheva naṃ pasaṃsanti, pecca sagge pamodatī”ti¹—

mātāpitubharaṇe ānisaṃsaṃ vuttaṃ, taṃ na pāpuṇāti, aññadatthu
“mātāpitaropi na bharati, kaṃ aññaṃ bharissatī”ti nindaṇca vajjanīyataṇca
duggatiṇca pāpuṇanto parābhavatiyeva, tasmā “parābhavato mukhaṃ”ti
vuccati.

100. Pāpānaṃ bāhitattā **brāhmaṇaṃ**, samitattā **samaṇaṃ**.

Brāhmaṇakulappabhavampi vā brāhmaṇaṃ, pabbajjupagataṃ samaṇaṃ, tato
aññaṃ vāpi yaṃkiñci yācanakaṃ. **Musāvādena vañcetīti** “vada bhante
paccayenā”ti pavāretvā yācito vā paṭijānitvā pacchā appadānena tassa taṃ
āsaṃ visaṃ vādeti. Imāya gāthāya brāhmaṇādīnaṃ musāvādena vañcanaṃ
ekaṃyeva parābhavamukhaṃ vuttaṃ. Etena hi samannāgato idha nindaṃ,
samparāye duggatiṃ sugatiyampi adhippāyavipattiṇca pāpuṇāti.

Vuttañhetam—

“Dussīlassa sīlavipannassa pāpako kittisaddo abbhuggacchatī”ti².

Tathā—

“Catūhi bhikkhave dhammehi samannāgato yathābhataṃ nikkhito
evaṃ niraye, katamehi catūhi, musāvādī hotī”ti-ādi³.

Tathā—

“Idha Sāriputta ekacco samaṇaṃ vā brāhmaṇaṃ vā upasaṅkamtivā
pavāreti ‘vada bhante paccayenā’ti, so yena pavāreti, taṃ na deti. So ce
tato cuto itthattaṃ āgacchati, so yaṃ yadeva vaṇijjaṃ payojeti, sāssa
hoti chedagāminī. Idha pana Sāriputta -pa-. So yena pavāreti, na taṃ
yathādhippāyaṃ deti. So ce tato cuto itthattaṃ āgacchati, so yaṃ
yadeva vaṇijjaṃ payojeti, sāssa na hoti yathādhippāyā”ti⁴.

1. Khu 1. 269; Am 1. 382 piṭṭhesu.

2. Dī 2. 72; Am 2. 221; Vi 3. 322 piṭṭhesu.

3. Am 1. 395 piṭṭhe.

4. Am 1. 393 piṭṭhe.

Evamimāni nindādīni pāpuṇanto parābhavatiyeva, tasmā “parābhavato mukhan”ti vuttaṃ.

102. **Pahūtavittoti** pahūtajātarūparajatamaṇiratano. **Sahiraññoti** sakahāpaṇo. **Sabhojanoti** anekasūpabyañjanabhojanasampanno. **Eko bhuñjati sādūnī**ti sādūni bhojanāni attano puttānampi adatvā paṭicchannokāse bhuñjatīti eko bhuñati sādūni. Imāya gāthāya bhojanagiddhatāya bhojanamacchariyaṃ ekamyeva parābhavamukhaṃ vuttaṃ. Etena hi samannāgato nindaṃ vajjanīyaṃ duggatinti evamādīni pāpuṇanto parābhavatiyeva, tasmā “parābhavato mukhan”ti vuttaṃ. Vuttanayeneva sabbaṃ suttānusārena yojetabbaṃ, ativithārabhayena pana idāni yojanānayaṃ adassetvā atthamattameva bhaṇāma.

104. **Jātitthaddho** nāma yo “ahaṃ jātisampanno”ti mānaṃ janetvā tena thaddho vātapūritabhastā viya uddhumāto hutvā na kassaci onamati. Esa nayo dhanagottatthaddhesu. **Saññātim atimaññetī**ti attano ñātipi jātiyā atimaññati Sakyā viya Viṭaṭūbhaṃ. Dhanenāpi ca “kapaṇo ayaṃ daliddo”ti atimaññati, sāmīcimattampi na karoti, tassa te ñātayo parābhavameva icchanti. Imāya gāthāya vatthuto catubbidhaṃ lakkhaṇato ekamyeva parābhavamukhaṃ vuttaṃ.

106. **Itthidhutto**ti itthīsu sāratto, yaṃkiñci atthi, taṃ sabbampi datvā aparāparaṃ itthiṃ saṅgaṇhāti. Tathā sabbampi attano santakaṃ nikkhipitvā surāpānapayutto **surādhutto**. Nivatthasāṭakampi nikkhipitvā jūtakīḷanamanuyutto **akkhadhutto**. Etehi tīhi ṭhānehi yaṃkiñcipi laddhaṃ hoti, tassa vināsanato¹ laddhaṃ laddhaṃ vināsetīti veditabbo. Evamvidho parābhavatiyeva, tenassettaṃ imāya gāthāya tividhaṃ parābhavamukhaṃ vuttaṃ.

108. **Sehi dārehī**ti attano dārehi. Yo attano dārehi asantuṭṭho hutvā **vesiyāsu padussati**, tathā **paradāresu**,

1. Vināsanattā (Ka)

so yasmā vesīnaṃ dhanappadānena paradārasevanena ca rājadaṇḍādīhi parābhavatiyeva, tenassetam imāya gāthāya duvidham parābhavamukham vuttam.

110. **Atītayobbanoti** yobbanamaticca āsītiko vā nāvutiko vā hutvā **āneti** pariggaṇhāti. **Timbarutthaninti** timbaruphalasadisatthaniṃ taruṇadārikaṃ. **Tassā issā na supatīti** “daharāya mahallakena saddhiṃ rati ca samvāso ca amanāpo, mā heva kho taruṇaṃ pattheyyā”ti issāya taṃ rakkhanto na supati. So yasmā kāmarāgena ca issāya ca ḍayhanto bahiddhā kammante ca appayovento parābhavatiyeva, tenassetam imāya gāthāya imaṃ issāya asupanaṃ ekamiyeva parābhavamukham vuttam.

112. **Soṇḍinti** macchamaṃsādīsu lolaṃ gedhajātikaṃ. **Vikiraṇinti** tesam atthāya dhanam paṃsukaṃ viya vikiritvā nāsanasīlaṃ. **Purisaṃ vāpi tādīsanti** puriso vāpi yo evarūpo hoti, taṃ yo issariyasmiṃ **ṭhapeti**¹, lañchanamuddikādīni datvā gharāvāse kammante vā vaṇijjādivohāresu vā tadeva vāvaṭaṃ kāreti², so yasmā tassa dosena dhanakkhayaṃ pāpuṇanto parābhavatiyeva, tenassetam imāya gāthāya tathāvidhassa issariyasmiṃ ṭhapanam³ ekamiyeva parābhavamukham vuttam.

114. **Appabhogo** nāma sannicitānañca bhogaṇaṃ āyamukhassa ca abhāvato. **Mahātaṇhoti** mahatiyā bhogataṇhāya samannāgato, yaṃ laddham, tena asantuṭṭho. **Khattiye jāyate kuleti** khattiyānaṃ kule jāyati. **So ca rajjaṃ patthayatīti** so etāya mahātaṇhatāya anupāyena uppaṭipāṭiyā attano dāyajjabhūtaṃ alabbhaneyyaṃ vā parasantakaṃ rajjaṃ pattheti, so evaṃ patthento yasmā tampi appakaṃ bhogaṃ yodhājīvādīnaṃ datvā rajjaṃ apāpuṇanto parābhavatiyeva, tenassetam imāya gāthāya rajjapatthanaṃ ekamiyeva parābhavamukham vuttam.

1. Ṭhāpeti (Sī, Syā)

2. Sabyāpāraṃ karoti (Sī), byāpāraṃ kāreti (Syā)

3. Ṭhāpanam (Sī, Syā)

115. Ito param yadi sā devatā “terasamaṃ Bhagavā brūhi -pa-satasahassimaṃ Bhagavā brūhī”ti puccheyya, tampi Bhagavā katheyya. Yasmā pana sā devatā “kiṃ imehi pucchitehi, ekamettha vuḍḍhikaraṃ natthī”ti tāni parābhavamukhāni asuyyamānā¹ ettakampi pucchitvā vipphaṇṇāsi hutvā tuṅhī ahoṣi, tasmā Bhagavā tassāsayaṃ viditvā desanaṃ niṭṭhāpentō imaṃ gāthāṃ abhāsi “**ete parābhave loke**”ti.

Tattha paṇḍitoti parivīmaṃsāya samannāgato. **Samavekkhiyāti** paññācakkhunā upparikkhitvā. **Ariyoti** na maggena na phalena, apica kho pana etasmiṃ parābhavasāṅkhāte anayena iriyatīti ariyo. Yena dassanena yāya paññāya parābhave disvā vivajjeti, tena sampannattā **dassanasampanno**. **Sa lokam bhajatesivanti** so evarūpo sivaṃ khemamuttamamanupaddavaṃ devalokaṃ bhajati allīyati, upagacchatīti vuttam hoti. Desanāpariyosāne parābhavamukhāni sutvā uppannaṃvegānurūpaṃ yoniso padahitvā sotāpattisakadāgāmi-anāgāmi-phalāni pattā devatā gaṇanaṃ vītivattā. Yathāha—

“Mahāsamayasutte ca, atho Maṅgalasuttake.
Samacitte Rāhulovāde, dhammacakke Parābhave.
Devatāsamiṭṭi tattha, appameyyā asaṅkhiyā².
Dhammābhisamayo cettha, gaṇanāto asaṅkhiyo”ti.

Paramatthajotikāya Khuddakaṭṭhakathāya

Suttanipātaṭṭhakathāya

Parābhavasuttavaṇṇanā niṭṭhitā.

7. Aggikabhāradvājasuttavaṇṇanā

Evam me sutanti Aggikabhāradvājasuttam, “Vasalasuttan”tipi vuccati. Kā uppatti? Bhagavā Sāvattihyaṃ viharati Jetavane Anāthapiṇḍikassa ārāme, Kasibhāradvājasutte vuttanayena pacchābhattakiccāvasāne Buddhacakkhunā

1. Asukhāyamānā (Sī)

2. Anappikā (Sī), anappakā (Syā)

lokaṃ volokento Aggikabhāradvājaṃ brāhmaṇaṃ saraṇasikkhāpadānaṃ upanissayasampannaṃ disvā “tattha mayi gate kathā pavattissati, tato kathāvasāne dhammadesanaṃ sutvā esa brāhmaṇo saraṇaṃ gantvā sikkhāpadāni samādiyissati”ti ñatvā tattha gantvā pavattāya kathāya brāhmaṇena dhammadesanaṃ yācito imaṃ suttaṃ abhāsi. Tattha “evaṃ me sutan”ti-ādiṃ Maṅgalasuttavaṇṇanāyaṃ vaṇṇayissāma, “atha kho Bhagavā pubbaṇhasamayan”ti-ādi Kasibhāradvājasutte vuttanayeneva veditabbaṃ.

Tena kho pana samayena Aggikabhāradvājassāti yaṃ yaṃ avuttapubbaṃ, taṃ tadeva vaṇṇayissāma. Seyyathidaṃ? So hi brāhmaṇo aggim̐ juhati paricaratīti katvā Aggikoti nāmena pākaṭo ahoṣi, Bhāradvājoti gottena. Tasmā vuttaṃ “Aggikabhāradvājassā”ti. **Nivesaneti** ghare. Tassa kira brāhmaṇassa nivesanadvāre antaravīthiyaṃ aggihutasālā ahoṣi, tato “nivesanadvāre”ti vattabbe tassapi padesassa nivesaneyeva pariyaṇattā “nivesane”ti vuttaṃ. Samīpatthe vā bhummavacanaṃ, nivesanasamīpeti attho. **Aggi pajjalito hotīti** aggyādhāne¹ ṭhito aggi katabbhuddharaṇo samidhāpakkepaṃ bījanavātañca labhitvā jalito uddham̐ samuggataccisamākulo hoti. **Āhuti paggahitāti** sasīsaṃ nhāyitvā mahatā sakkārena pāyāsasappimadhuphānitādīni abhisankhatāni² hotīti attho. Yaṃ hi kiñci aggimhi juhitaṃ, taṃ sabbaṃ “āhuti”ti vuccati. **Sapadānanti** anugharaṃ. Bhagavā hi sabbajanānuggahatthāya āhārasantuṭṭhiyā ca uccanīcakulaṃ avokkamma piṇḍāya carati. Tena vuttaṃ “sapadānaṃ piṇḍāya caramāno”ti.

Atha kimatthaṃ sabbākārasampannaṃ samantapāsādikaṃ Bhagavantaṃ disvā brāhmaṇassa cittaṃ nappasīdati, kasmā ca evaṃ pharusena vacanena Bhagavantaṃ samudācaratīti? Vuccate—ayaṃ kira brāhmaṇo “maṅgalakiccesu samaṇadassanaṃ avamaṅgalan”ti evaṃdiṭṭhiko, tato “mahābrahmuno bhūñjanavelāya kālakaṇṇī muṇḍakasamaṇako mama nivesanaṃ upasaṅkamatī”ti mantvā cittaṃ nappasādesi, aññadatthu dosavasāmyeva agamāsi. Atha kuddho³ anattamano anattamanavācam̐ nicchāresi “**tatreva muṇḍakā**”ti-ādi.

1. Aggyāpane (Syā), aggisālāṭṭhāne (Ka)

2. Abhihatāni (Sī)

3. Ruṭṭho (Sī, Syā)

Tatrāpi ca yasmā “muṇḍo asuddho hotī”ti brāhmaṇānaṃ diṭṭhi, tasmā “ayaṃ asuddho, tena devabrāhmaṇapūjako na hotī”ti jigucchanto “muṇḍakā”ti āha. Muṇḍakattā vā ucchiṭṭho esa, na imaṃ padesaṃ arahati āgacchitunti. Samaṇo hutvāpi idisaṃ kāyakilesaṃ na vaṇṇetīti ca samaṇabhāvaṃ jigucchanto “**samaṇakā**”ti āha. Na kevalaṃ dosavaseneva¹, vasale vā pabbājetvā tehi saddhiṃ ekato sambhogaparibhogakaraṇena patīto ayaṃ vasalatopi pāpataroti jigucchanto “**vasalakā**”ti, āha, “vasalajātikānaṃ vā āhutidassanamattasavanena pāpaṃ hotī”ti maññamānopi evamāha.

Bhagavā tathā vuttopi vippasannenava mukhavaṇṇena madhurena sarena brāhmaṇassa upari anukampāsītalena cittena attano sabbasattehi asādhāraṇatādibhāvaṃ pakāsentō āha “**jānāsi pana tvaṃ brāhmaṇā**”ti. Atha brāhmaṇo Bhagavato mukhappasādasūcitarṃ tādibhāvaṃ ñatvā anukampāsītalena cittena nicchāritaṃ madhurassaraṃ sutvā amateneva abhisittahadayo attamano vippasannindriyo nihataṃ hūto hutvā taṃ jātisabhāvaṃ visa-uggirasadisam² samudācāravacanaṃ pahāya “nuna yamaṃ hīnajaccaṃ vasalanti paccemi, na so paramatthato vasalo, na ca hīnajaccatā eva vasalakaraṇo dhammo”ti maññamāno “**na khvāhaṃ bho Gotamā**”ti āha. Dhammatā hesā, yaṃ hetusampanno paccayālābhena pharusopi samāno laddhamatte paccaye muduko hotīti.

Tattha **sādhū**ti ayaṃ saddo āyācanasampañcchanasampahaṃsanasundaradaḷhī-kammādīsu dissati. “Sādhū me bhante Bhagavā saṃkhittena dhammaṃ desetū”ti-ādīsu³ hi āyācane. “Sādhū bhanteti kho so bhikkhu Bhagavato bhāsitaṃ abhinanditvā anumoditvā”ti-ādīsu⁴ sampañcchane. “Sādhū sādhū Sāriputtā”ti-ādīsu⁵ sampahaṃsane.

“Sādhū dhammarucī rājā, sādhū paññāṇavā naro.

Sādhū mittānamaddubbho, pāpassākaraṇaṃ sukhaṃ”ti—

1. Rosavaseneva (Sī, Syā)

2. Visuggārasadisam (Sī), visa-oragasadisam (Syā)

3. Saṃ 2. 294; Aṃ 2. 507 piṭṭhesu.

4. Ma 3. 66 piṭṭhe.

5. Dī 3. 226 piṭṭhe.

ādīsu¹ sundare. “Taṃ suṇātha sādhukaṃ manasi kajrothā”ti-ādīsu² dalhīkamme. Idha pana āyācane.

Tena hīti tassādhippāyanidassanaṃ, sace ñātukāmosīti vuttaṃ hoti. Kāraṇavacanaṃ vā, tassa yasmā ñātukāmosi, tasmā brāhmaṇa suṇāhi, sādhukaṃ manasi karohi, tathā te bhāsissāmi, yathā tvaṃ jānissasīti evaṃ parapadehi saddhiṃ sambandho veditabbo. Tatra ca **suṇāhīti** sotindriyavikkhepavāraṇaṃ, **sādhukaṃ manasi karohīti** manasikāre dalhīkammaniyojanena manindriyavikkhepavāraṇaṃ. Purimaṃ cettha byañjanavipallāsaggāhavāraṇaṃ, pacchimaṃ atthavipallāsaggāhavāraṇaṃ. Purimena ca dhammassavane niyojeti, pacchimena sutānaṃ dhammānaṃ dhāraṇatthūpaparikkhādīsu. Purimena ca “sabyañjano ayaṃ dhammo, tasmā savanīyo”ti dīpeti, pacchimena “sāttho, tasmā manasi kātabbo”ti. SādhuKapadaṃ vā ubhayapadehi yojetvā “yasmā ayaṃ dhammo dhammagambhīro ca desanāgambhīro ca, tasmā suṇāhi sādhuKaṃ. Yasmā atthagambhīro paṭivedhagambhīro ca, tasmā sādhuKaṃ manasi karothī”ti etamatthaṃ dīpento āha “suṇāhi sādhuKaṃ manasi karohī”ti.

Tato “evaṃ gambhīre kathamaḥaṃ patiṭṭhaṃ labhissāmi”ti visīdantamiva taṃ brāhmaṇaṃ samussāhento āha “**bhāsissāmi**”ti. Tattha “yathā tvaṃ ña ssasi, tathā parimaṇḍalehi padabyañjanehi uttānena nayena bhāsissāmi”ti evamadhippāyo veditabbo. Tato ussāhajāto hutvā “**evaṃ bho**”ti **kho Aggikabhāradvājo brāhmaṇo Bhagavato paccassosi**, sampaṭicchī paṭiggahesīti vuttaṃ hoti, yathānusiṭṭhaṃ vā paṭipajjanena abhimukho assosīti. Athassa “**Bhagavā etadavocā**”ti idāni vattabbaṃ sandhāya vuttaṃ “kodhano upanāhi”ti evamādikaṃ.

116. Tattha **kodhanoti** kujjhanasīlo. **Upanāhīti** tasseva kodhassa dalhīkammena upanāhena samannāgato. Paresaṃ guṇe makkheti puñchatīti makkhī, pāpo ca so makkhī cāti **pāpamakkhī**. **Vipannadiṭṭhīti** vinaṭṭhasammādiṭṭhī, vipannāya vā virūpaṃ gatāya dasavatthukāya micchādiṭṭhiyā samannāgato. **Māyāvīti** attani vijjamānadosapaṭicchādānalakkhaṇāya

1. Khu 6. 45 piṭṭhe Jātake.

2. Ma 1. 1 piṭṭhe.

māyāya samannāgato. **Taṃ jaññā vasalo itīti** taṃ evarūpaṃ puggalaṃ etesaṃ hīnadhammānaṃ vassanato siñcanato anvāssavanato “vasalo”ti jāneyyāti¹, etehi sabbehi brāhmaṇamatthake jāto². Ayañhi paramatthato vasalo eva, attano hadayatuttḥimattaṃ, na paranti. Evamettha Bhagavā ādīpadeneva tassa brāhmaṇassa kodhaniggahaṃ katvā “kodhādīdhammo hīnapuggalo”ti³ puggalādhiṭṭhānāya ca desanāya kodhādīdhamme desento ekena tāva pariyāyena vasalañca vasalakaraṇe ca dhamme desesi, evaṃ desento ca “tvaṃ ahan”ti paravambhanaṃ attukkaṃsanañca akatvā dhammeneva samena ñāyena taṃ brāhmaṇaṃ vasalabhāve, attānañca brāhmaṇabhāve ṭhapesi.

117. Idāni yāyaṃ brāhmaṇānaṃ diṭṭhi “kadāci pāṇātipāta-adinnādānādīni karontopi brāhmaṇo evā”ti, taṃ diṭṭhiṃ paṭisedhento, ye ca sattavihiṃsādīsu⁴ akusaladhammesu tehi tehi samannāgatā ādīnavāṃ apassantā te dhamme uppādentī⁵, tesaṃ “hīnā ete dhammā vasalakaraṇā”ti tattha ādīnavañca dassento aparehipi pariyāyehi vasalañca vasalakaraṇe ca dhamme desetum “ekajaṃ vā dvijaṃ vā”ti evamādigāthāyo abhāsi.

Tattha **ekajoti** ṭhāpetvā aṇḍajaṃ avasesayonijo. So hi ekadā eva jāyati. **Dvijoti** aṇḍajo. So hi mātukucchito aṇḍakosato cāti dvikkhattum jāyati. Taṃ ekajaṃ vā dvijaṃ vāpi. **Yodha pāṇanti** yo idha sattaṃ. **Vihimsatīti** kāyadvārikacetanāsamuṭṭhitena vā vacīdvārikacetanāsamuṭṭhitena vā payogena jīvitā voropeti. “Pāṇāni himsatī”tipi pāṭho, tattha ekajaṃ vā dvijaṃ vāti evaṃpabhedāni yodha pāṇāni himsatīti evaṃ sambandho vedītabbo. **Yassa pāṇe dayā natthīti** etena manasā anukampāya abhāvaṃmāha. Sesamettha vuttanayemeva ito parāsu ca gāthāsu, yato ettakampi avatvā ito paraṃ uttānatthāni padāni pariharantā avaṇṇītapadavaṇṇanāmattameva karissāma.

1. Jānāhi (Sī, Syā)

2. Sace hi brahmuno matthake jāto (Sī), sabbe hi brāhmaṇamatthake jātā (Syā)

3. Kodhādīdhamme hīnapuggale (Sī)

4. Ye vā sattā himsādīsu (Sī, Syā)

5. Nappajahanti (Sī), uppādiyanti (Syā), uppādessanti (Ka)

118. **Hantīti** hanati vināseti. **Parirundhatīti**¹ senāya parivāretvā tiṭṭhati. **Gāmāni nigamāni cāti** ettha casaddena nagarānītipi vattabbaṃ. **Niggāhako samaññātoti** iminā hananaparirundhanena gāmanigamanagaraghātakoti loke vidito.

119. **Gāme vā yadi vāraññeti** gāmopi nigamopi nagarampi sabbova idha gāmo saddhim upacārena, taṃ ṭhapetvā sesaṃ araññaṃ. Tasmim gāme vā yadi vāraññe **yaṃ paresaṃ mamāyitaṃ**, yaṃ parasattānaṃ pariggahitamapariccataṃ satto vā saṅkhāro vā. **Theyyā adinnamādetīti**² tehi adinnaṃ ananuññataṃ theyyacittena ādiyati, yena kenaci payogena yena kenaci avahārena attano gahaṇaṃ sādheti.

120. **Ṇamādāyāti** attano santakaṃ kiñci nikkhipitvā nikkhepaggahaṇena vā, kiñci anikkhipitvā “ettakena kālena ettakaṃ vaḍḍhim dassāmi”ti vaḍḍhiggahaṇena vā, “yaṃ ito udayaṃ bhavissati, taṃ mayhaṃ mūlaṃ taveva bhavissati”ti vā “udayaṃ ubhinnaṃpi sādharmaṇaṃ”ti vā evaṃ taṃtaṃāyogaggahaṇena³ vā ṇaṃ gahetvā. **Cujjamāno**⁴ **palāyati na hi te ṇamatthīti** tena ṇāyikena “dehi me ṇaṃ”ti codiyamāno “na hi te ṇamatthi, mayā gahitanti ko sakkhi”ti evaṃ bhaṇaṇena ghare vasantopi palāyati.

121. **Kiñcikkhakamyatāti** appamattakepi kismiñcideva icchāya. **Panthasmim vajantaṃ**⁵ **jananti** magge gacchantaṃ yaṃkiñci itthim vā purisaṃ vā. **Hantvā kiñcikkhamādetīti** māretvā koṭṭetvā taṃ bhaṇḍakaṃ gaṇhāti.

122. **Attahetūti** attano jīvitakāraṇā, tathā **parahetu**. **Dhanahetūti** sakadhanassa vā paradhanassa vā kāraṇā. Cakāro sabbattha vikappanattho. **Sakkhipuṭṭhoti** yaṃ jānāsi, taṃ vadehīti pucchito. **Musā brūtīti** jānanto vā “na jānāmi”ti ajānanto vā “jānāmi”ti bhaṇāti, sāmike asāmike, asāmike ca sāmike karoti.

1. Uparundhetīti (Syā), uparundhatīti (Ka)

3. Āyogaggahaṇena (Sī, Syā)

5. Vajantaṃ (Sī, Syā)

2. Adinnaṃ ādiyatīti (Sī, Syā)

4. Bhuñjamāno (Syā, Ka)

123. **Ñātīnanti** sambandhīnaṃ. **Sakhīnanti** vayassānaṃ. **Dāresūti** parapariggahitesu. **Paṭidissatīti** paṭikūlena dissati, aticaranto dissatīti attho. **Sāhasāti** balakkārena anicchaṃ. **Sampiyeṇāti** tehi tesam dārehi patthiyamāno sayañca patthayamāno, ubhayasinehavasenāpīti vuttaṃ hoti.

124. **Mātaraṃ pitaraṃ vāti** evaṃ mettāya padaṭṭhānabhūtampi, **jiṇṇakaṃ gatayobbananti** evaṃ karuṇāya padaṭṭhānabhūtampi. **Pahu santo na bharatīti** atthasampanno upakaraṇasampanno hutvāpi na poseti.

125. **Sasunti** sassuṃ. **Hantīti** paṇīnā vā leḍḍunā vā aññena vā kenaci paharati. **Rosetīti** kodhamassa sañjaneti **vācāya** pharusavacanena.

126. **Atthanti** sandiṭṭhikasamparāyikaparamatthesu yaṃkiñci. **Pucchito snatoti** puṭṭho samāno. **Anatthamanusāsati** tassa ahitameva ācikkhati. **Paṭicchannena mantetīti** atthaṃ ācikkhantopi yathā so na jānāti, tathā apākaṭehi padabyañjanehi paṭicchannena vacanena manteti, ācariyamuṭṭhim vā katvā dīgharattaṃ vasāpetvā sāvasesameva manteti.

127. **Yo katvāti** ettha mayā pubbabhāge¹ pāpicchatā vuttā, yā sā “idhekacco kāyena duccaritaṃ caritvā vācāya duccaritaṃ caritvā manasā duccaritaṃ caritvā tassa paṭicchādanahetu pāpikaṃ icchaṃ paṇidahati, mā maṃ jaññāti icchatī”ti evaṃ āgatā. Yathā aññe na jānanti, tathā karaṇena katānañca avivaraṇena paṭicchannā assa kammantāti **paṭicchannakammanto**.

128. **Parakulanti** nātikulaṃ vā mittakulaṃ vā. **Āgantanti** yassa tena kule bhuttaṃ, taṃ attano gehamāgataṃ pānabhojanādīhi **nappaṭipūjeti**, na vā deti, avabhuttaṃ vā detīti adhippāyo.

129. **Yo brāhmaṇaṃ vāti** Parābhavasutte vuttanayameva.

1. Aṭṭhakathāya mayā pubbabhāgā (Sī), Aṭṭhakathāya māyā pubbabhāge (Syā)

130. **Bhatakāle upaṭṭhiteti** bhojanakāle jāte. Upaṭṭhitanti paṭho, bhatakāle āgatanti attho. **Roseti vācā na ca detīti** “atthakāmo me ayaṃ balakkārena maṃ puññaṃ kārāpetuṃ āgato”ti acintetvā appatirūpena pharusavacanena roseti, antamaso sammukhabhāvamattampi cassa na deti, pageva bhojananti adhippāyo.

131. **Asataṃ yodha pabrūtīti** yo idha yathā nimittāni dissanti “asukadivase idañcidañca te bhavissatī”ti, evaṃ asajjanānaṃ vacanaṃ pabrūti. “Asantan”tipi paṭho, abhūtanti attho. **Pabrūtīti** bhaṇati “amukasmim nāma gāme mayhaṃ īdiso gharavibhavo, ehi tattha gacchāma, gharaṇī me bhavissasi, idañcidañca te dassāmī”ti parabhariyaṃ paradāsīm vā vañcento dhutto viya. **Nijigīsānoti** nijigīsamāno maggamāno, taṃ vañcetvā yaṃkiñci gahetvā palāyitukāmoti adhippāyo.

132. **Yo cattānanti** yo ca attānaṃ. **Samukkamseti** jāti-ādīhi samukkamsati uccaṭṭhāne ṭhapeti. **Pare ca mavajānātīti** tehiyeva pare avajānāti, nīcaṃ karoti. Makāro padasandhikaro. **Nihīnoti** guṇavuḍḍhito parihiṇo, adhamabhāvaṃ vā gato. **Sena mānenāti** tena ukkamsanāvajānanasaṅkhārena¹ attano mānena.

133. **Rosakoti** kāyavācāhi paresaṃ rosajanako. **Kadariyoti** thaddhamaccharī, yo pare paresaṃ dente aññaṃ vā puññaṃ karonte vāreti, tassetāṃ adhivacanaṃ. **Pāpicchoti** asantaguṇasambhāvanicchāya samannāgato. **Maccharīti** āvāsādimacchariyayutto. **Saṭhoti** asantaguṇappakāsanalakkhaṇena sātheyyena samannāgato, asammābhāsī vā² akātukāmopi “karomī”ti-ādivacanena. Nāssa pāpajigucchanalakkhaṇā hirī, nāssa uttāsanato ubbegalakkhaṇaṃ ottappanti **ahiriko anottappī**.

134. **Buddhanti** Sammāsambuddhaṃ. **Paribhāsati** “asabbaññū”ti-ādīhi apavadati, **sāvakañca** “duppaṭipanno”ti-ādīhi. **Paribbājaṃ gahaṭṭhaṃ vāti**

1. Ukkamsanavambhanasaṅkhātena (Syā, Ka)

2. Samma mā bhāyīti vā (Ka)

sāvakaḥṣesaṇamevetam, pabbajitam vā tassa sāvakaṃ, gahaṭṭham vā paccayadāyakanti attho. Bāhirakaṃ vā paribbājakam, yaṃkiñci gahaṭṭham vā abhūtena dosena paribhāsatīti evampettha attham icchanti porāṇā.

135. **Anarahaṃ santoti** akhīṇāsavo samāno. **Arahaṃ paṭijānātīti** “aham arahā”ti paṭijānāti, yathā nam “arahā ayan”ti jānanti, tathā vācam nicchāreti, kāyena parakkamati, cittena icchati adhivāseti. **Coroti** theno. **Sabrahmake loke**ti ukkaṭṭhavasena āha, sabbalokeṭi vuttam hoti. Loke hi sandhicchedananillopaharaṇa-ekāgārikakaraṇaparipanthatiṭṭhanādīhi paresam dhanam vilumpantā corāti vuccanti, sāsane pana parisasampatti-ādīhi paccayādīni vilumpantā. Yathāha—

“Pañcime bhikkhave mahācorā santo saṃvijjamānā lokasmiṃ, katame pañca, idha bhikkhave ekaccassa mahācorassa evam hoti ‘kudāssu nāmāham satena vā sahasena vā parivuto gāmanigamarājadhānīsu āhiṇḍissāmi hananto ghātento chindanto chedāpento pacanto pācento’ti, so aparena samayena satena vā sahasena vā parivuto gāmanigamarājadhānīsu āhiṇḍati hananto -pa-pācento, evameva kho bhikkhave idhekaccassa pāpabhikkhuno evam hoti ‘kudāssu nāmāham satena vā -pa- rājadhānīsu cārikaṃ carissāmi sakkato garukato mānito pūjito apacito gahaṭṭhānañceva pabbajitānañca, lābhī cīvara -pa- parikkhārānan’ti, so aparena samayena satena vā sahasena vā parivuto gāmanigamarājadhānīsu cārikaṃ carati sakkato -pa- parikkhārānam. Ayam bhikkhave paṭhamo mahācoro santo saṃvijjamāno lokasmiṃ.

Puna caparam bhikkhave idhekacco pāpabhikkhu Tathāgatappaveditam dhammavinayam pariyāpuṇitvā attano dahati, ayam bhikkhave dutiyo -pa- lokasmiṃ.

Puna caparam bhikkhave idhekacco pāpabhikkhu suddham brahmacāriṃ parisuddham brahmacariyam carantaṃ amūlakena abrahmacariyena anuddhamseti, ayaṃ bhikkhave tatiyo -pa- lokasmiṃ.

Puna caparam bhikkhave idhekacco pāpabhikkhu yāni tāni saṃghassa garubhaṇḍāni garuparikkhārāni, seyyathidaṃ, āramo āramavatthu vihāro vihāravatthu mañco pīṭham bhisi bimbohanaṃ lohakumbhī lohabhāṇakaṃ lohavārako lohakaṭāham vāsi pharasu kuṭhārī kudālo nikhādanaṃ valli veḷu muñjaṃ pabbajaṃ tiṇaṃ mattikā dārubhaṇḍaṃ mattikābhaṇḍaṃ, tehi gihiṃ saṅgaṇhāti upalāpeti, ayaṃ bhikkhave catuttho -pa- lokasmiṃ.

Sadevake bhikkhave loke -pa- sadevamanussāya ayaṃ aggo mahācoro, yo asantaṃ abhūtaṃ uttarimanussadhammaṃ ullapatī”ti¹.

Tattha lokiyacorā lokiyameva dhanadhaññādiṃ thenenti, sāsane vuttacoresu paṭhamo tathārūpameva cīvarādipaccayamattaṃ, dutiyo pariyaṭṭidhammaṃ, tatiyo parassa brahmacariyam, catuttho saṃghikagarubhaṇḍaṃ, pañcama jhānasamādhisamāpattimaggaḥalappabhedam lokiyalokuttaraguṇadhanaṃ lokiyañca cīvarādipaccayajātaṃ. Yathāha “theyyāya vo bhikkhave raṭṭhapiṇḍo bhutto”ti. Tattha yvāyaṃ pañcama mahācoro, taṃ sandhāyāha Bhagavā “coro sabrahmake loke”ti. So hi “sadevake bhikkhave loke -pa- sadevamanussāya ayaṃ aggo mahācoro, yo asantaṃ abhūtaṃ uttarimanussadhammaṃ ullapatī”ti² evaṃ lokiyalokuttaradhanathenanato aggo mahācoroti vutto, tasmā taṃ idhāpi “sabhrahmake loke”ti iminā ukkaṭṭhaparicchena pakāsesi.

Eso kho vasalādhamoti ettha **khoti** avadhāraṇattho, tena eso eva vasalādhamo, vasalānaṃ hīno sabbapacchimakoti avadhāreti. Kasmā? Viṣiṭṭhavatthumhi theyyadhammavassanato, yāva taṃ paṭiññaṃ na vissajjeti, tāva avigatavasalakaraṇadhammato cāti.

1. Vi 1. 114 piṭṭhe.

2. Vi 1. 115 piṭṭhe.

Ete kho vasalāti idāni ye te paṭhamagāthāya āsayavipattivasena kodhanādayo pañca, pāpamakkhiṃ vā dvidhā katvā cha, dutiyagāthāya payogavipattivasena pāṇahimsako eko, tatiyāya payogavipattivaseneva gāmanigamaniggāhako eko, catutthāya theyyāvahāravasena eko, pañcamāya iṇavañcanavasena eko, chaṭṭhāya pasayhāvahāravasena panthadūsako eko, sattamāya kūṭasakkhivasena eko, aṭṭhamāya mittadubbhivasena eko, navamāya akataññivasena eko, dasamāya katanāsanavihesanavasena eko, ekādasamāya hadayavañcanavasena eko, dvādasamāya paṭicchannakammantavasena dve, terasamāya akataññivasena eko, cuddasamāya vañcanavasena eko, pannarasamāya vihesanavasena eko, soḷasamāya vañcanavasena eko, sattarasamāya attukkaṃsanaparavambhanavasena dve, aṭṭhārasamāya payogāsayavipattivasena rosakādayo satta, ekūnavīsatiṃmāya paribhāsanavasena dve, vīsatiṃmāya aggamahācoravasena ekoti evaṃ tettiṃsa catuttiṃsa vā vasalā vuttā, te niddisanto āha “**ete kho vasalā vuttā, mayā ye te¹ pakāsītā**ti. Tassattho—ye te mayā pubbe “jānāsi pana tvam brāhmaṇa vasalan”ti evaṃ saṅkhepato vasalā vuttā, te vitthārato ete kho pakāsītāti. Atha vā ye te mayā puggalavasena vuttā, te dhammavasenāpi ete kho pakāsītā. Atha vā ete kho vasalā vuttā ariyehi kammavasena, na jātivāsena, mayā ye te pakāsītā “kodhano upanāhi”ti-ādinā nayena.

136. Evaṃ Bhagavā vasalaṃ dassetvā idāni yasmā brāhmaṇo sakāya diṭṭhiyā² atīva abhiniviṭṭho hoti, tasmā taṃ diṭṭhiṃ paṭisedhento āha “**na jaccā vasalo hotī**”ti. Tassattho—paramatthato hi na jaccā vasalo hoti, na jaccā hoti brāhmaṇo, apica kho kammunā vasalo hoti, kammunā hoti brāhmaṇo, aparisuddhakammavassanato vasalo hoti, parisuddhena kammunā aparisuddhavāhanato brāhmaṇo hoti. Yasmā vā tumhe hīnaṃ vasalaṃ

1. Ye vo (Sī)

2. Sakkāyadiṭṭhiyā (Syā, Ka)

ukkaṭṭham brāhmaṇam maññittha, tasmā hīnena kammunā vasalo hoti, ukkaṭṭhena kammunā brāhmaṇo hotīti evampi attham ñāpento evamāha.

137-139. Idāni tamevattham nidassanena sādhetum “**tadamināpi jānātha**”ti-ādikā tisso gāthāyo āha. Tāsu dve catuppādā, ekā chappādā, tāsam attho—yam mayā vuttam “na jaccā vasalo hotī”ti-ādi, **tadamināpi jānātha, yathā medam nidassanam**, tam imināpi pakārena jānātha, yena me pakārena yena sāmāññena idam nidassananti vuttam hoti. Katamam nidassananti ce? **Caṇḍālaputto sopāko -pa- brahmalokūpapattiyāti**.

Caṇḍālassa putto **caṇḍālaputto**. Attano khādanatthāya mate sunakhe labhitvā pacatīti **sopāko**. **Mātaṅgoti** evamnāmo. **Vissutoti** evam hīnāya jātiyā ca jīvikāya ca nāmena ca pākaṭo.

Soti purimapadena sambandhitvā so Mātaṅgo **yasam paramam patto**, abbhutam uttamam ativisiṭṭham yasam kittim pasamsam patto. **Yam sudullabhanti** yam uḷārakulūpapannenāpi dullabham, hīnakulūpapannena sudullabham. Evam yasappattassa ca **āgacchum tassupaṭṭhānam, khattiyā brāhmaṇā bahū**, tassa Mātaṅgassa pāricariyattham khattiyā ca brāhmaṇā ca aññe ca bahū vessasuddādayo jambudīpamanussā yebhuyyena upaṭṭhānam āgamimsūti attho.

Evam upaṭṭhānasampanno so Mātaṅgo vigatakilesarajattā **virajam**, mahantehi Buddhādīhi paṭipannattā **mahāpatham**, brahmalokasaṅkhātām devalokam yāpetum samatthattā devalokayānasaññitam aṭṭhasamāpattiyānam **abhiruyha** tāya paṭipattiyā **kāmarāgam virājetvā** kāyassa bheda **brahmalokūpago ahu**, sā tathā hīnāpi **na nam jāti nivāresi brahmalokūpapattiyā**, brahmalokūpapattitoti vuttam hoti.

Ayam panattho evam veditabbo—atīte kira mahāpuriso tena tenupāyena sattahitam karonto sopākajīvike caṇḍālakule uppajji. So nāmena Mātaṅgo, rūpena duddasiko hutvā bahinagare cammakūṭikāya vasati, antonagare bhikkham caritvā jīvikam kappeti.

Athekadivasam̐ tasmim̐ nagare surānakkhatte¹ ghosite dhuttā yathāsakena parivārena kīḷanti. Aññatarāpi brāhmaṇamahāsāladhītā pannarasasoḷasavassuddesikā devakaññā viya rūpena dassanīyā pāsādikā “attano kulavamsānurūpaṃ kīḷissāmī”ti pahūtaṃ khajjabhojjādīkīḷanasambhāraṃ sakaṭesu āropetvā sabbasetavaḷavayuttaṃ² yānamāruya mahāparivārena uyyānabhūmim̐ gacchati **diṭṭhamaṅgalikā**ti nāmena. Sā kira “dussaṅghitaṃ rūpaṃ avamaṅgalan”ti³ daṭṭhum̐ na icchati, tenassā diṭṭhamaṅgalikāteva saṅkhā udapādi.

Tadā so Mātaṅgo kālasseva vuṭṭhāya paṭipilotikaṃ nivāsetvā kaṃsatāḷaṃ⁴ hatthe bandhitvā bhājanahattho nagaraṃ pavisati manusse disvā dūrato eva kaṃsatāḷaṃ ākoṭento. Atha diṭṭhamaṅgalikā “ussaratha ussarathā”ti purato purato hīnajanam̐ apanentehi purisehi nīyamānā nagaradvāramajjhe Mātaṅgam̐ disvā “ko eso”ti āha. aham̐ Mātaṅgacaṇḍāloti. Sā “īdisam̐ disvā gatānam̐ kuto vuḍḍhī”ti yānam̐ nivattāpesi. Manussā “yam̐ mayam̐ uyyānam̐ gantvā khajjabhojjādīm̐ labheyyāma, tassa no Mātaṅgena antarāyo kato”ti kupitā “gaṇhatha caṇḍālan”ti leḍḍūhi paharitvā “mato”ti pāde gahetvā ekamante chaḍḍetvā kacavarena paṭicchādetvā agamaṃsu. So satim̐ paṭilabhivā uṭṭhāya manusse pucchi “kim̐ ayyā dvāram̐ nāma sabbasādhāraṇam̐, udāhu brāhmaṇānam̐yeva katan”ti. Manussā āham̐su “sabbesam̐ sādharāṇan”ti. “Evaṃ sabbasādhāraṇadvārena pavisitvā bhikkhāhārena yāpentam̐ maṃ diṭṭhamaṅgalikāya manussā imam̐ anayabyasanam̐ pāpesun”ti rathikāya rathikaṃ āhiṇḍanto manussānam̐ ārocetvā brāhmaṇassa gharadvāre nipajji “diṭṭhamaṅgalikaṃ aladdhā na vuṭṭhahissāmī”ti.

Brāhmaṇo “gharadvāre Mātaṅgo nipanno”ti sutvā “tassa kākaṇikam̐ detha, tēna aṅgam̐ makkhetvā gacchatū”ti āha. So tam̐ na icchati, “diṭṭhamaṅgalikaṃ aladdhā na vuṭṭhahissāmī”cceva āha. Tato brāhmaṇo “dve kākaṇikāyo detha, kākaṇikāya pūvam̐⁵ khādatu,

1. Subhanakkhatte (Ka)

2. Sabbasetabalibaddayuttaṃ (Sī)

3. Dussaṅghitarūpaṃ amaṅgalanti (Sī)

4. Kaṭṭhatālam̐ (Syā, Ka)

5. Kākaṇikāya mūlam̐ (Syā), kākaṇikamūlam̐ (Ka)

kākaṇikāya telena¹ aṅgaṃ makkhetvā gacchatū”ti āha. So taṃ na icchati, tatheva vadati. Brāhmaṇo sutvā “māsakaṃ detha, pādaṃ, upaḍḍhakahāpaṇaṃ, kahāpaṇaṃ, dve, tīṇī”ti yāva sataṃ āṇāpesi, so na icchati, tatheva vadati. Evaṃ yācantānaṃyeva sūriyo atthaṅgato. Atha brāhmaṇī pāsādā oruyha sāṇipākāraṃ parikkhipāpetvā taṃ upasaṅkamtivā yāci “tāta Mātaṅga diṭṭhamaṅgalikāya aparādhaṃ khama, sahaṃsaṃ gaṇhāti, dve tīṇī”ti yāva “satasahaṃsaṃ gaṇhāhi”ti āha. So tuṇhībhūto nipajjiyeva.

Evaṃ catūhapañcāhe vītivatte bahumpi paṇṇākāraṃ datvā diṭṭhamaṅgalikaṃ alabhantā khattiyakumārādayo Mātaṅgassa upakaṇṇake ārocāpesuṃ “purisā nāma anekānipi saṃvaccharāni vīriyaṃ katvā icchitatthaṃ pāpuṇanti mā kho tvaṃ nibbijji, addhā dvīhatīhaccayena diṭṭhamaṅgalikaṃ lacchasi”ti. So tuṇhībhūto nipajjiyeva. Atha sattame divase samantā paṭivissakā uṭṭhahitvā “tumhe Mātaṅgaṃ vā uṭṭhāpetha, dārikaṃ vā detha, mā amhe sabbe nāsayitthā”ti āhaṃsu. Tesāṃ kira ayaṃ diṭṭhi “yassa gharadvāre evaṃ nipanno caṇḍālo marati, tassa gharena saha samantā sattasattagharavāsino caṇḍālā hontī”ti. Tato diṭṭhamaṅgalikaṃ nīlapaṭapilotikaṃ nivāsāpetvā uḷṅkakaḷopikādīni datvā paridevamānaṃ tassa santikaṃ netvā “gaṇha dārikaṃ, uṭṭhāya gacchāhi”ti adaṃsu. Sā passe ṭhatvā “uṭṭhāhi”ti āha, so “hatthena maṃ gahetvā uṭṭhāpehi”ti āha, sā naṃ uṭṭhāpesi. so nisīditvā āha “mayāṃ antonagare vasituṃ na labhāma, ehi maṃ bahinagare cammakuṭiṃ nehi”ti. Sā naṃ hatthe gahetvā tattha nesi. “Piṭṭhiyaṃ āropetvā “ti jātakabhāṇakā. Netvā cassa sarīraṃ telena makkhetvā uṇhodakena nhāpetvā yāguṃ pacitvā adāsi. So “brāhmaṇakaññā ayaṃ mā vinassī”ti jātisambhedāṃ akatvāva aḍḍhamāsamattaṃ balāṃ gahetvā “ahaṃ vanāṃ gacchāmi, ‘aticirāyatī’ti mā tvaṃ ukkaṇṭhi”ti vatvā gharamānusakāni ca “imaṃ mā pamajjitthā”ti āṇāpetvā gharā nikkhamma tāpasapabbajjāṃ pabbajitvā kasiṇaparikkammaṃ katvā katipāheneva aṭṭha samāpattiyo pañca ca abhiññāyo nibbattetvā “idānāhaṃ

diṭṭhamaṅgalikāya manāpo bhavissāmi”ti ākāsenāgantvā nagaradvāre orohitvā diṭṭhamaṅgalikāya santikaṃ pesesi.

Sā sutvā “koci maññe mama ñātako pabbajito maṃ dukkhitam ñatvā daṭṭhum āgato bhavissatī”ti cintayamānā gantvā taṃ ñatvā pādesu nipatitvā “kissa maṃ anātham tumhe akatthā”ti āha. Mahāpuriso “mā tvaṃ diṭṭhamaṅgalike dukkhinī ahoṣi, sakalajambudīpavāsīhi te sakkāraṃ kāressāmi”ti vatvā etadvoca “gaccha tvaṃ ghosanaṃ karohi ‘mahābrahmā mama sāmiko na Mātaṅgo, so candavimānaṃ bhinditvā sattame divase mama santikaṃ āgamissatī’ti”. Sā āha “ahaṃ bhante brāhmaṇamahāsāladhītā hutvā attano pāpakammaṃ imaṃ caṇḍālabhāvaṃ pattā, na sakkomi evaṃ vattun”ti. Mahāpuriso “na tvaṃ Mātaṅgassa ānubhāvaṃ jānāsī”ti vatvā yathā sā saddahati, tathā anekāni pāṭihāriyāni dassetvā tatheva taṃ āṇāpetvā attano vasatiṃ agamāsi. Sā tathā akāsi.

Manussā ujjhāyanti hasanti “kathañhi nāmāyaṃ attano pāpakammaṃ caṇḍālabhāvaṃ patvā puna taṃ mahābrahmānaṃ karissatī”ti. Sā adhimānā¹ eva hutvā divase divase ghosantī nagaraṃ āhiṇḍati “ito chaṭṭhe divase, pañcame, catutthe, tatiye, suve ajja āgamissatī”ti. Manussā tassā vissatthavācam sutvā² “kadāci evampi siyā”ti attano attano gharadvāresu maṇḍapaṃ kārapetvā sāṇipākāraṃ³ sajjetvā vayappattā dārikāyo alaṅkaritvā “mahābrahmani āgate kaññādānaṃ dassāma”ti ākāsaṃ ulloketā nisīdimṣu. Atha mahāpuriso puṇṇamadivase gaganatalaṃ upārūḷhe cande candavimānaṃ phāletvā passato mahājanassa mahābrahmarūpena niggacchi, mahājano “dve candā jātā”ti atimaññi. Tato anukkamena āgataṃ disvā “saccaṃ diṭṭhamaṅgalikā āha, mahābrahmāva ayaṃ diṭṭhamaṅgalikaṃ dametuṃ pubbe Mātaṅgavesenāgacchī”ti niṭṭhaṃ agamāsi. Evaṃ so mahājanena dissamāno diṭṭhamaṅgalikāya vasanaṭṭhāne eva otari. Sā ca tadā utunī ahoṣi, so tassā nābhiṃ aṅguṭṭhakena parāmasi, tena phassena gabbho patiṭṭhāsi. Tato naṃ “gabbho te

1. Adhimanā (Sī)

2. Vissatthabhāvaṃ ñatvā (Sī)

3. Pāṇigahaṇaṭṭhānaṃ (Sī)

saṅghito, puttamhi jāte taṃ nissāya jīvāhī”ti vatvā passato mahājanassa puna candavimānaṃ pāvīsi.

Brāhmaṇā “diṭṭhamaṅgalikā mahābrahmuno pajāpati amhākaṃ mātā jātā”ti vatvā tato tato āgacchanti. Taṃ sakkāraṃ kātukāmānaṃ manussānaṃ sampīlanena¹ nagaradvārāni anokāsāni ahesuṃ. Te diṭṭhamaṅgalikaṃ hiraññarāsīmhi ṭhapetvā nhāpetvā maṇḍetvā rathaṃ āropetvā mahāsakkārena nagaraṃ padakkhiṇaṃ kārapetvā nagaramajjhe maṇḍapaṃ kārapetvā tatra naṃ “mahābrahmuno pajāpati”ti diṭṭhaṭṭhāne ṭhapetvā vasāpenti “yāvassā patirūpaṃ vasanokāsaṃ karoma, tāva idheva vasatū”ti. Sā maṇḍape eva puttaṃ vijāyi. Taṃ visuddhadivase saddhiṃ puttena sasīsaṃ nhāpetvā maṇḍape jātoti dāraḥassa “**Maṇḍabyakumāro**”ti nāmaṃ akaṃsu. Tato pabhuti ca naṃ brāhmaṇā “mahābrahmuno putto”ti parivāretvā caranti. Tato anekasatasahassapakārā paṇṇākārā āgacchanti, te brāhmaṇā kumārassārakkhaṃ ṭhapesuṃ, āgatā lahuṃ kumāraṃ daṭṭhuṃ na labhanti.

Kumāro anupubbena vuḍḍhimanvāya dānaṃ dātuṃ āradhho. So sālāya² sampattānaṃ kapaṇaddhikānaṃ adatvā brāhmaṇānaṃyeva deti. Mahāpuriso “kiṃ mama putto dānaṃ deti”ti āvajjetvā brāhmaṇānaṃyeva dānaṃ dentaṃ disvā “yathā sabbesaṃ dassati, tathā karissāmi”ti cīvaraṃ pārūpitvā pattaṃ gahetvā ākāseṇa āgamma puttassa gharadvāre aṭṭhāsi. Kumāro taṃ disvā “kuto ayaṃ evaṃ virūpaveso vasalo āgato”ti kuddho imaṃ gāthamāha—

“Kuto nu āgacchasi dummavāsī³,
 Otallako paṃsupisācakova.
 Saṅkāracoḷaṃ paṭimuṇca kaṇṭhe,
 Ko re tuvaṃ hosi adakkhiṇeyyo”ti⁴.

Brāhmaṇā “gaṇhatha gaṇhathā”ti taṃ gahetvā ākoṭetvā anayabyasanaṃ pāpesuṃ. So ākāseṇa gantvā bahinagare

1. Sakkātukāmā, manussasampīlanena (Sī)

2. Āsāya (Sī, Syā)

3. Rummavāsī (Sī)

4. Khu 5. 309 piṭṭhe Jātake.

paccaṭṭhāsi¹. Devatā kupitā kumāraṃ gale gahetvā uddhampādaṃ adhosiraṃ ṭhapesuṃ, so akkhīhi niggatehi mukhena kheḷaṃ paggharantena gharugharupassāsī dukkhaṃ vedayati. Diṭṭhamaṅgalikā sutvā “koci āgato atthī”ti pucchi. Āma pabbajito āgacchīti. Kuhiṃ gatoti. Evaṃ gatoti. Sā tatha gantvā “khamatha bhante attano dāsassā”ti yācantī tassa pādamūle bhūmiyā nipajji. Tena ca samayena mahāpuriso piṇḍāya caritvā yāguṃ labhitvā taṃ pivanto tatha nisinno hoti, so avasiṭṭhaṃ thokaṃ yāguṃ diṭṭhamaṅgalikāya adāsi “gacchimaṃ yāguṃ udakakumbhiyā āloletvā yesaṃ bhūtavikāro atthi, tesaṃ akkhimukhakaṇṇanāsābilesu āsiṅca, sarīraṅca paripphosehi, evaṃ nibbikārā bhavissanti”ti. Sā tathā akāsi. Tato kumāre pakatisarīre jāte “ehi tāta maṇḍabya taṃ khamāpessāmā”ti puttaṅca sabbe brāhmaṇe ca tassa pādamūle nikkujjitvā nipajjāpetvā khamāpesi.

So “sabbajanassa dānaṃ dātabban”ti ovaditvā dhammakathaṃ katvā attano vasanaṭṭhānaṃyeva gantvā cintesi “itthīsu pākaṭā diṭṭhamaṅgalikā damitā, purisesu pākaṭo Maṇḍabyakumāro, idāni ko dametabbo”ti. Tato jātimantatāpasāṃ addasa Bandhumatīnagaraṃ nissāya Kumbhavatīnadītīre² viharantaṃ. So “aham jātiyā visiṭṭho, aññehi paribhuttodakaṃ na paribhuñjāmi”ti uparinadiyā vasati. Mahāpuriso tassa uparibhāge vāsāṃ kappetvā tassa udakaparibhogavelāyaṃ dantakaṭṭhaṃ khādītva udake pakkhipi, tāpaso taṃ udakena vuyhamānaṃ disvā “kenidaṃ khittan”ti paṭisotaṃ gantvā mahāpurisaṃ disvā “ko etthā”ti āha. Mātaṅgacaṇḍālo ācariyāti. apehi caṇḍāla, mā uparinadiyā vasīti. Mahāpuriso “sādhu ācariyā”ti hetṭhānadiyā vasati, paṭisotampi dantakaṭṭhaṃ tāpasassa santikaṃ āgacchati, tāpaso puna gantvā “apehi caṇḍāla, mā hetṭhānadiyaṃ vasa, uparinadiyāyeva vasā”ti āha. Mahāpuriso “sādhu ācariyā”ti tathā akāsi, punapi tatheva ahosi. Tāpaso punapi “tathā karotī”ti duṭṭho mahāpurisaṃ sapi “sūriyassa te uggamanavelāya sattadhā muddhā phalatū”ti. Mahāpurisopi “sādhu ācariya aham pana sūriyuṭṭhānaṃ na demī”ti vatvā sūriyuṭṭhānaṃ

1. Paccaṭṭhāsi (Syā, Ka)

2. Mandhumatīnadītīre (Sī)

nivāresi. Tato ratti na vibhāyati, andhakāro jāto, bhītā Bandhumatīvāsino tāpasassa santikaṃ gantvā “atthi nu kho ācariya amhākaṃ sotthibhāvo”ti pucchimsu. Te hi taṃ “arahā”ti maññanti, so tesam sabbamācikkhi. Te mahāpurisam upasaṅkamitvā “sūriyam bhante muñcathā”ti yācimsu, mahāpuriso “yadi tumhākaṃ arahā āgantvā maṃ khamāpeti, muñcāmi”ti āha.

Manussā gantvā tāpasam āhamsu “ehi bhante Mātāṅgapaṇḍitam khamāpehi, mā tumhākaṃ kalahakāraṇā mayam nassimhā”ti. So “nāham caṇḍalam khamāpemi”ti āha. Manussā “amhe tvam nāsesī”ti taṃ hatthapādesu gahetvā mahāpurisassa santikaṃ nesum. Mahāpuriso “mama pādāmūle kucchiyā nipajjitvā khamāpente khamāmi”ti āha, manussā “evam karohī”ti āhamsu. Tāpaso “nāham caṇḍalam vandāmi”ti. Manussā “tava chandena na vandissasi”ti hatthapādamaṃ sugīvadīsu gahetvā mahāpurisassa pādāmūle sayāpesum. So “khamāmahaṃ imassa, apicāham tassevā nukampāya sūriyam na muñcāmi. Sūriye hi uggatamatte muddhā assa sattadhā phalissatī”ti āha. Manussā “idāni bhante kiṃ kātabban”ti āhamsu. Mahāpuriso “tena hi imam galappamāṇe uduke ṭhapetvā mattikāpiṇḍenassa sīsam paṭicchādettha, sūriyasmīhi phuṭṭho mattikāpiṇḍo sattadhā phalissati, tasmim phalite esa aññatra gacchatū”ti āha. Te tāpasam hatthapādādīsu gahetvā tathā akaṃsu, sūriye muñcitamatte mattikāpiṇḍo sattadhā phalivā pati, tāpaso bhīto palāyi. Manussā disvā “passatha bho samaṇassa ānubhāvan”ti dantakaṭṭhapakkhipanamādim katvā sabbam vitthāretvā “natthi īdiso samaṇo”ti tasmim pasīdīmsu. Tato pabhuti sakalajambudīpe khattiyabrāhmaṇādayo gahaṭṭhapabbajitā Mātāṅgapaṇḍitassa upaṭṭhānam agamaṃsu. So yāvātāyukaṃ ṭhatvā kāyassa bhedaṃ brahmaloke uppajji. Tenāha Bhagavā “tadamināpi jānātha -pa- brahmalokūpapattiyā”ti.

140-141. Evam “na jaccā vasalo hoti, kammunā vasalo hotī”ti sādhetvā idāni “na jaccā hoti brāhmaṇo, kammunā hoti brāhmaṇo”ti etaṃ sādhetum āha “**ajjhāyakakule**

jātā -pa- duggatyā¹ garahāyavā”ti. Tattha **ajjhāyakakule jātāti** mantajjhāyake brāhmaṇakule jātā. “Ajjhāyakakuṭṭhe² jātā”tipi pāṭho, mantānaṃ ajjhāyake anupakuṭṭhe ca brāhmaṇakule jātāti attho. Mantā bandhavā etesanti **mantabandhavā**. Vedabandhū vedapaṭissaraṇāti vuttaṃ hoti. **Te ca pāpesu kammesu abhiṇhamupadissareti** te evaṃ kule jātā mantabandhavā ca samānāpi yadi pāṇātipātādīsu pāpakammesu punappunaṃ upadissanti, atha **diṭṭheva dhamme gārayhā samparāye ca duggati**, te evamupadissamānā imasmiṃyeva attabhāve mātāpitūhipi “nayime amhākaṃ puttā, dujjātā ete kulassa aṅgārabhūtā, nikkadḍhatha ne”ti, brāhmaṇehipi “gahapatikā ete, na ete brāhmaṇā, mā nesam saddhayaññathālipākādīsu pavesam detha, mā nehi saddhim sallapathā”ti, aññehipi manussehi “pāpakammantā ete, na ete brāhmaṇā”ti evaṃ gārayhā hoti. Samparāye ca nesam duggati nirayādibhedā, duggati etesam paraloke hotīti attho. Samparāye vātipi pāṭho. Paraloke etesam dukkhassa gati **duggati**, dukkhappattiyeva hotīti attho. **Na ne jāti nivāreti, duggatyā garahāya vāti** sā tathā ukkaṭṭhāpi yaṃ tvaṃ sārato pacesi, jāti ete pāpakammesu padissante brāhmaṇe “samparāye ca duggatī”ti ettha vuttappakārāya duggatiyā vā, “diṭṭheva dhamme gārayhā”ti ettha vuttappakārāya garahāya vā na nivāreti.

142. Evaṃ Bhagavā ajjhāyakakule jātānampi brāhmaṇānaṃ gārayhādikammavasena diṭṭheva dhamme patitabhāvaṃ dīpento duggatigamanena ca samparāye brāhmaṇajātiyā abhāvaṃ dīpento “na jaccā hoti brāhmaṇo, kammunā hoti brāhmaṇo”ti etampi atthaṃ sādhetvā idāni duvidhampi atthaṃ nigamento āha “evaṃ brāhmaṇa—

Na jaccā vasalo hoti, na jaccā hoti brāhmaṇo.

Kammunā vasalo hoti, kammunā hoti brāhmaṇo”ti.

Sesam Kasibhāradvājasutte vuttanayameva. Visesato vā ettha **nikkujjitaṃ vāti**-ādīnaṃ evaṃ yojanā veditabbā—yathā koci nikkujjitaṃ

1. Duggaccā (Sī, Syā)

2. Ajjhāyikakule (Syā)

vā ukkujjeyya, evaṃ maṃ kammavimukhaṃ jātivāde patitaṃ “jātiyā brāhmaṇavasalabhāvo hotī”ti diṭṭhito vuṭṭhāpentena, yathā paṭicchannaṃ vivareyya, evaṃ jātivādapaṭicchannaṃ kammavādaṃ vivarantena, yathā mūlhasa maggaṃ ācikkheyya, evaṃ brāhmaṇavasalabhāvassa asamhinnu-
ujumaggaṃ ācikkhantena, yathā andhakāre vā telapajjotaṃ dhāreyya, evaṃ Mātaṅgādinidassanapajjotadhāraṇena mayhaṃ bhotā Gotamena etehi pariyaeyehi pakāsītattā anekapariyaeyena dhammo pakāsītoti.

Paramatthajotikāya Khuddakaṭṭhakathāya

Suttanipātaṭṭhakathāya

Aggikabhāradvājasuttavaṇṇanā niṭṭhitā.

8. Mettasuttavaṇṇanā

Karaṇīyamattakusalenāti Mettasuttaṃ. Kā uppatti? Himavantapassato kira devatāhi ubbāḷhā bhikkhū Bhagavato santikaṃ Sāvattim āgacchimsu, tesam Bhagavā parittatthāya kammaṭṭhānatthāya ca imaṃ suttaṃ abhāsi. Ayaṃ tāva saṅkhepo.

Ayaṃ pana vitthāro—ekaṃ samayaṃ Bhagavā Sāvattiyam viharati upakaṭṭhāya vassūpanāyikāya, tena kho pana samayena sambahulā nānāverajjakā bhikkhū Bhagavato santike kammaṭṭhānaṃ gahetvā tattha tattha vassaṃ upagantukāmā Bhagavantaṃ upasaṅkamanti. Tatra sudam Bhagavā rāgacaritānaṃ saviññāṇakāviññāṇakavasena ekādasavidhaṃ asubhakammaṭṭhānaṃ, dosacaritānaṃ catubbidhaṃ mettādikammaṭṭhānaṃ, mohacaritānaṃ maraṇassatikammaṭṭhānādīni, vitakkacaritānaṃ ānāpānassatipathavīkaṣiṇādīni, saddhācaritānaṃ Buddhānussatikammaṭṭhānādīni, buddhacaritānaṃ catudhātuvavatthanādīnīti iminā nayena caturāsītisahassappabhedacaritānukūlāni kammaṭṭhānāni katheti.

Atha kho pañcamattāni bhikkhusatāni Bhagavato santike kammaṭṭhānaṃ uggahetvā sappāyaseṇāsanañca gocaragāmañca pariyesamānāni anupubbena

gantvā paccante Himavantena saddhim ekābaddham
 nīlakācamaṇisannibhasilātalam sītalaghanacchāyanīlavanasañḍamaṇḍitam
 muttātala¹ rajatapattasadisavālukākīṇṇabhūmibhāgam
 sucisātasītalajalāsayaparivāritam pabbatamaddasaṃsu. Atha kho te bhikkhū
 tatthekarattim vasitvā pabhātāya rattiyā sarīraparikammaṃ katvā tassa
 avidūre aññataram gāmaṃ piṇḍāya pavisiṃsu. Gāmo
 ghananivesasanniviṭṭhakulasahassayutto, manussā cettha saddhā pasannā, te
 paccante pabbajitadassanassa dullabhatāya bhikkhū disvā eva
 pītisomanassajātā hutvā te bhikkhū bhojetvā “idheva bhante temāsaṃ
 vasathā”ti yācitvā pañcapadhānakuṭṭisatāni kārāpetvā tattha
 mañcapīṭhapānīyaparibhojanīyaghaṭṭādīni sabbūpakaraṇāni paṭiyādesuṃ.

Bhikkhū dutiyadivase aññam gāmaṃ piṇḍāya pavisiṃsu, tatthāpi
 manussā tatheva upaṭṭhahitvā vassāvāsaṃ yāciṃsu. Bhikkhū “asati
 antarāye”ti adhivāsetvā taṃ vanasaṇḍam pavisitvā sabbarattindivam
 āraddhavīriyā hutvā yāmagañḍikam koṭṭetvā yonisomanasikārabahulā
 viharantā rukkhamūlāni upagantvā nisīdiṃsu². Sīlavantānam bhikkhūnam
 tejena vihatatejā rukkhadavatā attano attano vimānā oruyha dārake gahetvā
 ito cito ca vicaranti. Seyyathāpi nāma rājūhi vā rājamahāmattehi vā
 gāmakāvāsaṃ gatehi gāmaṃvāsīnam gharesu okāse gahite gharamānusakā
 gharā nikkhamitvā aññatra vasantā “kadā nu kho gamissanti”ti dūrato
 olokenti, evameva devatā attano attano vimānāni chaḍḍetvā ito cito ca
 vicarantiyo dūrato olokenti “kadā nu kho bhadantā gamissanti”ti. Tato
 evam samacintesuṃ “paṭhamavassūpagatā bhikkhū avassaṃ temāsaṃ
 vasissanti, mayaṃ pana tāva ciram dārake gahetvā okkamma vasituṃ na
 sakkhissāma, handa mayaṃ bhikkhūnam bayānakam ārammaṇam
 dassemā”ti. Tā rattim bhikkhūnam samaṇadhammakaraṇavelāya
 bhimsanakāni yakkharūpāni nimminivā purato purato tiṭṭhanti,
 bheravasaddaṅca karonti. Bhikkhūnam tāni rūpāni passantānam taṅca
 saddam suṇantānam hadayam phandi, dubbaṇṇā ca ahesuṃ
 uppaṇḍupaṇḍukajātā, tena te cittam ekaggam kātuṃ nāsakkhimsu. Tesam
 anekaggacittānam bhayena ca punappunam saṃviggānam sati sammussi,
 tato nesam muṭṭhassatīnam duggandhāni ārammaṇāni payojesuṃ. Tesam

1. Muttājāla (Sī), muttādala (Syā)

2. Nisīdanti (Sī, Syā, Ka)

tena duggandhena nimmathiyamānamiva matthaluṅgaṃ ahosi, bālḥā sīsavedanā uppajjimsu, na ca taṃ pavattim aññamaññassa ārocesum.

Athekadivasam saṅghattherassa upaṭṭhānakāle sabbesu sannipatitesu saṅghatthero pucchi “tumhākaṃ āvuso imaṃ vanasaṇḍaṃ pavipṭṭhānaṃ katipāhaṃ ativiya parisuddho chavivaṇṇo ahosi pariyodāto, vippasannāni ca indriyāni, etarahi panattha kisā dubbaṇṇā uppaṇḍupaṇḍukajātā, kiṃ vo idha asappāyan”ti. Tato eko bhikkhu āha “ahaṃ bhante rattim īdisaṅca īdisaṅca bheravārammaṇaṃ passāmi ca suṇāmi ca, īdisaṅca gandhaṃ ghāyāmi, tena me cittaṃ na samādhiyati”ti. Eteneva upāyena sabbe taṃ pavattim ārocesum. Saṅghatthero āha “Bhagavatā āvuso dve vassūpanāyikā paññattā, amhākaṅca idaṃ senāsaṇaṃ asappāyaṃ, āyāmāvuso Bhagavato santikaṃ, gantvā aññaṃ sappāyaṃ senāsaṇaṃ pucchāmā”ti. “Sādhu bhante”ti te bhikkhū therassa paṭissuṇivā sabbe senāsaṇaṃ saṃsāmetvā pattacīvaramādāya anupalittatā kulesu kañci anāmantetvā eva yena Sāvatti tena cārikaṃ pakkamimsu. Anupubbena Sāvattim gantvā Bhagavato santikaṃ agamimsu.

Bhagavā te bhikkhū disvā etadavoca “na bhikkhave antovassaṃ cārikā caritabbatī¹ mayā sikkhāpadaṃ paññattaṃ, kissa tumhe cārikaṃ carathā”ti. Te Bhagavato sabbaṃ ārocesum. Bhagavā āvajjento sakalajambudīpe antamaso catuppādapīṭhakaṭṭhānamattampi tesaṃ sappāyaṃ senāsaṇaṃ nāddasa. Atha te bhikkhū āha “na bhikkhave tumhākaṃ aññaṃ sappāyaṃ senāsaṇaṃ atthi, tattheva tumhe viharantā āsavakkhayaṃ pāpuṇeyyātha, gacchatha bhikkhave tameva senāsaṇaṃ upanissāya viharatha, sace pana devatāhi abhayaṃ icchatha, imaṃ parittaṃ uggaṇhatha, etañhi vo parittaṅca kammaṭṭhānaṅca bhavissati”ti imaṃ suttamabhāsi.

Apare panāhu—“gacchatha bhikkhave tameva senāsaṇaṃ upanissāya viharathā”ti idaṅca vatvā Bhagavā āha “apica kho āraññaṅkena pariharaṇaṃ nātabbaṃ. Seyyathidaṃ? Sāyaṃpātaṃ karaṇavasena dve mettā dve parittā dve asubhā dve maraṇassatī aṭṭhamahāsaṃvegavatthusamāvajjanaṅca. Aṭṭha mahāsaṃvegavatthūni nāma jāti jarā byādhi maraṇaṃ cattāri

1. Vi 3. 193 piṭṭhe.

apāyadukkhānīti, atha vā jātijarābyādhimaraṇāni cattāri, apāyadukkhāṃ pañcamāṃ, atīte vaṭṭamūlakāṃ dukkhāṃ, anāgate vaṭṭamūlakāṃ dukkhāṃ, paccuppanne āhārapariyeṭṭhimūlakāṃ dukkhaṃ”ti. Evaṃ Bhagavā parihaṇaṃ ācikkhitvā tesāṃ bhikkhūnaṃ mettatthañca parittatthañca vipassanāpādakajhānatthañca imaṃ suttaṃ abhāsīti.

143. Tattha **karaṇīyamattakusalenā**ti imissā paṭhamagāthāya tāva ayaṃ padavaṇṇanā—**karaṇīyanti** kātabbāṃ, karaṇārahanti attho. **Atthoti** paṭipadā, yaṃ vā kiñci attano hitaṃ, taṃ sabbaṃ araṇīyato atthoti vuccati, araṇīyato nāma upagantabbato. atthe kusalena **atthakusalena**, atthachekenāti¹ vuttaṃ hoti. **Yanti** aniyamitapaccattaṃ. **Tanti** niyamita-upayogaṃ. Ubhayampi vā **yaṃ tanti** paccattavacanaṃ. **Santaṃ padanti** upayogavacanaṃ. Tattha lakkhaṇato santaṃ, pattabbato padaṃ, nibbānassetāṃ adhivacanaṃ. **Abhisameccā**ti abhisamāgantvā. Sakkotīti **sakko**, samattho paṭibaloti vuttaṃ hoti. **Ujūti** ajjavayutto. Suṭṭhu ujūti **suhuju**. sukhaṃ vaco asminti **suvaco**. **Assāti** bhaveyya. **Mudūti** maddavayutto. Na atimānīti **anatimānī**.

Ayaṃ panettha atthavaṇṇanā—**karaṇīyamattakusalena yanta santaṃ padaṃ abhisameccā**ti ettha tāva atthi karaṇīyaṃ, atthi akaraṇīyaṃ. Tattha saṅkhepato sikkhattayaṃ **karaṇīyaṃ**, sīlavipatti diṭṭhivipatti ācāravipatti ājīvavipattīti evamādi **akaraṇīyaṃ**. Tathā atthi atthakusalo, atthi anattakusalo.

Tattha yo imasmiṃ sāsane pabbajitvā na attānaṃ sammā payojeti, khaṇḍasīlo hoti, ekavīsatividhaṃ anesanaṃ nissāya jīvikaṃ kappeti. Seyyathidaṃ? Veḷudānaṃ pattadānaṃ pupphadānaṃ phaladānaṃ dantakaṭṭhadānaṃ mukhodakadānaṃ sinānadānaṃ cuṇṇadānaṃ mattikādānaṃ cāṭukamyataṃ muggasūpyataṃ² pāribhaṭyataṃ jaṅghapesaniyaṃ vejjakammaṃ dūtakammaṃ paṇḍagamaṇaṃ piṇḍapaṭipiṇḍadānānuppadānaṃ³ vatthuvijjāṃ⁴ nakkhattavijjāṃ aṅgavijjanti. Chabbidhe ca agocare

1. Atthe chekenāti (Sī, Syā)

3. Piṇḍadānaṃ (Ka)

2. Muggasuppataṃ (Sī, Syā)

4. Vatthuvijjāṃ khettavijjāṃ (Ka)

carati. Seyyathidaṃ? Vesiyagocare vidhavathullakumārikapaṇḍakabhikkhunipānāgāragocareti. Saṃsaṭṭho ca viharati rājūhi rājamahāmattehi titthiyehi titthiyasāvakehi ananulomikena gihisaṃsaggena. Yāni vā pana tāni kulāni asaddhāni appasannāni anopānabhūtāni akkosakaparibhāsakāni anattakāmāni ahita-aphāsuka-ayogakkhemakāmāni bhikkhūnaṃ -pa- upāsikānaṃ, tathārūpāni kulāni sevati bhajati payirupāsati. ayaṃ **anattakusalo**.

Yo pana imasmim̄ sāsane pabbajitvā attānaṃ sammā payojeti, anesanaṃ pahāya catupārisuddhisīle patiṭṭhātukāmo saddhāsīsena pātīmokkhasaṃvaraṃ, satisīsena indriyasaṃvaraṃ, vīriyāsīsena ājīvapārisuddhiṃ, paññāsīsena paccayapaṭisevanaṃ pūreti. Ayaṃ **atthakusalo**.

Yo vā sattāpattikkhandhasodhanavasena pātīmokkhasaṃvaraṃ, chadvāre ghaṭṭitārammaṇesu abhijjhādīnaṃ anuppattivasena indriyasaṃvaraṃ, anesana-parivajjanavasena viññūpasatthabuddhabuddhasāvaka-vaṇṇitapaccayapaṭisevanaṃ ca ājīvapārisuddhiṃ, yathāvuttapaccavekkhaṇavasena paccayapaṭisevanaṃ, catu-iriyāpathaparivattane sātthakādīnaṃ paccavekkhaṇavasena¹ sampajaññaṅca sodheti, ayampi **atthakusalo**.

Yo vā yathā ūsodakaṃ paṭicca saṃkiliṭṭhaṃ vatthaṃ pariyodāyati, chārikaṃ paṭicca ādāso, ukkāmaṃ paṭicca jātarūpaṃ, tathā ñāṇaṃ paṭicca sīlaṃ vodāyatiṭi ñatvā ñāṇodakena dhovanto sīlaṃ pariyodāpeti. Yathā ca kikī sakuṇikā aṇḍaṃ, camarīmigo² vāladhiṃ, ekaputtikā nārī piyaṃ ekaputtakaṃ, ekanayano puriso taṃ ekanayanaṃ rakkhati, tathā ativiya appamatto attano sīlakkhandhaṃ rakkhati, sāyaṃpātaṃ paccavekkhamāno aṇumattampi vajjaṃ na passati, ayampi **atthakusalo**.

Yo vā pana avippaṭisārakarasīle patiṭṭhāya kilesavikkhambhanapaṭipadaṃ paggaṇhāti, taṃ paggaṇhetvā kasiṇaparikammaṃ karoti, kasiṇaparikammaṃ katvā samāpattiyo nibbatteti, ayampi **atthakusalo**. Yo vā pana

1. Sātthakatādipaccavekkhaṇavasena (Khuddakapāṭha-Ṭṭha 202 piṭṭha)

2. Camarīmigī (Syā)

samāpattito vuṭṭhāya saṅkhāre sammāsivā arahattaṃ pāpuṇāti, ayaṃ atthakusalānaṃ aggo.

Tattha ye ime yāva avipparakarasile patitṭhānena, yāva vā kilesavikkhambhanapaṭipadāya paggaḥaṇena maggaphalena vaṇṇitā atthakusalā, te imasmim atthe **atthakusalā**ti adhippetā. Tathāvidhā ca te bhikkhū. Tena Bhagavā te bhikkhū sandhāya ekapuggalādhiṭṭhānāya desanāya “karaṇīyamattakusalenā”ti āha.

Tato “kim karaṇīyaṃ”ti tesam sañjātakāṅkhānaṃ āha **“yanta santam padam abhisameccā”**ti. Ayamettha adhippāyo—taṃ Buddhānubuddhehi vaṇṇitam santam nibbānapadam paṭivedhavasena abhisamecca viharitukāmena yaṃ karaṇīyanti. Ettha ca **yanti** imassa gāthāpādassa ādito vuttameva karaṇīyanti adhiḥārato anuvattati, taṃ santam padam abhisameccāti. Ayamā pana yasmā sāvasesapāḥo attho, tasmā “viharitukāmenā”ti vuttanti veditabbaṃ.

Atha vā **santam padam abhisameccā**ti anussavādivasena lokiyapaññāya nibbānapadam santanti ṇatvā taṃ adhiḥāntukāmena yantaṃ karaṇīyanti adhiḥārato anuvattati, taṃ karaṇīyamattakusalenāti evampettha adhippāyo veditabbo. Atha vā “karaṇīyamattakusalenā”ti vutte “kin”ti cintentānaṃ āha **“yanta santam padam abhisameccā”**ti. Tassevaṃ adhippāyo veditabbo—lokiyapaññāya santam padam abhisamecca yaṃ karaṇīyaṃ, tanti. yaṃ kātabbaṃ, taṃ karaṇīyaṃ, karaṇārahameva tanti vuttaṃ hoti.

Kimā pana tanti? Kimaññaṃ siyā aññaṃ tadadhiḥgamūpāyato. Kāmañcetaṃ karaṇārahattena¹ sikkhattayaḍipakena ādipadeneva vuttaṃ, tathā hi tassa atthavaṇṇanāyaṃ avocumhā “atthi karaṇīyaṃ atthi akaraṇīyaṃ. tattha saṅkhepato sikkhattayaṃ karaṇīyaṃ”ti. Atisaṅkhepadesitattā pana tesam bhikkhūnaṃ kehici viññātaṃ, kehici na viññātaṃ, tato yehi na viññātaṃ, tesam viññāpanatthaṃ yaṃ visesato āraññakena bhikkhunā kātabbaṃ, taṃ

1. Karaṇārahattena (Sī)

vitthārento “**sakko ujū ca suhujū ca, suvaco cassa mudu anatiṃāni**”ti imāṃ tāva upaḍḍhagāthaṃ āha.

Kim vuttaṃ hoti? Santaṃ padaṃ abhisamecca viharitukāmo lokiyapaññāya vā taṃ abhisamecca tadadhigamāya paṭipajjamāno āraññako bhikkhu dutiyacattutthapadhāniyaṅgasamannāgamena kāye ca jīvite ca anapekkho hutvā saccapaṭivedhāya paṭipajjitum sakko assa, tathā kasiṇaparikkammavattasamādānādīsu, attano pattacīvarapaṭisaṅkharāṇādīsu ca, yāni tāni sabrahmacārīnaṃ uccāvacāni kimkaraṇīyāni, tesu aññesu ca evarūpesu sakko assa dakkho analaso samattho. Sakko hontopi ca tatiyapadhāniyaṅgasamannāgamena uju assa. Uju hontopi ca sakim ujubhāvena santosaṃ anāpajjitvā yāvajīvaṃ punappunaṃ asithilakaraṇena suṭṭhutaṃ uju assa. Asaṭhatāya vā uju, amāyāvītāya suhujū. Kāyavacīvaṅkappahānena vā uju, manovaṅkappahānena suhujū. Asantaguṇassa vā anāvīkaraṇena uju, asantaguṇena uppannassa lābhassa anadhivāsanena suhujū. Evaṃ ārammaṇalakkhaṇūpanijjhānehi purimadvayatatiyasikkhāhi payogāsayasuddhīhi ca uju ca suhujū ca assa.

Na kevalaṅca uju ca suhujū ca, apica pana **subbaco ca assa**. Yo hi puggalo “idaṃ na kātabban”ti vutto “kim te diṭṭhaṃ, kim te suttaṃ, ko me hutvā vadasi, kim upajjhāyo ācariyo sandiṭṭho sambhatto vā”ti vadati, tuṅhībhāvena vā taṃ viheṭṭheti, sampaṭicchitvā vā na tathā karoti, so visesādhigamassa dūre hoti. Yo pana ovadiyamāno “sādhū bhante suṭṭhu vuttaṃ, attano vajjaṃ nāma duddasaṃ hoti, punapi maṃ evarūpaṃ disvā vadeyyātha anukampaṃ upādāya, cirassaṃ me tumhākaṃ santikā ovādo laddho”ti vadati, yathānusiṭṭhaṅca paṭipajjati, so visesādhigamassa avidūre hoti. Tasmā evaṃ parassa vacanaṃ sampaṭicchitvā karonto subbaco ca assa.

Yathā ca suvaco, evaṃ **mudu assa**. **Mudūti** gahaṭṭhehi dūtagamanappahiṇagamanādīsu niyuñjīyamāno tattha mudubhāvaṃ akatvā thaddho hutvā vattapaṭipattiyāṃ sakalabrahmacariye ca mudu assa suparikammakatasuvaṇṇaṃ viya tattha tattha viniyogakkhāmo. Atha vā **mudūti** abhākuṭiko uttānamukho

sukhasambhāso paṭisanthāravutti sutitthaṃ viya sukhāvagāho assa. Na kevalaṅca mudu, api ca pana **anātimānī assa**, jātigottādihi atimānavatthūhi pare nātimaññeyya, Sāriputtatthero viya Caṇḍālakumārakasamena cetasā vihareyyāti.

144. Evaṃ Bhagavā santam padam abhisamecca viharitukāmassa tadadhigamāya vā paṭipajjamānassa visesato āraññakassa bhikkhuno ekaccam karaṇīyam vatvā puna tatuttaripi vattukāmo “**santussako cā**”ti dutiyam gāthamāha.

Tattha “santuṭṭhī ca kataññutā”ti ettha vuttappabhedena dvādasavidhena santosena santussatīti **santussako**. Atha vā tussatīti tussako, sakena tussako, santena tussako, samena tussakoti **santussako**. Tattha **sakam** nāma “piṇḍiyālopabhojanam nissāyā”ti¹ evam upasampadamālake uddiṭṭham attanā ca sampaṭicchitam catupaccayajātam, tena sundarena vā asundarena vā sakkaccam vā asakkaccam vā dinnena paṭiggahaṇakāle paribhogakāle ca vikāramadassetvā yāpento “sakena tussako”ti vuccati. **Santam** nāma yam laddham hoti attano vijjamānam, tena santeneva tussanto tato param na patthento atricchitam pajahanto “santena tussako”ti vuccati. **Samam** nāma iṭṭhāniṭṭhesu anunayapaṭighappahānam, tena samena sabbārammaṇesu tussanto “samena tussako”ti vuccati.

Sukhena bhariyatīti **subharo**, suposoti vuttam hoti. Yo hi bhikkhu sālīmaṃsodanādīnam patte pūretvā dinnepi dummukhabhāvam anattamanabhāvameva ca dasseti, tesam vā sammukhāva tam piṇḍapātam ‘kim tumhehi dinnan’ti apasādentō sāmaṇeragahaṭṭhādīnam deti, esa dubbharo. Etam disvā manussā dūratova parivajjenti “dubbharo bhikkhu na sakkā positun”ti. Yo pana yamkiñci lūkham vā paṇītam vā appam vā bahum vā labhitvā attamano vippasannamukho hutvā yāpeti², esa subharo. Etam disvā manussā ativiya vissatthā honti “amhākam bhadanto subharo

1. Vi 3. 73 piṭṭhe.

2. Yāti (Sī)

thokathokenapi¹ tussati, mayameva naṃ possessāmā”ti paṭiññāṃ katvā posenti. Evarūpo idha subharoti adhippeto.

Appaṃ kiccamassāti **appakicco**, na kammārāmatābhassārāmatāsaṅgaṇikārāmatādi-anekakiccabyāvaṭo. Atha vā sakalavihāre navakammasaṅghabhogasāmaṇera-ārāmikavosāsanādikiccavirahito, attano kesanakhacchedanapattacīvaraparikkammādiṃ katvā samaṇadhammakiccaparo hoṭīti vuttaṃ hoti.

Sallahukā vutti assāti **sallahukavutti**. Yathā ekacco bahubhaṇḍo bhikkhu² disāpakkamanakāle bahum paccacīvarapaccattharaṇatelaḷaḷādiṃ mahājanena sīsabhāraḷaḷādihi uccārāpetvā pakkamati, evaṃ ahutvā yo appaparikkhāro hoti, paccacīvarādi-aṭṭhasamaṇaparikkhāramattameva pariharati, disāpakkamanakāle pakkhī sakuṇo viya samādāyeva pakkamati, evarūpo idha sallahukavuttīti adhippeto. Santāni indriyāni assāti **santindriyo**, iṭṭhārammaṇādisu rāgādivasena anuddhatindriyoti vuttaṃ hoti. **Nipakoti** viññū vibhāvī paññāvā, sīlānurakkhaṇapaññāya cīvarādivicāraṇapaññāya āvāsādisattasappāyaparijānanapaññāya ca samannāgatoti adhippāyo.

Na pagabbhoti **appagabbho**, aṭṭhaṭṭhānena kāyapāgabbhiyena catuṭṭhānena vacīpāgabbhiyena anekāṭṭhānena manopāgabbhiyena ca virahitoti attho.

Aṭṭhaṭṭhānaṃ kāyapāgabbhiyaṃ³ nāma saṅghaṇapuggalabhojanasālājantagharanānātiṭṭhabhikkhācāramagga-antaragharapavesanesu kāyena appatirūpakaraṇaṃ. Seyyathidaṃ? Idhekacco saṅghamajjhe pallatthikāya vā nisīdati, pāde pādmodahitvā⁴ vāti evamādi, tathā gaṇamajjhe, gaṇamajjheti catuparisasannipāte, tathā vuḍḍhatare puggale. Bhojanasālāyaṃ pana vuḍḍhānaṃ āsanaṃ na deti, navānaṃ āsanaṃ paṭibāhati, tathā jantāghare. vuḍḍhe cettha anāpucchā aggijālanādīni karoti. Nānātiṭṭhe ca yadidaṃ “daharo vuḍḍhoti pamāṇaṃ akatvā āgatapaṭipāṭiyā nhāyitabban”ti

1. Appakenapi (Ka)

3. Khu 7. 175 piṭṭhe Mahānidde.

2. Bahubhaṇḍikabhikkhu (Syā, Ka)

4. Pādmodahitvā (Sī)

vuttaṃ, tampi anādiyanto pacchā āgantvā udakaṃ otaritvā vuḍḍhe ca nave ca bādheti. Bhikkhācāramagge pana aggāsana-aggodaka-aggapiṇḍattham vuḍḍhānam purato purato yāti bāhāya bāham paharanto, antaragharappavesane vuḍḍhānam paṭhamataram pavisati, daharehi kāyakīlanam karotīti evamādi.

Catuṭṭhānam vacīpāgabbhiyam nāma saṃghagaṇapuggala-antaragharesu appatirūpavācānicchāraṇam. Seyyathidaṃ? Idhekacco saṃghamajjhe anāpucchā dhammam bhāsati, tathā pubbe vuttappakāre gaṇe vuḍḍhatare puggale ca. Tattha manussehi pañham puṭṭho vuḍḍhataram anāpucchā vissajjeti. Antaraghare pana “itthannāme kim atthi, kim yāgu udāhu khādanīyam bhojanīyam, kim me dassasi, kimajja khādisāmi, kim bhuñjissāmi, kim pivissāmi”ti evamādim bhāsati.

Anekaṭṭhānam manopāgabbhiyam nāma tesu tesu ṭhānesu kāyavācāhi ajjhācāram anāpajjitvāpi manasā eva kāmavitakkādinānappakāra-appatirūpavitakkanam.

Kulesvananugiddhoti yāni kulāni upasaṅkamati, tesu paccayataṇhāya vā ananulomiyagihisaṃsaggavasena vā ananugiddho, na sahasokī, na sahanandī, na sukhitesu sukhito, na dukkhitesu dukkhito, na uppannesu kiccakaraṇīyesu attanā vā yogamāpajjitāti¹ vuttaṃ hoti. Imissā cā gāthāya yaṃ “suvaco cassā”ti ettha vuttaṃ “assā”ti vacanam, taṃ sabbapadehi saddhim “santussako ca assa, subharo ca assā”ti evam yojetabban.

145. Evam Bhagavā santam padam abhisamecca viharitukāmassa tadadhigamāya vā paṭipajjitukāmassa visesato āraññakassa bhikkhuno tatuttaripi karaṇīyam ācikkhitvā idāni akaraṇīyampi ācikkhitukāmo “**na ca khuddamācare kiñci, yena viññū pare upavadeyyun**”ti imam upaḍḍhagāthamāha. Tassattho—evamimam karaṇīyam karonto yaṃ taṃ kāyavacīmanoduccaritam khuddam lāmakanti vuccati, taṃ na ca khuddam samācare. Asamācaranto ca na kevalam oḷārikam, kim pana kiñci na samācare, appamattakam aṇumattampi na samācareti vuttaṃ hoti.

1. Attanāvuyyogamāpajjitāti (Sī)

Tato tassa samācāre sandiṭṭhikamevādīnavam̐ dasseti **“yena viññū pare upavadeyyun”**ti. Ettha ca yasmā aviññū pare appamāṇam̐. Te hi anavajjam̐ vā sāvajjam̐ karonti, appasāvajjam̐ vā mahāsāvajjam̐. Viññū eva pana pamāṇam̐. Te hi anuvicca pariyogāhetvā avaṇṇārahassa avaṇṇam̐ bhāsanti, vaṇṇārahassa ca vaṇṇam̐ bhāsanti, tasmā **“viññū pare”**ti vuttam̐.

Evam̐ Bhagavā imāhi aḍḍhateyyāhi gāthāhi santam̐ padam̐ abhisamecca viharitukāmassa, tadadhigamāya vā paṭipajjitukāmassa visesato āraññakassa āraññakasīsenā ca sabbesampi kammaṭṭhānam̐ gahetvā viharitukāmānam̐ karaṇīyākaraṇīyabhedaṁ kammaṭṭhānūpacāram̐ vatvā idāni tesam̐ bhikkhūnam̐ tassa devatābhayassa paṭighātāya parittattham̐ vipassanāpādakajjhānavasena kammaṭṭhānatthañca **“sukhino va khemino hontū”**ti-ādinā nayena mettakatham̐ kathetumāraddho.

Tattha **sukhinoti** sukhasamaṅgino. **Kheminoti** khemavanto, abhayā nirupaddavāti vuttam̐ hoti. **Sabbeti** anavasesā. **Sattāti** paṇino. **Sukhitattāti** sukhitacittā. Ettha ca kāyikena sukhena sukhino, mānasena sukhitattā, tadubhayenāpi sabbabhayūpaddavavigamena vā kheminoti veditabbā. Kasmā pana evam̐ vuttam̐? Mettābhāvanākāradassanattham̐. Evam̐ hi mettā bhāvetabbā **“sabbe sattā sukhino hontū”**ti vā, **“khemino hontū”**ti vā, **“sukhitattā hontū”**ti vā.

146. Evam̐ yāva upacārato appanākoṭi, tāva saṅkhepena mettābhāvanam̐ dassetvā idāni vitthāratopi tam̐ dassetum̐ **“ye kecī”**ti gāthādvayamāha. Atha vā yasmā puthuttārammaṇe paricitam̐ cittam̐ na ādikeneva ekatte saṅghāti, ārammaṇappabhedam̐ pana anugantvā kamena saṅghāti, tasmā tassa tasathāvarādidukatikappabhede ārammaṇe anugantvā anugantvā saṅghānatthampi **“ye kecī”**ti gāthādvayamāha. Atha vā yasmā yassa yaṁ ārammaṇam̐ vibhūtam̐ hoti, tassa tattha cittam̐ sukham̐ tiṭṭhati, tasmā tesam̐ bhikkhūnam̐ yassa yaṁ vibhūtam̐ ārammaṇam̐, tassa tattha cittam̐ saṅghāpetukāmo tasathāvarādidukattika-ārammaṇappabhedadīpakam̐ **“ye kecī”**ti imam̐ gāthādvayamāha.

Ettha hi tasathāvaradukam̃ diṭṭhādīṭṭhadukam̃ dūrasantikadukam̃ bhūtasambhavesidukanti cattāri dukāni, dīghādīhi ca chahi padehi majjhimapadassa tīsu, aṇukapadassa ca dvīsu tikesu atthasambhavato dīgharassamajjhimmattikam̃ mahantāṇukamajjhimmattikam̃ thūlāṇukamajjhimmattikanti tayo tike ca dīpeti. Tattha **ye kecīti** anavasesavacanam̃. Pāṇā eva bhūtā **pāṇabhūtā**. Atha vā pāṇantīti pāṇā. Etena assāsapassāsapaṭibaddhe pañcavokārasatte gaṇhāti. Bhavantīti **bhūtā**. Etena ekavokāracatuvokārasatte gaṇhāti. **Attīti** santi samvījjanti.

Evam̃ “**ye kecī pāṇabhūtattī**”ti iminā vacanena dukattikehi saṅgahetabbe sabbe satte ekajjham̃ dassetvā idāni sabbepe te **tasā vā thāvarā vā anavasesā**ti iminā dukena saṅgahetvā dasseti.

Tattha tasantīti **tasā**, sataṇhānam̃ sabhayānañcetam̃ adhivacanam̃. Tiṭṭhantīti **thāvarā**, pahīnataṇhābhayānam̃¹ arahatam̃ etam̃ adhivacanam̃. Natthi tesam̃ avasesanti **anavasesā**, sabbepeṭi vuttam̃ hoti. Yañca dutiyagāthāya ante vuttam̃, tam̃ sabbadukattikehi sambandhitabbaṃ—ye kecī pāṇabhūtattī tasā vā thāvarā vā anavasesā, imepi sabbe sattā bhavantu sukhittatā. Evam̃ yāva bhūtā vā sambhavesī vā imepi sabbe sattā bhavantu sukhittatīti.

Idāni dīgharassamajjhimmāditikattayadīpakesu **dīghā vā**ti-ādīsu chasu padesu **dīghā**ti dīghattabhāvā nāgamacchagodhādayo. anekabyāmasatappamāṇāpi hi mahāsamudde nāgānam̃ attabhāvā anekayojanappamāṇāpi hi mahāsamudde nāgānam̃ attabhāvā anekayojanappamāṇāpi macchagodhādīnam̃attabhāvā honti. **Mahantā**ti mahantattabhāvā jale macchakacchapādayo, thale hatthināgādayo, amanussesu dānavādayo. Āha ca “rāhuggam̃ attabhāvīnan”ti². Tassa hi attabhāvo ubbedhena cattāri yojanasahassāni aṭṭha ca yojanasatāni, bāhū dvādasayojanasataparimāṇā, paññāsayojanam̃ bhamukantaram̃, tathā aṅgulantarikā, hatthatalāni dve yojanasatānīti. **Majjhimmā**ti assaṅgaṇamahimsasūkarādīnam̃ attabhāvā. **Rassakā**ti tāsū tāsū jātīsu vāmanādayo dīghamajjhimehi omakappamāṇā sattā. **Aṇukā**ti

1. Pahīnataṇhāgamanānam̃ (Sī, Syā)

2. Am̃ 1. 324 piṭṭhe.

maṁsacakkhussa agocarā dibbacakkhuvisayā udakādīsu nibbattā sukhamattabhāvā sattā, ūkādayo vā. Apica ye tāsu tāsu jāṭīsu mahantamajjhimehi thūlamajjhimehi ca omakappamāṇā sattā, te aṇukāṭī veditabbā. **Thūlā**ti parimaṇḍalattabhāvā macchakummasippikasambukādayo sattā.

147. Evaṁ tīhi tikehi anavasesato satte dassetvā idāni “**diṭṭhā vā ye va adiṭṭhā**”ti-ādīhi tīhi dukehipi te saṅgahetvā dasseti.

Tattha **diṭṭhā**ti ye attano cakkhussa āpāthamāgatavasena diṭṭhapubbā. **Adiṭṭhā**ti ye parasamuddaparaselaparacakkavāḷādīsu ṭhitā. “**Ye va dūre vasanti avidūre**”ti iminā pana dukena attano attabhāvassa dūre ca avidūre ca vasante satte dasseti. Te upādāyupādāvasena¹ veditabbā. Attano hi kāye vasantā sattā avidūre, bahikāye vasantā dūre. Tathā anto-upacāre vasantā avidūre, bahi-upacāre vasantā dūre. Attano vihāre² gāme janapade dīpe cakkavāḷe vasantā avidūre, paracakkavāḷe vasantā dūre vasantīti vuccanti.

Bhūtāti jātā abhinibbattā. Ye bhūtā eva, na puna bhavissantīti saṅkhyam gacchanti, tesam khīṇāsavānametaṁ adhivacanam. Sambhavamesantīti **sambhavesī**. Appahīnabhavasamyojanattā āyatimpi sambhavam esantānam sekkhaputhujanānametaṁ adhivacanam. Atha vā catūsu yonīsu aṇḍajalābujā sattā yāva aṇḍakosaṁ vatthikosañca na bhindanti, tāva sambhavesī nāma. Aṇḍakosaṁ vatthikosañca bhinditvā bahi nikkhantā bhūtā nāma. Saṁsedajā opapātikā ca paṭhamacittakkhaṇe sambhavesī nāma. Dutiyacittakkhaṇato pabhuti bhūtā nāma. Yena vā iriyāpathena jāyanti, yāva tato aññam na pāpuṇanti, tāva sambhavesī nāma. Tato param bhūtāti.

148. Evaṁ Bhagavā “sukhino vā”ti-ādīhi aḍḍhateyyāhi gāthāhi nānappakārato tesam bhikkhūnam hitasukhāgamapatthanāvasena sattesu

1. Apādādipādavasena (Sī, Syā)

2. Antovihāre (Syā, Ka)

mettābhāvanam dassetvā idāni ahitadukkhānāgamapattanāvasenāpi tam dassento āha “**na paro param nikubbethā**”ti. Esa porāṇapāṭho, idāni pana “param hī”tipi paṭhanti, ayam na sobhano.

Tattha **paroti** parajano. **Paranti** parajanam. **Na nikubbethāti** na vañceyya¹. **Nātimaññethāti** na atikkamitvā maññeyya. **Katthacīti** katthaci okāse, gāme vā nigame vā khette vā nātimajjhe vā pūgamajjhe vāti-ādi. **Nanti** etam. **Kañcīti** yam kañci khattiyam vā brāhmaṇam vā gahaṭṭham vā pabbajitam vā sugatam vā duggatam vāti-ādi. **Byārosanā paṭighasaññāti** kāyavacīvikārehi byārosanāya ca, manovikārena paṭighasaññāya ca. “Byārosanāya paṭighasaññāyā”ti hi vattabbe “byārosanā paṭighasaññā”ti vuccati yathā “samma daññāya vimuttā”ti vattabbe “samma daññā vimuttā”ti², yathā ca “anupubbasicchāya anupubbakiriyāya anupubbapaṭipadāyā”ti vattabbe “anupubbasicchā anupubbakiriyā anupubbapaṭipadā”ti³. **Nāññamaññassa dukkhamiccheyyāti** aññamaññassa dukkham na iccheyya. Kim vuttam hoti? Na kevalam “sukhino vā khemino vā hontū”ti-ādīmanasikāravaseneva mettam bhāveyya, kim pana “aho vata yo koci parapuggalo yam kañci parapuggalam vañcanādīhi nikatīhi na nikubbetha, jāti-ādīhi ca navahi mānavatthūhi katthaci padese yam kañci parapuggalam nātimaññeyya, aññamaññassa ca byārosanāya vā paṭighasaññāya vā dukkham na iccheyyā”ti evampi manasi karonto bhāveyyāti.

149. Evam ahitadukkhānāgamapattanāvasena atthato mettābhāvanam dassetvā idāni tameva upamāya dassento āha “**mātā yathā niyam puttān**”ti.

Tassattho—yathā mātā **niyam puttam** attani jātam orasam puttam, tañca **ekaputtameva āyusā anurakkhe**, tassa dukkhāgamapaṭibāhanattham⁴ attano āyumpi cajitvā tam anurakkhe, **evampi sabbabhūtesu** idam **mettamānasam bhāvaye**, punappunam janaye vaḍḍhaye, tañca aparimānasattārammaṇavasena ekasmiṃ vā satte anavasesapharaṇavasena **aparimānaṃ** bhāvayeti.

1. Na vambheyya (Syā)

2. Sam 1. 76 piṭṭhe.

3. Am 3. 41; Khu 1. 141; Vi 4. 421 piṭṭhesu. 4. Dukkhopagamapaṭibāhanattham (Sī)

150. Evaṃ sabbākārena mettābhāvanam dassetvā idāni tasseva vaḍḍhanam dassento āha “**mettañca sabbalokasmī**”ti.

Tattha mijjati tāyati cāti mitto, hitajjhāsayatāya siniyhati ahitāgamato rakkhati cāti attho. Mittassa bhāvo **mettam**. **Sabbasminti** anavasese. **Lokasminti** sattaloke. Manasi bhavanti **mānasam**. Tañhi cittasampayuttattā evam vuttam. **Bhāvayeti** vaḍḍhaye. Nāssa parimāṇanti **aparimāṇam**, appamāṇasattārammaṇatāya evam vuttam. **Uddhanti** upari. Tena arūpabhavam gaṇhāti. **Adhoti** heṭṭhā. Tena kāmabhavam gaṇhāti. **Tiriyanti** vemajjham. Tena rūpabhavam gaṇhāti. **Asambādhanti** sambādhavirahitam, bhinnasīmanti vuttam vemajjham. Tena rūpabhavam gaṇhāti. **Asambādhanti** sambādhavirahitam, bhinnasīmanti vuttam hoti. Sīmā nāma paccatthiko vuccati, tasmimpi pavattanti attho. **Averanti** veravirahitam, antarantarāpi veracetanāpātubhāvavirahitanti vuttam hoti. **Asapattanti** vigatapaccatthikam. Mettāvihārī hi puggalo manussānam piyo hoti, amanussānam piyo hoti, nāssa koci paccatthiko hoti, tenassa tam mānasam vigatapaccatthikattā “**asapattan**”ti vuccati. Pariyāyavacanañhi etam, yadidam paccatthiko sapattoti. Ayaṃ anupadato atthavaṇṇanā.

Ayaṃ panettha adhippetatthavaṇṇanā—yadetam “**evampi sabbabhūtesu mānasam bhāvaye aparimāṇam**”ti guttam, tañcetam aparimāṇam mettam mānasam sabbalokasmim bhāvaye vaḍḍhaye, vaḍḍhim virūḷhim vepullam gamaye. Katham? **Uddham adho ca tiriyañca**, uddham yāva bhavaggā, adho yāva Avīcīto, tiriyaṃ yāva avasesadisā. Uddham vā ārupam, adho kāmadhātum, tiriyaṃ rūpadhātum anavasesam pharanto. Evaṃ bhāventopi ca tam yathā asambādham averam asapattañca hoti, tathā sambādhaverasapattābhāvam karonto bhāvaye. Yaṃ vā tam bhāvanāsampadam pattam sabbattha okāsalābhavasena¹ asambādham, attano paresu āghātaṭṭhavinayena averam, attani ca paresam āghātaṭṭhavinayena asapattam hoti, tam asambādham averam asapattam aparimāṇam mettam mānasam uddham adho tiriyañcāti tividhaparicchede sabbalokasmim bhāvaye vaḍḍhayeti.

1. Okāsalokavasena (Syā, Ka)

151. Evaṃ mettābhāvanāya vaḍḍhanaṃ dassetvā idāni kaṃ bhāvanamanuyuttassa viharato iriyāpathaniyamābhāvaṃ dassento āha **“tiṭṭhaṃ caraṃ -pa- adhiṭṭheyyā”**ti.

Tassattho—evametaṃ mettaṃ mānaṃ bhāvento so “nisīdati pallākaṃ ābhujitvā ujum kāyaṃ paṇidhāya”¹ti-ādīsu¹ viya iriyāpathaniyamaṃ akatvā yathāsukhaṃ aññataraññatara- iriyāpathabāddhanavinodanaṃ karonto tiṭṭhaṃ vā caraṃ vā nisinno vā sayāno vā yāvataṃ vigatamiddho assa, atha etaṃ mettājhānassatiṃ adhiṭṭheyya.

Atha vā evaṃ mettābhāvanāya vaḍḍhanaṃ dassetvā idāni vasībhāvaṃ dassento āha **“tiṭṭhaṃcaraṃ”**ti. Vasippatto hi tiṭṭhaṃ vā caraṃ vā nisinno vā sayāno vā yāvataṃ² iriyāpathena etaṃ mettājhānassatiṃ adhiṭṭhātukāmo hoti, atha vā tiṭṭhaṃ vā caraṃ vāti na tassa ṭhānādīni antarāyakaṃ honti, apica kho so yāvataṃ etaṃ mettājhānassatiṃ adhiṭṭhātukāmo hoti, tāvatā vitamiddho hutvā adhiṭṭhāti, natthi tassa tatha dandhāyitattaṃ. Tenāha **“tiṭṭhaṃ caraṃ nisinno va sayāno, yāvataṃ’ssa vitamiddho. Etaṃ satim adhiṭṭheyyā”**ti.

Tassāyamadhippāyo—yaṃ taṃ “mettañca sabbalokasmi, mānaṃ bhāvaye”ti vuttaṃ, taṃ tathā bhāvaye, yathā ṭhānādīsu yāvataṃ iriyāpathena, ṭhānādīni vā anādiyitvā yāvataṃ etaṃ mettājhānassatiṃ adhiṭṭhātukāmo assa, tāvatā vitamiddho hutvā etaṃ satim adhiṭṭheyyāti.

Evaṃ mettābhāvanāya vasībhāvaṃ dassento “etaṃ satim adhiṭṭheyyā”ti tasmim tasmim mettāvihāre niyojetvā idāni taṃ vihāraṃ thunanto āha **“brahmametaṃ vihāramidhamāhu”**ti.

Tassattho—yvāyaṃ “sukhino va khemino hontū”ti-ādīm katvā yāva “etaṃ satim adhiṭṭheyyā”ti samvaṇṇito mettāvihāro, **etaṃ** catūsu dibbabrahma-ariya-iriyāpathavihāresu niddosattā attanopi paresampi atthakarattā ca **idha** ariyassa dhammavinaye **brahmavihāramāhu**, seṭṭhavihāramāhūti. Yato satataṃ samitaṃ abbokiṇṇaṃ tiṭṭhaṃ caraṃ

1. Dī 2. 231; Ma 1. 70; Abhi 2. 253 piṭṭhesu.

2. Yāvataṃ yāvataṃ (Sī)

nisinno vā sayāno vā yāvata'ssa vitamiddho, etaṃ satim adhiṭṭheyyāti.

152. Evaṃ Bhagavā tesam bhikkhūnaṃ nānappakārato mettābhāvanam dassetvā idāni yasmā mettā sattārammaṇattā attadiṭṭhiyā āsannā hoti, tasmā diṭṭhigahaṇanisedhanamukhena tesam bhikkhūnaṃ tadeva mettājhānam pādakaṃ katvā ariyabhūmippattim dassento āha “**diṭṭhiṅca anupaggamā**”ti. Imāya gāthāya desanaṃ samāpesi.

Tassattho—yvāyaṃ “brahmametaṃ vihāramidhamāhū”ti samvaṇṇito mettājhānavihāro, tato vuṭṭhāya ye tattha vitakkavicārādayo dhammā, te, tesaṅca vatthādi-anusārena¹ rūpadhamme pariggahetvā iminā nāmarūpaparicchedena “suddhasaṅkhārapuñjoyaṃ, na idha sattūpalabbhati”ti² evaṃ **diṭṭhiṅca anupaggamma** anupubbena lokuttarasīlena **sīlavā** hutvā lokuttarasīlasampayutteneva sotāpattimaggasammādiṭṭhisāṅkhātena **dassanena sampanno**, tato paraṃ yopāyaṃ vatthukāmesu gedho kilesakāmo appahīno hoti, tampi sakadāgāmi-anāgāmi maggehi tanubhāvena anavasesappahānena ca **kāmesu gedham vineyya** vinayitvā vūpasametvā **na hi jātu gabbhaseyya puna reti** ekaṃseneva puna gabbhaseyyaṃ na eti, suddhāvāsesu nibbattitvā tattheva arahattaṃ pāpuṇitvā parinibbātīti.

Evaṃ Bhagavā desanaṃ samāpetvā te bhikkhū āha “gacchatha bhikkhave tasmimyeva vanasaṅde viharatha, imaṅca suttaṃ māsassa aṭṭhasu dhammassavanadivasesu gaṇḍim ākoṭetvā ussāretha, dhammakathaṃ karotha sākacchatha anumodatha, idameva kammaṭṭhānaṃ āsevatha bhāvettha bahulīkarotha, tepi vo amanussā taṃ bheravārammaṇaṃ na dassessanti, aññadatthu, atthakāmā hitakāmā bhavissanti”ti. Te “sādhū”ti Bhagavato paṭissuṇitvā utṭhāyāsanaṃ Bhagavantaṃ abhivādetvā padakkhiṇaṃ katvā tattha gantvā tathā akaṃsu. Devatāyo ca “bhadantā amhākaṃ atthakāmā hitakāmā”ti pītisomanassajātā hutvā sayameva senāsaṇaṃ sammajjanti, uṇhodakaṃ paṭiyādentī, piṭṭhiparikammaṃ padaparikammaṃ karonti, ārakkhaṃ samvidahanti. Te bhikkhū tattheva mettaṃ bhāvetvā

1. Vavatthādi-anusārena (Sī, Syā)

2. Sam 1. 137 piṭṭhe.

tameva ca pādaḥ katvā vipassanaṃ ārabhitvā sabbeva tasmiṃyeva antotemāse aggaphalaṃ arahattaṃ pāpuṇitvā mahāpavāraṇāya visuddhipavāraṇaṃ pavāresunti.

Evañhi atthakusalena Tathāgatena¹,
Dhammissarena kathitaṃ karaṇīyamattham.

Katvānubhuyya paramaṃ hadayassa santiṃ,
Santaṃ padaṃ abhisamenti samattapaññā.

Tasmā hi taṃ amatamabbhutamariyakantaṃ,
Santaṃ padaṃ abhisamecca viharitukāmo².

Viññū jano vimalasīlasamādhipaññā-
Bhedaṃ kareyya satataṃ karaṇīyamatthanti.

Paramatthajotikāya Khuddakaṭṭhakathāya

Suttanipātaṭṭhakathāya

Mettasuttavaṇṇanā niṭṭhitā.

9. Hemavatasuttavaṇṇanā

Ajja pannarasoti Hemavatasuttaṃ. Kā uppatti? Pucchāvasikā uppatti. Hemavatena hi puṭṭho Bhagavā “chasu loko samuppanno”ti-ādīni abhāsi. Tattha “ajja pannaraso”ti-ādī Sātāgirena vuttaṃ, “iti Sātāgiro”ti-ādī saṅgītikārehi, “kaccimano”ti-ādī Hemavatena, “chasu loko”ti-ādī Bhagavatā, taṃ sabbampi samodhānetvā “Hemavatasuttan”ti vuccati. “Sātāgirisuttan”ti ekaccehi.

Tattha yāyaṃ “ajja pannaraso”ti-ādī gāthā, tassā uppatti—imasimyeva Bhaddakappe vīsativassasahassāyukesu purisesu uppajjitvā soḷasavassasahassāyukāni ṭhatvā parinibbutassa Bhagavato Kassapasammāsambuddhassa mahatīyā pūjāya sarīrakiccaṃ akaṃsu. Tassa dhātuyo

1. Atthakusalā kusalassa dhamme (Sī, Ka)

2. Vihātukāmo (Sī, Syā)

avikiritvā suvaṇṇakkhandho viya ekagghanā hutvā aṭṭhamṣu¹.
 Dīghāyukabuddhānañhi esā dhammatā. Appāyukabuddhā pana yasmā
 bahutarena janena adiṭṭhā eva parinibbāyanti, tasmā dhātupūjampi katvā
 “tattha tattha janā puññaṃ pasavissanti”ti anukampāya “dhātuyo vikirantū”ti
 adhiṭṭhahanti, tena tesam suvaṇṇacunṇāni viya dhātuyo vikiranti seyyathāpi
 amhākaṃ Bhagavato.

Manussā tassa Bhagavato ekamiyeva dhātugharam katvā cetiyam
 patiṭṭhāpesum yojanam ubbedhena parikkhepena ca. Tassa
 ekekaḡāvutantarāni cattāri dvārāni ahesum, ekaṃ dvāraṃ Kikī rājā
 aggaheṣi, ekaṃ tasseva putto Pathavindharo nāma, ekaṃ senāpatipamukhā
 amaccā, ekaṃ seṭṭhipamukhā jānapadā. Rattasuvaṇṇamayā ekagghanā
 suvaṇṇarasapaṭibhāḡā ca nānāratanamayā iṭṭhakā ahesum ekeka
 satahassagghanikā. Te haritālamanosilāhi mattikākiccaṃ surabhitelena
 udakakiccaṃ katvā tam cetiyam patiṭṭhāpesum.

Evam patiṭṭhite cetiye dve kulaputtā sahāyakā nikkhamitvā
 sammukhasāvakanam therānam santike pabbajimsu. Dīghāyukabuddhānañhi
 sammukhasāvakāyeva pabbājenti upasampādentī nissayam denti, itare na
 labhanti. Tato te kulaputtā “sāsane bhante kati dhurāni”ti pucchimsu. Therā
 “dve dhurāni”ti kathesum “vāsadhuram pariyattidhuraṇcā”ti. Tattha
 pabbajitena kulaputtana ācariyupajjhāyānam santike pañca vassāni vasitvā
 vattapaṭivattam pūretvā pātimokkham dve tīṇi bhāṇavārasuttantāni ca
 paṇam katvā kammaṭṭhānam uggahetvā kule vā gaṇe vā nirālayena
 rañnam pavisitvā arahattasacchikiriyāya ghaṭṭitabbam vāyamitabbam, etam
vāsadhuram. Attano thāmena pana ekaṃ vā nikāyam pariyāpuṇitvā dve vā
 pañca vā nikāye pariyattito ca atthato ca suvisadam sasanam
 anuyuñjitabbam, etam **paviyattidhuranti**. Atha te kulaputtā “dvinnam
 dhurānam vāsadhurameva seṭṭhan”ti vatvā “mayam panamhā daharā,
 vuḍḍhakāle vāsadhuram paripūressāma, pariyattidhuram tāva pūremā”ti
 pariyattim ārabhimsu. Te pakatiyāva pañnavanto na cirasseva sakale
 Buddhavacane pakataññano vinaye ca ativiya vinicchayakusalā ahesum.
 Tesam pariyattim nissāya parivāro uppajji, parivāram

1. Saṅṭhahimsu (Si)

nissāya lābho, ekamekassa pañcasatapañcasatā bhikkhū parivārā ahesum. Te Satthusāsanaṃ dīpentā vihariṃsu, puna Buddhakālo viya ahoṣi.

Tadā dve bhikkhū gāmakāvāse viharanti dhammavādī ca adhammavādī ca. Adhammavādī caṇḍo hoti pharuso mukharo, tassa ajjhācāro itarassa pākaṭo hoti. Tato naṃ “idaṃ te āvuso kammaṃ sāsanaṃ appatirūpan”ti codesi, so “kiṃ te diṭṭhaṃ kiṃ sutan”ti vikkhipati. Itaro “vinayadharā jānissanti”ti āha. Tato adhammavādī “sace imaṃ vatthuṃ vinayadharā vinicchinnanti, addhā me sāsane paṭiṭṭhā na bhavissati”ti nātvā attano pakkhaṃ kātukāmo tāvadeva parikkhāre ādāya te dve there upasaṅkamitvā samaṇaparikkhāre datvā tesam nissayena viharitumāraddho, sabbañca nesaṃ upaṭṭhānaṃ karonto sakkaccaṃ vattapaṭivattaṃ pūretukāmo viya akāsi. Tato ekadivasam upaṭṭhānaṃ gantvā vanditvā tehi vissajjyamānopi aṭṭhāsiyeva, therā “kiñci vattabbamatthī”ti taṃ pucchimsu. So “āma bhante ekena me bhikkhunā saha ajjhācāraṃ paṭicca vivādo atthi, so yadi taṃ vatthuṃ idhāgantvā āroceti, yathāvinicchayaṃ na vinicchinitabban”ti. Therā “osaṭam vatthuṃ yathāvinicchayaṃ na vinicchinitum na vaṭṭati”ti āhamsu. So “evaṃ kariyamāne bhante mama sāsane paṭiṭṭhā natthi, mayhetam pāpaṃ hotu, mā tumhe vinicchinathā”ti. Te tena nippīḷiyamānā sampaṭicchimsu. So tesam paṭiññaṃ gahetvā puna taṃ āvāsam gantvā “sabbam vinayadharānaṃ santike niṭṭhitan”ti taṃ dhammavādiṃ suṭṭhutarāṃ avamaññanto pharusena samudācarati. Dhammavādī “nissanko¹ ayam jāto”ti tāvadeva nikkhamitvā therānaṃ parivāraṃ bhikkhusahassaṃ upasaṅkamitvā āha “nanu āvuso osaṭam vatthu yathādhammaṃ vinicchinitabban, anosarāpetvā eva vā aññamaññaṃ accayaṃ desāpetvā sāmaggī kātabbā, ime pana therā neva vatthuṃ vinicchiniṃsu, na sāmaggim ākaṃsu, kiṃ nāmetan”ti. Tepi sutvā tuṅhī ahesum “nuna kiñci ācariyehi nātan”ti. Tato adhammavādī okāsam labhitvā “tvam pubbe ‘vinayadharā jānissanti’ti bhaṇasi, idāni tesam vinayadharānaṃ² ārocehi

1. Nisittako (Syā), nirāsaṅko (Ka)

2. Imedāni te vinayadharā (St), imesaṃ dāni vinayadharānaṃ (Ka)

taṃ vatthun”ti dhammavādiṃ piḷetvā “ajjatagge parājito tvaṃ, mā taṃ āvāsaṃ āgacchī”ti vatvā pakkāmi. Tato dhammavādī there upasaṅkamitvā “tunhe sāsanaṃ anapekkhitvā ‘amhe upaṭṭhesi paritosesī’ti puggalameva apekkhittha, sāsanaṃ arakkhitvā puggalaṃ rakkhittha, ajjatagge dāni tumhākaṃ vinicchayaṃ vinicchinituṃ na vaṭṭati, ajja parinibbuto Kassapo Bhagavā”ti mahāsaddena kanditvā “naṭṭhaṃ Satthu sāsanaṃ”ti paridevamāno pakkāmi.

Atha kho te bhikkhū saṃviggamānasā “mayāṃ puggalamanurakkhantā sāsanaṃ ratanāṃ sobbhe pakkhipimhā”ti kukkuccaṃ uppādesuṃ. Te teneva kukkuccena upahatāsayaṭṭā kālaṃ katvā sagge nibbattitumasakkontā ekācariyo Himavati Hemavate pabbate nibbatti **Hemavato yakkhoti** nāmena, dutiyācariyo Majjhimadeso Sātāpabbate **Sātāgiroti** nāmena. Tepi nesaṃ parivārā bhikkhū tesāṃyeva anuvattitvā sagge nibbattitumasakkontā tesāṃ parivārā yakkhāva hutvā nibbattimsu. Tesāṃ pana paccayadāyakā gahaṭṭhā devaloke nibbattimsu. Hemavatasātāgirā aṭṭhavīsatiyakkhasenāpatīnamabbhantarā mahānubhāvā yakkharājāno ahesuṃ.

Yakkhasenāpatīnañca ayaṃ dhammatā—māse māse aṭṭha divasāni dhammavinicchayatthaṃ Himavati manosilātale Nāgavatimaṇḍape¹ devatānaṃ sannipāto hoti, tattha sannipatitabbanti. Atha Sātāgiraḥemavatā tasmīṃ samāgame aññamaññaṃ disvā sañjāniṃsu, “tvaṃ samma kuhiṃ uppanno, tvaṃ kuhin”ti attano attano uppattiṭṭhānañca pucchitvā vipaṭṭisārino ahesuṃ “naṭṭhā mayāṃ samma, pubbe vīsati vassasahassāni samaṇadhammaṃ katvā ekaṃ pāpasahāyaṃ nissāya yakkhayoniyāṃ uppannā, amhākaṃ pana paccayadāyakā kāmāvacaradevesu nibbattā”ti. Atha Sātāgiro āha “mārīsa Himavā nāma acchariyabbhutasammato, kiñci acchariyaṃ disvā vā sutvā vā mamāpi āroceyyāsī”ti. Hemavatopi āha “mārīsa Majjhimadeso nāma acchariyabbhutasammato, kiñci acchariyaṃ disvā vā sutvā vā mamāpi āroceyyāsī”ti. Evaṃ tesu dvīsu sahāyesu aññamaññaṃ katikaṃ katvā tameva uppattiṃ avivajjetvā² vasamānesu ekaṃ Buddhantaraṃ vītivattaṃ, mahāpathavī ekayojanatigāvutamattaṃ ussadā.

1. Bhagalavatipabbate (Sī)

2. Ariñcitvā (Sī, Syā)

Athamhākaṃ bodhisatto Dīpaṅkarapādamūle katapaṇidhāno yāva Vessantarajātakaṃ, tāva pāramiyo pūretvā Tusitabhavane uppajjitvā tattha yāvatāyukaṃ ṭhatvā Dhammapadanidāne vuttanayena devatāhi āyācito pañca mahāvilocanāni viloketvā devatānaṃ ārocetvā dvattimsāya pubbanimittesu vattamānesu idha paṭisandhiṃ aggahesi dasa sahasilokadhātum kampaṭvā, tāni disvāpi ime rājayakkhā “iminā kāraṇena nibbattānī”ti na jānimsu. “Khidḍāpasutattā nevāddasamsū”ti eke. Esa nayo jātiyaṃ abhinikkhamane bodhiyañca. Dhammacakkappavattane pana pañcavaggiye āmantetvā Bhagavati tiparivaṭṭaṃ dvādasākāraṃ varadhammacakkaṃ pavattente mahābhūmicālaṃ pubbanimittaṃ paṭihāriyāni ca¹ etesaṃ eko Sātāgiroyeva paṭhamaṃ addasa. Nibbattikāraṇaṃ tesam ñatvā sapariso Bhagavantaṃ upasaṅkamma dhammadesanaṃ assosi, na ca kiñci visesaṃ adhigacchi. Kasmā? So hi dhammaṃ suṇanto Hemavataṃ anussaritvā “āgato nu kho me sahāyako, no”ti parisam oloketvā taṃ aṇṇanto “vañcito² me sahāyo, yo evaṃ vicitrapaṭibhānaṃ Bhagavato dhammadesanaṃ na suṇātī”ti vikkhittacitto ahoṣi. Bhagavā ca atthaṅgatepi ca sūriye desanaṃ na niṭṭhāpesi.

Atha Sātāgiro “sahāyaṃ gahetvā tena sahāgama dhammadesanaṃ sossāmī”ti hatthiyāna-assayānagaruḷayānādīni māpetvā pañcahi yakkhasatehi parivuto Himavantābhimukho pāyāsi. Tadā Hemavatopi yasmā paṭisandhiyāti-abhinikkhamanabodhiparinibbānesveva dvattimsa pubbanimittāni hutvāva pativigacchanti, na ciraṭṭhitikāni honti, dhammacakkapavattane pana tāni savisesāni hutvā cirataraṃ ṭhatvā nirujjhanti, tasmā Himavati taṃ acchariyapātubhāvaṃ disvā “yato ahaṃ jāto, na kadāci ayaṃ pabbato evaṃ abhirāmo bhūtapubbo, handa dāni mama sahāyaṃ gahetvā āgama tena saha imaṃ pupphasirīṃ anubhavissāmī”ti tatheva Majjhimadesābhimukho āgacchati. Te ubhopi Rājagahassa upari samāgantvā aññamaññassa āgamanakāraṇaṃ pucchiṃsu. Hemavato āha “yato ahaṃ mārisa jāto, nāyaṃ pabbato evaṃ akālakusumitehi rukkhehi abhirāmo bhūtapubbo, tasmā etaṃ pupphasirīṃ tayā saddhiṃ anubhavissāmīti

1. Mahābhūmicālapubbanimittapaṭihāriyāni ca (Syā)

2. Papañcito (Ka)

āgatomhī”ti. Sātāgiro āha “jānāsi pana tvaṃ mārisa yena kāraṇena imaṃ akālapupphapāṭihāriyaṃ jātan”ti. Na jānāmi mārisāti. Imaṃ mārisa pāṭihāriyaṃ na kevalaṃ Himavanteyeva, apica kho pana dasasahassilokadhātūsu nibbattaṃ, Sammāsambuddho loke uppanno, ajja dhammacakkaṃ pavattesi, tena kāraṇenāti. Evaṃ Sātāgiro Hemavatassa Buddhuppādaṃ kathetvā taṃ Bhagavato santikaṃ ānetukāmo imaṃ gāthamāha. Keci pana Gotamake cetiye viharante Bhagavati ayamevamāhāti bhaṇanti “**ajja pannaraso**”ti.

153. Tattha **ajjāti** ayaṃ rattindivo pakkhagaṇanato **pannaraso**, upavasitabbato **uposatho**. Tīsu vā uposathesu ajja pannaraso uposatho, na cātuddasī uposatho, na sāmaggī-uposatho. Yasmā vā pātimokkhuddesa-aṭṭhaṅga-upavāsapaññattidivasādīsu sambahulesu atthesu uposathasaddo vattati. “Āyāmāvuso kappina uposathaṃ gamissāmā”ti-ādīsu hi pātimokkhuddese uposathasaddo. “Evaṃ aṭṭhaṅgasamannāgato kho Visākhe uposatho upavuttho”ti-ādīsu¹ pañātipātā veramaṇi-ādikesu aṭṭhaṅgesu. “Suddhassa ve sadā phaggu, suddhassuposatho sadā”ti-ādīsu² upavāse. “Uposatho nāma nāgarājā”ti-ādīsu³ paññattiyaṃ. “Tadahuposathe pannarase sīsāmnhātassā”ti-ādīsu⁴ divase. Tasmā avasesatthaṃ paṭikkhipitvā āsālhi puṇṇamadivasāmyeva niyāmento āha “ajja pannaraso uposatho”ti. Pāṭipado dutiyoti evaṃ gaṇiyamāne ajja pannaraso divasoti attho.

Divi bhavāni dibbāni, dibbāni ettha atthīti **dibbā**. Kāni tāni? Rūpāni. Tañhi rattim devānaṃ dasasahassilokadhātuto sannipatitānaṃ sarīravatthābharaṇavimānappabhāhi abbhādi-upakkilesavirahitāya candappabhāya ca sakalajambudīpo alaṅkato ahoṣi, visesālaṅkato ca paramavisuddhidevassa Bhagavato sarīrappabhāya. Tenāha “**dibbā ratti upaṭṭhitā**”ti.

1. Am 3. 84 piṭṭhe.

3. Dī 2. 142; Ma 3. 212 piṭṭhesu.

2. Ma 1. 48 piṭṭhe.

4. Dī 3. 50; Ma 3. 210 piṭṭhesu.

Evam rattiguṇavaṇṇanāpadesenāpi sahāyassa cittappasādaṃ janento Buddhuppādaṃ kathetvā āha “**Anomanāmaṃ Satthāraṃ, handa passāma Gotaman**”ti. Tattha anomehi alāmakehi sabbākāraparipūrehi guṇehi nāmaṃ assāti **Anomanāmo**. Tathā hissa “bujjhita saccānīti Buddho, bodhetā pajāyāti Buddho”ti-ādinā¹ nayena Buddhoti anomehi guṇehi nāmaṃ, “bhaggarāgoti Bhagavā, bhaggadosoti Bhagavā”ti-ādinā² nayena ca anomehi guṇehi nāmaṃ. Esa nayo “Arahaṃ Sammāsambuddho vijjācaraṇasampanno”ti-ādisu. diṭṭhadhammikādisu atthesu devamanusse anusāsati “imaṃ pajahatha imaṃ samādāya vattathā”ti **Satthā**. Apica “Satthā Bhagavā satthavāho, yathā satthavāho satte³ kantāraṃ tāreti”ti-ādinā⁴ niddese vuttanayenāpi Satthā. Tam Anomanāmaṃ Satthāraṃ. **Handāti** byavasānatthe nipāto. **Passāmāti** tena attānaṃ saha saṅgahetvā paccuppannavacanaṃ. **Gotamanti** Gotamagottaṃ. Kim vuttaṃ hoti? “Satthā, na Satthā”ti mā vimatiṃ akāsi, ekantabyavasito⁵ hutvāva ehi passāma Gotamanti.

154. Evam vutte Hemavato “ayaṃ Sātāgiro ‘Anomanāmaṃ Satthāraṃ’ti bhaṇanto tassa sabbaññutaṃ pakāseti, sabbaññuno ca dullabhā loke, sabbaññupaṭiññehi pūraṇādisadiseva loko upadduto, so pana yadi sabbaññū, addhā tādilakkhaṇappatto bhavissati, tena tam evam pariggaṇhissāmī”ti cintetvā tādilakkhaṇaṃ pucchanto āha “**kaccimano**”ti.

Tattha **kaccīti** pucchā. **Manoti** cittaṃ. **Supaṇihototi** suṭṭhu ṭhapito, acalo asampavedhī. Sabbesu bhūtesu **sabbabhūtesu**. **Tādinoti** tādilakkhaṇappattasseva sato. Pucchā eva vā ayaṃ “so te Satthā sabbabhūtesu tādī, udāhu no”ti. **Iṭṭhe anīṭṭhe cāti** evarūpe ārammaṇe. **Saṅkappāti** vitakkā. **Vasīkatāti** vasaṃ gamitā. Kim vuttaṃ hoti? Yaṃ tvaṃ Satthāraṃ vadasi, tassa te Satthuno kacci tādilakkhaṇappattassa sato sabbabhūtesu mano supaṇihito, udāhu yāva calanapaccayaṃ na labhati, tāva supaṇihito viya khāyati. So vā te Satthā kacci sabbabhūtesu samacittena tādī, udāhu no, ye ca kho

1. Khu 7. 364; Khu 9. 172 piṭṭhesu.

2. Khu 7. 162 piṭṭhe Mahāniddese.

3. Satthe (Sya)

4. Khu 7. 353 piṭṭhe.

5. Ekantabyavasiko (Ka)

iṭṭhāniṭṭhesu ārammaṇesu rāgadosavasena saṅkappā uppajjeyyūṃ, tyāssa kacci vasīkatā, udāhu kadāci tesampi vasena vattatīti.

155. Tato Sātāgiro Bhagavato sabbaññubhāve byavāsittā sabbe sabbaññuguṇe anujānanto āha “**mano cassa supaṇihito**”ti-ādi. Tattha **supaṇihitoti** suṭṭhu ṭhapito, pathavīsamo avirujjhanaṭṭhena, Sinerusamo suppatiṭṭhitācalanaṭṭhena, indakhīlasamo catubbidhamāraparavādigaṇehi akampiyaṭṭhena. Anacchariyañcetam, Bhagavato idāni sabbākārasampannattā sabbaññubhāve ṭhitassa mano supaṇihito acalo bhaveyya, yassa tiracchānabhūtassāpi sārāgādikāle Chaddantanāgakule uppannassa savīsena sallena viddhassa acalo ahosi, vadhakepi tasmim nappadussi, aññadatthu tasseva attano dante chetvā adāsi, tathā mahākapiabhūtassa mahatīyā silāya sīse pahaṭassāpi tasseva ca maggaṃ dassesi, tathā Vidhurapaṇḍitabhūtassa pādesu gahetvā saṭṭhiyojane kāḷapabbatapapāte pakkhittassāpi aññadatthu tasseva yakkhassatthāya dhammaṃ desesi. Tasmā sammadeva āha Sātāgiro “mano cassa supaṇihito”ti.

Sabbabhūtesu tādīnoti sabbasattesu tādīlakkhaṇappattasseva sato mano supaṇihito, na yāva paccayaṃ na labhatīti attho. Tattha Bhagavato tādīlakkhaṇaṃ pañcadhā veditabbaṃ. Yathāha—

“Bhagavā pañcahākārehi tādī, iṭṭhāniṭṭhe tādī, cattāvīti tādī, muttāvīti tādī, tiṇṇāvīti tādī, tanniddesāti tādī. Kathaṃ Bhagavā iṭṭhāniṭṭhe tādī? Bhagavā lābhepi tādī”ti.

Evamādi sabbam niddese¹ vuttanayeneva gahetabbaṃ. Lābhādayo ca tassa Mahā-aṭṭhakathāyaṃ vitthāritanayena veditabbā. “Pacchā eva vā ayaṃ, so te Satthā sabbabhūtesu tādī, udāhu no”ti imasmimpi vikappe sabbabhūtesu samacittatāya tādī amhākaṃ Satthāti attho. Ayaṃ hi Bhagavā sukhūpasamhārakāmatāya dukkhāpanayanakāmatāya ca sabbasattesu samacitto, yādiso attani, tādiso paresu.

1. Khu 7. 88 piṭṭhe.

Yādiso mātari Mahāmāyāya, tādiso Ciñcamāṇavikāya. Yādiso pitari Suddhodane, tādiso Suppabuddhe. Yādiso putte Rāhule, tādiso vadhakesu Devadattadhanapālaka-aṅgulimālādīsu. Sadevake lokepi tādi. Tasmā sammadevāhas Sātāgiro “sabbabhūtesu tādino”ti.

Atho iṭṭhe aniṭṭhe cāti ettha pana evaṃ attho daṭṭhabbo—yaṃ kiñci iṭṭhaṃ vā aniṭṭhaṃ vā ārammaṇaṃ, sabbappakārehi tattha ye rāgadosavasena saṅkappā uppajjeyyūṃ, tyāssa anuttarena maggena rāgādīnaṃ pahīnattā vasikatā, na kadāci tesam vase vattati. So hi Bhagavā anāvilasaṅkappo suvimuttacitto suvimuttapaññoti. Ettha ca supaṇihitamanatāya ayonisomanasikārābhāvo vutto. Sabbabhūtesu iṭṭhāniṭṭhehi so¹ yattha bhaveyya, taṃ sattasaṅkhārābhedaṃ duvidhamārammaṇaṃ vuttaṃ. Saṅkappavasībhāvena tasmim ārammaṇe tassa manasikārābhāvato kilesappahānaṃ vuttaṃ. Supaṇihitamanatāya ca manosamācārasuddhi, sabbabhūtesu tāditāya kāyasamācārasuddhi, saṅkappavasībhāvena² vitakkamūlakattā vācāya vacīsamācārasuddhi. Tathā supaṇihitamanatāya lobhādisabbadosābhāvo, sabbabhūtesu tāditāya mettādiguṇasabbhāvo, saṅkappavasībhāvena paṭikūle appaṭikūlasaññitādibhedā ariyiddhi, tāya cassa sabbaññubhāvo vutto hotīti veditabbo.

156. Evaṃ Hemavato pubbe manodvāraseneva tādibhāvaṃ pucchitvā tañca paṭijānantamimaṃ sutvā daḷhīkammatthaṃ idāni dvārattayavasenāpi, pubbe vā saṅkhepena kāyavacīmanodvārasuddhiṃ pucchitvā tañca paṭijānantamimaṃ sutvā daḷhīkammatthameva vitthārenāpi puccanto āha “**kacci adinnan**”ti. Tattha gāthābandhasukhatthāya paṭhamāṃ adinnādānaviratiṃ pucchati. **Ārā pamādāmhāti** pañcasu kāmāguṇesu cittavossaggato dūrībhāvena abrahmacariyaviratiṃ pucchati. “Ārā pamādāmhā”tipi paṭhanti, ārā mātugāmāti vuttaṃ hoti. **Jhānaṃ na riñcatīti** iminā pana tassāyeva tivadhāya kāyaduccaritaviratiyā balavabhāvaṃ pucchati. Jhānayuttassa hi virati balavatī hotīti.

1. Iṭṭhāniṭṭhesu hi yo (Sī), sabbabhūta-iṭṭhāniṭṭhesu tādiso (Syā)

2. Saṅkappesu vasībhāvena (Sī)

157. Atha Sātāgiro yasmā Bhagavā na kevalaṃ etarahi, atītepi addhāne dīgharattaṃ adinnādānādīhi paṭivirato, tassā tassāyeva ca viratiyā ānubhāvena taṃ taṃ mahāpurisalakkhaṇaṃ paṭilabhi, sadevako cassa loko “adinnādānā paṭivirato samaṇo Gotamo”ti-ādinā nayena vaṇṇaṃ bhāsati, tasmā vissaṭṭhāya vācāya sīhanādaṃ nadanto āha “**na so adinnaṃ ādiyati**”ti. Taṃ atthato pākaṭameva. Imissāpi gāthāya tatiyapāde “pamādamhā pamadamhā”ti dvidhā pāṭho. Catutthapāde ca **jhānaṃ na riñcatīti** jhānaṃ rittakaṃ suññakaṃ na karoti, na pariccajatīti attho veditabbo.

158. Evaṃ kāyadvāre suddhiṃ sutvā idāni vacīdvāre suddhiṃ pucchanto āha “**kacci musā na bhaṇatī**”ti. Ettha khīṇatīti khīṇo, vihiṃsati bādhatīti attho. Vācāya patho byappatho, khīṇo byappatho assāti **khīṇabyappatho**. Taṃ nakārena paṭisedhetvā pucchati “**na khīṇabyappatho**”ti, na pharusavācoti vuttaṃ hoti. “Nākhīṇabyappatho”tipi pāṭho, na akhīṇavacanoti attho. Pharusavacanāṃ hi paresaṃ hadaye akhīyamānaṃ¹ tiṭṭhati, tādisavacano kacci na soti vuttaṃ hoti. Vibhūtīti vināso, vibhūtīti kāsati karoti vāti² vibhūtikaṃ, vibhūtikameva **vebhūtikaṃ, vebhūtiyantipi** vuccati, pesuññassetāṃ adhivacanāṃ. Tañhi sattānaṃ aññamaññato bhedanena vināsaṃ karoti. Sesāṃ uttānatthameva.

159. Atha Sātāgiro yasmā Bhagavā na kevalaṃ etarahi, atītepi addhāne dīgharattaṃ musāvādādīhi paṭivirato, tassā tassāyeva ca viratiyā ānubhāvena taṃ taṃ mahāpurisalakkhaṇaṃ paṭilabhi, sadevako cassa loko “musāvādā paṭivirato samaṇo Gotamo”ti vaṇṇaṃ bhāsati, tasmā vissaṭṭhāya vācāya sīhanādaṃ nadanto āha “**musā ca so na bhaṇatī**”ti. Tattha **musāti** vinidhāya dīṭṭhādīni paravisamvādandavacanāṃ, taṃ so na bhaṇati. Dutiyapāde pana paṭhamatthavasena na khīṇabyappathoti, dutiyatthavasena nākhīṇabyappathoti pāṭho. Catutthapāde **mantāti** paññā vuccati. Bhagavā yasmā tāya mantāya paricchindivā atthameva bhāsati atthato anapetacavanaṃ, na

1. Akhiyamānaṃ (Sī), khīṇamānaṃ (Syā), asukhiyamānaṃ (Ka)

2. Kāyati karoti cāti (Sī, Ka)

samphaṃ. Aññāpupurekkhārañhi niratthakavacanaṃ Buddhānaṃ natthi, tasmā āha “mantā atthaṃ so bhāsati”ti. Sesamettha pākaṭameva.

160. Evaṃ vacīdvārasuddhimpī sutvā idāni manodvārasuddhiṃ pucchanto āha “**kacci na rajjati kāmesū**”ti. Tattha **kāmā**ti vatthukāmā. Tesu kilesakāmena na rajjatīti pucchanto anabhijjhālutaṃ pucchati. **Anāvilanti** pucchanto byāpādena āvilabhāvaṃ sandhāya abyāpādataṃ pucchati. **Mohaṃ atikkantoti** pucchanto yena mohena mūlho micchādiṭṭhiṃ gaṇhāti, tassātikkamena sammādiṭṭhitaṃ pucchati. **Dhammesu cakkhumā**ti pucchanto sabbadhammesu appaṭihatassa ñāṇacakkhuno, pañcacakkhuvīsayesu vā dhammesu pañcannampī cakkhūnaṃ vasena sabbaññutaṃ pucchati “dvārattayapārisuddhiyāpi sabbaññū na hotī”ti cintetvā.

161. Atha Sātāgiro yasmā Bhagavā appatvāva arahattaṃ anāgāmi maggena kāmarāgabyāpādānaṃ pahīnattā neva kāmesu rajjati, na byāpādena āvilacitto, sotāpattimaggeneva ca micchādiṭṭhipaccayassa saccapaṭicchādakamohassa pahīnattā mohaṃ atikkanto, sāmāñca saccāni abhisambujjhivā Buddhoti vimokkhantikaṃ nāmaṃ yathāvuttāni ca cakkhūni paṭilabhi, tasmā tassa manodvārasuddhiṃ sabbaññutañca ugghosento āha “**na so rajjati kāmesū**”ti.

162. Evaṃ Hemavato Bhagavato dvārattayapārisuddhiṃ sabbaññutañca sutvā haṭṭho udaggo atītajātiyaṃ bāhusaccavisadāya paññāya asajjamānavacanappatho hutvā acchariyabbhutarūpe sabbaññūguṇe sotukāmo āha “**kacci vijjāya sampanno**”ti. Tattha **vijjāya sampannoti** iminā dassanasampattiṃ pucchati, **saṃsuddhacāraṇoti** iminā gamanasampattiṃ. Chandavasena cettha dīghaṃ katvā cākāramāha, saṃsuddhacāraṇoti attho. **Āsavā khīṇā**ti iminā etāya dassanagamanasampattiyā pattabbāya āsavakkhayasaññitāya paṭhamanibbānadhātuyā pattim pucchati. **Natthi punabbhavoti** iminā dutiyanibbānadhātupattisamatthataṃ, paccavekkhaṇañāṇena vā paramassāsappattiṃ ṇatvā ṭhitabhāvaṃ.

163. Tato yā esā “so anekavihitam pubbenivāsan”ti-ādinā¹ nayena bhayabheravādīsu tividhā, “so evam samāhite citte -pa- āneñjappatte nānadassanāya cittaṃ abhinīharatī”ti-ādinā² nayena Ambaṭṭhādīsu aṭṭhavidhā vijjā vuttā, tāya yasmā sabbāyapi sabbākārasampannāya Bhagavā upeto. Yañcetaṃ “idha Mahānāma ariyasāvako sīlasampanno hoti, indriyesu guttadvāro hoti, bhojane mattaññū hoti, jāgariyaṃ anuyutto hoti, sattahi saddhammehi samannāgato hoti, catunnaṃ jhānānaṃ ābhicetasikānaṃ diṭṭhadhammasukhavihārānaṃ nikāmalābhī hoti”ti evaṃ uddisitvā “kathañca mahānāma ariyasāvako sīlasampanno hoti”ti-ādinā³ nayena sekhasutte niddiṭṭham pannarasappahedaṃ caraṇaṃ, tañca yasmā sabbūpakkilesappahānena Bhagavato ativiya saṃsuddham. Yepime kāmāsavādayo cattāro āsavā, tepi yasmā sabbe sapaṇivārā savāsanā Bhagavato khīṇā. Yasmā ca imāya vijjācaraṇasampadāya khīṇāsavo hutvā tadā Bhagavā “natthi dāni punabbhavo”ti paccavekkhitvā ṭhito, tasmā Sātāgiro Bhagavato sabbaññubhāve byavasāyena samussāhitahadayo sabbepi guṇe anujānanto āha “**vijjāya ceva sampanno**”ti.

164. Tato Hemavato “Sammāsambuddho Bhagavā”ti Bhagavati nikkāṅkho hutvā ākāse ṭhitoyeva Bhagavantam pasamsanto Sātāgirañca ārādhento⁴ āha “**sampannaṃ Munino cittaṃ**”ti. Tassattho—sampannaṃ Munino cittaṃ, “mano cassa supaṇihito”ti ettha vuttatādibhāvena puṇṇaṃ sampuṇṇaṃ, “na so adinnaṃ ādiyati”ti ettha vuttakāyakammunā, “na so rajjati kāmesū”ti ettha vuttamanokammunā ca puṇṇaṃ sammuṇṇaṃ, “musā ca so na bhaṇati”ti ettha vuttabyappathena ca vacīkammunāti vuttaṃ hoti. Evaṃ sampannacittañca anuttarāya vijjācaraṇasampadāya sampannattā vijjācaraṇasampannañca imehi guṇehi “mano cassa supaṇihito”ti-ādinā nayena dhammato naṃ pasamsasi, sabhāvato tacchato bhūtato eva naṃ pasamsasi, na kevalaṃ saddhāmattakenāti dasseti.

1. Ma 1. 26 piṭṭhe.

3. Ma 2. 17 piṭṭhe.

2. Dī 1. 94 piṭṭhe.

4. Saṃrādhento (Sī), anumodento (Syā)

165-166. Tato Sātāgiropi “evametaṃ mārisa, suṭṭhu tayā nātañca anumoditañcā”ti adhippāyena tameva saṃrādhento āha “**sampannaṃ Munino -pa- dhammato anumodasi**”ti. Evañca pana vatvā puna Bhagavato dassane taṃ abhitthavayamāno āha “**sampannaṃ -pa- handa passāma Gotaman**”ti.

167. Atha Hemavato attano abhirucitaguṇehi purimajātibāhusaccabalena Bhagavantam abhitthunanto Sātāgiram āha “**eṇijaṅgham -pa- ehi passāma Gotaman**”ti. Tassattho—eṇimigasseva jaṅghā assāti **eṇijaṅgho**. Buddhānañhi eṇimigasseva anupubbavaṭṭā jaṅghā honti, na purato nimmaṃsā pacchato susumārakucchi viya uddhumātā. **Kisā** ca Buddhā honti dīgharassasamavattitayuttatṭhānesu tathārūpāya aṅgapaccāṅgasampattiyā, na vaṭṭharapurisā viya thūlā. Paññāya vilikhitakilesattā vā **kisā**. Ajjhattikabāhirasapattavidhamsanato **vīrā**. Ekāsanabhojitāya parimitabhojitāya ca **appā hārā**, na dvattimattālopabhojitāya. Yathāha—

“Ahaṃ kho pana Udāyi appekadā iminā pattena samatittikampi bhuñjāmi, bhīyyopi bhuñjāmi. ‘Appāhāro samaṇo Gotamo appāhāratāya ca vaṇṇavādī’ti iti ce maṃ udāyi sāvakā sakkareyyuṃ garuṃ kareyyuṃ māneyyūṃ pūjeyyūṃ, sakkatvā garuṃ katvā upanissāya vihareyyuṃ. Ye te Udāyi mama sāvakā kosakāhārāpi aḍḍhakosakāhārāpi beluvāhārāpi aḍḍhabeluvāhārāpi, na maṃ te iminā dhammena sakkareyyuṃ -pa- upanissāya vihareyyun”ti¹.

Āhāre chandarāgābhāvena **alolupā** aṭṭhaṅgasamannāgataṃ āhāraṃ āhārenti. Moneyyasampattiyā **Munino**. Anagārikatāya vivekaninnamānasatāya ca **vanejhāyanti**. Tenāha Hemavato yakkho “eṇijaṅgham -pa- ehi passāma Gotaman”ti.

168. Evañca vatvā puna tassa Bhagavato santike dhammaṃ sotukāmatāya “**sīhamvekkacaran**”ti imaṃ gāthamāha. Tassattho—**sīhamvāti**

1. Ma 2. 199 piṭṭhe.

durāsadaṭṭhena khamanaṭṭhena nibbhayaṭṭhena ca kesarasīhasadisam. Yāya taṇhāya “taṇhādutiyo puriso”ti vuccati, tassā abhāvena **ekacaram**, ekissā lokadhātuyā dvinnam Buddhānam anuppattitopi **ekacaram**.

Khaggavisāṇasutte vuttanayenāpi cettha tamtamatto daṭṭhabbo. **Nāganti** punabbhavam neva gantāram nāgantāram. Atha vā āgum na karotītipi **nāgo**. Balavātipi **nāgo**. Tam nāgam. **Kāmesu anapekkhinanti** dvīsupi kāmesu chandarāgābhāvena anapekkhinam. **Upasaṅkamma pucchāma**, **maccupāsappamocananti** tam evarūpaṃ mahesim upasaṅkamtivā tebhūmakavaṭṭassa maccupāsassa pamocanam vivaṭṭam nibbānam pucchāma, yena vā upāyena dukkhasamudayasaṅkhātā maccupāsā pamuccati, tam maccupāsappamocanam pucchāmāti. Imam gātham Hemavato Sātāgiraṇca Sātāgiraparisaṇca attano parisaṇca sandhāya āha.

Tena kho pana samayena āsālhinakkhattam ghositam ahosi. Atha samantato alaṅkatapaṭiyatte devanagare sirim paccanubhontī viya Rājagahe Kālī nāma Kuraragharikā upāsikā pāsadamāruyha sihapañjaram vivaritvā gabbhaparissamam vinodentī savātappadese utuggahaṇattham ṭhitā tesam yakkhasenāpatīnam tam Buddhaguṇapaṭisamyuttam katham ādimajjhapariyosānato assosi, sutvā ca “evam vividhaguṇasamannāgatā Buddhā”ti Buddhārammaṇam pītim uppādetvā tāya nīvaraṇāni vikkhambhetvā tattheva ṭhitā sotāpattiphale paṭiṭṭhāsi. Tato eva Bhagavatā “etadaggaṃ bhikkhave mama sāvikanam upāsikanam anussavappasannānam, yadidaṃ Kālī upāsikā Kuraragharikā”ti¹ etadagge ṭhapitā.

169. Tepi yakkhasenāpatayo sahasayakkhaparivārā majjhimayāmasamaye Isipatanam patvā dhammacakkappavattitapallaṅkeneva nisinnam Bhagavantam upasaṅkamma vanditvā imāya gāthāya Bhagavantam abhitthavitvā okāsamakārayimsu “**akkhātāram pavattāran**”ti. Tassattho—ṭhapetvā taṇham tebhūmake dhamme “idaṃ kho pana bhikkhave dukkham ariyasaccan”ti-ādinā² nayena saccānam vavattānakathāya **akkhātāram**. “Tam kho panidaṃ dukkham ariyasaccam pariññeyyanti me bhikkhave”ti-ādinā² nayena tesu kiccaṇṇakatañṇappavattanena **pavattāram**. Ye vā dhammā yathā voharitabbā, tesu

1. Am 1. 28 piṭṭhe.

2. Sam 3. 369; Vi 3. 14 piṭṭhesu.

tathā vohārakathanena akkhātāraṃ, tesāmyeva dhammānaṃ sattānurūpato pavattāraṃ. Ugghaṭitaññuvipañcitaññūnaṃ vā desanāya akkhātāraṃ, neyyānaṃ paṭipādanena pavattāraṃ. Uddesena vā akkhātāraṃ, vibhaṅgena tehi tehi pakārehi vacanato pavattāraṃ. Bodhipakkhiyānaṃ vā salakkhaṇakathanena akkhātāraṃ, sattānaṃ cittasantāne pavattanena pavattāraṃ. Saṅkhepato vā tihi parivaṭṭehi saccānaṃ kathanena akkhātāraṃ, vitthārato pavattāraṃ. “Saddhindriyaṃ dhammo, taṃ dhammaṃ pavattetīti dhammacakkaṃ”ti evamādinā¹ paṭisambhidānayaena vitthāritassa dhammacakkassa pavattanato pavattāraṃ.

Sabbadhammānanti catubhūmakadhammānaṃ. **Pāragunti** chahākārehi pāraṃ gataṃ abhiññāya pariññāya pahānena bhāvanāya sacchikiriyāya samāpattiyā. So hi Bhagavā sabbadhamme abhijānanto gatoti abhiññāpāragū, pañcupādānakkhandhe parijānanto gatoti pariññāpāragū, sabbakilese pajahanto gatoti pahānapāragū, cattāro magge bhāvento gatoti bhāvanāpāragū, nirodhaṃ sacchikaronto gatoti sacchikiriyāpāragū, sabbā samāpattiyō samāpajjanto gatoti samāpattipāragū. Evaṃ sabbadhammānaṃ pāraguṃ. **Buddhaṃ verabhayātītanti** aññāṇasayanato paṭibuddhattā Buddhaṃ, sabbena vā saraṇavaṇṇanāyaṃ vuttenatthena Buddhaṃ, pañcaverabhayānaṃ atītattā verabhayātītaṃ. Evaṃ Bhagavantaṃ abhitthavantaṃ “mayāṃ pucchāma Gotamaṃ”ti okāsamakārayiṃsu.

170. Atha nesaṃ yakkhānaṃ tejena ca paññāya ca aggo Hemavato yathādhippetāṃ pucchitabbaṃ pucchanto “**kismiṃ loko**”ti imaṃ gāthamāha. Tassādipāde **kisminti** bhāvenabhāvalakkhaṇe bhumnavacanaṃ, kismiṃ uppanne loko samuppanno hotīti ayañhettha adhippāyo. Sattalokasaṅkhāraloke samuppanno hotīti ayañhettha adhippāyo. Sattalokasaṅkhāraloke sandhāya pucchati. **Kismiṃ kubbati santhavanti** ahanti vā mamanti vā taṇhādīṭṭhisanthavaṃ kismiṃ kubbati, adhikaraṇatthe bhumnavacanaṃ. **Kissa lokoti** upayogatthe sāmivacanaṃ, kim upādāya lokoti saṅkhyāṃ gacchatīti ayañhettha adhippāyo. **Kismiṃ lokoti** bhāvenabhāvalakkhaṇakāraṇatthesu² bhumnavacanaṃ. Kismiṃ sati kena kāraṇena loko vihaññati pīḷiyati bādhiyatīti ayañhettha adhippāyo.

1. Khu 9. 343 piṭṭhe.

2. Bhāvenabhāvalakkhaṇādihikaraṇatthesu (Syā, Ka)

171. Atha Bhagavā yasmā chasu ajjhattikabāhiresu āyatanesu uppannesu sattaloko ca dhanadhaññādivasena sañkhāraloko ca uppanno hoti, yasmā cettha sattaloko tesveva chasu duvidhampi santhavaṃ karoti. Cakkhāyatanam vā hi “ahaṃ maman”ti gaṇhāti¹ avasesesu vā aññataram. Yathāha “cakkhu attāti yo vadeyya, taṃ na upapajjati”ti-ādi². Yasmā ca etāniyeva cha upādāya duvidhopi lokoti sañkhyam gacchati, yasmā ca tesveva chasu sati sattaloko dukkhapātubhāvena vihaññati. Yathāha—

“Hatthesu bhikkhave sati ādānanikkhepanam hoti, pādesu sati abhikkamapaṭikkamo hoti, pabbesu sati samiñjanapasāraṇam hoti, kucchismim sati jighacchāpipāsā hoti, evameva kho bhikkhave cakkhusmim sati cakkhusamphassapaccayā uppajjati ajjhattam sukham dukkhan”ti-ādi³.

Tathā tesu ādhārabhūtesu paṭihato sañkhāraloko vihaññati. Yathāha—

“Cakkhusmim anidassene sappaṭighe paṭihaññi vā” iti⁴ ca,

“Cakkhu bhikkhave paṭihaññati manāpāmanāpesu rūpesū”ti⁵ evamādi.

Tathā tehiyeva kāraṇabhūtehi duvidhopi loko vihaññati. Yathāha—

“Cakkhu vihaññati⁶ manāpāmanāpesu rūpesū”ti⁵ ca,

“Cakkhu bhikkhave ādittam, rūpā ādittā, kena ādittam, rāgagginā”ti evamādi⁷.

Tasmā cha-ajjhattikabāhirāyatanavasena taṃ puccham vissajjento āha “**chasu loko samuppanno**”ti.

172. Atha so yakkho attanā vaṭṭavasena puṭṭhapañham Bhagavatā dvādasāyatanavasena sañkhipitvā vissajjitam na sutṭhu upalakkhetvā tañca

1. Gaṇhanto gaṇhāti (Sī, SYā) 2. Ma 3. 329 piṭṭhe. 3. Saṃ 2. 380 piṭṭhe.

4. Abhi 1. 157 piṭṭhe.

5. Saṃ 2. 383 piṭṭhe. 6. Cakkhum āviñchati (Sī, Syā)

7. Saṃ 2. 251; Vi 3. 44 piṭṭhesu.

attham tappaṭipakkhañca ñātukāmo sañkhepeneva vaṭṭavivaṭṭam pucchanto āha “**katamaṃ tan**”ti. Tattha upādātabbaṭṭhena **upādānam**, dukkhasaccassetam adhivacanam. **Yattha loko vihaññatīti** “chasu loko vihaññatī”ti eva Bhagavatā yattha chabbidhe upādāne loko vihaññatīti vutto, tam katamaṃ upādānanti evaṃ upaḍḍhagāthāya sarūpeneva dukkhasaccam pucchi. Samudayasaccam pana tassa kāraṇabhāvena gahitameva hoti. **Niyyānam pucchitoti** imāya pana upaḍḍhagāthāya maggasaccam pucchi. Maggasaccena hi ariyasāvako dukkham pariḷānanto, samudayam pajahanto, nirodham sacchikaronto, maggam bhāvento lokamhā niyyāti, tasmā niyyānanti vuccati. **Kathanti** kena pakārena. **Dukkha pamuccatīti** “upādānan”ti vuttam vaṭṭadukkha pamokkham pāpuṇāti. Evamettha sarūpeneva maggasaccam pucchi, nirodhasaccam pana tassa visayabhāvena gahitameva hoti.

173. Evam yakkhena sarūpena dassetvā ca adassetvā ca catusaccavasena pañham puṭṭho Bhagavā teneva nayena vissajjento āha “**pañcakāmaguṇā**”ti. Tattha pañcakāmaguṇasañkhātagocaraggahaṇena taggocarāni pañcāyatanāni gahitāneva honti. Mano chaṭṭho etesanti **manochaṭṭhā**. **Paveditāti** pakāsītā. Ettha ajjhattikesu chaṭṭhassa manāyatanassa gahaṇena tassa visayabhūtam dhammāyatanam gahitameva hoti. Evam “katamaṃ tam upādānan”ti imam pañham vissajjento punapi dvādasāyatanānam vaseneva dukkhasaccam pakāsesi. Manogahaṇena vā sattannaṃ viññāṇadhātūnam gahitattā tāsū purimapañcaviññāṇadhātuggahaṇena tāsam vatthūni pañca cakkhādīni āyatanāni, manodhātumanoviññāṇadhātuggahaṇena tāsam vatthugocarabhedam dhammāyatanam gahitamevāti evampi dvādasāyatanavasena dukkhasaccam pakāsesi. Lokuttaramanāyatanadhammāyatanekadeso panettha yattha loko vihaññati, tam sandhāya niddiṭṭhattā na saṅgayhati.

Ettha chandam virājetvāti ettha dvādasāyatanabhede dukkhasacce tānevāyatanāni khandhato dhātuto nāmarūpatoti tathā tathā vavattthapetvā tilakkhaṇam āropetvā vipassanto arahattamaggapariyosānāya vipassanāya taṇhāsañkhātam **chandam** sabbaso **virājetvā** vinetvā viddhamsetvāti attho. **Evam dukkhā pamuccatīti** iminā pakārena

etasmā vaṭṭadukkhā pamuccatīti. Evamimāya upaḍḍhagāthāya “niyyānaṃ pucchito brūhi, kathaṃ dukkhā pamuccatī”ti ayaṃ pañho vissajjito hoti, maggasaccaṇca pakāsitaṃ. Samudayanirodhasaccāni panettha purimanayeneva saṅgahitattā pakāsitāneva hontīti veditabbāni. Upaḍḍhagāthāya vā dukkhasaccaṃ, chandena samudayasaccaṃ. “Virājetvā”ti ettha virāgena nirodhasaccaṃ, “virāgā vimuccatī”ti vacanato vā maggasaccaṃ. “Evaṃ”ti upāyanidassanena maggasaccaṃ, dukkhanirodhanti vacanato vā. “Dukkhā pamuccatī”ti dukkhapamokkhena nirodhasaccanti evamettha cattāri saccāni pakāsitāni hontīti veditabbāni.

174. Evaṃ catusaccagabbhāya gāthāya lakkhaṇato niyyānaṃ pakāsetvā puna tadeva sakena niruttābhilāpena nigamento āha “**etaṃ lokassa niyyānaṃ**”ti. Ettha **etanti** pubbe vuttassa niddeso, **lokassāti** tedhātukalokassa. **Yathātathanti** aviparītaṃ. **Etaṃ vo ahamakkhāmīti** sacepi maṃ sahasakkhattuṃ puccheyyātha, etaṃ vo ahamakkhāmi, na aññaṃ. Kasmā? Yasmā evaṃ dukkhā pamuccati, na aññathāti adhippāyo. Atha vā etena niyyānena ekadvattikkhattuṃ nigatānampi etaṃ vo ahamakkhāmi, uparivisesādhigamāyapi etadeva ahamakkhāmīti attho. Kasmā? Yasmā evaṃ dukkhā pamuccati asesaniessesāti arahattanikūṭṭhena desanaṃ niṭṭhāpesi. Desanāpariyosāne dvepi yakkhasenāpatayo sotāpattiphale patiṭṭhahimsu saddhiṃ yakkhasahassena.

175. Atha Hemavato pakatīyāpi dhammagaru, idāni ariyabhūmiyaṃ patiṭṭhāya suṭṭhutaṃ atitto Bhagavato vicitrapaṭibhānāya desanāya Bhagavantam sekkhāsekkhabhūmiṃ pucchanto “**ko sūḍha taratī**”ti gāthamabhāsi. Tattha **ko sūḍha taratī oghanti** iminā caturōghaṃ ko taratīti sekkhabhūmiṃ pucchati avisesena. Yasmā **aṇṇavanti** na vitthatamattaṃ nāpi gambhīramattaṃ, apica pana yaṃ vitthatataraṇca gambhīrataraṇca, taṃ vuccati, tādiso ca saṃsāraṇṇavo. Ayaṃ hi samantato pariyantābhāvena vitthato, heṭṭhā patiṭṭhābhāvena upari ālambanābhāvena ca gambhīro, tasmā “ko idha taratī aṇṇavaṃ, tasmīṇca appatiṭṭhe anālambe gambhīre aṇṇave ko na sīdatī”ti asekkhabhūmiṃ pucchati.

176. Atha Bhagavā yo bhikkhu jīvitahetupi vītikkamaṃ akaronto sabbadā sīlasampanno lokiyalokuttarāya ca paññāya paññavā, upacārappanāsamādhinā iriyāpathahetṭhimamaggaphalehi ca susamāhito, tilakkhaṇaṃ āropetvā vipassanāya niyakajjhattacintanasīlo, sātaccakiriyāvahāya¹ appamādasatiyā ca samannāgato, yasmā so catutthena maggena imaṃ suduttaraṃ oghaṃ anavasesaṃ tarati, tasmā sekkhabhūmiṃ vissajjento “**sabbadā sīlasampanno**”ti imaṃ tisikkhāgabbhaṃ gāthamāha. Ettha hi sīlasampadāya adhisīlasikkhā, satisamādhīhi adhicittasikkhā, ajjhattacinti tāpaññāhi adhipaññāsikkhāti tisso sikkhā sa-upakārā sānisamsā ca vuttā. Upakāro hi sikkhānaṃ lokiyapaññā sati ca, ānisamsā sāmāññaphalānīti.

177. Evaṃ paṭhamagāthāya sekkhabhūmiṃ dassetvā idāni asekkhabhūmiṃ dassento dutiyagāthamāha. Tassattho—**virato kāmasaññāyāti** yā kāci kāmasaññā, tato sabbato catutthamaggasampayuttāya samucchedaviratiyā virati. “Viratto”tipi pāṭho, tadā “kāmasaññāyā”ti bhummavacanaṃ hoti, Sagāthāvaggena pana “kāmasaññāsū”tipi² pāṭho. Catūhipi maggehi dasannaṃ saṃyojanānaṃ atītattā **sabbasaṃyojanātigo**, catuttheneva vā uddhambhāgiyasabbasaṃyojanātigo, tatratatrābhinandinītaṇhāsāṅkhātāya nandiyā tiṇṇaṅca bhavānaṃ parikkhīṇattā **Nandībhavaparikkhīṇo so** tādiso khīṇāsavo bhikkhu **gambhīre** saṃsāraṇṇave **na sīdati** nandīparikkhayena sa-upādisesaṃ, bhavaparikkhayena ca anupādisesaṃ nibbānathalaṃ samāpajja³ paramassāsappattiyāti.

178. Atha Hemavato sahāyaṅca yakkhapaṛisaṅca oloketvā pītisomanassajāto “gambhīrapaññānaṃ”ti evamādhīhi gāthāhi Bhagavantaṃ abhitthavitvā sabbāvatiyā parisāya sahāyena ca saddhiṃ abhivādetvā padakkhiṇaṃ katvā attano vasanaṭṭhānaṃ agamāsi.

Tāsaṃ pana gāthānaṃ ayaṃ atthavaṇṇanā—**gambhīrapaññānti** gambhīrāya paññāya samannāgataṃ. Tattha paṭisambhidāyaṃ vuttanayena gambhīrapaññā vedītabbā. Vuttaṃ hi

1. Sātaccakiriyamappahāya (Ka)

2. Saṃ 1. 51 piṭṭhe.

3. Nibbānadhātuphalaṃ āsajja (Sī), nibbānadhātuphalaṃ samāpajja (Syā)

tattha “gambhīresu khandhesu ñāṇaṃ pavattatīti gambhīrapaññā”ti-ādi¹.
Nipuṇatthadassinti nipuṇehi khattiyapaṇḍitādīhi abhisāṅkhatānaṃ pañhānaṃ
 atthadassim, atthānaṃ vā yāni nipuṇāni kāraṇāni duppaṭivijjhāni aññehi
 tesam dassanena nipuṇatthadassim. Rāgādikiñcanābhāvena **akiñcanaṃ**.
 Duvidhe kāme tividhe ca bhava alaggena **kāmabhava asattaṃ**.
 Khandhādibhedesu sabbārammaṇesu chandarāgabandhanābhāvena **sabbadhi
 vippamuttaṃ**. **Dibbe pathe kamamānanti** aṭṭhasamāpattibhede dibbe pathe
 samāpajjanavasena caṅkamantaṃ. Tattha kiñcāpi na tāya velāya Bhagavā
 dibbe pathe kamati, apica kho pubbe kamaṇaṃ upādāya
 kamasattisabbhāvena tattha laddhavasībhāvatāya evaṃ vuccati. Atha vā
 ye te visuddhidevā arahanto, tesam pathe santavihāre kamanenāpetam
 vuttaṃ. Mahantānaṃ guṇānaṃ esanena **mahesim**.

179. Dutiyagāthāya aparena pariyāyena thuti āradhāti katvā puna
 nipuṇatthadassiggahaṇaṃ nidasseti². Atha vā nipuṇatthe dassetaranti attho.
Paññādadanti paññāpaṭilābhasamvattanikāya paṭipattiyā kathanena
 paññādāyakaṃ. **Kāmālaye asattanti** yvāyaṃ kāmesu taṇhādīṭṭhivasena
 duvidho ālayo, tattha asattaṃ. **Sabbavidunti** sabbadhammaviduṃ,
 sabbaññunti vuttaṃ hoti. **Sumedhanti** tassa sabbaññubhāvassa maggabhūtāya
 pāramīpaññāsaṅkhātāya medhāya samannāgataṃ. **Ariye patheti** aṭṭhaṅgike
 magge, phalasaṃpattiyā vā. **Kamamānanti** paññāya ajjhogāhamānaṃ
 maggalakkaṇaṃ ñatvā desanato, pavisaṃmānaṃ vā khaṇe khaṇe
 phalasaṃpattisaṃpajjanato, catubbidhamaggabhāvanāsaṅkhātāya³
 kamasattiyā kamitapubbaṃ vā.

180. **Sudīṭṭhaṃ vata no ajjāti** ajja amhehi sundaraṃ dīṭṭhaṃ, ajja vā
 amhākaṃ sundaraṃ dīṭṭhaṃ, dassananti attho. **Suppabhātaṃ suhūṭṭhanti**
 ajja amhākaṃ suṭṭhu pabhātaṃ, sobhanaṃ vā pabhātaṃ ahosi, ajja ca no
 sundaraṃ uṭṭhitaṃ ahosi, anuparodhena sayanato⁴ uṭṭhitaṃ. Kim kāraṇaṃ?
Yaṃ addasāma Sambuddhaṃ, yasmā Sambuddhaṃ addasāmāti attano
 lābhasampattiṃ ārabba pāmojjaṃ pavedeti.

1. Khu 9. 373 piṭṭhe.

2. Na dussati (Sī)

3. Catubbidhe hi magge bhāvanāsaṅkhātāya (Sī)

4. Anuppageva sayanato (Sī), anuparodhasayanato (Syā)

181. **Iddhimantoti** kammavipākajiddhiyā samannāgatā. **Yasassinoti** lābhaggaparivāraggasampannā. **Saraṇaṃ yantīti** kiñcāpi maggeneva gatā, tathāpi sotāpanabhāvaparidīpanatthaṃ pasādadassanatthañca¹ vācaṃ bhindati.

182. **Gāmā gāmanti** devagāmā devagāmaṃ. **Nagā naganti** devapabbatā devapabbataṃ. **Namassamānā Sambuddhaṃ, dhammassa ca sudhammatanti** “Sammāsambuddho vata Bhagavā, svākhāto vata Bhagavatā dhammo”ti-ādinā nayena Buddhasubodhitañca dhammasudhammatañca, “suppaṭipanno vata Bhagavato sāvakaśaṃgho”ti-ādinā śaṃghasuppaṭipattiñca abhitthavitvā abhitthavitvā namassamānā dhammaghosakā hutvā vicarissāmāti vuttaṃ hoti. Sesamettha uttānatthamevāti.

Paramatthajotikāya Khuddakaṭṭhakathāya

Suttanipātaṭṭhakathāya

Hemavatasuttavaṇṇanā niṭṭhitā.

10. Āḷavakasuttavaṇṇanā

Evaṃ me sutanti Āḷavakasuttaṃ. Kā uppatti? Atthavaṇṇanāyenevassa uppatti āvibhavissati. Atthavaṇṇanāya ca “evaṃ me sutam, ekaṃ samayaṃ Bhagavā”ti etaṃ vuttatthameva. **Āḷaviyaṃ viharati Āḷavakassa yakkhassa bhavaneti** ettha pana kā Āḷavī, kasmā ca Bhagavā tassa yakkhassa bhavane viharatīti? Vuccate—**Āḷavīti** raṭṭhampi nagarampi vuccati, tadubhayampi idha vaṭṭati. Āḷavīnagarassa hi samīpe viharantopi “Āḷaviyaṃ viharatī”ti vuccati. Tassa ca nagarassa samīpe avidūre gāvutamatte taṃ bhavanaṃ, Āḷavīraṭṭhe viharantopi “Āḷaviyaṃ viharatī”ti vuccati, Āḷavīraṭṭhe cetam bhavanaṃ.

Yasmā pana Āḷavako rājā vividhanāṭakūpabhogaṃ chaḍḍetvā corapaṭibāhanatthaṃ paṭirājanisedhanatthaṃ byāyāmakaraṇatthañca²sattame sattame divase migavaṃ gacchanto ekadivasam balakāyena saddhim katikaṃ akāsi “yassa

1. Pasādupadassanatthañca (Sī), pasādānurūpadassanatthañca (Ka)

2. Vāyāmakaraṇatthañca (Sī)

passena migo palāyati, tasseva so bhāro”ti. Atha tasseva passena migo palāyi, jivasampanno rājā dhanuṃ gahetvā pattikova tiyojanaṃ taṃ migam anubandhi. Eṇimigā ca tiyojanavegā eva honti. Atha parikkhīṇajavaṃ taṃ migam udakaṃ pavisitvā ṭhitaṃ vadhitvā dvidhā chetvā anattikopi maṃsena “nāsakki migam gahetun”ti apavādamocanattam kājenādāya āgacchanto nagarassāvidūre bahalapattapalāsam mahānigrodham disvā parissamavinodanattam tassa mūlamupagato. Tasmīṇca nigrodhe Āḷavako yakkho mahārājasantikā¹ varam labhitvā majjhanhikasamaye tassa rukkhassa chāyāya phuṭṭhokāsam pavitṭhe pāṇino khādanto paṭivasati, so taṃ disvā khādituṃ upagato. ()² atha rājā tena saddhim katikaṃ akāsi “muñca maṃ, ahaṃ te divase divase manussaṇca thālipākaṇca pesessāmi”ti. Yakkho “tvaṃ rājūpabhogena pamatto sammussasi, ahaṃ pana bhavanaṃ anupagataṇca ananuññātaṇca khādituṃ na labhāmi, svāham bhavantampi jīyeyyan”ti³ na muñci. Rājā “yaṃ divasaṃ na pesemi, taṃ divasaṃ maṃ gahetvā khādāhi”ti attānaṃ anujānitvā tena mutto nagarābhimukho agamāsi.

Balakāyo magge khandhāvāram bandhitvā ṭhito rājānaṃ disvā “kiṃ mahārāja ayasamattabhayā evaṃ kilantosi”ti vadanto paccuggantvā paṭiggahesi. Rājā taṃ pavattiṃ anārocetvā nagaraṃ gantvā katapātarāso nagaraguttikaṃ āmantetvā etamattham ārocesi. Nagaraguttiko “kiṃ deva kālaparicchedo kato”ti āha. Rājā “na kato bhaṇe”ti āha. Duṭṭhu kataṃ deva, amanussā hi paricchinnamattameva labhanti, aparicchinne pana janapadassa ābādho⁴ bhavissati, hotu deva, kiñcāpi evamakāsi, apposukko tvaṃ rajjasukham anubhohi, ahamettha kātabbam karissāmīti. So kālasseva vuṭṭhāya bandhanāgāram gantvā ye ye vajjhā honti, te te sandhāya “yo jīvitattiko hoti,

1. Vessavaṇamahārājassa santikā (Syā)

2. (Rājā dvidhā chinnaṃ migam datvā attānaṃ mocetukāmo ahoṣi. Yakkho “mama hatthagatakālato paṭṭhāya nanu migo mama santakova, migam datvā attano mocanaṃ kinnāmetaṃ karosi tvaṃ” iti vatvā rājānaṃ na muñci.) (Ka)

3. Bhavantampi muñceyyaṃ kathaṃ jīveyyanti (Sī)

4. Janapadassa bādhā (Sī), janapadassa vihedho (Ka)

so nikkhamatū”ti bhaṇati, yo paṭhamam nikkhamati. Tam geham netvā nhāpetvā bhojetvā ca “imam thālipākam yakkhassa dehī”ti peseti, tam rukkhamūlam pavitṭhamattamyeva yakkho bheravam attabhāvam nimminivā mūlakandaṃ piya khādati. Yakkhānubhāvena kira manussānam kesādāni upādāya sakalasarīram navanītapinḍo viya hoti. Yakkhassa bhattam gāhāpetum gatapurisā tam disvā bhītā yathāmittam ārocesum. Tato pabhuti “rājā core gahetvā yakkhassa detī”ti manussā corakammato paṭiviratā. Tato aparena samayena navacorānam abhāvena purāṇacorānañca parikkhayena bandhanāgārāni suññāni ahesum.

Atha nagaraguttiko rañño ārocesi. Rājā attano dhanmā nagararacchāsu chaḍḍāpesi “appeva nāma koci lobhena gaṇheyyā”ti. Tam pādenapi na koci chupi. So core alabhanto amaccānam ārocesi, amaccā “kulapaṭipāṭiyā ekamekam jīṇṇakam pesema, so pakatiyāpi maccumukhe¹ vattatī”ti āhamṣu. Rājā “amhākam pitaram amhākam pitāmahaṃ pesetīti manussā khobham² karissanti, mā vo etaṃ rucci”ti nivāresi. “Tena hi deva dārakam pesema uttānaseyyakam, tathāvidhassa hi ‘mātā me pitā me’ti sineho natthī”ti āhamṣu. Rājā anujāni, te tathā akaṃsu. Nagare dārakamātaro ca dārake gahetvā gabbhiniyo ca palāyivā parajanapade dārake samvaddhetvā ānenti. Evaṃ sabbānipi dvādasa vassāni gatāni.

Tato ekadivasam sakalanagaraṃ vicinitvā ekampi dārakam alabhitvā rañño ārocesum “natthi deva nagare dārako ṭhapetvā antepure tava puttam Āḷavakakumāran”ti. Rājā “yathā mama putto piyo, evaṃ sabbalokassa, attanā pana piyataram natthi, gacchatha tampi datvā mama jīvitam rakkhathā”ti āha. Tena ca samayena Āḷavakakumārassa mātā puttam nhāpetvā maṇḍetvā dukūlacumbaṭake katvā aṅke sayāpetvā nisinnā hoti, rājapurisā rañño āṇāya tattha gantvā vippalapantiyā tassā soḷasannañca itthisahassānam saddhim dhātiyā tam ādāya pakkamimsu “sve yakkhabhakkho bhavissatī”ti. Tam divasañca Bhagavā

1. Maccupathe (Sī)

2. Veram (Sī)

paccūsasamaye paccuṭṭhāya Jetavanamahāvihāre Gandhakuṭṭiyam mahākaruṇāsamāpattim samāpajjitvā puna Buddhacakkhunā lokam volokento addasa Āḷavakassa kumārassa anāgāmiphaluppattiyā upanissayam, yakkhassa ca sotāpattiphaluppattiyā upanissayam desanāpariyosāne ca caturāsītiyā paṇasahassānam dhammacakkhupaṭilābhassāti. Tasmā vibhātāya rattiyā purebhattakiccam katvā aniṭṭhitapacchābhattakiccova kāḷapakka-uposathadivase vattamāne-oggate sūriye ekakova adutiyo pattacīvaramādāya pādagamaneva¹ Sāvattitho tiṃsa yojanāni gantvā tassa yakkhassa bhavanam pāvisi. Tena vuttam “Āḷavakassa yakkhassa bhavane”ti.

Kim pana Bhagavā yasmim nigrodhe Āḷavakassa bhavanam, tassa mūle vihāsi, udāhu bhavaneyevāti? Vuccate—bhavaneyeva. Yatheva hi yakkhā attano bhavanam passanti, tathā Bhagavāpi. So tattha gantvā bhavanadvāre aṭṭhāsi. Tadā Āḷavako Himavante yakkhasamāgamaṃ gato hoti, tato Āḷavakassa dvārapālo Gadrabho nāma yakkho Bhagavantam upasaṅkamitvā vanditvā “kim bhante Bhagavā vikāle āgato”ti āha. Āma Gadrabha āgatomhi, sace te agaru, vihareyyāmekarattim Āḷavakassa bhavaneti. Na me bhante garu, apica kho so yakkho kakkhaḷo pharusso mātāpitūnampi abhivādanādīni na karoti, mā rucci Bhagavato idha vāsoti. Jānāmi Gadrabha tassa kakkhaḷattam, na koci mamantarāyo bhavissati, sace te agaru, vihareyyāmekarattinti.

Dutiyampi Gadrabho yakkho Bhagavantam etadavoca “aggitattakapālasadiso bhante Āḷavako, ‘mātāpitaro’ti vā ‘samaṇabrāhmaṇā’ti vā ‘dhammo’ti vā na jānāti, idhāgatānam cittakkhepampi karoti, hadayampi phāleti, pādepi gahetvā parasamudde vā paracakkavāḷe vā khipatī”ti. Dutiyampi Bhagavā āha “jānāmi Gadrabha, sace te agaru, vihareyyāmekarattin”ti. Tatiyampi Gadrabho yakkho Bhagavantam etadavoca “aggitattakapālasadiso bhante Āḷavako, ‘mātāpitaro’ti vā ‘samaṇabrāhmaṇā’ti vā ‘dhammo’ti vā na jānāti, idhāgatānam cittakkhepampi karoti, hadayampi phāleti, pādepi gahetvā

1. Pādamaḡgeneva (Sī)

parasamudde vā paracakkavāle vā khipatī”ti. Tatiyampi Bhagavā āha “jānāmi Gadrabha, sace te agaru, vihareyyāmekarattin”ti. Na me bhante garu, apica kho so yakkho attano anārocetvā anujānantam maṃ jīvitā voropeyya, ārocemi bhante tassāti. Yathāsukham Gadrabha ārocehīti. “Tena hi bhante tvameva jānāhī”ti Bhagavantam abhivādetvā Himavantābhimukho pakkāmi. Bhavanadvārampi sayameva Bhagavato vivaramadāsi. Bhagavā antobhavanam pavisitvā yatha abhilakkhitesu maṅgaladivasādīsu nisīditvā Āḷavako siriṃ anubhoti, tasmīnyeva dibbaratanapallaṅke nisīditvā suvaṇṇābham muñci. Tam disvā yakkhassa itthiyo āgantvā Bhagavantam vanditvā samparivāretvā nisīdīmsu. Bhagavā “pubbe tumhe dānam datvā sīlam samādiyitvā pūjaneyyam pūjetvā imam sampattim pattā, idānipi tatheva karotha, mā aññamaññam issāmacchariyābhibhūtā viharathā”ti-ādinā nayena tāsam pakiṇṇakadhammakatham kathesi. Tā ca Bhagavato madhuranigghosam sutvā sādhu-kārasahassāni datvā Bhagavantam parivāretvā nisīdīmsuyeva, Gadrabhopi Himavantam gantvā Āḷavakassa ārocesi “yagghe mārisa jāneyyāsi, vimāne te Bhagavā nisinnō”ti. So Gadrabhassa saññamakāsi “tuṅhī hohi, gantvā kattabham karissāmī”ti. Purisamānena kira lajjito ahosi, tasmā “mā koci parisamajjhe suṇeyyā”ti vāresi.

Tadā Sātāgīrahemavatā Bhagavantam Jetavaneyeva vanditvā “yakkhasamāgamam gamissāmā”ti saporivārā nānāyānehi ākāsena gacchanti. Ākāse ca yakkhānam na sabbattha maggo atthi, ākāsaṭṭhāni vimānāni pariharitvā maggaṭṭhāneva maggo hoti. Āḷavakassa pana vimānam bhūmaṭṭham suguttam pākāraparikkhittam susamvihitadvāraṭṭalākagopuram uparikāmsajālasañchannam mañjūsasadisam tiyojanam ubbedhena, tassa upari maggo hoti. Te tam padesamāgama gantum asamattā ahesum. Buddhānam hi nisinnokāsassa uparibhāgena yāva bhavaggā, tāva koci gantum asamattō. Te “kimidan”ti āvajjetvā Bhagavantam disvā ākāse khittaleḍḍu viya oruyha vanditvā dhammam sutvā padakkhiṇam katvā “yakkhasamāgamam gacchāma Bhagavā”ti tīni vatthūni pasamsantā yakkhasamāgamam agamaṃsu. Āḷavako te disvā “idha nisīdathā”ti paṭikkamma okāsamadāsi,

te Āḷavakassa nivedesuṃ, “lābhā te Āḷavaka, yassa te bhavane Bhagavā viharati, gacchāvuso Bhagavantam payirupāsassū”ti. Evaṃ Bhagavā bhavaneyeva vihāsi, na yasmim nigrodhe Āḷavakassa bhavanam, tassa mūleti. Tena vuttam “ekam samayam Bhagavā Āḷaviyam viharati Āḷavakassa yakkhassa bhavane”ti.

Atha kho Āḷavako -pa- Bhagavantam etadavoca “**nikkhama samanā**”ti kasmā panāyam etadavocāti? Vuccate—rosetukāmatāya. Tatrevam ādito pabhuti sambandho veditabbo—ayam hi yasmā assaddhassa saddhākathā dukkathā hoti dussilādīnam silādīkathā viya, tasmā tesam yakkhānam santikā Bhagavato pasamsam sutvā eva aggimhi pakkhittaloṇasakkharā viya abhantarakopena taṭataṭayamānahadayo hutvā “ko so Bhagavā nāma, yo mama bhavanam pavitṭho”ti āha. Te āhamsu “na tvam āvuso jānāsi Bhagavantam amhākam Satthāram, yo Tusitabhavane ṭhito pañca mahāvilokanāni viloketvā”ti-ādinā nayena yāva dhammacakkappavattanam kathento paṭisandhi-ādinā dvattimsa pubbanimittāni vatvā “imānipi tvam āvuso acchariyāni nāddasā”ti codesuṃ. So disvāpi kodhavasena “nāddasan”ti āha. Āvuso Āḷavaka passeyyāsi vā tvam, na vā, ko tayā attho passatā vā apassatā vā, kim tvam karissasi amhākam Satthuno, yo tvam tam upanidhāya calakkakudhamahā-usabhasamīpe tadahujātavacchako viya, tidhāpabhinnamattavāraṇasamīpe bhīṅkapotako¹ viya, bhāsuravilambakesara-upasobhitakkhandhassa migarañño samīpe jarasiṅgālo viya, diyadḍhayojanasatappavaḍḍhakāyasupaṇṇarājasamīpe chinnapakkhakākapotako viya khāyasi, gaccha yaṃ te karaṇīyam, tam karohīti. Evaṃ vutte kuddho² Āḷavako uṭṭhahitvā manosilātale vāmapādena ṭhatvā “passatha dāni tumhākam vā Satthā mahānubhāvo, aham vā”ti dakkhiṇapādena satṭhiyojanamattam Kelāsapabbatakūṭam akkami, tam ayokūṭapahaṭo niddhanta-ayopiṇḍo viya papaṭikāyo muñci. So tatra ṭhatvā “aham Āḷavako”ti ghosesi, sakalajambudīpam saddo phari.

1. Bhīṅkārapotako (Sī, Ka)

2. Ruṭṭho (Sī), ruddho (Syā)

Cattāro kira saddā sakalajambudīpe suyymiṃsu—yañca Puṇṇako yakkhasenāpati Dhanañcayakorabyarājānaṃ jūte jinitvā apphoṭetvā “ahaṃ jīniṃ”ti ugghosesi, yañca Sakko Devānamindo Kassapassa Bhagavato sāsane parihāyamāne Vissakammaṃ devaputtaṃ sunakhaṃ kāretvā “ahaṃ pāpabhikkhū ca pāpabhikkhuniyo ca upāsake ca upāsikāyo ca sabbeva adhammavādino khādāmi”ti ugghosāpesi, yañca Kusajātake Pabhāvatihetu sattahi rājūhi nagare uparuddhe Pabhāvatim attanā saha hatthikkhandam āropetvā nagarā nikkhamma “ahaṃ Sīhassarakusamahārājā”ti mahāpuriso ugghosesi, yañca Āḷavako Kelāsamuddhani ṭhatvā “ahaṃ Āḷavako”ti. Tadā hi sakalajambudīpe dvāre dvāre ṭhatvā ugghositasadisam ahoṣi, tiyojanasahassavittthato ca Himavāpi saṅkampi yakkhassa ānubhāvena.

So **vātamaṇḍalam** samuṭṭhāpesi “eteneva samaṇam palāpessāmi”ti. Te puratthimādibhedā vātā samuṭṭhahitvā aḍḍhayanayanoyanadviyojanatiyojanappamāṇāni pabbatakūṭāni padāletvā vanagaccharukkhādīni ummūletvā Āḷavīnagaraṃ pakkhantā jīṇṇahatthisālādīni cuṇṇentā chadaniṭṭhakā ākāse bhamentā. Bhagavā “mā kassaci uparodho hotū”ti adhiṭṭhāsi, te vātā Dasabalam patvā cīvarakaṇṇamattampi cāletum nāsakkhīsu. Tato **mahāvassam** samuṭṭhāpesi “udakena ajjhottharivā samaṇam māressāmi”ti. Tassānubhāvena uparūpari satapaḷasahassapaḷalādibhedā valāhakā utṭhahitvā vassimṃsu, vuṭṭhidhārāvegena pathavī chiddā ahoṣi, vanarukkhādīnam upari mahogho āgantvā Dasabalassa cīvare ussāvabindumattampi temetum nāsakkhi. Tato **pāsāṇavassam** samuṭṭhāpesi, mahantāni mahantāni pabbatakūṭāni dhūmāyantāni pajjalantāni ākāsenāgantvā Dasabalam patvā dibbamālāguḷāni sampajjimsu. Tato **paharaṇavassam** samuṭṭhāpesi, ekatodhāra-ubhatodhārā asisattikhurappādayo dhūmāyantā pajjalantā ākāsenāgantvā Dasabalam patvā dibbapupphāni ahesum. Tato **aṅgāravassam** samuṭṭhāpesi, kimsukavaṇṇā aṅgārā ākāsenāgantvā Dasabalassa pādamūle dibbapupphāni hutvā vikarimsu. Tato **kukkulavassam** samuṭṭhāpesi, accuṇho kukkulo ākāsenāgantvā Dasabalassa pādamūle candanacuṇṇam hutvā nipati. Tato

vālukāvassam samuṭṭhāpesi, atisukhumā vālukā dhūmāyantā pajjalantā ākāsenāgantvā Dasabalassa pādamūle dibbapupphāni hutvā nipatiṃsu. Tato **kalalavassam** samuṭṭhāpesi, tam kalalavassam dhūmāyantam pajjalantam ākāsenāgantvā Dasabalassa pādamūle dibbagandham hutvā nipati. Tato **andhakāram** samuṭṭhāpesi “bhimsetvā samaṇam palāpessāmī”ti. Tam caturaṅgasamannāgatandhakārasadisam hutvā Dasabalam patvā sūriyappabhāvihatamivandhakāram antaradhāyi.

Evam yakkho imāhi navahi vātavassapāsāṇapaharaṇaṅgarakukkula-vālukakalalandhakāravuṭṭhīhi Bhagavantam palāpetum asakkonto nānāvīdhapaharaṇahatthāya anekappakārarūpabhūtagaṇasamākulāya caturaṅginiyā senāya sayameva Bhagavantam abhigato. te bhūtagaṇā anekappakāre vikāre katvā “gaṇhatha hanathā”ti Bhagavato upari āgacchantā viya honti, apica te niddhantalohapiṇḍam viya makkhikā, Bhagavantam allīyitum asamatthā eva ahesum. Evam santepi yathā Bodhimaṇḍe māro āgatavelāyameva nivatto, tathā anivattitvā upaḍḍharattimattam byākulamakamsu. Evam upaḍḍharattimattam anekappakāravibhim sanadassanenapi Bhagavantam cāletumasakkonto Ālavako cintesi “yamnunāham kenaci ajeyyam dussāvudham muñceyyam”ti.

Cattāri kira āvudhāni loke seṭṭhāni—Sakkassa Vajirāvudham, Vessavaṇassa Gadāvudham, Yamassa Nayanāvudham, Ālavakassa Dussāvudhanti. Yadi hi Sakko kuddho Vajirāvudham Sinerumatthake pahareyya, aṭṭhasaṭṭhisahassādhikayojanasatasahassam Sinerum vinivijjhivā heṭṭhato gaccheyya. Vessavaṇassa puthujjanakāle vissajjitagadā bahūnam yakkhasahassānam sīsam pātetvā puna hatthapāsam āgantvā tiṭṭhati. Yamena kuddhena Nayanāvudhena olokitamatte anekāni kumbhaṇḍasahassāni tattakapāle tilā viya vipphurantāni vinassanti. Ālavako kuddho sace ākāse Dussāvudham muñceyya, dvādasa vassāni devo na vasseyya. Sace pathaviyam muñceyya, sabbarukkhatiṇādīni sussitvā dvādasavassantaram na puna ruheyyum. Sace samudde muñceyya, tattakapāle udakabindu viya sabbamudakam susseyya. Sace Sinerusadisepi pabbate muñceyya, khaṇḍākhaṇḍam hutvā vikireyya. So evam mahānubhāvam Dussāvudham uttarīyakatam muñcitvā

aggahesi. Yebhuyyena dasasahassilokadhātudevatā vegena sannipatiṃsu “ajja Bhagavā Āḷavakaṃ damessati, tattha dhammaṃ sossāmā”ti. Yuddhadassanakāmāpi devatā sannipatiṃsu. Evaṃ sakalampi ākāsaṃ devatāhi paripuṇṇamahosi.

Atha Āḷavako Bhagavato samīpe uparūpari vicarivā vatthāvudham muñci, taṃ asanivicakkaṃ viya ākāse bheravasaddaṃ karontaṃ dhūmāyantaṃ pajjalantaṃ Bhagavantaṃ patvā yakkhassa mānamaddanattaṃ pādapuñchanacoḷakaṃ hutvā pādamūle nipati. Āḷavako taṃ disvā chinnavisāṇo viya usabho, uddhaṭadāṭho viya sappo nittejo nimmado nipatitamānaddhajo hutvā cintesi “dussāvudhampi samaṇaṃ nābhibhosi, kiṃ nu kho kāraṇaṃ”ti. Idaṃ kāraṇaṃ, mettāvihārayutto samaṇo, handa naṃ rosetvā mettāya viyojemīti. Iminā sambandhentaṃ vuttaṃ “atha kho Āḷavako yakkho yena Bhagavā -pa- “nikkhama samaṇā”ti. Tatrāyamadhippāyo—kasmā mayā ananuññāto mama bhavanaṃ pavisitvā gharasāmiko viya itthāgārassa majjhe nisinnosi, nanu ayuttametaṃ samaṇassa yadidaṃ adinnaparibhogo itthisaṃsaggo ca, tasmā yadi tvam samaṇadhamme ṭhito, nikkhama samaṇāti. Eke pana “etāni aññāni ca pharusavacanāni vatvā evāyaṃ etadavocā”ti bhaṇanti.

Atha Bhagavā “yasmā thaddho paṭithaddhabhāvena vinetuṃ na sakkā, so hi paṭithaddhabhāve kariyamāne seyyathāpi caṇḍassa kukkurassa nāsāya pittaṃ bhindeyya, so bhiiyoso mattāya caṇḍataro assa, evaṃ thaddhataro hoti, mudunā pana so sakkā vinetuṃ”ti ṇatvā “sādhāvuso”ti piyavacanena tassa vacanaṃ sampaṭicchitvā nikkhami. Tena vuttaṃ “**sādhāvusoti Bhagavā nikkhamī**”ti.

Tato Āḷavako “suvaco vatāyaṃ samaṇo ekavacaneneva nikkhanto, evaṃ nāma nikkhametuṃ sukhaṃ samaṇaṃ akāraṇenevāhaṃ sakalarattim yuddhena abbhuyyāsīn”ti muducitto hutvā puna cintesi “idānipi na sakkā jānituṃ, kiṃ nu kho suvacatāya nikkhanto, udāhu kodhena, handa naṃ vīmaṃsāmī”ti. Tato **pavisa samaṇā**”ti āha. Atha “suvaco “ti mudubhūtacittavavatthānakaraṇatthaṃ punapi piyavacanāṃ vadanto **sādhāvusoti** Bhagavā pāvīsi. Āḷavako punappunaṃ tameva suvacabhāvaṃ

vīmaṃsanto dutiyampi tatiyampi “**nikkhama pavisā**”ti āha. Bhagavāpi tathā akāsi. Yadi na kareyya, pakatīyāpi thaddhayakkhassa¹ cittaṃ thaddhataraṃ hutvā dhammakathāya bhājanam na bhavēyya, tasmā yathā nāma mātā rodantaṃ puttakaṃ yaṃ so icchati, taṃ datvā vā katvā vā saññāpeti, tathā Bhagavā kilesarodanena rodantaṃ yakkhaṃ saññāpetuṃ yaṃ so bhaṇati, taṃ akāsi. Yathā ca dhātī thaññaṃ apivantaṃ dāraḥ kiñci datvā upalāletvā pāyēti, tathā Bhagavā yakkhaṃ lokuttaradhammakhīraṃ pāyētuṃ tassa patthi tavacanakaṇṇena upalāento evamakāsi. Yathā ca puriso lābumhi catumadhuraṃ pūretukāmo tassabbhantaṃ sodheti, evaṃ Bhagavā yakkhassa citte lokuttaracatumadhuraṃ pūretukāmo tassa abbhantare kodhamalaṃ sodhetuṃ yāva tatiyaṃ nikkhamaṇapavesanaṃ akāsi.

Atha Āḷavako “suvaco ayaṃ samaṇo, “**nikkhamā**”ti vutto nikkhamati, “**pavisā**”ti vutto pavisati, yaṃnūnāhaṃ imaṃ samaṇaṃ evamevaṃ sakalarattiṃ kilamētvā pāde gahētvā pāraṅgāya khipēyyaṃ”ti pāpakaṃ cittaṃ uppādetvā catutthavāraṃ āha “**nikkhama samaṇā**”ti. Taṃ ñatvā Bhagavā “**na khvāhaṃ tan**”ti āha. “Evaṃ² vutte taduttariṃ karaṇīyaṃ pariyesamāno pañhaṃ pucchitabbaṃ maññissati, taṃ dhammakathāya mukhaṃ bhavissati”tipi ñatvā “**nakhvāhaṃ tan**”ti āha. Tattha **na**-iti paṭikkhepe, **kho**-iti avadhāraṇe. **Ahanti** attanidassanaṃ, **tanti** hetuvacanaṃ. Tenettha “yasmā tvaṃ evaṃ cintesi, tasmā ahaṃ āvuso neva nikkhamissāmi, yaṃ te karaṇīyaṃ, taṃ karohī”ti evamattho daṭṭhabbo.

Tato Āḷavako yasmā pubbepi ākāsenāgamaṇavelāyaṃ “kimnu kho etaṃ suvaṇṇavimānaṃ, udāhu rajatamaṇivimānaṃ aññataraṃ, handa naṃ passāmā”ti evaṃ attano vimānaṃ āgate iddhimante Tāpasaparibbājake pañhaṃ pucchitvā vissajjetumasakkante cittakkhepādīhi viheṭṭeti. Kathaṃ? Amanussā hi bhīmsanakarūpadassanaṃ vā hadayavatthuparimaddanaṃ vāti dvihākārehi cittakkhepaṃ karonti, ayaṃ pana yasmā “iddhimanto bhīmsanakarūpadassanaṃ na tasanti”ti ñatvā attano iddhippabhāvena sukhumattabhāvaṃ nimminivā tesamā anto pavisitvā hadayavatthuṃ parimaddati, tato cittasanti na saṅghāti, tassā asaṅghamānāya ummattakā

1. Thaddhaṃ yakkhassa (Sī)

2. Evaṃ vā (Ka)

honti khittacittā, evaṃ khittacittānaṃ etesaṃ urampi phāleti, pādepi ne gahetvā pāragaṅgāya khipati “māssu me puna evarūpā bhavanamāgamimsū”ti, tasmā te pañhe saritvā “yaṃnūnāhaṃ imaṃ samaṇaṃ idāni evaṃ viheṭṭheyyan”ti cintetvā āha “**pañhaṃ taṃ samaṇā**”ti-ādi.

Kuto panassa te pañhāti? Tassa kira māṭāpitaro Kassapaṃ Bhagavantaṃ payirupāsivā aṭṭha pañhe savissajjane uggahesum. Te daharakāle Āḷavakaṃ pariyāpuṇāpesum, so kālaccayena vissajjanaṃ sammussi. Tato “ime pañhāpi mā vinassantū”ti suvaṇṇapaṭṭe jātihiṅgulakena likhāpetvā vimāne nikkhipi. Evamete Buddhapañhā¹ Buddhavisayā eva honti. Bhagavā taṃ sutvā yasmā Buddhānaṃ pariccattalābhantarāyo vājīvitantarāyo va sabbaññutaññābyāmapabhānaṃ paṭighāto vā na sakkā kenaci kātuṃ, tasmā taṃ loke asādhāraṇaṃ Buddhānubhāvaṃ dassento āha “**na khvāhaṃ taṃ āvuso passāmi sadevake loke**”ti.

Tattha “sadevakavacanena pañcakāmāvacaradevaggahaṇaṃ”ti-ādinā nayena etesaṃ padānaṃ atthamattadassanena saṅkhepo vutto, na anusandhiyojanākkamena vitthāro. Svāyaṃ vuccati—**sadevaka**vacanena hi ukkaṭṭhaparicchedato sabbadevesu gahitesupi yesaṃ tattha sannipati te devagaṇe vimati ahosi “māro mahānubhāvo chakāmāvacarissaro vasavattī paccanīkasāto dhammadessī kururakammanto, kiṃ nukho sopissa cittakkhepādīni na kareyyā”ti, tesaṃ vimatiṭṭhānaṃ **“samārake**”ti āha. Tato yesaṃ ahosi “brahmā mahānubhāvo ekaṅguliya ekacakkavālasahassee ālokaṃ karoti, dvīhi -pa- dasahi aṅgulihi dasasu cakkavālasahassesu, anuttarañca jhānasamāpattisukhaṃ paṭisaṃvedeti, kiṃsopi na kareyyā”ti, tesaṃ vimatiṭṭhānaṃ **“sabrahmake**”ti āha. Atha yesaṃ ahosi “puthu samaṇabrāhmaṇā sāsanaṃ paccatthikā paccāmittā mantādibalasamānāgatā, kiṃ tepi nakareyyun”ti, tesaṃ vimatiṭṭhānaṃ **“sassamaṇabrāhmaṇiyā pajāyā**”ti āha. Evaṃ ukkaṭṭhāṭṭhānesu kassaci abhāvaṃ dassetvā idāni **sadevamanussāyāti**

1. Aṭṭha pañhā (Ka), puṭṭhapañhā (Sam-Ṭṭha 1. 299 piṭṭhe)

vacanena sammutideve avasesamanusse ca upādāya
 ukkaṭṭhaparicchedavaseneva sesasattalokepi kassaci abhāvaṃ dassesīti
 evamettha anusandhiyojanākkamo veditabbo.

Evam Bhagavā tassa bādhanacittam¹ paṭisedhetvā pañhapucchane
 ussāhaṃ janento āha “**apica tvaṃ āvuso puccha yadākaṅkhasī**”ti.
 Tassattho—puccha, yadi ākaṅkhasi, na me pañhavissajjane bhāro atthi. Atha
 vā “puccha yaṃ ākaṅkhasi, tesabbaṃ vissajjessāmī”ti sabbaññupavāraṇaṃ
 pavāresi asādhāraṇaṃ pacchekabuddha-aggasāvaka mahāsāvakehi. Te hi
 “pucchāvuso sutvā vedissāmā”ti vadanti. Buddhā pana “pucchāvuso
 yadākaṅkhasī”ti²vā,

“Puccha vāsava maṃ pañhaṃ, yaṃ kiñci manasicchasi”ti³vā,

“Bāvarissa ca tuyhaṃ vā, sabbesaṃ sabbasaṃsayam.

Katāvakāsā pucchavho, yaṃ kiñci manasicchathā”ti⁴vā—

evamādinā nayena devamanussānaṃ sabbaññupavāraṇaṃ pavārenti.
 Anacchariyañcetaṃ, yaṃ Bhagavā Buddhabhūmiṃ patvā evaṃ pavāraṇaṃ
 pavāreyya, yo bodhisattabhūmiyaṃ padesaññaṇe vattamānopi—

“Koṇḍañña pañhāni viyākarohi,

Yācanti taṃ isayo sādthurūpā.

Koṇḍañña eso manujesu dhammo,

Yaṃ vuddhamāgacchati esa bhāro”ti⁵—

evaṃ isihi yācito—

“Katāvakāsā pucchantu bhonto,

Yaṃ kiñci pañhaṃ manasābhipatthitaṃ.

Ahaṃ hitaṃ taṃ vo viyākarissaṃ,

Ñatvā sayam lokamevaṃ parañcā”ti⁵—

1. Bādhanā cittam (Sī,Ka) 2. Saṃ 1. 209, 216 piṭṭhesu. 3. Dī 2. 220 piṭṭhe.

4. Ku 1. 433 piṭṭhe.

5. Ku 6. 7 piṭṭhe Jātake.

evaṃ Sarabhaṅgakāle, Sambhavajātake ca sakalajambudīpe tikkhattuṃ vicarivā pañhānaṃ antakaraṃ adisvā jātiyaṃ sattavassiko rathikāya paṃsukīlikāṃ kīlanto suciratena brāhmaṇena puṭṭho—

“Taggha te ahamakkhissāṃ, yathāpi kusalo tathā.

Rājā ca kho naṃ jānāti, yadi kāhati vā na vā”ti¹—

evaṃ sabbaññupavāraṇaṃ pavāresi. Evaṃ Bhagavatā Āḷavakassa sabbaññupavāraṇāya pavāritāya **atha kho Āḷavako yakkho Bhagavantaṃ gāthāya ajjhabhāsi “kiṃ sūda vittaṃ”**ti.

Tattha **kinti** pucchāvacaṇaṃ. **Sūti** padapūraṇamate nipāto. **Idhāti** imasmiṃ loke. **Vittanti** vidati pītiṃ karotīti² vittaṃ dhanassetāṃ adhivacaṇaṃ. **Suciṇṇanti** sukataṃ. **Sukhanti** kāyikacetasikaṃ sātaṃ. **Āvahātīti** āvahati āneti deti, appetīti vuttaṃ hoti. **Haveti** daḷhatthenipāto. **Sādutaranti** atisayena sāduṃ. “Sādhutaraṃ”tipi pāṭho. **Rasānanti** rasasaññitānaṃ dhammānaṃ. **Kathanti** kena pakārena, kathamjīvino jīvitaṃ **kathamjīvijīvitaṃ**, gāthābandhasukhatthaṃ pana sānunaṣikaṃ vuccati. “Kathamjīviṃ jīvatan”ti vā pāṭho, tassa jīvantānaṃ kathamjīvinti attho. Sesamettha pākaṭameva. Evamimāya gāthāya “kiṃ su idhaloke purisassa vittaṃ seṭṭhaṃ, kiṃ su suciṇṇaṃ sukhamāvahāti, kiṃrasānaṃ sādutaraṃ kathamjīvino jīvitaṃ seṭṭhamāhū”ti ime cattāro pañhe pucchi.

184. Athassa Bhagavā Kassapadasabalena vissajjitanayeneva vissajjento imaṃ gāthamāha “**saddhīdha vittaṃ**”ti. Tattha yathā hiraññasuvaṇṇādi vittaṃ upabhogaparibhogasukhaṃ āvahati, khuppipāsādidukkaṃ paṭibāhati, dāliddiyaṃ vūpasameti, muttādiratanapaṭilābhahetu hoti, lokasanthutiṅca āvahati, evaṃ lokiyalokuttarā saddhāpi yathāsambhavaṃ lokiyalokuttaravipākasukhamāvahati, saddhādhurena paṭipannānaṃ jātijarādidukkaṃ paṭibāhati, guṇadāliddiyaṃ vūpasameti, satisambojjhaṅgādiratanapaṭilābhahetu hoti,

1. Ku 5. 380 piṭṭhe.

2. Vittaṃ karotīti (Syā, Ka)

“Saddho sīlena sampanno, yasobhogasamappito.

Yaṃ yaṃ padesaṃ bhajati, tattha tattheva pūjito”¹—

vacanato lokasanthutiṅca āvahaṭṭi katvā “vittan”²ti vuttā. Yasmā panetaṃ saddhāvittaṃ anugāmikaṃ anaññasādhāraṇaṃ sabbasampattihetu, lokiyaassa hiraññasuvaṇṇādivittassāpi nidānaṃ. Saddhoyeva hi dānādīni puññāni katvā vittaṃ adhigacchati, assaddhassa pana vittaṃ yāvadeva anattāya hoti, tasmā “seṭṭhan”³ti vuttaṃ. **Purisassāti** ukkaṭṭhaparicchedadesanā. Tasmā na kevalaṃ purisassa, itthi-ādīnampi saddhāvittameva seṭṭhanti veditabbaṃ.

Dhammoti dasakusalakammaphadhammo, dānasīlabhāvanādhammo vā. **Suciṇṇoti** sukato sucarito. **Sukhamāvahāṭṭi** Soṇaseṭṭhiputtaraṭṭhapālādīnaṃ viya manussasukhaṃ, sakkādīnaṃ viya dibbasukhaṃ, pariyoṣāne ca Mahāpadumādīnaṃ viya nibbānasukhaṅca āvahaṭṭi.

Saccanti ayaṃ saccasaddo anekesu atthesu dissati. Seyyathidaṃ? “Saccam bhaṇe na kujjheyyā”⁴ti-ādīsu² vācāsacce. “Sacce ṭhitā samaṇabrāhmaṇācā”⁵ti-ādīsu³ viratisacce. “Kasmā nu saccāni vadanti nānā, pavādiyāse kusalāvadānā”⁶ti-ādīsu⁴ diṭṭhisacce. “Cattārimāni bhikkhave brāhmaṇasaccāni”⁷ti-ādīsu⁵ brāhmaṇasacce. “Ekaṃ hi saccam na dutīyamattī”⁸ti-ādīsu⁴ paramatthasacce. “Catunnaṃ saccānaṃ kati kusalā”⁹ti-ādīsu⁶ ariyasacce. Idha pana paramatthasaccam nibbānaṃ, viratisaccam vā abbhantaram katvā vācāsaccam adhippetam, yassānubhāvena udakādīni vase vattenti, jātijarāmarāṇapāraṃ taranti. Yathāha—

“Saccena vācenu dakampi⁷ dhāvati⁸,

Visampi saccena hananti paṇḍitā.

Saccena devo thanayaṃ pavassati,

Sacce ṭhitā nibbutiṃ patthayanti.

1. Khu 1. 56 Piṭṭhe.

2. Khu 1. 46 piṭṭhe.

3. Khu 6. 140 piṭṭhe.

4. Khu 1. 416 piṭṭhe.

5. Am 1. 496 piṭṭhe.

6. Abhi 2. 118 piṭṭhe.

7. Saccavācena udakampi (Syā)

8. Gādhati (Sī)

Ye kecime atthi rasā pathabyā,
 Saccaṃ tesam̄ sādutaram̄ rasānam̄.
 Sacce ʒhitā samaṇabrāhmaṇā ca,
 Taranti jātimaraṇassa pāran”ti¹.

Sādutaranti madhurataram̄. **Rasānanti** ye ime “mūlaraso khandharaso”ti-ādinā² nayena sāyanīyadhammā, ye cime “anujānāmi bhikkhave sabbaṃ phalarasam̄³, arasarūpo bhavam̄ Gotamo, ye te brāhmaṇa rūparasā saddarasā⁴, anāpatti rasarase⁵, ayaṃ dhammavinayo ekaraso vimuttirasō⁶, bhāgī vā Bhagavā attharasassa dhammarasassā”ti-ādinā⁷ nayena vācārasūpavajjā⁸ avasesabyañjanādayo dhammā “rasā”ti vuccanti, tesam̄ rasānam̄ **saccaṃ have sādutaram̄** saccameva sādutaram̄, sādutaram̄ vā seṭṭhataram̄ uttamataram̄. Mūlarasādayo hi sarīram̄ upabrūhenti, samkilesikañca sukhamāvahanti. Saccarase viratisaccavācāsaccarasā samathavipassanādīhi cittamupabrūhenti, asaṃkilesikañca sukhamāvahanti, vimuttirasō paramatthasaccarasaparibhāvitattā sādu, attharasadhammarasā ca tadadhigamūpāyabhūtam̄ atthañca dhammañca nissāya pavattitoti.

Paññājīvinti ettha pana yvāyam̄ andhekacakkhudvicakkhukesu dvicakkhupuggalo gahaṭṭho va kammantānuṭṭhānasaraṇagamanadānasam̄vibhāga-sīlasamādāna-uposathakammādigahaṭṭhapaṭipadam̄, pabbajito vā avippaṭisārakarasilasaṅkhātāṃ taduttaricittavisuddhi-ādibhedam̄ vā pabbajitapaṭipadam̄ paññāya ārādhetvā jīvati, tassa paññājīvino jīvitam̄, tam̄ vā paññājīvimjīvatam̄ seṭṭhamāhūti evamattho daṭṭhabbo.

185-6. Evaṃ Bhagavatā vissajjite cattāropi pañhe sutvā attamano yakkho avasesepi cattāro pañhe pucchanto “**katham̄ su tarati oghan**”ti gāthamāha. Athassa Bhagavā purimanayeneva vissajjento “**saddhāya taratī**”ti gāthamāha. Tattha kiñcāpi yo catubbidham̄ oghan̄ tarati, so saṃsāraṇṇavampi tarati, vaṭṭadukkhampi acceti, kilesamalāpi parisujjhati,

1. Khu 6. 140 piṭṭhe Jātake.

2. Abhi 1. 167 piṭṭhe.

3. Vi 3. 344 piṭṭhe.

4. Am̄ 3. 19; Vi 1. 2 piṭṭhesu.

5. Vi 2. 251 piṭṭhe.

6. Am̄ 3. 42; Vi 4. 423 piṭṭhesu.

7. Khu 7. 262; Khu 8. 26 piṭṭhesu.

8. Dravācārasūpakhajja (Sī)

evaṃ santepi pana yasmā assaddho oghataraṇaṃ asaddahanto na pakkhandati, pañcasu kāmaguṇesu cittavossaggena pamatto tattheva sattavisattatāya¹ saṃsāraṇṇavaṃ na tarati, kusīto dukkhaṃ viharati vokiṇṇo akusalehi dhammehi, appañño suddhimaggaṃ ajānanto na parisujjhati, tasmā tappaṭipakkhaṃ dassentena Bhagavatā ayaṃ gāthā vuttā.

Evam vuttāya cetāya yasmā sotāpattiyaṅgapadaṭṭhānaṃ saddhindriyaṃ tasmā **“saddhāya tarati oghan”**ti iminā padena diṭṭhohghataraṇaṃ sotāpattimaggaṃ sotāpannañca pakāseti. Yasmā pana sotāpanno kusalānaṃ dhammānaṃ bhāvanāya sātaccakiriyāsaṅkhātena appamādena samannāgato dutiyamaggaṃ ārādhetaṃ ṭhapetvā sakideva imaṃ lokaṃ āgamanamattaṃ avasesaṃ sotāpattimaggena atinṇaṃ bhavoghavattumaṃ saṃsāraṇṇavaṃ tarati, tasmā **“appamādena aṇṇavan”**ti iminā padena bhavoghatarāṇaṃ sakadāgāmiṃ maggaṃ sakadāgāmiṃca pakāseti. Yasmā sakadāgāmiṃ vīriyena tatiyamaggaṃ ārādhetaṃ sakadāgāmiṃ maggena anatītaṃ kāmoghavattumaṃ, kāmoghasaññaṃca kāmdukkhamacceti, tasmā **“vīriyena dukkhamacceti”**ti iminā padena kāmoghatarāṇaṃ anāgāmiṃ maggaṃ anāgāmiṃca pakāseti. yasmā pana anāgāmiṃ vigatakāmapaṅkatāya² parisuddhāya paññāya ekantaparisuddhaṃ catutthamaggapaññaṃ ārādhetaṃ anāgāmiṃ maggena appahīnaṃ avijjasaṅkhātaṃ paramamalaṃ pajahati, tasmā **“paññāya parisujjhati”**ti iminā padena avijjoghatarāṇaṃ arahattamaggaṃ arahantañca pakāseti. Imāya ca arahattanikūṭena kathitāya gāthāya pariyoṣāne yakkho sotāpattiphale patiṭṭhāsi.

187. Idāni tameva “paññāya parisujjhati”ti ettha vuttaṃ paññāpadaṃ gahetvā attano paṭibhānena lokiyalokuttaramissakaṃ pañhaṃ pucchanto **“kathaṃ su labhate paññaṃ”**ti imaṃ chappadagāthamāha. Tattha **kathaṃ sūti** sabbattheva atthayuttipucchā hoti. Ayañhi paññādi-atthamā ṇatvā tassa yuttimā pucchati **“kathaṃ kāya yuttiyā kena kāraṇena paññaṃ labhati”**ti. Esa nayo dhanādīsu.

1. Tatthevāsattavisattatā (Sī) 2. Vihatakāmapaṅkatāya (Sī), vigatakāmasaññāya (Ka)

188. Athassa Bhagavā catūhi kāraṇehi paññālābham dassento “**saddahāno**”ti-ādimāha. Tassattho—yena pubbabhāge kāyasucaritādibhedena, aparabhāge ca sattatimsabodhipakkhiyabhedena dhammena arahanto Buddhapaccekabuddhasāvaka nibbānaṃ pattā, taṃ **saddahāno arahataṃ dhammaṃ nibbānappattiyā**lokiyalokuttaraṃ **paññaṃ labhati**. Tañca kho na saddhomattakeneva, yasmā pana¹ saddhājāto upasaṅkamati, upasaṅkamanto payirupāsati, patirupāsanto sotaṃ odahati, ohitasoto dhammaṃ suṇāti, tasmā upasaṅkamanato pabhuti yāva dhammassavanena **sussūsaṃ labhati**. Kiṃ vuttaṃ hoti—taṃ dhammaṃ saddahitvāpi ācariyupajjhāye kālena² upasaṅkamtivā vattakaraṇena payirupāsivā yadā payirupāsānāya ārādhicittā kiñci vattukāmāhonti, atha adhigatāya sotukāmatāya sotaṃ odahitvā suṇanto labhatīti. Evaṃ sussūsampi ca sati-avippavāsenā **appamatto** subhāsita dubbhāsitaññutāya **vicakkhaṇo** eva labhati, na itaro. Tenāha “**appamatto vicakkhaṇo**”ti.

Evaṃ yasmā saddhāya paññālābhasamvattanikaṃ paṭipadaṃ paṭipajjati, sussūsāya sakkaccaṃ paññādhigamūpāyaṃ suṇāti, appamādena gahitaṃ na sammussati, vicakkhaṇatāya anūnādhikaṃ aviparītañca gahetvā vitthārikaṃ karoti. Sussūsāya vā ohitasoto paññāpaṭilābhahetum dhammaṃ suṇāti, appamādena sutvā dhammaṃ dhāreti, vicakkhaṇatāya dhatānaṃ dhammānaṃ atthamupaparikkhati, athānupubbena paramatthasaccaṃ sacchikaroti, tasmāssa Bhagavā “kathaṃ su labhate paññaṃ”ti puṭṭho imāni cattāri kāraṇāni dassento imaṃ gāthamāha “saddahāno -pa- vicakkhaṇo”ti.

189. Idāni tato pare tayo pañhe vissajjento “**patirūpakārī**”ti imaṃ gāthamāha. Tattha desakālādīni ahāpetvā lokiyassa lokuttarassa va dhanassa patirūpaṃ adhigamūpāyaṃ karotīti **patirūpakārī**. **Duravāti** cetasikavīriyavasena anikkhittadhuro. **Uṭṭhātāti** “yo ca sītañca uṇhañca, tiṇā bhiyyo na maññati”ti-ādinā³ nayena kāyikavīriyavasena utthānasampanno asithilaparakkamo.

1. Kiṃ pana yasmā (Sī)

2. Kāyena (Sī)

3. Khu 2. 264; Dī 3. 151 piṭṭhesu.

Vindate dhananti ekamūsikāya na cirasseva dvesatasahassasaṅkham cūḷantevāsī viya lokiyadhanañca, Mahallakamahātissatthero¹ viya lokuttaradhanañca labhati. So hi “tīhi iriyāpathehi viharissāmī”ti vattaṃ katvā thinamiddhāgamanavelāya palālacumbaṭaṅkaṃ temetvā sīse katvā galappamāṇaṃ udakaṃ pavisitvā thinamiddhaṃ paṭibāhento dvādasahi vassehi arahattaṃ pāpuṇi. **Saccenāti** vacīsaccenāpi “saccavādī bhūtavādī”ti, paramatthasaccenāpi “Buddho Paccekabuddho ariyasāvako”ti evaṃ kittim pappoti. **Dadanti** yaṃkiñci icchitapatthitaṃ dadanto **mittāni ganthati**, sampādeti karotīti attho. Duddadaṃ vā dadaṃ ganthati, dānamukhena vā cattāripi saṅgahavatthūni gahitānīti veditabbāni. Tehi mittāni karotīti vuttam hoti.

190. Evaṃ gahaṭṭhapabbajitānaṃ sādharmaṇena lokiyalokuttara missakena nayena cattāro pañhe vissajjetvā idāni “kathaṃ pecca na socatī”ti imaṃ pañcamāṃ pañhaṃ gahaṭṭhavasena vissajjento āha “**yassete**”ti. Tassattho—yassa “saddahāno arahatan”ti ettha vuttāya sabbakalyāṇadhammuppādikāya saddhāya samannāgatattā **saddhassa gharamesino**² gharāvāsaṃ pañca vā kāmagaṇe esantassa gavesantassa kāmabhogino gahaṭṭhassa “saccena kittim pappotī”ti ettha vuttappakāraṃ **saccaṃ**, “sussūsaṃ labhate paññaṃ”ti ettha sussūsapaññaṇāmena vutto **dhammo**, “dhuravā uṭṭhātā”ti ettha dhuranāmena uṭṭhānanāmena ca vuttā **dhiti**, “dadaṃ mittāni ganthatī”ti ettha vuttappakāro **cāgo** cāti ete caturo dhammā santi, **sa ve pecca na socatīti** idhalokā paralokaṃ gantvā save na socatīti.

191. Evaṃ Bhagavā pañcamampi pañhaṃ vissajjetvā taṃ yakkhaṃ codinto āha “**iṅgha aññepī**”ti. Tattha **iṅghāti** codanatthe nipāto. **Aññepīti** aññepi dhamme puthū samaṇabrāhmaṇe pucchassu, aññepi vā pūraṇādayo sabbaññupaṭiññe puthū samaṇabrāhmaṇe pucchassu. Yadi amhehi “saccena kittim pappotī”ti ettha vuttappakārā **saccā** bhiiyo kittippattikāraṇaṃ vā, “sussūsaṃ labhate paññaṃ”ti ettha sussūsanapaññāpadesena vuttā **damā**

1. Milakkkhamahātissatthero (Si)

2. Gharamesinoti (Si, Ka)

bhiyyo lokiyalokuttarapaññā paṭilābhakāraṇaṃ vā, “dadaṃ mittāni ganthatī”ti ettha vuttappakārā **cāgā** bhiyyo mittaganthanakāraṇaṃ vā, “dhuravā uṭṭhātā”ti ettha taṃ taṃ atthavasam paṭicca dhuranāmena uṭṭhānanāmena ca vuttāya mahābhārasahanaṭṭhena¹ ussolhībhāvappattāya vīriyasankhātāya **khantiyā** bhiyyo lokiyalokuttaradhanavindanakāraṇaṃ vā, “saccaṃ dhammo dhiti cāgo”ti evaṃ vuttehi imeheva catūhi dhammehi bhiyyo asmā lokā paraṃ lokaṃ pecca asocanakāraṇaṃ vā idha vijjatīti ayamettha saddhim saṅkhepayo janāya atthavaṇṇanā, vitthārato pana ekamekaṃ padaṃ atthuddhārapaduddhāravaṇṇanāyehi vibhajivā veditabbā.

192. Evaṃ vutte yakkho yena saṃsayena aññe puccheyya, tassa pahīnattā “**kathaṃ nu dāni puccheyyaṃ, pu thū samaṇabrāhmaṇe**”ti vatvā yepissa apucchanakāraṇaṃ na jānanti, tepi jānāpento “**yohaṃ ajja pajānāmi, yo attho samparāyiko**”ti āha. Tattha **ajjā**ti ajjādīm katvāti adhippāyo. **Pajānāmī**ti yathāvuttena pakārena jānāmi. **Yo atthoti** ettāvata “sussūsaṃ labhate paññaṃ”ti-ādinā nayena vuttaṃ diṭṭhadhammikaṃ dasseti, **samparāyikoti** iminā “yassete caturo dhammā”ti vuttaṃ pecca sokābhāvakaraṃ samparāyikaṃ. **Atthoti** ca kāraṇassetam adhivacanaṃ Ayañhi atthasaddo “sātham sabyañjanan”ti evamādīsu² pāṭhatthe vattati. “Attho me gahapati hiraññasuvaṇṇenā”ti-ādīsu³ kiccatthe⁴. “Hoti sīlavataṃ attho”ti-ādīsu⁵ vuḍḍhimhi. “Bahujano bhajate atthahetū”ti-ādīsu⁶dhane. “Ubhinna mattham caratī”ti-ādīsu⁷ hite. “Atthe jāte ca paṇḍitan”ti-ādīsu⁸ kāraṇe. Idha pana kāraṇe. Tasmā yaṃ paññādilābhādīnaṃ kāraṇaṃ diṭṭhadhammikaṃ, yañca peccasokābhāvassa kāraṇaṃ samparāyikaṃ, taṃ yohaṃ ajja Bhagavatā vuttanayena sāmaṃyeva pajānāmi, so kathaṃ nu dāni puccheyyaṃ puthū samaṇabrāhmaṇeti evamettha saṅkhepato attho veditabbo.

1. Mahābhārasahane (Si)

3. Dī 2. 144; Ma 3. 213 piṭṭhesu.

5. Khu 5. 3 piṭṭhe Jātake.

7. Khu 5. 163; Saṃ 1. 224; Khu 2. 228 piṭṭhesu.

2. Vi 1. 1; Kī 1. 82 piṭṭhādīsu.

4. Payojane (Sī), ācikkhaṇe (Syā)

6. Khu 5. 320 piṭṭhe.

8. Khu 5. 22 piṭṭhe.

193. Evaṃ yakkho “pajānāmi yo attho samparāyiko”ti vatvā tassa nāṇassa bhagavaṃmūlakattaṃ dassento “**atthāya vatame Buddho**”ti āha. Tattha **atthāyā**ti hitāya, vuḍḍhiyā vā. **Yattha dinnam mahapphalanti** “yassete caturo dhammā”ti¹ ettha vuttacāgena yattha dinnam mahapphalaṃ hoti, taṃ aggadakkhiṇeyyam Buddhāṃ pajānāmīti attho. Keci pana “saṃgham sandhāya evamāhā”ti bhaṇanti.

194. Evaṃ imāya gāthāya attano hitādhigamaṃ dassetvā idāni parahitāya paṭipattim dīpento āha “**so aham vicarissāmi**”ti. Tassattho Hemavatasutte vuttanayeneva veditabbo.

Evamimāya gāthāya pariyosānañca rattivibhāyanañca sādhu-kārasadduṭṭhānañca Ālavakakumārassa yakkhassa bhavanaṃ ānāyanañca ekakkhaṇeyeva ahoṣi. Rājapurisā sādhu-kārasaddaṃsutvā “evarūpo sādhu-kārasaddo ṭhapetvā Buddhē na aññesaṃ abbhuggacchati, āgato nu kho Bhagavā”ti āvajjentā Bhagavato sarīrappabhaṃ disvā pubbe viya bahi aṭṭhatvā nibbisaṅkā antoyeva pavisitvā addasaṃ su Bhagavantam yakkhassa bhavane nisinnaṃ, yakkhañca añjaliṃ paggahetvā ṭhitaṃ. Disvāna yakkhaṃ āhaṃsu “ayaṃ te mahāyakkha rājakumāro balikammāya ānīto, handa naṃ khāda vā bhuñja vā, yathāpaccayaṃ vā karohī”ti. So sotāpannattā lajjito visesato ca Bhagavato purato evaṃ vuccamāno, atha taṃ kumāraṃ ubhohi hatthehi paṭiggahetvā Bhagavato upanāmesi “ayaṃ bhante kumāro mayhaṃ pesito, imāhaṃ Bhagavato dammi, hitānukampakā Buddhā, paṭiggaṇhātu bhante Bhagavā imaṃ dāraṃ imassa hitatthāya sukhatthāyā”ti. Imañca gāthamāha—

“Imaṃ kumāraṃ satapuññalakkhaṇaṃ,
Sabbāṅgupetaṃ paripuñṇabyañjanaṃ.
Udaggacitto sumano dadāmi te,
Paṭiggaha lokahitāya cakkhumā”ti.

Paṭiggahesi Bhagavā kumāraṃ, paṭiggaṇhanto ca yakkhassa ca kumārassa ca maṅgalakaraṇatthaṃ pādūnagāthaṃ abhāsi. Taṃ yakkho kumāraṃ saraṇaṃ gamento tikkhattuṃ catutthapādena pūreti. Seyyathidaṃ—

1. Khu 5. 14 piṭṭhe Jātake.

“Dīghāyuko hotu ayaṃ kumāro,
 Tuvañca yakkha sukhito bhavāhi.
 Abyādhitā lokahitāya tiṭṭhatha,
 Ayaṃ kumāro saraṇamupeti Buddhāṃ -pa- dhammāṃ -pa- saṃghan”ti.

Bhagavā kumāraṃ rājapurisānaṃ adāsi “imaṃ vaḍḍhetvā puna mameva dethā”ti. Evaṃ so kumāro rājapurisānaṃ hatthato yakkhassa hatthāṃ, yakkhassa hatthato Bhagavato hatthāṃ, Bhagavato hatthato puna rājapurisānaṃ hatthāṃ gatattā nāmato “Hatthako Āḷavako”tijāto. Taṃ ādāya paṭinivatte rājapurise disvā kassakavanakammikādayo “kiṃ yakkho kumāraṃ atidaharattā na icchatī”ti bhītā pucchiṃsu. Rājapurisā “mā bhāyatha, khemaṃ kataṃ Bhagavatā”ti sabbamārocesuṃ. Tato “sādhu sādhu”ti sakalaṃ Āḷavīnagaraṃ ekakolāhalena yakkhābhikumhaṃ ahoṣi. Yakkhopi Bhagavato bhikkhācārakāle anuppatte pattacīvaraṃ gahetvā upaḍḍhumaggaṃ āgantvā nivatti.

Atha Bhagavā nagare piṇḍāya caritvā katabhattakicco nagaradvāre aññatarasmiṃ vivitte rukkhamaṇe paññattavarabuddhāsane nisīdi. Tato mahājanakāyena saddhiṃ rājā ca nāgarā ca ekato sampiṇḍitvā Bhagavantaṃ upasaṅkamma vanditvā parivāretvā nisinnā “kathaṃ bhante evaṃ dāruṇaṃ yakkhaṃ damayitthā”ti pucchiṃsu. Tesāṃ Bhagavā yuddhamādiṃ katvā “evaṃ navavidhavassaṃ vassi, evaṃ vibhiṃsanakaṃ akāsi, evaṃ pañhaṃ pucchi, tassāhaṃ evaṃ vissajjesin”ti Tamevāḷavakasuttaṃ kathesi. Kathā pariyoṣāne caturāsītipāṇasahassānaṃ dhammābhisamayo ahoṣi. Tato rājā ca nāgarā ca Vessavaṇamahārājassa bhavanasamīpe yakkhassa bhavanaṃ katvā pupphagandhādisakkārūpetāṃ niccaṃ balim pavattesuṃ. Tañca kumāraṃ viññutaṃ pattāṃ “tvaṃ Bhagavantaṃ nissāya jīvitāṃ labhi, gaccha Bhagavantaṃyeva payirupāsassu bhikkhusaṃghañca”ti vissajjesuṃ, so Bhagavantañca bhikkhusaṃghañca payirupāsamaṇo na cirasseva anāgāmiphale patiṭṭhāya sabbāṃ Buddhavacanaṃ uggahetvā pañcasata-upāsakaparivāro ahoṣi. Bhagavā canaṃ etadagge niddisi “etadaggaṃ bhikkhave mama sāvakaṇaṃ upāsakaṇaṃ

catūhi saṅgahavatthūhi parisam saṅgaṇhantānaṃ yadidaṃ Hatthako
Ālavako”ti¹.

Paramatthajotikāya Khuddakaṭṭhakathāya

Suttanipātaṭṭhakathāya

Ālavakasuttavaṇṇanā niṭṭhitā.

11. Vijayasuttavaṇṇanā

Caram vā yadi vā tiṭṭhanti Nandasuttam. “Vijayasuttam
Kāyavicchandani kasuttan”tipi vuccati. Kā uppatti? Idaṃ kira suttam dvīsu
ṭhānesu vuttam, tasmā assa duvidhā uppatti. Tattha Bhagavatā anupubbena
Kapilavatthum anuppatvā Sākiye vinetvā Nandādayo pabbajetvā anuññātāya
mātugāmassa pabbajjāya Ānandattherassa bhaginī Nandā,
Khemakasakkarañño dhītā Abharūpanandā, Janapadakalyāṇī Nandāti tisso
nandāyo pabbajimsu. Tena ca samayena Bhagavā Sāvattthiyam viharati.
Abhirūpanandā abhirūpā eva ahosi dassanīyā pāsādikā, tenevassā
Abhirūpanandāti nāmamakaṃsu. Janapadakalyāṇī nandāpi rūpena attanā
sadisam na passati. Tā ubhopi rūpamadammattā “Bhagavā rūpam vivaṇṇeti
garahati, anekapariyāyenarūpe ādīnavam dasseti”ti Bhagavato upaṭṭhānam
na gacchanti, daṭṭhumpi na icchanti. Evaṃ appasannā kasmā pabbajitāti ce?
Agatiyā². Abhirūpanandāya hi vāreyyadvaseyeva sāmiko sakyakumāro
kālamakāsi, atha nam mātāpitaro akāmakam pabbājesum. Janapadakalyāṇī
nandāpi āyasmante Nande arahattam patte nirāsā hutvā “mayham sāmiko ca
mātā ca Mahāpajāpati aññe ca nātakā pabbajitā, ññāthi vinā dukkho
gharāvāso”ti gharāvāse assādamalabhanti pabbajitā, na saddhāya.

Atha Bhagavā tāsam ñāṇaparipākam viditvā Mahāpajāpatim āṇāpesi
“sabbāpi bhikkhuniyo paṭipāṭiyā ovādam āgacchantū”ti. Tā attano vare
samppatte aññam pesenti, tato Bhagavā “samppatte vāre

1. Am 1. 27 piṭṭhe.

2. Pakatiyā (Syā, Ka)

attanāva āgantabbaṃ, na aññā pesetabbā”ti āha. Athekadivasam
Abhirūpanandā agamāsi, taṃ Bhagavā nimmitarūpena saṃvejetvā “aṭṭhīnam
nagaram katan”ti imāya Dhammapadagāthāya—

“Āturam asucim pūtim, passa Nande samussayam.
Uggharantam paggharantam, bālānam abhipatthitam¹.

Animittaṅca bhāvehi, mānānusayamujjaha.
Tato mānābhisamayā, upasantā carissasī”ti²—

imāhi Therīgāthāhi ca anupubbena arahatte patiṭṭhāpesi. Athekadivasam
Sāvattvivāsino purebhattam dānam datvā samādinuuposathā sunivatthā
supārutā gandhapupphādīni ādāya dhammassavanatthāya Jetavanam gantvā
dhammassavanapariyosāne Bhagavantam vanditvā nagaram pavisanti.
Bhikkhunisaṃghopi dhammakatham sutvā bhikkhuni-upassayam gacchati.
Tattha manussā ca bhikkhuniyo ca Bhagavato vaṇṇam bhāsanti.
Catuppamaṇiki hi lokasannivāse Sammāsambuddham disvā appasīdanto
nāma natthi. Rūpappamaṇikā hi puggalā Bhagavato
lakkhaṇakhacitamanubyañjanavicitraṃ
samujjalitaketumālābyāmappabhāvinaddhamalaṅkāratthamiva lokassa
samuppannam rūpam disvā pasīdanti, ghosappamaṇikā anekasatesu Jātakesu
kittighosam aṭṭhaṅgasamannāgataṃ karavīkamadhuranigghosam
brahmassaraṅca sutvā, lūkhappamaṇikā pattacīvarādilūkhataṃ
dukkarakārikalūkhataṃ vā disvā, dhammappamaṇikā sīlakkhandhādīsū
yamkiñci dhammakkhandaṃ upaparikkhitvā. Tasmā sabbaṭṭhānesu
Bhagavato vaṇṇam bhāsanti. Janapadakalyāṇī nandā bhikkhunupassayam
patvāpi anekapariyāyena Bhagavato vaṇṇam bhāsantānam tesam sutvā
Bhagavantam upagantukāmā hutvā bhikkhunīnam ārocesi, bhikkhuniyo taṃ
gahetvā Bhagavantam upasaṅkamimsu.

Bhagavā paṭikacceva tassāgamanam viditvā kaṇṭakena kaṇṭakam, āṇiyā
ca āṇim nīharitukāmo puriso viya rūpeneva rūpamadam vinetuṃ attano
iddhibalena pannarasasoḷasavassuddesikam atidassanīyam itthim passe
ṭhatvā bījamānam abhinimmini. Nandā bhikkhunīhi saddhim upasaṅkamitvā
Bhagavantam vanditvā bhikkhunisaṃghassa antare nisīditvā pādatalā
pabhuti yāva kesaggā

1. Khu. 318 piṭṭhe.

2. Khu 1. 329; Khu 2. 318 piṭṭhesu.

Bhagavato rūpasampattiṃ disvā puna taṃ Bhagavato passe ṭhitaṃ
 nimmitarūpañca disvā “aho ayaṃ itthī rūpavatī”ti attano rūpamadaṃ jahitvā
 tassā rūpe abhirattabhāvā ahosi, tato Bhagavā taṃ itthim
 vīsativassappamāṇaṃ katvā dassesi. Mātugāmo hi soḷasavassuddesikoyeva
 sobhati, na tato uddhaṃ. Atha tassā rūparihānīm disvā Nandāya tasmim
 rūpe chandarāgo tanuko ahosi. Tato Bhagavā avijātavaṇṇaṃ,
 sakiṃvijātavaṇṇaṃ, majjhimitthivaṇṇaṃ, mahitthivaṇṇanti evaṃ yāva
 vassasatikaṃ obhagaṃ daṇḍaparāyaṇaṃ tilakāhatagattaṃ katvā dassetvā
 passamānāyeva Nandāya tassā maraṇaṃ uddhumātakādibhedam kākādīhi
 samparivāretvā khajjamānaṃ duggandhaṃ jegucchapaṭikūlabhāvāñca
 dassesi. Nandāya taṃ kamaṃ disvā “evamevaṃ mamapi aññesampi
 sabbasādhāraṇo ayaṃ kamo”ti aniccasaññā saṅṭhāsi, tadanusārena ca
 dukkhānattasaññāpi, tayo bhavā ādittamiva agāraṃ appaṭisaraṇā hutvā
 upaṭṭhahimsu. Atha Bhagavā “kammaṭṭhāne pakkhantaṃ Nandāya cittaṃ”ti
 ñatvā tassāsappāyavasena imā gāthāyo abhāsi—

“Āturaṃ asuciṃ pūtiṃ, passa Nande samussayaṃ.
 Uggharantaṃ paggharantaṃ, bālānaṃ abhipatthitaṃ¹.
 Yathā idaṃ tathā etaṃ, yathā etaṃ tathā idaṃ.
 Dhātuso² suññato passa, mā lokaṃ punarāgami.
 Bhave chandaṃ virājetvā, upasantaṃ carissasī”ti³.

Gāthāpariyosāne Nandā sotāpattiṭṭhale patiṭṭhāsi. Athassā Bhagavā
 uparimaggādhigamattaṃ suññataparivāraṃ vipassanākammaṭṭhānaṃ
 kathento imaṃ suttamabhāsi. Ayaṃ tāvassa ekā uppatti.

Bhagavati pana Rājagahe viharante yā sā Cīvarakkhandhake⁴vitthārato
 vuttasamuṭṭhānāya Sālavatiyā gaṇikāya dhītā Jīvakassa kaniṭṭhā Sirimā nāma
 mātu accayena taṃ ṭhānaṃ labhitvā “akkodhena jine kodhan”ti⁵ imissā
 gāthāya vatthumhi Puṇṇakasetṭhidhītaṃ avamaññitvā Bhagavantaṃ
 khamāpentī dhammadesanaṃ sutvā sotāpannā hutvā aṭṭha

1. Khu 2. 381 piṭṭhe.

2. Dhātuyo (Syā,Ka)

3. Khu 1. 308 piṭṭhe.

4. Vi 3. 377 piṭṭhe.

5. Khu 1. 46; Khu 5. 36 piṭṭhesu.

niccabhattāni pavattesi. Tam ārabha aññataro niccabhattiko bhikkhu rāgaṃ uppādesi, āhāra-kiccampi ca kātuṃ asakkonto nirāhāro nipajjīti Dhammapadagāthāvatthumhi vuttam. Tasmim tathānipanneyeva Sirimā kālam katvā Yāmahavane Suyāmassa devī ahosi. Atha tassā sarīrassa aggikiccam nivāretvā āmakasusāne raññā nikkhipāpitaṃ sarīram dassanāya Bhagavā bhikkhusaṃghaparivuto agamāsi tampi bhikkhum ādāya, tathā nāgarā ca rājā ca. tattha manussā bhaṇanti “pubbe Sirimāya aṭṭhuttarasahassenāpi dassanam dullabham, tam dānāja kākaṇikāyāpi daṭṭhukāmo natthi”ti. Sirimāpi devakaññā pañcahi rathasatehi parivutā tatrāgamāsi. Tatrāpi Bhagavā sannipatitānam dhammadesanattham imam suttam tassa bhikkhuno ovādattham “passa cittakataṃ bimbam”¹ti imaṅca Dhammapadagātham abhāsi. Ayamassa dutiyā uppatti.

195. Tattha **carām vāti** sakalarūpakāyassa gantabbadisābhimukhenābhinihārena gacchanto vā. **Yadi vā tiṭṭhanti** tasseva ussāpanabhāvena tiṭṭhanto va. **Nisinno uda vā sayanti** tasseva heṭṭhimabhāgasamiñjana-uparimabhāgasamussāpanabhāvena nisinno vā, tiriyaṃ pasāraṇabhāvena sayanto vā. **Samiñjeti pasāretīti** tāni tāni pabbāni samiñjeti ca pasāreti ca.

Esā kāyassa iñjanāti sabbāpesā imasseva saviññāṇakassa kāyassa iñjanā calanā phandanā, natthettha añño koci caranto vā pasārento vā, apica kho pana “carāmī”ti citte uppajjante taṃsamuṭṭhānā vāyodhātu kāyaṃ pharati, tenassa gantabbadisābhimukho abhinihāro tathā “tiṭṭhāmī”ti citte uppajjante taṃsamuṭṭhānā vāyodhātu kāyaṃ pharati, tenassa samussāpanam hoti, uparūpariṭṭhānena rūpapātubhāvoti attho. Tena “tiṭṭhan”ti vuccati. Tathā “nisidāmi”ti citte uppajjante taṃsamuṭṭhānā vāyodhātu kāyaṃ pharati, tenassa heṭṭhimabhāgasamiñjanaṅca uparimabhāgasamussāpanaṅca hoti, tathābhāvena rūpapātubhāvoti attho. Tena “nisinno”ti vuccati. Tathā “sayāmī”ti citte uppajjante

1. Khu 1. 35 piṭṭhe.

taṃsamuṭṭhānā vāyodhātu kāyaṃ pharati, tenassa tiriyaṃ pasāraṇaṃ hoti, tathābhāvena rūpapātubhāvoti attho. Tena “sayan”ti vuccati.

Evam cāyamāyasmā¹ yo koci itthannāmo caraṃ vā yadi vā tiṭṭhaṃ, nisinnō uda vā sayam yametaṃ tattha tattha iriyāpathe tesam tesam pabbānaṃ samiñjanappasāraṇavasena samiñjeti pasāretīti vuccati, tampi yasmā samiñjanappasāraṇacitte uppajjamāne yathāvutteneva nayena hoti, tasmā esā kāyassa iñjanā, natthettha añño koci, suññamidaṃ kenaci carantena vā pasārentena vā sattena vā puggalena vā. Kevalam pana—

Cittanānattamāgamma, nānattam hoti vāyuno.

Vāyunānattato nānā, hoti kāyassa iñjanāti—

ayamettha paramattho.

Evametāya gāthāya Bhagavā yasmā ekasmim iriyāpathe ciraviniyogena kāyapīḷanaṃ hoti, tassa ca vinodanattam iriyāpathaparivattanaṃ karīyati, tasmā “caraṃ vā”ti-ādīhi iriyāpathapaṭicchannaṃ dukkhalakkhaṇaṃ dīpeti, tathā caraṇakāle ṭhānādīnamabhāvato sabbametaṃ caraṇādibhedam “esā kāyassa iñjanā”ti bhaṇanto santatipaṭicchannaṃ aniccalakkhaṇaṃ. Tāya tāya sāmaggīyā pavattāya “esā kāyassa iñjanā”ti ca attapaṭikkhepena bhaṇanto attasaññāghanapaṭicchannaṃ anattalakkhaṇaṃ dīpeti.

196. Evam lakkhaṇattayadīpanena suññatakammaṭṭhānaṃ kathetvā puna saviññānakāvīññānaka-asubhadassanattam “**aṭṭhinahārusamyutto**”ti ārabhi. Tassattho—yassa cesā kāyassa iñjanā, svāyaṃ kāyo Visuddhimagge dvattimsākāraṇāyāya vaṇṇasaṅghānadisokāsaparicchedabhedenā abyāpāranayena ca pakāsītehi saṭṭhādīhikehi tīhi aṭṭhisatehi navahi nhārusatehi ca samyuttattā aṭṭhinahārusamyutto, tattheva pakāsītena aggapādaṅgulitacādinā tacena ca navapesisatappabhedena ca maṃsena avalittattā **tacamaṃsāvalepano** paramaduggandhājegucchapaṭikūloti

1. Evañca yasmā (Sī)

veditabbo. Kiñcetha veditabbaṃ siyā, yadi esa yā sā majjhimassa purisassa sakalasarīrato saṃkaḍḍhitā badaraṭṭhippamaṇā bhaveyya, tāya makkhikāpattasukhumacchaviyā nīlādiraṅgajātena gehabhitti viya paṭicchanno na bhaveyya, ayaṃ pana evaṃ sukhumāyapi **chaviyā kāyo paṭicchanno** paññācakkhuvirahitehi bālaputhujjanehi **yathābhūtaṃ na dissati**. Chavirāgarañjito hissa paramajjegucchapaṭikūladhammasaṅkhāto tacopi tacapaliveṭṭhitā yā yā taṃ pabhedato—

“Navapesisatā maṃsā, avalittā kaḷevare.

Nānākimikulākiṇṇaṃ, miḷhaṭṭhānaṃva pūtikā”ti—

evaṃ vuttaṃ navamaṃsasatampi, maṃsāvalittā ye te—

“Navanhārusatā honti, byāmamatte kaḷevare.

Bandhanti aṭṭhisāṅghātā, agāramiva valliyyā”ti.

tepi, nhārusamuṭṭhitāni¹ paṭipāṭiyā avatṭhitāni² pūṭini duggandhāni tīṇi saṭṭhādhikāni aṭṭhisatānīpi yathābhūtaṃ na dissanti yato anādiyitvā taṃ makkhikāpattasukhumacchaviṃ. Yāni panassa³ chavirāgarattena tacena paliveṭṭhitattā sabbalokassa apākaṭāni nānappakārāni abbhantarakuṇapāni paramāśuciduggandhajegucchanīyapaṭikūlāni, tānīpi paññācakkhunā paṭivijjhītvā evaṃ passitabbo “**antapūro udarapūro -pa- pittassa ca vasāya cā**”ti.

197. Tattha antassa pūro **antapūro**. Udarassa pūro **udarapūro**. Udaranti ca udariyassetāṃ adhivacanaṃ. Tañhi ṭhānanāmena “udaran”ti vuttaṃ. **Yakanapeḷassāti**⁴ yakanapiṇḍassa. **Vatthinoti** muttassa. Ṭhānūpacārena panetaṃ “vatthī”ti vuttaṃ. **Pūro**ti adhikāro, tasmā yakanapeḷassa pūro vatthino pūroti evaṃ yojetabbaṃ. Esa nayo **hadayassāti**-ādīsu. Sabbāneva cetāni antādīni vaṇṇasaṅghānadisokāsaparicchadabhedena abyāpāranayena ca Visuddhimagge vuttanayavaseneva veditabbāni.

199-200. Evaṃ Bhagavā “na kiñcetha ekampi gayhūpagaṃ muttāmaṇisadisāṃ atthi, aññadatthu asuciparipūrovāyaṃ kāyo”ti abbhantarakuṇapaṃ

1. Nahārusamotthātāni (Sī), nhārusamoṭṭhitāni (Syā)

2. Avatṭhitāni (Sī, Syā)

3. Makkhikāpattasukhumacchaviyā paṭicchannassa (Syā)

4. Yakapeḷassāti (Sī, Syā)

dassetvā idāni tameva abbhantarakuṇapaṃ bahinikkhamanakuṇapena pākaṭaṃ katvā dassento pubbe vuttañca saṅgaṇhitvā “**athassa navahi sotehī**”ti gāthādvayamāha.

Tattha **athā**ti pariyāyantaranidassanaṃ, aparenāpi pariyāyena asucibhāvaṃ passāti vuttaṃ hoti. **Assā**ti imassa kāyassa. **Navahi sotehī**ti ubho-akkhicchiddakaṇṇacchiddanāsāchiddamukhavaccamaggapassāva-maggehi. **Asuci savatī**ti sabbalokapākaṭanānappakāraparamaduggandha-jeguccha-asuciyeva savatī sandati paggharati, na aññaṃ kiñci agarucandanādīgandhajātaṃ vā maṇimuttādiratanajātaṃ vā. **Sabbadā**ti tañca kho sabbadā rattimpi divāpi pubbaṇhepi sāyanhepi tiṭṭhatopi gacchatopīti. Kim taṃ asucīti ce? “**Akkhimhā akkhigūthako**”ti-ādi. Etassa hi dvīhi akkhicchiddehi apanītatacamāṃsasadiso akkhigūthako, kaṇṇacchiddehi rajojallasadiso kaṇṇagūthako, nāsāchiddehi pubbasadisā siṅghāṇikā ca savatī, mukhena ca vamatī, kim vamatīti ce? **Ekadā pittaṃ**, yadā abaddhapittaṃ kuppitaṃ hoti, tadā taṃ vamatīti-a dhippāyo. **Semhañcā**ti na kevalañca pittaṃ, yampi udarapaṭale ekapatthapūrappamāṇaṃ semhaṃ tiṭṭhati, tampi ekadā vamatī. Taṃ panetaṃ vaṇṇādito Visuddhimagge¹ vuttanayeneva veditabbaṃ. “Semhañcā”ti ca-saddena semhañca aññañca evarūpaṃ udariyalohitādi-asuciṃ vamatīti dasseti. Evaṃ sattahi dvārehi asucivamaṇaṃ dassetvā kālaññu puggalaññu parisāññu ca Bhagavā taduttari dve dvārāni visesavacanena anāmasitvā aparena pariyāyena sabbasmāpi kāyā asucisavanaṃ dassento āha “**kāyamhā sedajallikā**”ti. Tattha **sedajallikā**ti sedo ca loṇapaṭalamalabhedā jallikā ca, tassa “savatī sabbadā”ti iminā saddhiṃ sambandho.

201. Evaṃ Bhagavā yathā nāma bhatte paccamāne taṇḍulamalañca udakamalañca² pheṇena saddhiṃ uṭṭhahitvā ukkhalimukhaṃ makkhetvā bahi gaḷati, tathā asitapītādibhede āhāre kammajena agginā paccamāne yaṃ asitapītādimalaṃ uṭṭhahitvā “**akkhimhā akkhigūthako**”ti-ādinā bhedenā nikkhamantaṃ akkhi-ādīni makkhetvā bahi gaḷati, tassāpi vasena imassa

1. Visuddhi 1. 252, 355 piṭṭhesu.

2. Taṇḍulañca ukkhalimalaṃ (Sī)

kāyassa asucibhāvaṃ dassetvā idāni yaṃ loke uttamaṅgasammataṃ sīsaṃ ativiṣiṭṭhabhāvato paccatā vandaneyyānampi vandanaṃ na karonti, tassāpi nissāratāya asucitāya cassa asucibhāvaṃ dassento “**athassa susiraṃ sīsaṃ**”ti imaṃ gāthamāha.

Tattha **susiranti** chiddaṃ. **Matthaluṅgassa pūritanti** dadhibharita-alābukaṃ viya matthaluṅgabharitaṃ. Tañca panetaṃ matthaluṅgaṃ Visuddhimagge vuttanayeneva veditabbaṃ. **Subhato naṃ maññati bāloti** tamenāṃ evaṃ nānāvidhakuṇapabharitampi kāyaṃ duccintitacintī bālo subhato maññati, subhaṃ sucim itthaṃ kantaṃ manāpanti tīhipi taṇhādīṭṭhimānamaññānāhi maññati. Kasmā? Yasmā **avijjāya purakkhato** catusaccapaṭicchādakena mohena purakkhato codito pavattito, “evaṃ ādiya, evaṃ abhinivisa, evaṃ maññāhi”ti gāhitoti adhippāyo. Passa yāva anattakarā cāyaṃ avijjāti.

202. Evaṃ Bhagavā saviññāṇakavasena asubhaṃ dassetvā idāni aviññāṇakavasena dassetuṃ, yasmā vā cakkavattiraññopi kāyo yathāvuttakuṇapabharitoyeva hoti, tasmā sabbappakārenapi¹ sampattibhave asubhaṃ dassetvā idāni vipattibhave dassetuṃ “**yadā ca so mato seti**”ti gāthamāha.

Tassattho—svāyamevaṃvidho kāyo **yadā** āyu-usmāviññāṇāpagamena **mato** vātabharitabhastā viya **uddhumātako** vaṇṇaparibhedena **vinīlako susānasmim** niratthaṃva kaliṅgaraṃ chaḍḍitattā **apaviddho seti**, atha “na dānissa puna uṭṭhānaṃ bhavissati”ti ekamsatoyeva **anapekkhā honti ñātayo**. Tattha **matoti** aniccatāṃ dasseti, **seti**ti nirīhakattaṃ. Tadubhayena ca jīvitabalamadappahāne niyojete. **Uddhumātoti** saṇṭhānavipattim dasseti, **vinīlakoti** chavirāgavipattim. Tadubhayena ca rūpamadappahāne vaṇṇapokkharataṃ paṭicca mānappahāne ca niyojete. **Apaviddhoti** gahetabbābhāvaṃ dasseti, **susānasminti** anto adhivāsetumanarahaṃ jigucchanīyabhāvaṃ. Tadubhayenapi “maman”ti gāhassa subhasaññāya ca pahāne niyojete. **Anapekkhā honti ñātayoti** paṭikiriyaḥbhāvaṃ dasseti, tena ca parivāramadappahāne niyojete.

1. Sabbappakārepi (Sī), sabbappakārehi (Syā)

203. Evamimāya gāthāya aparibhinnāviññāṇakavasena asubhaṃ dassetvā idāni paribhinnavasenāpi dassetuṃ “**khādanti nan**”ti gāthamāha. Tattha **ye caññeti** ye ca aññepi kākakulalādayo kuṇapabhakkhā pāṇino santi, tepi naṃ khādantīti attho. Sesaṃ uttānameva.

204. Evaṃ “camaṃ vā”ti-ādinā nayena suññatakammaṭṭhānavasena, “aṭṭhinahārusamyutto”ti-ādinā saviññāṇakāsubhavasena, “yadā ca so mato seti”ti-ādinā aviññāṇakāsubhavasena kāyaṃ dassetvā evaṃ nīccasukhattabhāvasuññe ekanta-asubhe cāpi kāyasmim “subhato naṃ maññati bālo, avijjāya purakkhato”ti iminā bālassa vuttiṃ pakāsetvā avijjāmukhena ca vaṭṭaṃ dassetvā idāni tattha paṇḍitassa vuttiṃ pariññāmukhena ca vivaṭṭaṃ dassetuṃ “**sutvāna Buddhavacanaṃ**”ti ārabhi.

Tattha **sutvānāti** yoniso nisāmetvā. **Buddhavacanaṃ**ti kāyavicchandana-karam Buddhavacanaṃ. **Bhikkhūti** sekkho vā puthujjano vā. **Paññāṇavāti** paññāṇaṃ vuccati vipassanā aniccādippakāresu pavattattā, tāya samannāgatoti attho. **Idhāti** sāsane. **So kho naṃ pari jānāti**ti so imaṃ kāyaṃ tīhi pariññāhi pari jānāti. Kathaṃ? Yathā nāma kusalo vāṇijo idañcīdañcīti bhaṇḍaṃ oloketvā “ettakena gahite ettako nāma udayo bhavissati”ti tulayitvā tathā katvā puna sa-udayaṃ mūlaṃ gaṇhanto taṃ bhaṇḍaṃ chaḍḍeti, evamevaṃ “aṭṭhinhāru-ādayo ime kesalomādayo cā”ti ñāṇacakkhunā oloketto ñātapariññāya pari jānāti, “aniccā ete dhammā dukkhā anattā”ti tulayanto tīraṇapariññāya pari jānāti, evaṃ tīrayitvā¹ ariyamaggaṃ pāpuṇanto tattha chandarāgappahānena pahānapariññāya pari jānāti. Saviññāṇakāviññāṇaka-asubhavasena vā passanto ñātapariññāya pari jānāti, aniccādivasena passanto tīraṇapariññāya, arahattamaggena tato chandarāgaṃ apakaḍḍhitvā taṃ pajahanto pahānapariññāya pari jānāti.

Kasmā so evaṃ pari jānāti ce? **Yathābhūtañhi passati**, yasmā yathābhūtaṃ passatīti attho. “Paññāṇavā”ti-ādinā eva ca etasmim

1. Tīretvā (Sī, Syā)

atthe siddhe yasmā Buddhavacanam sutvā tassa paññānavattam hoti, yasmā ca sabbajanassa pākaṭopāyam kāyo asutvā Buddhavacanam na sakkā parijānitum, tasmā tassa ñāṇahetum ito bāhirānam evam daṭṭhum asamatthatañca dassetum “suvāna Buddhavacanam”ti āha. Nandam bhikkhunim tañca vipallatthacittam bhikkhum ārabba desanāpavattito aggapariso tappaṭipattippattānam bhikkhubhāvadassanato ca “bhikkhū”ti āha.

205. Idāni “yathābhūtañhi passatī”ti ettha yathā passanto yathābhūtam passati, tam dassetum āha **“yathā idam tathā etam, yathā etam tathā idam”**ti. Tassattho—yathā idam saviññāṇakāsubham āyu-usmāviññāṇanam anapagamā carati tiṭṭhati nisīdati sayati, tathā etam etarahi susāne sayitam aviññāṇakampi pubbe tesam dhammānam anapagamā ahosi. Yathā ca etam etarahi matasarīram tesam dhammānam apagamā na carati na tiṭṭhati na nisīdati na seyyam kappeti, tathā idam saviññāṇakampi tesam dhammānam apagamā bhavissati. Yathā ca idam saviññāṇakam etarahi na susāne matam seti, na uddhumātakādibhāvamupagatam, tathā etam etarahi matasarīrampi pubbe ahosi. Yathā panetam etarahi aviññāṇakāsubham matam susāne seti, uddhumātakādibhāvañca upagatam, tathā idam saviññāṇakampi bhavissatīti.

Tattha **yathā idam tathā etanti** attanā matassa sarīrassa samānabhāvam karonto bāhire dosam pajahati. **Yathā etam tathā idanti** matasarīrena attano samānabhāvam karonto ajjhattike rāgam pajahati. Yenākārena ubhayam samam karoti, tam pajānanto ubhayattha moham pajahati. Evam yathābhūtaḍḍassanena pubbabhāgeyeva akusalamūlappahānam sādhetvā yasmā evam paṭipanno bhikkhu anupubbena arahattamaggam patvā sabbam chandarāgam virājetum samattho hoti, tasmā āha **“ajjhatañca bahiddhā ca, kāye chandam virājaye”**ti. Evam paṭipanno bhikkhu anupubbentīti pāṭhaseso.

206. Evam sekkhabhūmim dassetvā idāni asekkhabhūmim dassento āha **“chandarāgaviratto so”**ti. Tassattho—so bhikkhu arahattamaggañāṇena paññānavā maggānantaram phalam pāpuṇāti, atha sabbaso

chandarāgassa pahīnattā “**chandarāgaviratto**”ti ca, maraṇābhāvena paṇītaṭṭhena vā **amatam** sabbasaṅkhāravūpasamanato **santim** taṇhāsāṅkhātavanābhāvato **nibbānam** cavanābhāvato **accutanti** samvannaṇṇitam padamajjhagāti ca vuccati. Atha vā so bhikkhu arahattamaggañāṇena paññānavā maggānantaraphale ṭhito chandarāgaviratto nāma hoti, vuttappakāraṇca padamajjhagāti veditabbo. Tena “idamassa pahīnam, idaṅcānena laddhan”ti dīpeti.

207-208. Evaṃ saviññāṇakāviññāṇakavasena asubhakammaṭṭhānam saha nipphattiyā kathetvā puna saṅkhepadesanāya evaṃ mahato ānisaṃsassa antarāyakaram paṃdavihāram garahanto “**dvipādakoyan**”ti gāthādvayamāha. Tattha kiñcāpi apādakādayopi kāyā asucīyeva, idhādhikāravasena pana ukkaṭṭhaparicchedavasena vā, yasmā vā aññe asucibhūṭāpi kāyā loṇampilādīhi abhisāṅkharitvā manussānam bhojanepi upanīyanti, na tveva manussakāyo, tasmā asucitarabhāvamassa dassentopi “dvipādako”ti āha.

Ayanti manussakāyam dasseti. **Duggandho parihārātī**¹ duggandho samāno pupphagandhādīhi abhisāṅkharitvā parihārati. **Nānakuṇapaparipūroti** kesādi-anekappakāraṇapabharito. **Vissavanto tato tatoti** pupphagandhādīhi paṭicchādetum ghaṭentānampi tam vāyāmanam nipphalam katvā navahi dvārehi kheḷasiṅghāṇikādīni, lomakūpehi ca sedajallikam vissavantoyeva. Tattha dāni passatha—**etādisena kāyena yo** puriso vā itthī vā koci bālo **maññe uṇṇametave** taṇhādīṭṭhimānamaññānāhi “ahan”ti vā “maman”ti vā “nicco”ti vāti-ādinā nayena yo uṇṇamitum maññeyya, **param vā jāti-ādīhi avajāneyya** attānam ucce ṭhāne ṭhapento, **kimaññatra adassanā** ṭhapetvā ariyamaggena ariyasaccadassanābhāvaṃ kimaññam tassa evaṃ uṇṇamāvajānanakāraṇam siyāti.

Desanāpariyosāne Nandā bhikkhunī samvegamāpādi “aho vata re aham bālā, yā maṃyeva ārabha evaṃvividhadhammadesanāpavattakassa Bhagavato upaṭṭhānam nāgamāsin”ti. Evaṃ samvigga ca tameva dhammadesanam

1. Parihārātī (Ka)

samannāharitvā teneva kammaṭṭhānena katipayadivasabbhantare arahattaṃ sacchākāsi. Dutiyatṭhānepi kira desanāpariyosāne caturāsītiyā pāṇasahassānaṃ dhammābhisamayo ahosi, Sirimā devakaññā anāgāmiphalaṃ pattā, so ca bhikkhu sotāpattiphale patiṭṭhahīti.

Paramatthajotikāya Khuddakaṭṭhakathāya

Suttanipātaṭṭhakathāya

vijayasuttavaṇṇanā niṭṭhitā.

12. Munisuttavaṇṇanā

209. **Santhavāto bhayaṃ jātanti** Munisuttaṃ. Kā uppatti? Na sabbasseva suttassa ekā uppatti, apicettha ādito tāva catunnaṃ gāthānaṃ ayamuppatti—Bhagavati kira Sāvatthiyaṃ viharante gāmakāvāse aññatarā duggatitthī matapatikā puttaṃ bhikkhūsu pabbājetvā attanāpi bhikkhunīsu pabbaji. Te ubhopi Sāvatthiyaṃ vassaṃ upagantvā abhiṇhaṃ aññamaññassa dassanakāmā ahesuṃ. Mātā kiñci labhitvā puttassa harati, puttopi mātu. Evaṃ sāyampi pātopi aññamaññaṃ samāgantvā laddhaṃ laddhaṃ samvibhajamānā sammodamānā sukhadukkhaṃ pucchamānā nirāsankā ahesuṃ. Tesāṃ evaṃ abhiṇhadassanena saṃsaggo uppajji, saṃsaggā vissāso, vissāsā otāro, rāgena otiṇṇacittānaṃ pabbajitasaññā ca mātuputtasaññā ca antaradhāyi, tato mariyādavītikkamaṃ katvā asaddhammaṃ paṭiseviṃsu, ayasappattā ca vibbhamitvā agāramajjhe vasīṃsu. Bhikkhū Bhagavato ārocesuṃ. “Kiṃ nu so bhikkhave moghapuriso maññati¹ na mātā putte sārājati, putto vā pana mātārī”ti garahitvā “nāhaṃ bhikkhave aññaṃ ekarūpampi samanupassāmi”ti-ādinā² avasesasuttenapi bhikkhū saṃvejetvā “tasmātiha bhikkhave—

“Visaṃ yathā halāhalaṃ, telam pakkuthitaṃ³ yathā.

Tambalohavilīnaṃva, mātugāmaṃ vivajjaye”ti ca—

1. Jānāti (Sī, Syā, Ka)

2. Am 2. 60 piṭṭhe.

3. Telamukkathitaṃ (Sī), telamukkuṭṭhitaṃ (Syā)

vatvā puna bhikkhūnaṃ dhammadesanattamaṃ “santhavāto bhayaṃ jātaṃ”ti imā attupanāyikā catasso gāthā abhāsi.

Tattha **santhavo** taṇhādiṭṭhimittabhedena tividhoti pubbe vutto, idha taṇhādiṭṭhisanthavo adhippeto. Taṃ sandhāya Bhagavā āha “passatha bhikkhave yathā idam tassa moghapurisassa santhavāto bhayaṃ jātaṃ”ti. Tañhi tassa abhiṇhadassanakāmatāditaṇhāya balavakilesabhayaṃ jātaṃ, yena saṇṭhātuṃ asakkonto mātari vippaṭipajji. Attānuvādādikaṃ vā mahābhayaṃ, yena¹ nayena vuttā ārammaṇappabhedā. **Jāyate rajoti** rāgadosamoharajo jāyate. Kim vuttaṃ hoti? Na kevalaṅca tassa sāsavārammaṇaṃ “niketan”ti vuccati, idānissa bhinnasamvarattā atikkantamariyādattā suṭṭhutamaṃ tato niketā jāyate rajo, yena saṃkiliṭṭhacitto anayabyasanaṃ pāpuṇissati. Atha vā passatha bhikkhave yathā idam tassa moghapurisassa santhavāto bhayaṃ jātaṃ, yathā ca sabbaputhujjanānaṃ niketā jāyate rajoti evampetaṃ padadvayaṃ yojetabbaṃ.

Sabbathā pana iminā purimaddhena Bhagavā puthujjanadassanaṃ garahitvā attano dassanaṃ pasamsanto “**aniketan**”ti pacchimaddhamāha. Tattha yathāvuttaniketapaṭikkhepena **aniketaṃ**, santhavapaṭikkhepena ca **asanthavaṃ** veditabbaṃ. Ubhayampetaṃ nibbānassādhivacanaṃ. **Etaṃ ve Munidassananti** etaṃ aniketamasanthavaṃ Buddhamuninā diṭṭhanti attho. Tattha **veti** vimhayatthe nipāto daṭṭhabbo, tena ca yaṃ nāma nicketasanthavavasena mātāputtesu vippaṭipajjamānesu aniketamasanthavaṃ, etaṃ Muninā diṭṭhaṃ aho abbhutanti ayamadhippāyo siddho hoti. Atha vā Munino dassananti Munidassanaṃ, dassanaṃ nāma khanti ruci, khamati ceva ruccati cāti attho.

210. Dutiyagāthāya **yo jātamucchijjā**-i yo kismiṅcideva vatthusmiṃ jātaṃ bhūtaṃ nibbattaṃ kilesaṃ yathā uppannākusalappahānaṃ hoti,

1. Yena vā (Sī, Syā, Ka)

2. Saṃ 2. 9 piṭṭhe.

tathā vāyamanto tasmim̄ vatthusmim̄ puna anibbattanavasena ucchinditvā yo anāgatopi kilesa tathārūpapaccayasamodhāne nibbattitum̄ abhimukhībhūtattā vattamānasamīpe vattamānalakkhaṇena “jāyanto”ti vuccati, tañca **na ropayeyya jāyantaṃ**, yathā anuppannākusalānuppādo hoti, tathā vāyamanto na nibbatteyyāti attho. Kathañca na nibbatteyya? **Assa nānuppavecche**, yena paccayena so nibbatteyya, taṃ nānuppaveseyya na samodhāneyya. Evaṃ sambhāravekallakaraṇena taṃ na ropayeyya jāyataṃ. Atha vā yasmā maggabhāvanāya atītāpi kilesā ucchijjanti āyatim̄ vipākābhāvena vattamānāpi na ropīyanti tadabhāvena, anāgatāpi cittasantatim̄ nānuppavesīyanti uppattisāmatthiyavighātena, tasmā yo ariyamaggabhāvanāya jātamucchijja na ropayeyya jāyantaṃ, anāgatampi cassa jāyantassa nānuppavecche, tamāhu ekaṃ Muninaṃ carantaṃ, so ca addakkhi santipadaṃ mahesīti evampettha yojanā veditabbā. Ekantanikkilesa tāya **ekaṃ**, seṭṭhatṭhena vā ekaṃ. **Muninanti** Munim̄, munīsu vā ekaṃ. **Carantanti** sabbākāraparipūrāya lokatthacariyāya avasesacariyāhi ca carantaṃ. **Addakkhīti** addasa. **Soti** yo jātamucchijja aropane ananuppavesane ca samatthatāya “na ropayeyya jāyantamassa nānuppavecche”ti vutto Buddhamuni. **santipadanti** santikoṭṭhāsam̄, dvāsaṭṭhiḍṭhigatavipassanānibbānabhedāsu tīsu sammutisantitadaṅgasanti-accantasantīsu seṭṭhaṃ evaṃ anupasante loke accantasantiṃ addasa mahesīti evamattho veditabbo.

211. tatiyagāthāya **saṅkhāyāti** gaṇayitvā, paricchinditvā vīmaṃsitvā yathābhūtato ñatvā, dukkhapariññāya pariḷānitvāti attho. **Vatthūnīti** yesu evamayam̄ loko sajjati, tāni khandhāyatanadhātubhedāni kilesaṭṭhānāni. **Pamāya bījanti** yaṃ tesaṃ vatthūnaṃ bījam̄ abhisāṅkhāraviññāṇaṃ, taṃ pamāya¹ himsitvā bādhitvā², samucchedappahānena pajahitvāti attho. **Sinehamassanānuppaveccheti** yena taṇhādiṭṭhisinehena sinehitam̄ taṃ bījam̄ āyatim̄ paṭisandhivasena taṃ yathāvuttaṃ vatthusassaṃ viruheyya, taṃ sinehamassa nānuppavecche, tappaṭipakkhāya maggabhāvanāya taṃ nānuppaveseyyāti attho. **Sa ve Muni jātikhayantadassīti** so evarūpo Buddhamuni nibbānasacchikiriyāya jātiyā ca maraṇassa ca antabhūtassa nibbānassa diṭṭhattā

1. Samāya (Ka)

2. Vadhitvā (Sī, Syā)

jātikkhayantadassī **takkaṃ pahāya na upeti saṅkhaṃ**, imāya catusaccabhāvanāya navappabhedampi akusalavitakkaṃ pahāya sa-upādisesanibbānadhātum patvā lokatthacariyaṃ karonto anupubbena carimaviññāṇakkhayā anupādisesanibbānadhātuppattiyā “devo vā manusso vā”ti na upeti saṅkhaṃ. Aparinibbuto eva vā yathā kāmavitakkādino vitakkassa appahīnattā “ayaṃ puggalo ratto”ti vā “duṭṭho”ti vā saṅkhaṃ upeti, evaṃ takkaṃ pahāya na upeti saṅkhanti evampettha attho daṭṭhabbo.

212. Catutthagāthāya **aññāyā**ti aniccādinayena jānitvā. **sabbānī**ti anavasesāni. **Nivesanānī**ti kāmabhavādike bhava. Nivasanti hi tesu sattā, tasmā “nivesanānī”ti vuccanti. **Anikāmayāṃ aññatarampi tesanti** evaṃ diṭṭhādīnavattā tesāṃ nivesanānaṃ ekampi apatthento so evarūpo Buddhamuni maggabhāvanābalena taṇhāgedhassa vīgatattā **vītagedho**, vītagedhattā eva ca **agiddho**, na yathā eke avītagedhā eva samānā “agiddhamhā”ti paṭijānanti, evaṃ. **Nāyūhatī**ti tassa tassa nivesanassa nibbattakāṃ kusalaṃ vā akusalaṃ vā na karoti. Kimkāraṇā? **Pāragato hi hoti**, yasmā evarūpo sabbanivesanānaṃ pāraṃ nibbānaṃ gato hotīti attho.

Evaṃ paṭhamagāthāya puthujjanadassanaṃ garahitvā attano dassanaṃ pasaṃsanto dutiyagāthāya yehi kilesehi puthujjano anupasanto hoti, tesāṃ abhāvena attano santipadādhigamaṃ pasaṃsanto tatiyagāthāya yesu vatthūsu puthujjano takkaṃ appahāya tathā tathā saṅkhaṃ upeti, tesu catusaccabhāvanāya takkaṃ pahāya attano saṅkhānupagamanaṃ pasaṃsanto catutthagāthāya āyatimpi yāni nivesanāni kāmayaṃāno puthujjano bhavataṇhāya āyūhati, tesu taṇhābhāvena attano anāyūhanaṃ pasaṃsanto catūhi gāthāhi arahattanikūṭeneva ekaṭṭhuppattikāṃ desanaṃ niṭṭhāpesi.

213. **Sabbābhibhanti** kā uppatti? Mahāpuriso mahābhinikkhamaṃ katvā anupubbena sabbaññutaṃ patvā dhammacakkappavattanattāya Bārāṇasīṃ

gacchanto Bodhimaṇḍassa ca Gayāya ca antare Upakenājīvakena samāgacchi. Tena ca “vippasannāni kho te āvuso indriyāni”ti-ādinā¹ nayena puṭṭho “sabbābhibhū”ti-ādīni āha. Upako “hupeyyāvuso”ti vatvā sīsaṃ okampetvā ummaggaṃ gahetvā pakkāmi. Anukkamena ca Vaṅkahārajanapade² aññatarāṃ Māgavikagāmaṃ pāpuṇi. Tamenāṃ Māgavikajetṭhako disvā “aho appiccho samaṇo vatthampi na nivāseti, ayamloke arahā”ti gharaṃ netvā maṃsarasena parivisitvā bhuttāvīṇca naṃ suputtadāro vanditvā “idheva bhante vasatha, ahaṃ pacceyena upaṭṭhahissā mi”ti nimantetvā vasanokāsaṃ katvā adāsi, so tattha vasati.

Māgaviko gimhakāle udakasampanne sītale padese caritum dūraṃ apakkantesu migesu tattha gacchanto “amhākaṃ arahantaṃ sakkaccaṃ upaṭṭhahassū”ti Chāvaṃ³ nāma dhītaraṃ āṇāpetvā agamāsi saddhiṃ puttabhātukehi. Sā cassa dhītā dassanīyā hoti koṭṭhāsasampannā, dutiyadivase Upako gharaṃ āgato taṃ dārikaṃ sabbaṃ upacāraṃ katvā parivisitum upagataṃ disvā rāgena abhibhūto bhuñjitumpi asakkonto bhājanena bhattaṃ ādāya vasanaṭṭhānaṃ gantvā bhattaṃ ekamante nikkhipitvā “sace Chāvaṃ labhāmi, jīvāmi, noce, marāmi”ti nirāhāro sayi. Sattame divase Māgaviko āgantvā dhītaraṃ Upakassa pavattim pucchi, sā “ekadivasameva āgantvā puna nāgatapubbo”ti āha. Māgaviko “āgata veseneva naṃ upasaṅkamitvā pucchissāmi”ti taṅkhaṇaṇṇeva gantvā “kiṃ bhante aphāsukan”ti pāde parāmasanto pucchi, Upako nitthunanto parivattatiyeva. So “vada bhante, yaṃ mayā sakkā kātum, sabbaṃ karissāmi”ti āha, Upako “sace Chāvaṃ labhāmi, jīvāmi, no ce, idheva maraṇaṃ seyyo”ti⁴ āha. Jānāsi pana bhante kiñci sippanti. Na jānāmi. “Na bhante kiñci sippaṃ ajānantena sakkā gharāvāsaṃ adhiṭṭhātun”ti. So āha “nāhaṃ kiñci sippaṃ jānāmi, apica tumhākaṃ maṃsahārako bhavissāmi maṃsaṅca vikkiṇissāmi”ti. Māgavikopi “amhākaṃmetadeva ruccatī”ti uttarasāṭakaṃ datvā gharaṃ ānetvā dhītaraṃ adāsi. Tesāṃ saṃvāsamanvāya

1. Ma 1. 227; Vi 3. 11 piṭṭhesu.

2. Vaṅgahārajanapade (Sī), Vaṅgajanapade (Syā)

3. Cāpaṃ (Ka)

4. Ayameva maraṇaseyyāti (Sī)

putto vijāyi, Subhaddotissa nāmaṃ akaṃsu. Chāvā puttatosanagītena Upakaṃ uppaṇḍesi, sotaṃ asahanto “bhadde ahaṃ Anantajinassa santikaṃ gacchāmi”ti Majjhimadesābhimukho pakkāmi.

Bhagavā ca tena samayena Sāvattthiyaṃ viharati Jetavanamahāvihāre. Atha kho Bhagavā paṭikacceva bhikkhū āṇāpesi “yo bhikkhave Anantajinoti pucchamāno āgacchati, tassa maṃ dasseyyāthā”ti Upakopi kho anrpubbeneva Sāvattthi āgantvā vihāramajjhe ṭhatvā “imasmiṃ vihāre mama sahāyo Anantajino nāma atthi, so kuhiṃ vasatī”ti pucchi. Taṃ bhikkhū Bhagavato santikaṃ nayiṃsu. Bhagavā tassānurūpaṃ dhammaṃ desesi, so desanāpariyosāne anāgāmiṃphale patiṭṭhāsi. Bhikkhū tassa pubbappavattimṃ sutvā kathaṃ sumuṭṭhāpesuṃ “Bhagavā paṭhamaṃ nissirikassa naggasamaṇassa dhammaṃ desesi”ti. Bhagavā taṃ kathāsamuṭṭhānaṃ viditvā Gandhakuṭīto nikkhamma taṅkhaṇānurūpena pāṭihāriyena Buddhāsane nisīditvā bhikkhū āmantesi “kāya nuttha bhikkhave etarehi kathāya sannisinnā”ti, te sabbaṃ kathesuṃ. Tato Bhagavā “na bhikkhave Tathāgato ahētu-appaccayā dhammaṃ deseti, nimmalā Tathāgatassa dhammadesanā, na sakkā tatha dosaṃ daṭṭhum, tena bhikkhave dhammadesanūpanissayena Upako etarahi anāgāmi jāto”ti vatvā attano desanāmalābhāvādīpikaṃ imaṃ gathamabhāsi.

Tassattho—sāsaveesu sabbakhandhāyatanadhātūsu chandarāgappahānena tehi anabhibhūtattā sayañca te dhamme sabbe abhibhuyya pavattattā **sabbābhīhum**. Tesañca aññesañca sabbadhammānaṃ sabbākārena viditattā **sabbavidum**. Sabbadhammadesanasamatthāya sobhanāya medhāya samannāgatattā **sumedham**. Yesaṃ taṇhādīṭṭhilepānaṃ vasena sāsavakhandhādibhedesu sabbadhammesu upalimpati¹, tesāṃ lepānaṃ abhāvā tesu **sabbesu dhammesu anupalittam**. Tesu ca sabbadhammesu chandarāgābhāvena sabbe te dhamme jahitvā ṭhitattā **sabbañjham**. Upadhivivekaninnena cittena taṇhakkhaye nibbāne visesena muttattā **taṇhakkheye vimuttam**, adhimuttanti vuttam hoti. **Tam vāpi dhīrā Muni vedayanti**ti tampi paṇḍitā sattā Munimṃ vedayanti jānanti. Passatha yāva paṭivisiṭṭhovāyaṃ Muni, tassa kuto desanāmalanti attānaṃ

1. Upalippanti (Sī)

vibhāveti. Vibhāvanattho hi ettha vāsaddoti. Keci pana vaṇṇayanti—“Upako tadā Tathāgataṃ disvāpi ‘ayaṃ Buddhamunī’ti na saddahī”ti evaṃ bhikkhū kathaṃ samuṭṭhāpesuṃ, tato Bhagavā “saddahatu vā mā vām, dhīrā pana taṃ Munim vedayanti”ti dassento imaṃ gāthāabhāsīti.

214. **Paññābalanti** kā uppatti? Ayaṃ gāthā Revatatheraṃ ārabha vuttā. Tattha “gāme vā yadi vāraññe”ti imissā gāthāya vuttanayeneva Revatatherassa ādito pabhuti pabbajjā, pabbajitassa Khadiravane vihāro, tattha viharato visesādhigamo, Bhagavato tattha gamanapaccāgamanañca veditabbaṃ. Paccāgate pana Bhagavati yo so mahallakabhikkhu upāhanāṃ sammussitvā paṭinivatto khadirarukkhe ālaggitaṃ disvā Sāvattiṃ anuppatto Visākhāya upāsikāya “kiṃ bhante Revatatherassa vasanokāso ramaṇīyo”ti bhikkhū pucchamānāya yehi bhikkhūhi pasāmsito, te apasādentō “upāsike ete tucchaṃ bhaṇanti, na sundaro bhūmippadeso, atilūkhakakkaḷaṃ Khadiravanamevā”ti āha. So Visākhāya āgantukabhattaṃ bhuñjitvā pacchābhattaṃ maṇḍalamāle sannipatite bhikkhū ujjhāpentō āha “kiṃ āvuso Revatatherassa senāsane ramaṇīyaṃ tumhehi diṭṭhan”ti. Bhagavā taṃ ñatvā Gandhakuṭṭito nikkhamma taṅkhaṇānurūpena pāṭihāriyena parisamajjhaṃ patvā Buddhāsane nisīditvā bhikkhū āmantesi “kāya nuttha bhikkhave etarahi kathāya sannisinnā”ti. Te āhaṃsu “Revataṃ bhante ārabha kathā uppannā ‘evaṃ navakammiko kadā samaṇadhammaṃ karissatī’ti”. “Na bhikkhave Revato navakammiko, arahā Revato khīṇāsavo”ti vatvā taṃ ārabha tesāṃ bhikkhūnaṃ dhammadesanatthaṃ imaṃ gāthāabhāsīti.

Tassattho—dubbalakarakilesappahānasādhakena vikubbana-adhiṭṭhānappabhedena vā paññābalena samannāgatattā **paññābalaṃ**, catupārisuddhisīlena dhutaṅgavatena ca upapannattā **sīlavatūpapannaṃ**, maggasamādhinā phalasaṃmādhinā iriyāpathasaṃmādhinā ca **samāhitaṃ**, upacārappanābhedenā jhānena jhāne vā ratattā **jhānarataṃ**, sativapullappattattā **satimaṃ**, rāgādisaṅgato pamuttattā **saṅgā pamuttaṃ**, pañcacetokhilacatu-āsavābhāvena **akhilaṃ anāsavaṃ taṃ vāpi dhīrā Muni vedayanti**, tampi evaṃ paññādiguṇasaṃyuttaṃ saṅgādidosaṃyuttaṃ paṇḍitā sattā Munim vā vedayanti. Passatha yāva

paṭivisiṭṭhovāyaṃ khīṇāsavamuni, so “navakammiko”ti vā “kadā samaṇadhammaṃ karissatī”ti vā kathaṃ vattabbo. So hi paññābalena taṃ vihāraṃ niṭṭhāpesi, na navakammakaraṇena, katakiccova so, na idāni samaṇadhammaṃ karissatīti Revatattheraṃ vibhāveti. Vibhāvanattho hi ettha vāsaddoti.

215. **Ekam carantanti** kā uppatti? Bodhimaṇḍato pabhuti yathākkamaṃ Kapilavatthum anuppatte Bhagavati pitāputtasamāgame vattamāne Bhagavā sammodamānena raññā Suddhodanena “tumhe bhante gahaṭṭhakāle gandhakarāṇḍake vāsitaṇi kāsikādīni dussāni nivāsetvā idāni kathaṃ chinnakāni paṃsukūlāni dhārethā”ti evamādinā vutto rājānaṃ anunayamāno—

“Yaṃ tvaṃ tāta vade mayhaṃ, paṭṭuṇṇaṃ dukūlakāsikaṃ¹.

Paṃsukūlaṃ tato seyyaṃ, etaṃ me abhipatthitaṃ”ti—

ādīni vatvā lokadhammehi attano avikampabhāvaṃ dassento rañño dhammadesanattaraṃ imaṃ sattapadagāthamabhāsi.

Tassattho—pabbajjāsāṅkhātādīhi **ekam**, iriyāpathādīhi cariyāhi **carantaṃ**, moneyyadhammasamannāgamena **Munim**, sabbatṭhānesu pamādābhāvato **appamattaṃ**, akkosanagaraṇānādibhedāya nindāya vaṇṇanathomanādibhedāya pasaṃsāya cāti imāsu nindāpasaṃsāsu paṭighānunanayavasena **avedhamānaṃ**. Nindāpasaṃsāmukhena cettha aṭṭhapi lokadhammā vuttāti veditabbā. **Sīhaṃva** bherisaddādīsu **saddesu** aṭṭhasu lokadhammesu pakativikārānupagamena **asantasantaṃ**, pantesu vā senāsanesu santāsābhāvena. **Vātaṃva** suttamayādibhede **jālamhi** catūhi maggehi taṇhādīṭṭhijāle **asajjamānaṃ**, aṭṭhasu vā lokadhammesu paṭighānunanayavasena **asajjamānaṃ**. **Padumaṃva toyena** loke jātampiyesaṃ taṇhādīṭṭhilepānaṃ vasena sattā lokena lippanti, tesāṃ lepānaṃ pahīnattā lokena **alippamānaṃ**, nibbānagāmimaggaṃ uppādetvā tena maggena **netāramaññesaṃ** devamanussānaṃ, attano pana aññena kenaci maggaṃ dassetvā anetabbattā **anaññaneyyaṃ taṃ vāpi dhīrā Muni vedayanti** Buddhamuniṃ vedayantīti attānaṃ vibhāveti. Sesamettha vuttanayameva.

1. Yaṃ tvaṃ tāta vadesi, pattuṇṇaṃ tūlakāsikaṃ (Sī, Syā)

216. **Yo ogahaṇeti** kā uppatti? Bhagavato paṭhamābhisambuddhassa cattāri asaṅkhyeyyāni kappasatasahassaṅca pūritadasapāramidasapapāramidasaparamatthapāramippabheda-abhinīhāraguṇapāramiyo pūretvā Tusitabhavane abhinibbattiguṇaṃ tattha nivāsaguṇaṃ mahāvīlokanaguṇaṃ gabbhavokkantiṃ gabbhavāsaṃ gabbhanikkhamaṇaṃ padavītihāraṃ disāvīlokaṃ brahmagajjanaṃ mahābhinikkhamaṇaṃ mahāpadhānaṃ abhisambodhiṃ dhammacakkappavattanaṃ catubbidhaṃ maggañāṇaṃ phalañāṇaṃ aṭṭhasu parisāsu akampanañāṇaṃ Dasabalañāṇaṃ catuyoniparicchedakañāṇaṃ pañcagatiparicchedakañāṇaṃ chabbidhaṃ asādhāraṇañāṇaṃ aṭṭhavidhaṃ sāvakaśādhāraṇabuddhañāṇaṃ cuddasavidhaṃ Buddhañāṇaṃ aṭṭhārasabuddhaguṇapāramicchedakañāṇaṃ ekūnavīsatividhapaccavekkhaṇañāṇaṃ sattasattatividhañāṇavattu-
evamiccādiguṇasatasahasā nissāya pavattaṃ mahālābhasakkāraṃ asamañehi titthiyehi uyyojitāya Ciñcamāṇavikāya “ekam dhammaṃ atītassā”ti imissā gāthāya vatthumhi vuttanayena catuparisamajjhe Bhagavato ayase uppādite tappaccayā bhikkhū kathaṃ samuṭṭhāpesuṃ “evarūpepi nāma ayase uppanne na Bhagavato cittassa aññathattaṃ atthī”ti. Tam nātvā Bhagavā Gandhakuṭṭo nikkhamma taṅkhaṇānurūpena pāṭihāriyena parisamajjhaṃ patvā Buddhāsane nisīditvā bhikkhū āmantesi “kāya nuttha bhikkhave etarahi kathāya sannisinnā”ti. Te sabbaṃ ārocesuṃ. Tato Bhagavā “Buddhā nāma bhikkhave aṭṭhasu lokadhammesu tādino hontī”ti vatvā tesam bhikkhūnaṃ dhammadesanattaṃ imaṃ gāthamabhāsi.

Tassattho—yathā nāma ogahaṇe manussānaṃ nhānatitthe aṅgahaṃsanatthāya caturasse vā aṭṭhaṃse vā thambhe nikhāte uccakulīnāpi nīcakulīnāpi aṅgaṃ ghaṃsanti, na tena thambhassa unnati vā onati vā hoti, e vamevaṃ **yo ogahaṇe thambhorivā bhijāyati, yasmiṃ pare vācāpariyantaṃ vadanti**. Kim vuttaṃ hoti? Yasmiṃ vatthusmiṃ pare titthiyā vā aññe vā vaṇṇavasena uparimaṃ vā avaṇṇavasena heṭṭhimaṃ vā vācāpariyantaṃ vadanti, tasmīṃ vatthusmiṃ anunayaṃ vā paṭighaṃ vā anāpajjamāno tāḍibhāvena yo ogahaṇe thambhoriva bhavātīti. **Tam vītarāgaṃ susamāhitindriyanti** tam iṭṭhārammaṇe rāgābhāvena vītarāgaṃ, aniṭṭhārammaṇe ca dosamohābhāvena susamāhitindriyaṃ, suṭṭhu vā samodhānetvā ṭhapitindriyaṃ rakkhitindriyaṃ,

gopitindriyanti¹ vuttaṃ hoti. **Taṃ vāpi dhīrā Muni vedayanti** Buddhamuniṃ vedayanti, tassa kathaṃ cittassa aññathattaṃ bhavissatīti attānaṃ vibhāveti. Sesaṃ vuttanayameva.

217. **Yo ve ʒhitatto**ti kā uppatti? Sāvatthiyaṃ kira aññatarā seṭṭhidhīṭā pāsādā oruyha heṭṭhāpāsāde tantavāyasālaṃ gantvā tasaraṃ vaṭṭente disvā tassa ujubhāvena tappaṭibhāganimittaṃ aggahesi “aho vata sabbe satta kāyavacīmanovaṅkaṃ pahāya tasaraṃ viya ujucittā bhaveyyun”ti. Sā pāsādaṃ abhiruhitvāpi punappunaṃ tadeva nimittaṃ āvajjenti nisīdi. Evaṃ paṭipannāya cassā na cirasseva aniccalakkhaṇaṃ pākaṭaṃ ahosi, tadanusāreneva ca dukkhānattalakkhaṇānīpi. Athassā tayopi bhavā ādittā viya upaṭṭhahimsu. Taṃ tathā vipassamaṇaṃ ñatvā Bhagavā Gandhakuṭiyaṃ nisinnova obhāsaṃ muñci, sā taṃ disvā “kiṃ idan”ti āgajjenti Bhagavantaṃ passe nisinnamiva disvā uṭṭhāya pañjalikā aṭṭhāsi, athassā Bhagavā sappāyaṃ viditvā dhammadesanāvasena imaṃ gāthamabhāsi.

Tasattho—yo ve ekaggacittatāya akuppavimuttitāya ca vuḍḍhihānīnaṃ abhāvato vikkhīṇajātisaṃsārattā bhavantarūpagamaṇābhāvato ca **ʒhitatto**, pahīnakāyavacīmanovaṅkatāya agatigamaṇābhāvena vā **tasaraṃva uju**, hirottappasampannattā **jigucchati kammehi pāpakehi**, pāpakāni kammāni gūthagataṃ viya muttagataṃ viya ca jigucchati, hiriyatīti vuttaṃ hoti. Yogavibhāgena hi upayogatthe karaṇavacanaṃ saddasatthe sijjhati. **Vīmaṃsamāno visamaṃ samañcāti** kāyavisamādivisamaṃ kāyasamādisamañca pahānabhāvanākiccasādhanena maggapaññāya vīmaṃsamāno upaparikkhamāno. **Taṃ vāpi** khīṇāsavaṃ **dhīrā Muniṃ vedayanti**ti. Kiṃ vuttaṃ hoti? Yathāvuttanayena maggapaññāya vīmaṃsamāno visamaṃ samañca yo ve ʒhitatto hoti, so evaṃ tasaraṃva uju hutvā kiñci vītikkamaṃ anāpajjanto jigucchati kammehi pāpakehi, taṃ vāpi dhīrā muniṃ vedayanti, yato īdiso hotīti khīṇāsavamuniṃ dassento arahattanikūṭeṇa gāthaṃ desesi. Desanāpariyosāne seṭṭhidhīṭā

1. Avikkhittindriyaṃ, alolindriyanti (Si)

sotāpattiphale patitṭhahi. Ettha ca vikappe vā samuccaye vā vāsaddo datṭhabbo.

218. **Yo saññatattoti** kā uppatti? Bhagavati kira Āḷaviyaṃ viharante Āḷavīnagare aññataro tantavāyo sattavassikaṃ dhītaraṃ āṇāpesi “amma hiyyo avasiṭṭhatasaraṃ na bahu, tasaraṃ vaṭṭetvā lahuṃ tantavāyasālaṃ āgaccheyyāsi, mā kho cirāyī”ti. Sā “sādhū”ti sampatṭicchi. So sālaṃ gantvā tantam vinento aṭṭhāsi. Tam divasañca Bhagavā mahākaruṇāsamāpattito vuṭṭhāya lokaṃ volokento tassā dārikāya sotāpattiphālūpanissayaṃ desanāpariyosāne caturāsītiyā pāṇasahassānañca dhammābhisamayam disvā pageva sarīrapaṭijagganaṃ katvā pattacīvaramādāya nagaraṃ pāvisi. Manussā Bhagavantaṃ disvā “addhā ajja koci anuggahetabbo atthi, pageva pavitṭho Bhagavā”ti Bhagavantaṃ upagacchimsu. Bhagavā yena maggena sā dārikā pitu santikaṃ gacchati, tasmim aṭṭhāsi. nagaravāsino tam padesaṃ sammajjitvā paripphositvā pupphūpahāraṃ katvā vitānaṃ bandhitvā āsanaṃ paññāpesuṃ, nisīdi Bhagavā paññatte āsane, mahājanakāyo parivāretvā aṭṭhāsi. Sā dārikā tam padesaṃ pattā mahājanaparivutaṃ Bhagavantaṃ disvā pañcapatitṭhitena vandi, tam Bhagavā āmantetvā “dārike kuto āgatāsī”ti pucchi. Na jānāmi Bhagavāti. Kūhim gamissasīti. Na jānāmi Bhagavāti. Na jānāsīti. Jānāmi Bhagavāti. Jānāsīti. Na jānāmi Bhagavāti.

Tam sutvā manussā ujjhāyanti “passatha bho ayaṃ dārikā attano gharā āgatāpi Bhagavatā pucchiyamānā ‘na jānāmī’ti āha, tantavāyasālaṃ gacchantī cāpi pucchiyamānā ‘na jānāmī’ti āha, ‘na jānāsī’ti vuttā ‘jānāmī’ti āha, ‘jānāsī’ti vuttā ‘na jānāmī’ti āha, sabbaṃ paccanīkameva karotī”ti. Bhagavā manussānaṃ tamatthaṃ pākāṭaṃ kātukāmo tam pucchi “kiṃ mayā pucchitaṃ, kiṃ tayā vuttan”ti. Sā āha—na maṃ bhante koci na jānāti “gharato āgatā tantavāya sālaṃ gacchatī”ti, apica maṃ tumhe paṭisandhivasena pucchatha “kuto āgatāsī”ti, cutivasena pucchatha “kūhim gamissasī”ti. Ahañca na jānāmi “kuto camhi āgatā nirayā vā devalokā vā”ti, na hi jānāmi “kūhimpi gamissāmi nirayaṃ vā devalokaṃ vā”ti, tasmā “na

jānāmī”ti avacaṃ. Tato maṃ Bhagavā maraṇaṃ sandhāya pucchi “na jānāsī”ti, ahañca jānāmi “sabbesaṃ maraṇaṃ dhuvan”ti, tenāvocaṃ “jānāmī”ti. Tato maṃ Bhagavā maraṇakālaṃ sandhāya pucchi “jānāsī”ti, ahañca na jānāmi “kadā marissāmi kiṃ ajja vā udāhu sve vā”ti, tenāvocaṃ “na jānāmī”ti. Bhagavā tāya vissajjitaṃ pañhaṃ “sādhu sādhu”ti anumodi. Mahājanakāyopi “yāva paṇḍitā ayaṃ dārikā”ti sādhuḥkārasahassāni adāsi. Atha Bhagavā dārikāya sappāyaṃ viditvā dhammaṃ desento—

“Andhabhūto ayaṃ loko, tanukettha vipassati.

Sakuṇo jālamuttova, appo saggāya gacchatī”ti¹—

imaṃ gāthamāha. Sā gāthāpariyosāne sotāpattiphale patiṭṭhāsi, caturāsītiyā pānasahassānañca dhammābhisamayo ahoṣi.

Sā Bhagavantam vāditvā pitu santikaṃ agamāsi, pitā taṃ disvā “cirenāgatā”ti kuddho vegena tante vemaṃ pakkhipi, taṃ nikkhamitvā dārikāya kucchim bhindi, sā tattheva kālamakasi. So disvā “nāhaṃ mama dhītaraṃ paharim, apica kho imaṃ vemaṃ vegasā nikkhamitvā imissā kucchim bhindi. Jīvati nu kho nanu kho”ti vīmaṃsanto mataṃ disvā cintesi “manussā maṃ ‘iminā dhītā mārītā’ti ñatvā upakkoseyyum, tena rājāpi garukaṃ daṇḍaṃ paṇeyya, handāhaṃ paṭikacceva palāyāmi”ti. So daṇḍabhayena palāyanto Bhagavato santike kammaṭṭhānaṃ gahetvā araṇṇe vasantānaṃ bhikkhūnaṃ vasanokāsaṃ pāpuṇi, te ca bhikkhū upasaṅkamtivā pabbajjaṃ yāci. Te taṃ pabbājetvā tacapañcakakammaṭṭhānaṃ adamsu, so taṃ uggahetvā vāyamanto na cirasseva arahattaṃ pāpuṇi, te cassa ācariyupajjhāyā. Atha mahāpavāraṇāya sabbeva Bhagavato santikaṃ agamaṃsu “visuddhipavāraṇaṃ pavāressamā”ti. Bhagavā pavāretvā vutthavasso bhikkhusaṃghaparivuto gāmanigamādīsu cārikaṃ caramāno anupubbena Āḷaviṃ agamāsi. Tattha manussā Bhagavantam nimantetvā dānādīni karontā taṃ bhikkhuṃ disvā “dhītaraṃ māretvā idāni kaṃ māretum āgatosī”ti-ādīni vatvā uppaṇḍesum. Bhikkhū taṃ sutvā upaṭṭhānavelāyaṃ upasaṅkamtivā Bhagavato etamatthaṃ ārocesum. Bhagavā “na

1. Khu 1. 39 piṭṭhe Dhammapade.

bhikkhave ayaṃ bhikkhu dhītaraṃ māresi, sā attano kamma matā”ti vatvā tassa bhikkhuno manussehi dubbijānaṃ khīṇāsavamunibhāvaṃ pakāsentō bhikkhūnaṃ dhammadesanatthaṃ imaṃ gāthamabhāsi.

Tassattho—yo tīsupi kammadvāresu sīlasaṃyamena **saṃyatatto** kāyena vā vācāya vā cetasā vā himsādikaṃ **na karoti pāpaṃ**, tañca kho pana **daharo** vā daharavaye ṭhito, **majjhimo** vā majjhimavaye ṭhito, eteneva nayena thero vā pacchimavaye ṭhitoti kadācipi na karoti. Kimkāraṇā? **Yatatto**, yasmā anuttarāya viratiyā sabbapāpehi uparatacittoti vuttaṃ hoti.

Idāni **Muni arosaneyyo na so roseti kañcīti** etesaṃ padānaṃ ayaṃ yojanā ca adhippāyo ca—so khīṇāsavamuni **arosaneyyo** “dhītumārako”ti vā “pesakāro”ti vā evamādinā nayena kāyena vā vācāya vā rosetuṃ ghaṭṭetuṃ bādhetuṃ araho na hoti. **Sopi hi na roseti kañci**, “nāhaṃ mama dhītaraṃ māremi, tvaṃ māresi, tumhādiso vā māreti”ti-ādīni vatvā kañci na roseti na ghaṭṭeti na bādheti, tasmā sopi na rosaneyyo. Apica kho pana “tiṭṭhatu nāgo, mā nāgaṃ ghaṭṭesi, namo karohi nāgassā”ti¹ vuttanayena namassitabboyeva hoti. **Taṃ vāpi dhīrā Muni vedayantīti** ettha pana tampi dhīrāva Munim vedayantīti evaṃ padavibhāgo veditabbo. Adhippāyo cettha—taṃ “ayaṃ arosaneyyo”ti ete bālaṃanussā ajānitvā roseti. Ye pana dhīrā honti, te dhīrāva tampi Munim vedayanti, ayaṃ khīṇāsavamunīti jānantīti.

219. **Yadaggatoti kā uppatti?** Sāvattthiyaṃ kira Pañcaggadāyako nāma brāhmaṇo ahosi. So nipphajjamānesu sassesu khettaggaṃ rāsaggaṃ koṭṭhaggaṃ kumbhi-aggam bhojanagganti imāni pañca aggāni deti. Tattha paṭhamapakkāniyeva sāliyavagodhūmasīsāni āharāpetvā yāgupāyāsaputhukādīni paṭiyādetvā “aggassa dātā medhāvī, aggaṃ so adhigacchatī”ti evaṃdiṭṭhiko hutvā Buddhappamukhassa bhikkhusaṃghassa

1. Ma 1. 196 piṭṭhe.

dānaṃ deti, idamassa **khettaggadānaṃ**. Nipphanesu pana sassesu lāyitesu madditesu ca varadhaññāni gahetvā tatheva dānaṃ deti, idamassa **rāsaggadānaṃ**. Puna tehi dhaññehi koṭṭhāgarāni pūrāpetvā paṭhamakoṭṭhāgaravivarane paṭhamanīhaṭāni dhaññāni gahetvā tatheva dānaṃ deti, idamassakoṭṭhaggadānaṃ. Yaṃ yadeva panassa gharerandheti, tato aggaṃ anuppattapabbajitānaṃ adatvā antamaso dāraṅkānaṃ na kiñci deti, idamassa **kumbhi-aggadānaṃ**. Puna attano bhojanakāle paṭhamūpanītaṃ bhojanaṃ purebhattakāle saṃghassa, pacchābhattakāle sampattayācākānaṃ, tadabhāve antamaso sunakhānaṃpi adatvā na bhuñjati, idamassa **bhojanaggadānaṃ**. Evaṃ so **Pañcaggadāyako**veva abhilakkhito ahosi.

Athekadivasāṃ Bhagavā paccūsasamaye Buddhacakkhunā lokāṃ volokento tassa brāhmaṇassa brāhmaṇiyā ca sotāpattimagga-upanissayaṃ disvā sarīrapaṭijagganaṃ katvā atippageva Gandhakuṭim pāvīsi. Bhikkhū pihitadvāraṃ Gandhakuṭim disvā “ajja Bhagavā ekakova gāmaṃ pavisitukāmo”ti ñatvā bhikkhācāraṇelāya Gandhakuṭim padakkhiṇaṃ katvā piṇḍāya pavisiṃsu. Bhagavāpi brāhmaṇassa bhojanavelāyaṃ nikkhamitvā Sāvathim pāvīsi. Manussā Bhagavantaṃ disvā eva “nūnappa koci satto anuggahetabbo atthi, tathā hi Bhagavā ekakova pavitṭho”ti ñatvā na Bhagavantaṃ upasaṅkamisṃsu nimantanatthāya. Bhagavāpi anupubbena brāhmaṇassa gharadvāraṃ sampatvā aṭṭhāsi, tena ca samayena brāhmaṇo bhojanaṃ gahetvā nisinna hoti, brāhmaṇī panassa bījanaṃ gahetvā ṭhitā. Sā Bhagavantaṃ disvā “sacāyaṃ brāhmaṇo passeyya, pattaṃ gahetvā sabbaṃ bhojanaṃ dadeyya, tato me puna pacitabbaṃ bhavēyyā”ti cintevā appasādaṇca maccheraṇca uppādetvā yathā brāhmaṇo Bhagavantaṃ na passati, evaṃ tālavaṇṭena paṭicchādesi. Bhagavā taṃ ñatvā sarīrābhaṃ muñci, taṃ brāhmaṇo suvaṇṇobhāsaṃ disvā “kimetan”ti ullokento addasa Bhagavantaṃ dvāre ṭhitaṃ. Brāhmaṇīpi “diṭṭhonena Bhagavā”ti tāvadeva tālavaṇṭaṃ nikkhipitvā Bhagavantaṃ upasaṅkamtivā pañcapaṭiṭṭhitena vandi, vanditvā cassā uṭṭhahantiyā sappāyaṃ viditvā—

“Sabbaso nāmarūpasmiṃ, yassa natthi mamāyitaṃ.
Asatā ca na socati, sa ve bhikkhūti vuccatī”ti¹—

1. Khu 1. 66 piṭṭhe Dhammapade.

imaṃ gāthamabhāsi. Sā gāthāpariyosāneyeva sotāpatti-phale patiṭṭhāsi. Brāhmaṇopi Bhagavantam antogharam pavesetvā varāsane nisīdāpetvā dakkhiṇodakam datvā attano upanītabhojanam upanāmesi “tumhe bhante sadevake loke aggadakkhiṇeyyā, sādhu me tam bhojanam attano patte patiṭṭhāpethā”ti. Bhagavā tassa anuggahattham paṭiggahetvā paribhuñji, katabhattakicco ca brāhmaṇassa sappāyam viditvā imaṃ gāthamabhāsi.

Tassattho—yam kumbhito paṭhamameva gahitattā **aggato**, addhāvasesāya kumbhiyā āgantvā tato gahitattā **majjhato**, ekadvikaṭacchumattāvasesāya kumbhiyā āgantvā tato gahitattā **sesato vā piṇḍam labhetha. Paradattūpajīvī**ti pabbajito. So hi udakadantapoṇam ṭhapetvā avasesam pareneva dattam upajīvati, tasmā “paradattūpajīvī”ti vuccati. **Nālam thutum nopi nipaccavādī**ti aggato laddhā attānam vā dāyakam vā thometumpi nārahati pahīnanunayattā, sesato laddhā “kim etam iminā dinnam”ti-ādinā nayena dāyakam nipātetvā appiyavacanāni vattāpi na hoti¹ pahīnapaṭighattā. **Tam vāpi dhīrā Muni vedayantī**ti tampi pahīnanunayapaṭigham dhīrāva Munim vedayantīti brāhmaṇassa arahattanikūṭena gātham desesi. Gāthāpariyosāne brāhmaṇo sotāpatti-phale patiṭṭhahīti.

220. **Munim carantanti kā uppatti?** Sāvattiyam kira aññataro seṭṭhiputto utuvasena tīsu pāsādesu sabbasampattīhi paricārayamāno daharova pabbajitukāmo hutvā mātāpitaro yācitvā Khaggavisāṇasutte “kāma hi citrā”ti² imissā gāthāya aṭṭhuppattiyam vuttanayeneva tikkhattum pabbajitvā ca uppabbajitvā ca catutthavāre arahattam pāpuṇi. Tam pubbapāricayena bhikkhū bhaṇanti “samayo āvuso uppabbajitun”ti. So “abhabbo dānāham āvuso vibbhamitun”ti āha. Tam sutvā bhikkhū Bhagavato ārocesum, Bhagavā “evametaṃ bhikkhave abhabbo so dāni vibbhamitun”ti tassa khīṇāsavamunibhāvam āvikaronto imaṃ gāthamāha.

1. Vatthumpi nārahati (Syā, Ka)

2. Khu 1. 287 piṭṭhe.

Tassattho—moneyyadhammasamannāgamena **Muniṃ**, ekavihāritāya, pubbe vuttappakārāsu vā cariyāsu yāya kāyaci cariyāya **carantaṃ**, pubbe viya methunadhamme cittaṃ akatvā anuttarāya viratiyā **virataṃ methunasmā**. Dutiyaṇṇāpādassa sambandho—kīdisaṃ Muniṃ carantaṃ virataṃ methunasmāti ce? **Yo yobbane nopanibajjhate kvaci**, yo bhadrepi yobbane vattamāne kvaci itthirūpe yathā pure, evaṃ methunarāgena na upanibajjhati. Atha vā kvaci attano vā parassa vā yobbane “yuvā tāvamhi, ayaṃ vā yuvāti paṭisevāmi tāva kāme”ti evaṃ yo rāgena na upanibajjhātīti ayampettha attho. Na kevalaṇca virataṃ methunasmā, apica kho pana jātimadādibhedā **madā**, kāmaguṇesu sativippavāsasaṅkhātā **pamādāpi** ca **virataṃ**, evaṃ madappamādā viratattā eva ca **vipparamuttaṃ** sabbakilesabandhanehi. Yathā vā eko lokikāyapi viratiyā virato hoti, na evaṃ, kiṃ pana **vipparamuttaṃ virataṃ**, sabbakilesabandhanehi vipparamuttattā lokuttaraviratiyā viratantipi attho. **Taṃ vāpi dhīrā Muni vedayanti**ti tampi dhīrā eva Muniṃ vedayanti, tumhe pana naṃ na vedayatha, tena naṃ evaṃ bhaṇathāti dasseti.

221. **Aññāya lokanti** kā uppatti? Bhagavā Kapilavatthusmiṃ viharati. Tena samayena Nandassa ābharaṇamaṅgalaṃ abhisekamaṅgalaṃ āvāhamaṅgalanti tīṇi maṅgalāni akaṃsu. Bhagavāpi tattha nimantito pañcahi bhikkhusatehi saddhiṃ tattha gantvā bhuñjitvā nikkhamanto Nandassa hatthe pattamā adāsī, taṃ nikkhamantaṃ disvā Janapadakalyāṇī “tuvaḷam kho ayyaputta āgaccheyyāsī”ti āha. So Bhagavato gāravena “handa Bhagavā pattan”ti vattuṃ asakkonto vihārameva gato. Bhagavā Gandhakuṭipariveṇe ṭhatvā “āhara Nanda pattan”ti gahetvā “pabbajissasī”ti āha. So Bhagavato gāravena paṭikkhipituṃ asakkonto “pabbajāmi Bhagavā”ti āha, taṃ Bhagavā pabbājesi. So pana Janapadakalyāṇiyā vacanaṃ punappunaṃ saranto ukkaṇṭhi. Bhikkhū Bhagavato ārocesuṃ, Bhagavā Nandassa anabhiratiṃ vinodetukāmo “Tāvatiṃsabhavanaṃ gatapubbosi Nandā”ti āha, Nando “nāhaṃ bhante gatapubbo”ti avoca.

Tato naṃ Bhagavā attano ānubhāvena Tāvatiṃsabhavanaṃ netvā Vejayantapāsādadvāre aṭṭhāsī. Bhagavato āgamaṇaṃ viditvā Sakko

accharāgaṇaparivuto pāsādā orohi. Tā sabbāpi Kassapassa Bhagavato sāvakānaṃ pādamakkhanatelaṃ datvā kakuṭapādiniyo ahesuṃ. Atha Bhagavā Nandaṃ āmantesi “passasi no tvam Nanda imāni pañca accharāsātāni kakuṭapādāni”ti sabbam vitthāretabbaṃ. Mātugāmassa nāma nimittānubyañjanaṃ gahetabbanti sakalepi Buddhavacane etaṃ natthi, atha ca panettha Bhagavā upāyakusalatāya āturassa dose uggiletvā¹ nīharitukāmo vejjo subhojanaṃ viya² Nandassa rāgaṃ uggiletvā nīharitukāmo nimittānubyañjanaggahaṇaṃ anuññāsi yathā taṃ anuttaro purisadammasārathi. Tato Bhagavā accharāhetu Nandassa brahmacariye abhiratiṃ disvā bhikkhū āṇāpesi “bhatakavādena Nandaṃ codethā”ti. So tehi codiyamāno lajjito yoniso manasi karonto paṭipajjitvā na cirasseva arahattaṃ sacchākāsi. Tassa caṅkamanakoṭiyam rukkhe adhivatthā devatā Bhagavato etamatthaṃ ārocesi, Bhagavatopi ñāṇaṃ udapādi. Bhikkhū ajānantā tathevāyasmantaṃ codenti, Bhagavā “na bhikkhave idāni Nando evaṃ codetabbo”ti tassa khīṇāsavamunibhāvaṃ dīpento tesaṃ bhikkhūnaṃ dhammadesanatthaṃ imaṃ gāthamabhāsi.

Tassattho—dukkhasaccavavattānākaraṇena khandhādīlokaṃ aññāya jānitvā vavattapetvā nirodhasaccasacchikiriyāya paramatthadassim, samudayappahānena catubbidhampi oghaṃ, pahīnasamudayattā rūpamadādivegasahanena cakkhādi-āyatanasamuddaṅca atitariya atitaritvā atikkamitvā maggabhāvanāya, “tanniddesā tādī”ti imāya tādīlakkhaṇappattiyā tādīm. Yo vāyaṃ kāmarāgādikilesarāsiyeva avahananaṭṭhena ogho, kucchitagatipariyāyena samuddanaṭṭhena samuddo, samudayappahāneneva taṃ oghaṃ samuddaṅca atitariya atitiṇṇoghata idāni tumhehi evaṃ vuccamānēpi vikāraṇāpajjanatāya tādinti evampettha attho ca adhippāyo ca veditabbo. Taṃ chinnaganthaṃ asitaṃ anāsavanti idaṃ panassa thutivacanameva, imāya catusaccabhāvanāya catunnaṃ ganthānaṃ chinnattā chinnaganthaṃ, diṭṭhiyā taṇhāya vā katthaci anissitattā asitaṃ, catunnaṃ āsavānaṃ abhāvena anāsavanti vuttaṃ hoti. Taṃ vāpi dhīrā Muni vedayantīti tampi dhīrāva khīṇāsavamuniṃ vedayanti, tumhe pana avedayamānā evaṃ bhaṇathāti dasseti.

1. Ukkiledetvā (Sī, Syā)

2. Bhisakko viya (Syā, Ka)

222. **Asamā ubhoti** kā uppatti? Aññataro bhikkhu Kosalaraṭṭhe paccantagāmaṃ nissāya araññe viharati, tasmañca gāme migaluddako tassa bhikkhuno vasanokāsaṃ gantvā mige bandhati. So araññaṃ pavisanto theram gāmaṃ piṇḍāya pavisantampi passati, arañña āgacchanto gāmato nikkhamantampi passati. Evaṃ abhiñhadassanena there jātasineho ahosi. So yadā bahum māmsaṃ labhati, tadā therassāpi rasapiṇḍapātaṃ deti. Manussā ujjhāyanti “ayaṃ bhikkhu ‘amukasmim padese migā tiṭṭhanti caranti pānīyaṃ pivanti’ ti luddakassa āroceti, tato luddako mige māreti, tena ubho saṅgamma jīvikam kappenti” ti. Atha Bhagavā janapadacārikam caramāno taṃ janapadam agamāsi, bhikkhū gāmaṃ piṇḍāya pavisantā taṃ pavattim sutvā Bhagavato ārocesum. Bhagavā luddakena saddhim samānajīvikābhāvasādhakam tassa bhikkhuno khīṇāsavamunibhāvaṃ dīpento tesam bhikkhūnam dhammadesanattham imam gāthamabhāsi.

Tassattho—yo ca bhikkhave bhikkhu, yo ca luddako, ete **asamā ubho**. Yam manussā bhaṇanti “samānajīvikā” ti, taṃ micchā. Kimkāraṇā? **Dūravihāravuttino**, dūre vihāro ca vutti ca nesanti dūravihāravuttino. Vihāroti vasanokāso, so ca bhikkhuno araññe, luddakassa ca gāme. Vuttīti jīvikā, sā ca bhikkhuno gāme sapadānabhikkhācariyā, luddakassa ca araññe migasakuṇamāraṇā. Puna caparam **gihī dāraposī**, so luddako tena kammaena puttadāram poseti, **amamo ca subbato**, puttadāresu taṇhādiṭṭhimamattavirahito sucivatattā sundaravatattā ca subbato so khīṇāsavabhikkhu. Puna caparam **parapāṇarodhāya gihī asaññato**, so luddako gihī parapāṇarodhāya tesam pāṇānam jīvitindriyupacchedāya kāyavācācittehi asaṃyato. **Niccaṃ Munī rakkhati pāṇine yato**, itaro pana khīṇāsavamuni kāyavācācittehi niccaṃ yato saṃyato pāṇino rakkhati. Evaṃ sante te katham samānajīvikā bhavissantīti.

223. **Sikhī yathāti** kā uppatti? Bhagavati Kapilavatthusmim viharante Sākiyānam kathā udapādi “paṭhamakasotāpanno paccā sotāpattim pattassa dhammena vuḍḍhataro hoti, tasmā pacchā sotāpanna bhikkhūna paṭhamasotāpanna gihino abhivādanādīni kattabbāni” ti. Tam katham

aññataro piṇḍacāriko bhikkhu sutvā Bhagavato ārocesi. Bhagavā “aññā eva hi ayaṃ jāti, pūjaneyyavatthu liṅgaṃ”ti sandhāya “anāgāmīpi ce bhikkhave gihī hoti, tena tadahupabbajitassāpi sāmaṇerassa abhivādanādīni kattabbānevā”ti vatvā puna pacchā sotāpannassāpi bhikkhuno paṭhamasotāpannagahaṭṭhato atimahantaṃ visesaṃ dassento bhikkhūnaṃ dhammadesanattaṃ imaṃ gāthamabhāsi.

Tassattho—yvāyaṃ matthake jātāya sikhāya sabbhāvena **sikhī**, maṇidaṇḍasadisāya gīvāya **nīlagīvoti** ca mayūravihāṅgamo vuccati, so yathā haritahaṃsatambahaṃsakhīrahaṃsakāḷahaṃsapākahaṃsasuvaṇṇahaṃsesu yvāyaṃ suvaṇṇahaṃso, tassa haṃsassa javena soḷasimpi kalaṃ na upeti. Suvaṇṇahaṃso hi muhuttakena yojanasahassampi gacchati, yojanampi asamattho itaro. Dassanīyatāya pana ubhopi dassanīyā honti, evaṃ gihī paṭhamasotāpannopi kiñcāpi maggadassanena dassanīyo hoti, atha kho so pacchā sotāpannassāpi maggadassanena tulyadassanīyabhāvassāpi bhikkhuno javena nānukaroti. Katamena javena? Uparimaggavipassanāññajavena. Gihino hi taṃ ñāṇaṃ dandhaṃ hoti puttadārādijaṭṭhāya jaṭitattā, bhikkhuno pana tikkhaṃ hoti tassā jaṭṭhāya vijaṭitattā. Svāyamattho Bhagavatā “Munino vivittassa vanamhi jhāyato”ti iminā pādena dīpito. ayaṃ hi sekkhamuni bhikkhu kāyacittavivekena ca vivitto hoti, lakkhaṇārammaṇūpanijjhānena ca niccaṃ vanasmim jhāyati, kuto gihino evarūpo viveko ca jhānañcāti ayañhettha adhippāyoti.

Paramatthajotikāya Khuddakaṭṭhakathāya

Suttanipātaṭṭhakathāya

Munisuttavaṇṇanā niṭṭhitā.

Niṭṭhito ca paṭhamo vaggo atthavaṇṇanāyato,

Nāmena Uravaggoti.

2. Cūlavagga

1. Ratanasuttavaṇṇanā

Yānīdha bhūtānīti Ratanasuttaṃ. Kā uppatti? Atīte kira Vesāliyaṃ dubbhikkhādayo upaddavā uppajjīṃsu, tesāṃ vūpasamanatthāya licchavayo Rājagahaṃ gantvā yācitvā Bhagavantaṃ Vesālimānayaṃsu. Evaṃ ānīto Bhagavā tesāṃ upaddavānaṃ vūpasamanatthāya idaṃ suttaṃ abhāsī. Ayamettha saṅkhepo, porāṇā panassa Vesālivatthuto pabhuti uppattim vaṇṇayanti. Sā evaṃ veditabbā—Bārāṇasirañño kira aggamaheṣiyā kucchimhi gabbho saṅṭhāsī, sā taṃ ṇatvā rañño nivedesi, rājā gabbhaparihāraṃ adāsī. Sā sammā parihariyamānagabbhā gabbhaparipākakāle vijāyanagharaṃ pāvisī. Puññavatīnaṃ paccūsasamaye gabbhavuṭṭhānaṃ hoti, sā ca tāsāṃ aññatarā, tena paccūsasamaye alattakapaṭalabandhuṃ jīvakaṃ pupphasadisāṃ maṃsapesiṃ vijāyī. tato “aññā deviyo suvaṇṇabimbasaḍḍe putte vijāyanti, aggamaheṣī maṃsapesinti rañño purato mama avaṇṇo uppajjeyyā”ti cintetvā tena avaṇṇabhayena taṃ maṃsapesiṃ ekasmiṃ bhājane pakkhipitvā aññena paṭikujjitvā rājamuddikāya lañchetvā Gaṅgāya sote pakkhipāpesi, manussehi chaḍḍitamatte devatā ārakkhaṃ saṃvidahiṃsu. Suvaṇṇapaṭṭikañcetta¹ jātihiṅgulakena “Bārāṇasirañño aggamaheṣiyā pajā”ti likhitvā bandhiṃsu. Tato taṃ bhājanaṃ ūmibhayādīhi anupaddutaṃ Gaṅgāya sotena pāyāsī.

Tena ca samayena aññataro tāpaso gopālakulaṃ nissāya Gaṅgāya tīre vasati, so pātova Gaṅgaṃ otiṇṇo taṃ bhājanaṃ āgacchantaṃ disvā paṃsukūlasaññāya aggahesi. Tato tattha taṃ akkharapaṭṭikaṃ rājamuddikālañchanañca disvā muñchitvā taṃ maṃsapesiṃ addasa. Disvānassa etadahosi “siyā gabbho, tathā hissa duggandhapūtibhāvo natthī”ti taṃ assamaṃ netvā suddhe okāse ṭhapesi. Atha aḍḍhamāsaccayena dve maṃsapesiyo ahesuṃ, tāpaso disvā sādhuḥkataram ṭhapesi. Tato puna aḍḍhamāsaccayena ekamekissā pesiyā hatthapādasīsānamatthāya pañca pañca piḷakā uṭṭhahiṃsu. Atha tato aḍḍhamāsaccayena

1. Suvaṇṇapaṭṭikaṃ cetta (Syā)

ekā maṁsapesi suvaṇṇabimbasadiso dārako, ekā dārikā ahosi. Tesu tāpasassa puttasiṅho uppajji, aṅguṭṭhato cass akhīraṁ nibbatti, tato pabhuti ca khīrabhataṁ labhati. So bhataṁ bhuñjivā khīraṁ dārakānaṁ mukhe āsiṅcati. Tesāṁ yaṁ yaṁ udaraṁ pavasati, taṁ sabbaṁ maṇibhājanagataṁ viya dissati, evaṁ nicchavī ahesuṁ. Apare pana āhu “sibbitvā ṭhapitā viya nesaṁ aññaṁaññaṁ līnā chavi ahoṣi”ti. Evaṁ te nicchavitāya vā līnacchavitāya vā **Licchavī**ti paññāyimsu.

Tāpaso dārake posento ussūre gāmaṁ piṇḍāya pavasati, atidivā paṭikkamati. Tassa taṁ byāpāraṁ ñatvā gopālakā āhaṁsu “bhante pabbajitānmaṁ dārakaposanaṁ palibodho, amhākaṁ dārake detha, mayaṁ possessāma, tumhe attano kammaṁ karoṭhā”ti. Tāpaso “sādhū”ti paṭissuṇi. Gopālakā dutiyadivase maggaṁ samaṁ katvā pupphehi okiritvā dhajapaṭākā ussāpetvā tūriyehi vajjamāñchi assamaṁ āgatā. Tāpaso “mahāpuñña dārakā, appamādena vaḍḍhetha, vaḍḍhetvā ca aññaṁaññaṁ āvāhavivāhaṁ karoṭhā, pañcagorasena rājānaṁ tosetvā bhūmibhāgaṁ gahetvā nagaraṁ māpetha, tatra kumāraṁ abhisiṅcathā”ti vatvā dārake adāsi. Te “sādhū”ti paṭissuṇitvā dārake netvā posesuṁ.

Dārakā vaḍḍhimanvāya kīlantaṁ vivādaṭṭhānesu aññe gopāladārake hatthenapi pādenapi paharanti, te rodanti. “Kissa rodathā”ti ca māṭāpitūhi vuttā “ime nimmāṭāpitikā tāpasapositā amhe atīva paharantī”ti vadanti. tato tesāṁ māṭāpitāro “ime dārakā aññe dārake viheṭhenti dukkhāpenti, na ime saṅgahetabbā, vajjetabbā ime”ti āhaṁsu. Tato pabhuti kira so padeso “vajjī”ti vuccati yojanasataṁ parimāṇena. Atha taṁ padesaṁ gopālakā rājānaṁ tosetvā aggahesuṁ. Tattheva nagaraṁ māpetvā soḷasavassuddesikaṁ kumāraṁ abhisiṅcivā rājānaṁ akaṁsu. Tāya cassa dārikāya saddhim vāreyyaṁ katvā katikaṁ akaṁsu “na bāhirato dārikā ānetabbā, ito dārikā na kassaci dātabbā”ti. Tesāṁ paṭhamasaṁvāsena dve dārakā jātā dhītā ca putto ca, evaṁ soḷasakkhattuṁ dve dve jātā. Tato

tesaṃ dāraḱānaṃ yathākkammaṃ vaḍḍhantānaṃ
 āraṃmuyyānanivāsanaṭṭhānaparivārasampattiṃ gaḁetuṃ appahontaṃ taṃ
 nagaraṃ tikkhattuṃ gāvutantarena gāvutantarena pākarena parikkhipiṃsu,
 tassa punappunaṃ visālīkatattā **Vesālī**veva nāmaṃ jātaṃ. Idaṃ
Vesālīvatthu.

Ayaṃ pana Vesālī Bhagavato uppannakāle iddhā vepullappattā ahoṣi.
 Tattha hi rājūnaṃyeva satta saḁassāni satta ca satāni satta ca rājāno aḁesuṃ,
 tathā yuvarājasenāpatibhaṇḍāgārikappabhuṭīnaṃ. Yathāha—

“Tena kho pana samayena Vesālī iddhā ceva hoti phītā ca bahujanā
 ākiṇṇamanussā subhikkhā ca, satta ca pāsādasahassāni satta ca
 pāsādasatāni satta ca pāsādā, satta ca kūṭāgārasahassāni satta ca
 kūṭāgārasatāni satta ca kūṭāgārāni, satta ca āraṃmasahassāni satta ca
 āraṃmasatāni satta ca āraṃmā, satta ca pokkharāṇisahassāni satta ca
 pokkharāṇisatāni satta ca pokkharāṇiyo”¹.

Sā aparena samayena dubbhikkhā ahoṣi dubbuṭṭhikā dussassā.
 Paṭṭhamaṃ duggatamanussā maranti, te bahiddhā chaḍḍenti.
 matamanussānaṃ kuṇapagandhena amanussā nagaraṃ pavisiṃsu, tato
 bahutarā mīyanti, tāya paṭīkūlatāya ca sattānaṃ ahivātakarogo uppajji. Iti
 tīhi dubbhikkha-amanussarogabhayehi upaddutāya Vesālīyā nagaravāsino
 upasaṅkamitvā rājānamāḁaṃsu “mahārāja imasmiṃ nagare tividhaṃ
 bhayamuppannaṃ, ito pubbe yāva sattamā rājakulaparivaṭṭā evarūpaṃ
 anuppannapubbaṃ, tumhākaṃ maññe adhammikattena etarahi uppannaṃ”^{ti}.
 Rājā sabbe santhāgāre sannipātāpetvā “mayhaṃ adhammikabhāvaṃ
 vicinathā”^{ti} āha. Te sabbaṃ paveṇiṃ vicinantā na kiñci addasaṃsu.

Tato rañño dosaṃ adisvā “idaṃ bhayaṃ amhākaṃ kathaṃ
 vūpasameyyā”^{ti} cintesuṃ. Tattha ekacce cha satthāro apadisīṃsu “eteḁi
 okkantaṃmatte vūpasamissatī”^{ti}. Ekacce āḁaṃsu “Buddho kira loke uppanno,
 so Bhagavā sabbasattahitāya dhammaṃ deseti

1. Vi 3. 377 piṭṭhe.

mahiddhiko mahānubhāvo, tena okkantamatte sabbabhayāni vūpasameyyun”ti. Tena te attamanā hutvā “kahaṃ pana so Bhagavā etarahi viharati, amhehi vā pesite āgaccheyyā”ti āhaṃsu. Athāpare āhaṃsu “Buddhā nāma anukampakā, kissa nāgaccheyyuṃ, so pana Bhagavā etarahi Rājagahe viharati, rājā ca Bimbisāro taṃ upaṭṭhahati, kadāci so āgantunā na dadeyyā”ti. “Tena hi rājānaṃ saññāpetvā ānessāmā”ti dve Licchavirājāno mahatā balakāyena pahūtaṃ paṇṇākāraṃ datvā rañño santikaṃ pesesuṃ “Bimbisāraṃ saññāpetvā Bhagavantāṃ ānethā”ti. Te gantvā rañño paṇṇākāraṃ datvā taṃ pavattiṃ nivedetvā “mahārāja Bhagavantāṃ amhākaṃ nagaraṃ pesehi”ti āhaṃsu. Rājā na sampaṭicchi, “tumhe eva jānāthā”ti āha. Te Bhagavantāṃ upasaṅkamtivā vanditvā evamaḥaṃsu “bhante amhākaṃ nagare tīṇi bhayāni uppannāni, sace Bhagavā āgaccheyya, sotthi no bhaveyyā”ti. Bhagavā āvajjetvā “Vesāliyaṃ Ratanasutte vutte sā rakkhā koṭisatasahassacakkavāḷāni pharissati, suttapariyosāne caturāsītiyā pāṇasahassānaṃ dhammābhisamayo bhavissati”ti adhivāsesi. Atha rājā Bimbisāro Bhagavato adhivāsanaṃ sutvā “Bhagavatā Vesāligamaṇaṃ adhivāsitaṃ”ti nagare ghosanaṃ kārāpetvā Bhagavantāṃ upasaṅkamtivā āha “kiṃ bhante sampaṭicchittha Vesāligamaṇaṃ”ti. Āma mahārājāti. Tena hi bhante āgametha, yāva maggaṃ paṭiyādemīti.

Atha kho rājā Bimbisāro Rājagahassa ca Gaṅgāya ca antarā pañcayojanaṃ bhūmiṃ samaṃ katvā yojane yojane vihāraṃ māpetvā Bhagavato gamanakālaṃ paṭivedesi, Bhagavā pañcahi bhikkhusatehi parivuto pāyāsi. Rājā pañcayojanaṃ maggaṃ pañcavaṇṇehi pupphehi jāṇumattaṃ okirāpetvā dhajapaṭākāpunnaghatakadali-ādīni ussāpetvā Bhagavato dve setacchattāni, ekekassa ca bhikkhussa ekamekaṃ ukkhipāpetvā saddhiṃ attano parivārena pupphagandhādīhi pūjaṃ karonto ekekasmīṃ vihāre Bhagavantāṃ vasāpetvā mahādānāni datvā pañcahi divasehi Gaṅgātīraṃ nesi. Tattha sabbālaṅkārehi nāvaṃ alaṅkaronto Vesālikānaṃ sāsanaṃ pesesi “āgato Bhagavā, maggaṃ paṭiyādetvā sabbe Bhagavato

paccuggamanam karothā”ti. Te “diguṇam pūjam karissāmā”ti Vesāliyā ca Gaṅgāya ca antarā tiyojanam bhūmim samam katvā Bhagavato cattāri, ekekassa ca bhikkhuno dve dve setacchattāni sajjetvā pūjam kurumānā Gaṅgātīre āgantvā aṭṭhamasu.

Bimbisāro dve nāvāyo saṅghātetvā maṇḍapam katvā pupphadāmādīhi alaṅkaritvā tattha sabbaratanamayam Buddhāsanam paññāpesi, Bhagavā tasmim nisīdi. Pañcasatā bhikkhūpi nāvam abhiruhitvā yathānurūpam nisīdimsu. Rājā Bhagavantam anugacchanto galappamāṇam udakam orohitvā “yāva bhante Bhagavā āgacchati, tāvāham idheva Gaṅgātīre vasissāmi”ti vatvā nivatto. Upari devatā yāva Akaniṭṭhabhavanā pūjamakamsu, heṭṭhā Gaṅgānivāsino kambalassatarādayo nāgā pūjamakamsu. Evaṃ mahatiyā pūjāya Bhagavā yojanamattam addhānam Gaṅgāya gantvā Vesālikānam sīmantaram pavittṭho.

Tato Licchavirājāno tena Bimbisārena katapūjāya diguṇam karontā galappamāṇe udake Bhagavantam paccuggacchimsu. Teneva khaṇena tena muhuttena vijjupabhāvinaddhandhakāravisatākūṭo gaḷagaḷāyanto catūsu disāsu mahāmegho vuṭṭhāsi. Atha Bhagavatā paṭhamapāde Gaṅgātīre nikkhittamatte pokkharavassam vassi. Ye te metukāmā, te eva tementi, atemetukāmā na tementi. Sabbattha jāṇumattam ūrumattam kaṭimattam galappamāṇam udakam vahati, sabbakuṇapāni udakena Gaṅgam pavetitāni, parisuddho bhūmibhāgo ahosi.

Licchavirājāno Bhagavantam antarā yojane yojane vāsāpetvā mahādānāni datvā tīhi divasehi diguṇam pūjam karontā Vesālim nayimsu. Vesālim sampatte Bhagavati Sakko Devānamindo devasaṅghapurakkhato āgacchi, mahesakkhānam devānam sannipātena amanussā yebhuyyena palāyimsu. Bhagavā nagaradvāre ṭhatvā Ānandattheram āmantesi “imam Ānanda Ratanasuttam uggahetvā balikammūpakaraṇāni gahetvā Licchavikumārehi saddhim Vesāliyā tisu pākārantaresu vicaranto parittam karohi”ti Ratanasuttam abhāsi. Evaṃ “kena panetam suttam, kadā, kattha, kasmā ca vuttan”ti etesam pañhānam vissajjanā vitthārena Vesālivatthuto pabhuti porāṇehi vaṇṇiyati.

Evam Bhagavato Vesālim anuppattadivaseyeva Vesālinagaradvāre tesam upaddavānam paṭighātathāya vuttamidaṃ Ratanasuttam uggahetvā āyasmā Ānando parittatthāya bhāsamāno Bhagavato pattena udakam ādāya sabbanagaram abbhukkiranto anuvicari. “Yam kiñcī”ti vuttamatteyeva ca therena ye pubbe apalātā saṅkarakūṭabhittippadesādinissitā amanussā, te catūhi dvārehi palāyimsu, dvārāni anokāsāni ahesum. Tato ekacce dvāresu okāsam alabhamānā pākāram bhinditvā palātā. Amanussesu gatamattesu manussānam gattesu rogo vūpasanto, te nikkhamitvā sabbagandhapupphādīhi theram pūjesum. Mahājano nagaramajjhe santhāgāram sabbagandhehi limpitvā vitānam katvā sabbālaṅkārehi alaṅkaritvā tattha Buddhāsanam paññāpetvā Bhagavantam ānesi.

Bhagavā santhāgāram pavisitvā paññatte āsane nisīdi. Bhikkhusamghopi kho rājāno manussā ca patirūpe okāse nisīdīmsu. Sakkopi Devānamindo dvīsu devalokesu devaparisāya saddhim upanisīdi aññe ca devā, Ānandattheropi sabbam Vesālim anuvicaranto ārakkham katvā Vesālinagaravāsīhi saddhim āgantvā ekamantaṃ nisīdi. Tattha Bhagavā sabbesam tadeva Ratanasuttam abhāsīti.

224. Tattha **yānidha bhūtānī**ti paṭhamagāthāyam **yānī**ti yādisāni appesakkhāni vā mahesakkhāni vā. **Idhāti** imasmim padese, tasmim khaṇe sannipatitaṭṭhānam sandhāyāha. **Bhūtānī**ti kiñcāpi bhūtasaddo “bhūtasim paṇcittiyam”ti-evamādīsu¹ vijjamāne, “bhūtamidanti bhikkhave samanupassathā”ti-evamādīsu² khandhapañcake, “cattāro kho bhikkhu mahābhūtā hetū”ti-evamādīsu³ catubbidhe pathavīdhātvādirūpe, “yo ca kālaghaso bhūto”ti-evamādīsu⁴ khīṇāsave, “sabbeva nikkhipissanti, bhūtā loke samussayan”ti-evamādīsu⁵ sabbasatte, “bhūtagāmapātabyatāyā”ti-evamādīsu⁶ rukkhādike, “bhūtam bhūtato sañjānāti”ti-evamādīsu⁷ Cātumahārājikānam hetṭhā sattanikāyam upādāya vattati, idha pana avisesato amanussesu daṭṭhabbo.

1. Vi 2. 37 piṭṭhe. 2. Ma 1. 326 piṭṭhe. 3. Ma 3. 67 piṭṭhe. 4. Khu 5. 68 piṭṭhe.
5. Dī 2. 129 piṭṭhe. 6. Vi 2. 52 piṭṭhe. 7. Ma 1. 2 piṭṭhe.

Samāgatānīti sannipatitāni. **Bhummānī**ti bhūmiyaṃ nibbattāni. **Vāti** vikappane. Tena yānīdha bhummāni vā bhūtāni samāgatānīti imamekaṃ vikappaṃ katvā puna dutiyaṃ vikappaṃ kātuṃ “**yāni va antalikkhe**”ti āha. Antalikkhe vā yāni bhūtāni nibbattāni, tāni sabbāni idha samāgatānīti attho. Ettha ca yāmato yāva akaniṭṭhaṃ, tāva nibbattāni bhūtāni ākāse pātubhūtavimānesu nibbattattā “antalikkhe bhūtānī”ti veditabbāni. Tato heṭṭhā Sineruto pabhuti yāva bhūmiyaṃ rukkhalatādīsu adhivatthāni pathaviyañca nibbattāni bhūtāni, tāni sabbāni bhūmiyaṃ bhūmipaṭibaddhesu ca rukkhalatāpabbatādīsu nibbattattā “bhummāni bhūtānī”ti veditabbāni.

Evam Bhagavā sabbāneva amanussabhūtāni “bhummāni vā yāni va antalikkhe”ti dvīhi padehi vikappetvā puna ekena padena pariggahetvā “**sabbeva bhūtā sumanā bhavantū**”ti āha. **Sabbeti** anavasesā. **Evāti** avadhāraṇe, ekampi anapanetvāti adhippāyo. **Bhūtāti** amanussā. **Sumanā bhavantū**ti sukhitamanā, pītisomanassajātā bhavantūti attho. **Athopīti** kiccantarassanniyojanattam vākyopādāne nipātadvayaṃ. **Sakkacca suṇantu bhāsīti** aṭṭhim katvā¹ manasi katvā sabbacetaso samannāharitvā dibbasampattilokuttarasukhāvaham mama desanaṃ suṇantu.

Evamettha Bhagavā “yānīdha bhūtāni samāgatānī”ti aniyamitavacanena bhūtāni pariggahetvā puna “bhummāni vā yāni va antalikkhe”ti dvidhā vikappetvā tato “sabbeva bhūtā”ti puna ekajjham katvā “sumanā bhavantū”ti iminā vacanena āsayasampattiyaṃ niyojento “sakkacca suṇantu bhāsīti”ti payogasampattiyaṃ, tathā yonisomanasikārasampattiyaṃ paratoghosampattiyañca, tathā attasammāpaṇidhisappurisūpanissayasampattīsu samādhipaṇṇāhetusampattīsu ca niyojento gātham samāpesi.

225. **Tasmā hi bhūtāti** dutiyagāthā. Tattha **tasmāti** kāraṇavacanam. **Bhūtāti** āmantanavacanam. **Nisāmethāti** suṇātha. **Sabbeti**.

1. Aṭṭhikatvā (Sī, Syā)

anavasesā. Kim vuttaṃ hoti? Yasmā tumhe dibbaṭṭhānāni tattha upabhogasampadañca pahāya dhammassavanatthaṃ idha samāgatā, na naṭanaccanādīdassanatthaṃ¹, tasmā hi bhūtā nisāmetha sabbeti. Atha vā “sumanā bhavantu sakkacca suṇantū”ti vacanena tesaṃ sumanabhāvaṃ sakkaccaṃ sotukamyatañca disvā āha—yasmā tumhe sumanabhāvena attasammāpaṇidhiyonisomanasikārāsayasuddhīhi sakkaccaṃ sotukamyatāya sappurisūpanissayaparatoḥsapadaṭṭhānato payogasuddhīhi ca yuttā, tasmā hi bhūtā nisāmetha sabbeti. Atha vā yaṃ purimagāthāya ante “bhāsitaṃ”ti vuttaṃ, taṃ kāraṇabhāvena apadisanto āha “yasmā mama bhāsitaṃ nāma atidullabhaṃ aṭṭhakhaṇaparivajjitassa khaṇassa dullabhata, anekānisaṃsañca paññākaruṇāguṇena pavattattā, tañcāhaṃ vattukāmo ‘suṇantu bhāsitaṃ’ti avocaṃ, tasmā hi bhūtā nisāmetha sabbe”ti idaṃ iminā gāthāpadena vuttaṃ hoti.

Evameva kāraṇaṃ niropento attano bhāsitanisāmane niyojetvā nisāmetabbaṃ vattumāraddho “**mettaṃ karotha mānusiya pajāya**”ti. Tassattho—yāyaṃ tīhi upaddavehi upaddutā mānusi pajā, tassā mānusiya pajāya mittabhāvaṃ hitajjhāsayaṃ paccupaṭṭhāpethāti. Keci pana “mānusiyaṃ pajaṃ”ti² paṭhanti, taṃ bhūmatthāsambhavā na yujjati. Yampi caññe atthaṃ vaṇṇayanti, sopi na yujjati. Adhippāyo panettha—nāhaṃ Buddhoti issariyabalena vadāmi, apica pana tumhākañca imissā ca mānusiya pajāya hitatthaṃ vadāmi “mettaṃ karotha mānusiya pajāya”ti. Ettha ca—

“Ye sattasaṇḍaṃ pathaviṃ vijetvā,
Rājisayo yajamānā anupariyagā.
Assamedhaṃ purisamedhaṃ,
Sammāpāsaṃ vājapeyyaṃ niraggaḷaṃ.

Mettassa cittassa subhāvitassa,
Kalampi te nānubhavanti soḷasim.

1. Na naṭanātakādīdassanatthaṃ (Syā, Ka)

2. Mānusiyaṃ (Sī), mānusiyaṃ pajaṃ (Syā)

Ekampi ce pāṇamadupphacitto,
 Mettāyati kusalī tena hoti.
 Sabbe ca pāṇe manasānukampī,
 Pahūtamariyo pakaroti puññaṇ”ti¹—

evamādīnaṃ suttānaṃ ekādasānisamsānaṃca vasena ye mettāṃ karonti,
 tesāṃ mettā hitāti veditabbā.

“Devatānukampito poso,
 Sadā bhadraṇi passatī”ti²—

evamādīnaṃ vasena yesu kariyati, tesampi hitāti veditabbā.

Evam ubhayesampi hitabhāvaṃ dassento “mettāṃ karotha mānusiyaṃ pajāyā”ti vatvā idāni upakāraṃpi dassento āha “**divā ca ratto ca haranti ye balim, tasmā hi ne rakkhatha appamattā**”ti. Tassattho—ye manussā cittakammakāṭṭhakammādīhipi³ devatā katvā cetiyarukkhādīni ca upasaṅkamitvā devatā uddissa divā balim karonti, kālapakkhādīsu ca⁴ rattim balim karonti. Salākabhaddādīni vā datvā ārakkhadevatā upādāya yāva brahmadevatānaṃ pattidānaniyyātanena divā balim karonti, chattāropanadīpamālā⁵ sabbarattikadhammassavanādīni kārapetvā pattidānaniyyātanena ca rattim balim karonti, te kathaṃ na rakkhitabbā, yato evam divā ca ratto ca tumhe uddissa karonti ye balim, **tasmā hi ne rakkhatha**, tasmā balikammakāraṇāpi te manusse rakkhatha gopayatha, ahitaṃ tesāṃ apanetha, hitaṃ upanetha appamattā hutvā taṃ kataññubhāvaṃ hadaye katvā⁶ niccamanussarantāti.

226. Evam devatāsu manussānaṃ upakārabhāvaṃ dassetvā tesāṃ upaddavavūpasamanatthaṃ Buddhādiguṇappakāsanena ca devamanussānaṃ dhammassavanatthaṃ “**yaṃ kiñci vuttan**”ti-ādinā nayena saccavacanaṃ payujjitumāraddho. Tattha **yaṃ kiñcīti** aniyamitavasena anavasesāṃ pariyādiyati yaṃkiñci tattha tattha

1. Am 3. 2 piṭṭhe.

3. Cittakammārūpakammādīhipi (Syā, Ka)

5. Chattāropanadīpamālāya (Syā, Ka)

2. Dī 2. 75; Khu 1. 188; Vi 3. 324 piṭṭhesu.

4. Dīpapūjaṇca kālapakkhādīsu (Sī, Ka)

6. Ṭhapetvā (Syā, Ka)

vohārūpagaṃ. **Vittanti** dhanam. Tam hi vittim janetīti vittam. **Idha vā**-i manussalokaṃ niddisati, **huram vāti** tato param avasesalokaṃ. Tena ca ṭhapetvā manusse sabbalokaggahaṇe patte “saggesu vā”ti parato vuttattā ṭhapetvā manusse ca sagge ca avasesānam nāgasupaṇṇādīnam gahaṇam veditabbam. Evaṃ imehi dvīhi padehi yaṃ manussānam vohārūpagaṃ alaṅkāraparibhogūpagaṅca jātarūparajataṃ muttāmaṇiveḷuriyapavāḷalohitaṅkamasāragallādikaṃ, yaṅca muttāmaṇivālukaṭṭhatāya bhūmiyā ratanamayavimānesu anekayojanasatavittathesu bhavanesu uppannānam nāgasupaṇṇādīnam vittam, tam niddiṭṭham hoti.

Saggesu vāti kāmāvacararūpāvacaradevalokesu. Te hi sobhanena kammaṇa ajīyanti¹ gammadīti saggā, suṭṭhu vā aggātipi saggā. **Yanti** yaṃ sassāmikaṃ vā assāmikaṃ vā. **Ratananti** ratim nayati vahati janayati vaḍḍhetīti ratanam, yaṅkiñci cittikataṃ mahaggham atulam dullabhadassanam anomasattaparibhogaṅca, tassetam adhvacanam. Yathāha—

“Cittikataṃ mahagghaṅca, atulam dullabhadassanam.
Anomasattaparibhogaṃ, ratanam tena vuccatī”ti.

Paṇitanti uttamaṃ seṭṭham atappakam². Evaṃ iminā gāthāpadena yaṃ saggesu anekayojanasatappamāṇasabbaratanamayavimānesu Sudhammavejayantappabhutīsu sassāmikaṃ, yaṅca Buddhuppādavirahena apāyameva pariṇātesu sattesu suññavimānapaṭibaddham assāmikaṃ, yaṃ vā panaññampi pathavīmahaśamuddahimavantādinissitam assāmikaṃ ratanam, tam niddiṭṭham hoti.

Na no samaṃ atthi Tathāgatenāti na—iti paṭisedhe, **No**—iti avadhāraṇe. **Samanti** tulyam. **Atthīti** vijjati. **Tathāgatenāti** Buddhena. Kim vuttam hoti? Yaṃ etaṃ vittaṅca ratanaṅca pakāsitam, ettha ekampi Buddharatanena sadisaṃ ratanam nevatthi. Yampi hi tam **cittikataṭṭhena ratanam**. Seyyathidaṃ? Rañño cakkavattissa cakkaratanaṃ maṇiratanaṅca, yamhi uppanne mahājano na aññattha cittikāram karoti, na koci pupphagandhādīni gahetvā yakkhaṭṭhānam vā bhūtaṭṭhānam vā gacchati, sabbopi jano cakkaratanaṃ maṇiratanaṃ eva cittim karoti pūjeti, tam tam varam pattheti, patthitapatthitaṅcassa ekaccam samijjhati,

1. Irīyanti (Sī, Syā)

2. Anappakam (Sī), anappakam manāpam (Syā), anagghakam (Ka)

tampi ratanaṃ Buddharatanena samaṃ natthi. Yadi hi cittikataṭṭhena ratanaṃ, Tathāgatova ratanaṃ. Tathāgate hi uppanne ye keci mahesakkhā devamanussā, na te aññatra cittikāraṃ karonti, na kañci aññaṃ pūjenti. Tathā hi brahmā Sahampati Sinerumattena ratanadāmena Tathāgataṃ pūjesi, yathābalañca aññe devā manussā ca Bimbisāraṃkosalarāja-anāthapiṇḍikādayo. Parinibbutampi ca Bhagavantaṃ uddissa channavutikoṭidhanaṃ vissajjetvā Asokamahārājā sakalajambudīpe caturāsīti vihārasahassāni patiṭṭhāpesi, ko pana vādo aññesaṃ cittikārānaṃ. Apica kassaññassa parinibbutassāpi jātibodhidhammacakkappavattanaparinibbānaṭṭhānāni paṭimācetiyaḍḍhāni vā uddissa evaṃ cittikāragarukāro vattati yathā Bhagavato. Evaṃ cittikataṭṭhenāpi Tathāgatasamaṃ ratanaṃ natthi.

Tathā yampi taṃ **mahagghaṭṭhena ratanaṃ**. Seyyathidaṃ? Kāsikaṃ vattham. Yathāha “jiṇṇampi bhikkhave kāsikaṃ vattham vaṇṇavantañceva hoti sukhasamphassañca mahagghañcā”¹, tampi Buddharatanena samaṃ natthi. Yadi hi mahagghaṭṭhena ratanaṃ, Tathāgatova ratanaṃ. Tathāgato hi yesaṃ paṃsukampi² paṭiggaṇhāti, tesam taṃ mahapphalaṃ hoti mahānisaṃsaṃ seyyathāpi Asokassa rañño. Idamassa mahagghatāya. Evaṃ mahagghatāvacaṇe cettha dosābhāvasādhakaṃ idaṃ tāva suttapadam veditabbaṃ—

“Yesam kho pana so paṭiggaṇhāti cīvarapiṇḍapātasenaṃsana-gilānappaccayabhesajjarikkhāraṃ, tesam taṃ mahapphalaṃ hoti mahānisaṃsaṃ. Idamassa mahagghatāya vadāmi. Seyyathāpi taṃ bhikkhave kāsikaṃ vattham mahaggham, tathūpamaṃham bhikkhave imaṃ puggalaṃ vadāmi”¹.

evaṃ mahagghaṭṭhenāpi Tathāgatasamaṃ ratanaṃ natthi.

Tathā yampi taṃ **atulaṭṭhena ratanaṃ**. Seyyathidaṃ? Rañño cakkavattissa **cakkaratanaṃ** uppajjati indanīlamanīmayanābhi sattaratanamayasaḥassāraṃ pavālamayanemi rattasuvaṇṇamayasaṃdhi, yassa dasannaṃ dasannaṃ arānaṃ upari ekaṃ muṇḍāraṃ³

1. Am 1. 250 piṭṭhe.

2. Paṃsukūlampi (Si)

3. Muddhāraṃ (Si), pavāḷadaṇḍam (Ka)

hoti vātaṃ gahetvā saddakaraṇatthaṃ, yena kato saddo
 sukusalappatālītapañcaṅgikatūriyasaddo viya hoti, yassa nābhiyā ubhosu
 passesu dve sīhamukhāni honti, abbhantaraṃ sakaṭacakkasseva susiraṃ,
 tassa kattā vā kāretā vā natthi, kammaṃpaccayena ututo samuṭṭhāti. Yaṃ rājā
 dasavidhaṃ cakkavattivattaṃ pūretvā tadahuposathe pannarase
 puṇṇamadivase sīsāṃnhāto uposathiko uparipāsādavaragato silāni sodhento¹
 nisinnō puṇṇacandaṃ viya sūriyaṃ viya ca uṭṭhentaṃ passati, yassa
 dvādasayojanato saddo suyati, yojanato vaṇṇo dissati, yaṃ mahājanena
 “dutiyo maññe cando sūriyo vā uṭṭhito”ti ativiya kotūhalajātena dissamānaṃ
 nagarassa upari āgantvā rañño antepurassa pācīnapasse nāti-uccaṃ
 nātinīcaṃ hutvā mahājanassa gandhapupphādīhi pūjetuṃ yuttaṭṭhāne
 akkhāhataṃ viya tiṭṭhati.

Tadeva anubandhamānaṃ **hatthiratanam** uppajjati, sabbaseto rattapādo
 sattappatiṭṭho iddhiṃ vehāsaṅgamo uposathakulā vā chaddantakulā vā
 āgacchati. Uposathakulā āgacchanto hi sabbajetṭho āgacchati, chaddantakulā
 sabbakaniṭṭho sikkhitasikkho damathūpeto, so dvādasayojanaṃ parisāṃ
 gahetvā sakalajambudīpaṃ anusāmyāyitvā purepātarāsameva sakāṃ
 rājadhāniṃ āgacchati.

Tampi anubandhamānaṃ **assaratanam** uppajjati, sabbaseto rattapādo
 kākasīso muñjakeso valāhakassarājakulā āgacchati. Sesamettha
 hatthiratanasadisameva.

Tampi anubandhamānaṃ **maṇḍiratanam** uppajjati, so hoti maṇi veḷuriyo
 subho jātimā aṭṭhaṃso suparikammaṃkato āyāmato cakkanābhisadiso,
 vepullapabbatā āgacchati, so caturaṅgasamannāgatepi andhakāre rañño
 dhajaggato yojanaṃ obhāseti, yassobhāsenā manussā “divā”ti maññamānā
 kammante payojenti, antamaso kunthakipillikaṃ upādāya passanti.

1. Āvajjanto (Syā, Ka)

Tampi anubandhamānaṃ **itthiratanam** uppajjati, pakati-aggamaheṣī vā hoti, Uttarakuruto vā āgacchati maddarājakulato vā, atidīghādichadosavivajjitā atikkantā mānusaṃ vaṇṇaṃ appattā dibbaṃ vaṇṇaṃ, yassā rañño sītakāle uṇhāni gattāni honti, uṇhakāle sītāni, satadhā phoṭitatūlapicuno viya samphasso hoti, kāyato candanagandho vāyati, mukhato uppalagandho pubbuṭṭhāyitādi-ane-kaguṇasamannāgatā ca hoti.

Tampi anubandhamānaṃ **gahapatiratanam** uppajjati rañño pakatikammakaro seṭṭhi, yassa cakkaratane uppannamatte dibbaṃ cakkhu pātubhavati, yena samantato yojanamatte nidhiṃ passati sassāmikampi assāmikampi, so rājānaṃ upasaṅkamtivā pavāreti “appossukko tvaṃ deva hohi, ahaṃ te dhanena dhanakaraṇīyaṃ karissāmi”¹ti.

Tampi anubandhamānaṃ **pariṇāyakaratanam** uppajjati rañño pakatijetṭhaputto, cakkaratane uppannamatte atirekapaññāveyyattiyena samannāgato hoti, dvādasayojanāya parisāya cetasā cittaṃ parijānitvā niggaḥapaggahasamattho hoti. So rājānaṃ upasaṅkamtivā pavāreti “appossukko tvaṃ deva hohi, ahaṃ te rajjaṃ anusāsissāmi”²ti. Yaṃ vā panaññampi evarūpaṃ atulaṭṭhena ratanaṃ, yassa na sakkā tulayitvā tīrayitvā aggho kātum “satam vā sahasam vā agghati koṭim vā”³ti. Tattha ekaratanampi Buddharatanena samaṃ natthi. Yadi hi atulaṭṭhena ratanaṃ, Tathāgatova ratanaṃ. Tathāgato hi na sakkā sīlato vā samādhitto vā paññādīnaṃ vā aññatarato kenaci tulayitvā tīrayitvā “ettakaguṇo vā¹ iminā samo vā² sappātibhāgo vā”³ti paricchinditum. Evaṃ atulaṭṭhenāpi Tathāgatasamaṃ ratanaṃ natthi.

Tathā yampi taṃ **dullabhadassanaṭṭhena ratanaṃ**. Seyyathidaṃ³? Dullabhapātubhāvo⁴ rājā cakkavatti cakkādīni ca tassa ratanāni, tampi Buddharatanena samaṃ natthi. Yadi hi dullabhadassanaṭṭhena ratanaṃ, Tathāgatova ratanaṃ, kuto cakkavatti-ādīnaṃ ratanattaṃ, yāni ekasmimyeva kappe anekāni uppajjanti. Yasmā pana asaṅkhyeyyepi kappe Tathāgatasuñño

1. Ettako guṇo (Syā, Ka)

2. Samodhānetvā (Sī)

3. Seyyathāpi (Sī, Syā)

4. Dullabhapātubhāvato (Sī)

loko hoti, tasmā Tathāgato eva kadāci karahaci uppajjanato
dullabhadassano. Vuttam cetam Bhagavatā parinibbānasamaye—

“Devatā Ānanda ujjhāyanti ‘dūrā ca vatamha āgatā Tathāgataṃ
dassanāya, kadāci karahaci Tathāgatā loke uppajjanti Arahanto
Sammāsambuddhā, ajjeva rattiyā pacchime yāme Tathāgatassa
parinibbānaṃ bhavissati, ayañca mahesakkho bhikkhu Bhagavato
purato ṭhito ovārento, na mayam labhāma pacchime kāle Tathāgataṃ
dassanāyā’ti”¹.

evam dullabhadassanaṭṭhenapi Tathāgatasamaṃ ratanaṃ natthi.

Tathā yampi taṃ **anomasattaparibhogatṭhena ratanaṃ**. Seyyathidaṃ?
Rañño cakkavattissa cakkaratanādi. Tañhi koṭisatasahassadhanānampi
sattabhūmikapāsādaratāle vasantānampi
caṇḍālavēnanesādarathakārapukkusādīnaṃ nīcakulikānaṃ omakapurisānaṃ
supinantepi paribhogatṭhāya na nibbattati. Ubhato sujātassa pana rañño
khattiyasseva paripūritadasavidhacakkavattivattassa paribhogatṭhāya
nibbattanato anomasattaparibhogamiyeva hoti, tampi Buddharatanena samaṃ
natthi. Yadi hi anomasattaparibhogatṭhena ratanaṃ, Tathāgatova ratanaṃ.
Tathāgato hi loke anomasattasammatānampi² anupanissayasampannānaṃ
viparītadassanānaṃ Pūraṇakassapādīnaṃ channaṃ sathārānaṃ aññesañca
evarūpānaṃ supinantepi aparibhogo, upanissayasampannānaṃ pana
catuppadāyapi gāthāya pariyosāne arahattamadhigantuṃ samatthānaṃ
nibbedhikañānadassanānaṃ Bāhiyadāruciṛiyappabhutīnaṃ aññesañca
mahākulappasutānaṃ mahāsāvakānaṃ paribhogo. Te hi taṃ
dassanānuttariyasavanānuttariyapāricariyānuttariyādīni sādhentā tathā tathā³
paribhuñjanti. Evam anomasattaparibhogatṭhenāpi Tathāgatasamaṃ ratanaṃ
natthi.

Yampi taṃ avisesato **ratijananatṭhena ratanaṃ**. Seyyathidaṃ? Rañño
cakkavattissa cakkaratanam. Tañhi disvā rājā cakkavatti attamano hoti,
evampi taṃ rañño ratim janeti. Puna caparam rājā cakkavatti vāmena
hatthena suvaṇṇabhiṅkāraṃ gahetvā dakkhiṇena hatthena cakkaratanam
abbhukkirati

1. Dī 2. 115 piṭṭhe.

2. Omakasattasammatānampi (Syā, Ka)

3. Tathāgataṃ (Syā, Ka)

“pavattatu bhavaṃ cakkaratanam, abhivijjātu bhavaṃ cakkaratanam”ti. Tato cakkaratanam pañcaṅgikam viya tūriyam madhurassaram niccharantaṃ ākāsenā puratthimam disam gacchati, anvadeva rājā cakkavatti cakkānubhāvena dvādasayojanavitthiṇṇāya caturaṅginīyā senāya nāti-uccam nātinīcam uccarukkhānam heṭṭhābhāgena, nīcarukkhānam uparibhāgena, rukkesu pupphaphalapallavādipaṇṇākāram gahetvā āgatānam hatthato paṇṇākāraṇca gaṇhanto “ehi kho mahārājā”ti-evamādinā paramanipaccakārena āgate paṭirājāno “pāṇo na hantabbo”ti-ādinā nayena anusāsanto gacchati. Yattha pana rājā bhuñjitukāmo vā divāseyyam vā kappetukāmo hoti, tattha cakkaratanam ākāsa otarivā udakādisabbakiccakkhame same bhūmibhāge akkhāhataṃ viya tiṭṭhati. Puna rañño gamanacitte uppanne purimanayeneva saddam karontaṃ gacchati, yam sutvā dvādasayojaniyāpi parisā ākāsenā gacchati. Cakkaratanam anupubbena puratthimam samuddam ajjhogāhati, tasmim ajjhogāhante udakam yojanappamāṇam apagantvā bhittikataṃ viya tiṭṭhati. Mahājano yathākāram satta ratanāni gaṇhāti. Puna rājā suvaṇṇabhiṅkāram gahetvā “ito paṭṭhāya mama rajjan”ti udakena abbhukkiritvā nivattati. Senā purato hoti, cakkaratanam pacchato, rājā majjhe. Cakkaratanassa osakkitosakkitaṭṭhānam udakam paripūrati. Eteneva upāyena dakkhiṇapacchima-uttarepi samudde gacchati.

Evam catuddisam anusamyāyivā cakkaratanam tiyojanappamāṇam¹ ākāsam ārohati. Tattha ṭhito rājā cakkaratanānubhāvena vijitam pañcasataparittadīpapaṭimaṇḍitam sattayojanasahassaparimaṇḍalam Pubbavideham, tathā aṭṭhoyojanasahassaparimaṇḍalam Uttarakurum, sattayojanasahassaparimaṇḍalamyeva Aparagoyānam, dasayojanasahassaparimaṇḍalam jambudīpaṅcāti evam catumahādīpadvisahassaparittadīpapaṭimaṇḍitam ekam cakkavālam suphullapuṇḍarīkavanam viya oloketi. Evam olokayato cassa anappikā rati uppajjati. Evampi tam cakkaratanam rañño ratim janeti, tampi Buddharatanasamam natthi. Yadi hi ratijananaṭṭhena ratanam, Tathāgatova ratanam, kim karissati etam cakkaratanam. Tathāgato hi yassā dibbāya ratiyā cakkaratanādīhi sabbehipi janitā cakkavattirati saṅkhampi kalampī kalabhāgampi

1. Tiyojanasatappamāṇam (Syā, Ka)

na upeti, tatopi ratito uttaritarañca paṇītarañca attano ovādappatīkarānaṃ
asaṅkhyeyyānampi devamanussānaṃ paṭhamajjhānaratīm,
dutiyaṭṭiyacatutthapañcamajjhānaratīm, ākāsānañcāyatanaratīm,
viññānañcāyatana ākiñcaññāyatananevasaññānāsaññāyatanaratīm,
sotāpattimaggaratīm, sotāpattiphalaratīm, sakadāgāmi-anāgāmi-
arahattamaggaphalaratīṅca janeti. Evaṃ ratijanaṇaṭṭhenāpi Tathāgatasamaṃ
ratanāṃ natthīti.

Apīca ratanaṃ nāmetaṃ duvidhaṃ hoti saviññāṇakamaviññāṇakañca.
Tattha aviññāṇakaṃ cakkaratanaṃ maṇiratanaṃ, yaṃ vā panaññāmpi
anindriyabaddhaṃ suvaṇṇarajatādi, saviññāṇakaṃ hatthiratanādi
pariṇāyakaratanapariyosānaṃ, yaṃ vā panaññāmpi evarūpaṃ indriya-
baddhaṃ. Evaṃ duvidhe cettha saviññāṇakaratanāṃ aggamakkhāyati.
Kasmā? Yasmā aviññāṇakaṃ suvaṇṇarajatamaṇimuttādiratanaṃ
saviññāṇakānaṃ hatthiratanādīnaṃ alaṅkāraṭṭhāya upanīyati.

Saviññāṇakaratanāmpi duvidhaṃ tiracchānagataratanaṃ
manussaratanañca. Tattha manussaratanaṃ aggamakkhāyati. Kasmā? Yasmā
tiracchānagataratanaṃ manussaratanaṃ opavayhaṃ hoti.
Manussaratanaṃ duvidhaṃ itthiratanāṃ purisaratanañca. Tattha
purisaratanaṃ aggamakkhāyati. Kasmā? Yasmā itthiratanāṃ purisaratanassa
paricārikattaṃ āpajjati. Purisaratanāmpi duvidhaṃ agārikaratanaṃ
anagārikaratanañca. Tattha anagārikaratanaṃ aggamakkhāyati. Kasmā?
Yasmā agārikaratanesu aggo cakkavattīpi sīlādiguṇayuttaṃ
anagārikaratanaṃ pañcapaṭṭhitena vanditvā upaṭṭhahitvā payirupāsivā ca
dībbamānusikā sampattiyo pāpuṇitvā ante nibbānasampattiṃ pāpuṇāti.

Evaṃ anagārikaratanaṃ duvidhaṃ ariyaputhujjanavasena,
ariyaratanaṃ duvidhaṃ sekkhāsekkhavasena, asekkharatanāmpi duvidhaṃ
sukkhavipassakasamathayānikavasena, samathayānikaratanaṃ duvidhaṃ
sāvakaṃ pāramippattaṃ appattañca. Tattha sāvakaṃ pāramippattaṃ
aggamakkhāyati. Kasmā? Guṇamahantaṭṭhāya. Sāvakaṃ pāramippattaratanaṃ
Paccekaṃ buddharatanaṃ aggamakkhāyati. Kasmā? Guṇamahantaṭṭhāya.
Sāriputtamoggallānasadisāpi hi anekasatā sāvakā ekassa Paccekaṃ buddhassa
guṇānaṃ satabhāgampi na upenti. Paccekaṃ buddharatanaṃ
Sammāsambuddharatanaṃ aggamakkhāyati. Kasmā? Guṇamahantaṭṭhāya.
Sakalampi hi jambudīpaṃ pūretvā pallaṅkena pallaṅkaṃ ghaṭṭentā nisinnā
Paccekaṃ buddhā ekassa Sammāsambuddhassa guṇānaṃ neva saṅkhaṃ na
kalam

na kalabhāgam upenti. Vuttampi cetam Bhagavatā “yāvatā bhikkhave sattā apadā vā -pa- Tathāgato tesam aggamakkhāyatī”ti-ādi¹. Evaṃ kenacipi pariyāyena Tathāgatasamam ratanam natthi. Tenāha Bhagavā “**na no samam atthi Tathāgatenā**”ti.

Evaṃ Bhagavā Buddharatanassa aññehi ratanehi asamataṃ vatvā idāni tesam sattānam uppanna-upaddavavūpasamanattham neva jātim na gottam na kolaputtiam na vaṇṇapokkharatādim nissāya, apica kho Avīcimupādāya bhavaggapariyante loka sīlasamādhikkhandhādīhi guṇehi Buddharatanassa asadisabhāvam nissāya saccavacanam payuñjati “**idampi Buddhhe ratanam pañitam, etena saccena suvatthi hotū**”ti.

Tassattho—**idampi** idha vā huram vā saggesu vā yamkiñci atthi vittam vā ratanam vā, tena saddhim tehi tehi guṇehi asamattā **Buddharatanam pañitam**. Yadi etaṃ saccam, **etena saccena** imesam pañīnam **sotthi hotu**, sobhanānam atthitā hotu arogatā nirupaddavatāti. Ettha ca yathā “cakkhum kho Ānanda suññam attena vā attaniyena vā”ti-evamādisu² attabhāvena vā attaniyabhāvena vāti attho. Itarathā hi cakkhu attā vā attaniyam vāti appaṭisiddhameva siyā. Evaṃ **ratanam pañitanti** ratanattam pañitam, ratanabhāvo pañitoti ayamattho veditabbo. Itarathā hi Buddho neva ratananti sijjheyya. Na hi yattha ratanam atthi, tam ratananti sijjhati. Yattha pana cittikatādi-atthasankhātam yena vā tena vā vidhinā sambandhagatam ratanattam atthi, yasmā tam ratanattamupādāya ratananti paññāpīyati, tasmā tassa ratanattassa atthitāya ratananti sijjhati. Atha vā **idampi Buddhhe ratanantimināpi** kāraṇena Buddhova ratananti evampettha attho veditabbo. Vuttamattāya ca Bhagavatā imāya gāthāya rājakulassa sotthi jātā, bhayam vūpasantam. Imissā gāthāya āṇakoṭīsatasahassacakkavāḷesu amanussehi paṭiggahitāti.

227. Evaṃ Buddhaguṇena saccam vatvā idāni nibbānadhammaguṇena vattumāraddho “**khayam virāgan**”ti. Tattha yasmā nibbānasacchikiriyāya rāgādayo khīṇā honti parikkhīṇā, yasmā vā tam tesam anuppādanirodhakkhayamattam, yasmā

1. Sam 3. 38; Am 1. 343; Am 2. 29; Khu 1. 254 piṭṭhesu.

2. Sam 2. 280 piṭṭhe.

ca taṃ rāgādiviyuttaṃ sampayogato ca ārammaṇato ca, yasmā vā tamhi sacchikate rāgādayo accantaṃ virattā honti vigatā viddhastā, tasmā **“khayan”**ti ca **“virāgan”**ti ca vuccati. Yasmā panassa na uppādo paññāyati, na vayo na ñhitassa aññathattaṃ, tasmā taṃ na jāyati na jīyati na mīyatīti katvā **“amatan”**ti vuccati, uttamaṭṭhena pana atappakaṭṭhena¹ ca **pañītanti**. **Yadajjhagā**ti yaṃ ajjhagā vindi paṭilabhi, attano ñāṇabalena sacchākāsi. **Sakyamunī**ti Sakyakulappasutattā Sakyō, moneyyadhammasamannāgatattā muni, Sakyō eva Muni Sakyamuni. **Samāhitoti** ariyamaggasamādhinā samāhitacitto. **Na tena dhammena samatthi kiñcīti** tena khayādināmakena Sakyamuninā adhigatena dhammena samaṃ kiñci dhammajātaṃ natthi. Tasmā suttantarepi vuttaṃ “yāvata bhikkhave dhammā saṅkhatā vā asaṅkhatā vā, virāgo tesāṃ dhammānaṃ aggamakkhāyati”ti-ādi².

Evam Bhagavā nibbānadhammassa aññehi dhammehi asamataṃ vatvā idāni tesāṃ sattānaṃ uppanna-upaddavavūpasamanatthaṃ khayavirāgāmatapañītatāguṇehi nibbānadhammaratanassa asadisabhāvaṃ nissāya saccavacanaṃ payuñjati **“idampi dhamme ratanaṃ pañītaṃ, etena saccena suvatthi hotū”**ti. Tassattho purimagāthāya vuttanayeneva veditabbo. Imissāpi gāthāya āṇakoṭisatasahassacakkavāḷesu amanussehi paṭiggahitāti.

228. Evam nibbānadhammaguṇena saccaṃ vatvā idāni maggadhammaguṇena vattumāraddho **“yaṃ Buddhaseṭṭho”**ti. Tattha “bujjhita saccāni”ti-ādinā³ nayena Buddho, uttamo pasamsāniyo cāti seṭṭho, Buddho ca so seṭṭho cāti **Buddhaseṭṭho**. Anubuddhapaccekabuddhasaṅkhātesu vā Buddhesu seṭṭhoti Buddhaseṭṭho. So Buddhaseṭṭho **yaṃ parivaṇṇayī**, “aṭṭhaṅgiko ca maggānaṃ, khemaṃ nibbānappattiyā”ti⁴ ca “ariyaṃ vo bhikkhave sammāsamādhim desessāmi sa-upanisaṃ saporikkhāraṇa”ti⁵ ca evamādinā nayena tattha tattha pasamsi pakāsayi. **Sucinti** kilesamalasamucchedakaraṇato accanta vodānaṃ. **Samādhimānantarikaññamāhūti** yañca attano pavattisamanantaraṃ niyameneva phaladānato “ānantarikasamādhī”ti āhu. Na hi maggasamādhimhi uppanne tassa phaluppattinisedhako koci antarāyo atthi. Yathāha—

1. Anappakaṭṭhena (Sī)

2. Aṃ 1. 343; Khu 1. 254 piṭṭhesu.

3. Khu 7. 363; Khu 8. 197; Khu 9. 172 piṭṭhesu. 4. Ma 2. 176 piṭṭhe.

5. Ma 3. 116 piṭṭhe.

“Ayañca puggalo sotāpattiphalasacchikiriyāya paṭipanno assa, kappassa ca uḍḍayhanavelā assa, neva tāva kappo uḍḍayheyya, yāvāyaṃ puggalo na sotāpattiphalam sacchikaroti, ayaṃ vuccati puggalo ṭhitakappī. Sabbepi maggasamaṅgino puggalā ṭhitakappino”¹.

Samādhinā tena samo na vijjatī tena Buddhasetṭhaparivaṇṇitenā sucinā ānantarikasamādhinā samo rūpāvacarasamādhi vā arūpāvacarasamādhi vā koci na vijjati. Kasmā? Tesam bhāvitattā tattha tattha brahmaloke uppannassāpi puna nirayādīsu uppattisambhavato, imassa ca arahattasamādhissa bhāvitattā ariyapuggalassa sabbuppattisamugghātasambhavato. Tasmā suttantarepi vuttam “yāvataḥ bhikkhave dhammā saṅkhātā, ariyo aṭṭhaṅgiko maggo tesam aggamakkhāyatī”²-ādī².

Evam Bhagavā ānantarikasamādhissa aññehi samādhīhi asamataṃ vatvā idāni purimanayeneva maggadhammaratanassa asadisabhāvaṃ nissāya saccavacanam payuñjati “**idampi dhamme -pa- hotū**”^{ti}. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavāḷesu amanussehi paṭiggahitāti.

229. Evam maggadhammaguṇenāpi saccam vatvā idāni saṅghaguṇenāpi vattumāraddho “**ye puggalā**”^{ti}. Tattha **yeti** aniyametvā uddeso. **Puggalāti** sattā. **Aṭṭhāti** tesam gaṇanaparicchedo. Te hi cattāro ca paṭipannā cattāro ca phale ṭhitāti aṭṭha honti. **Satam pasatthāti** sappurisehi Buddhapaccekabuddhasāvakehi aññehi ca devamanussehi pasatthā. Kasmā? Sahajātasīlādiguṇayogā. Tesam hi campakavakulakusumādīnam sahajātavaṇṇagandhādayo viya sahajātasīlasamādhi-ādayo guṇā, tena te vaṇṇagandhādisampannāni viya pupphāni devamanussānam satam piyā manāpā pasamsanīyā ca honti. Tena vuttam “ye puggalā aṭṭhasatam pasatthā”^{ti}.

Atha vā **yeti** aniyametvā uddeso. **Puggalāti** sattā. **Aṭṭhasatanti** tesam gaṇanaparicchedo. Te hi ekabījī kolamkolo

1. Abhi 3. 116 piṭṭhe.

2. Am 1. 343; Khu 1. 254 piṭṭhesu.

sattakkhattuparamoti tayo sotāpannā, kāmarūpārūpabhavesu adhigatapphalā tayo sakadāgāmino, te sabbepi catunnam paṭipadānam vasena catuvīsati, antarāparinibbāyī upahaccaparinibbāyī sasaṅkhāraparinibbāyī asaṅkhāraparinibbāyī uddhamsoto akaniṭṭhagāmīti avihesu pañca, tathā atappasudassasudassīsu. Akaniṭṭhesu pana uddhamsotavajjā cattāroti catuvīsati anāgāmino, sukkhavipassako samathayānikoti dve arahanto, cattāro maggaṭṭhāti catupaññāsa. Te sabbepi saddhādthurapaññādhurānam vasena diguṇā hutvā aṭṭhasataṃ honti. Sesam vuttanayameva.

Cattāri etāni yugāni hontīti te sabbepi aṭṭha vā aṭṭhasataṃ vāti vitthārasena uddiṭṭhapuggalā, saṅkhepavasena sotāpattimaggaṭṭho phalattṭhoti ekaṃ yugaṃ, evaṃ yāva arahattamaggaṭṭho phalattṭhoti ekaṃ yuganti cattāri yugāni honti. **Te dakkhiṇeyyāti** ettha **teti** pubbe aniyamtvā uddiṭṭhānam niyamtvā niddeso. Ye puggalā vitthārasena aṭṭha vā aṭṭhasataṃ vā, saṅkhepavasena cattāri yugāni hontīti vuttā, sabbepi te dakkhiṇam arahantīti dakkhiṇeyyā. Dakkhiṇā nāma kammaṇca kammavipākaṇca saddahitvā “esa me idaṃ vejjakammaṃ vā jaṅghapesanikaṃ vā karissatī”ti evamādīni anapekkhitvā dīyamāno deyyadhammo, taṃ arahanti nāma sīlādiguṇayuttā puggalā. Ime ca tādisā, tena vuccanti te “dakkhiṇeyyā”ti.

Sugatassa sāvakāti Bhagavā sobhanena gamanena yuttattā, sobhanaṇca ṭhānam gatattā, suṭṭhu ca gatattā suṭṭhu eva ca gadattā Sugato, tassa Sugatassa. Sabbepi te vacanam suṇantīti sāvakā. Kāmaṇca aññepi suṇanti, na pana sutvā kattabbakiccaṃ karonti. Ime pana sutvā kattabbaṃ dhammā nudhammapaṭipattiṃ katvā maggaphalāni pattā, tasmā “sāvakā”ti vuccanti. **Etesu dinnāni mahapphalāni** etesu Sugatasāvakesu appakānīpi dānāni dinnāni paṭiggāhakato dakkhiṇāvisuddhibhāvam¹ upagatattā mahapphalāni honti. Tasmā suttantarepi vuttam—

“Yāvatā bhikkhave saṃghā vā aṇā vā, Tathāgatasāvakasamgho tesam aggamakkhāyati, yadidaṃ cattāri purisayugāni aṭṭha purisapuggalā, esa Bhagavato sāvakasamgho -pa- aggo vipāko hotī”ti².

1. Dakkhiṇānam visuddhibhāvam (Syā, Ka)

2. Am 1. 343; Am 2. 30; Khu 1. 254 piṭṭhesu.

Evam Bhagavā sabbesampi maggaṭṭhaphalaṭṭhānaṃ vasena saṃgharatanassa guṇaṃ vatvā idāni tameva guṇaṃ nissāya saccavacanaṃ payuñjati “**idampi saṃghe**”ti. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavālesu amanussehi paṭiggahitāti.

230. Evam maggaṭṭhaphalaṭṭhānaṃ vasena saṃghaguṇena saccam vatvā idāni tato ekacciyānaṃ phalasaṃpattisukhamanubhavantānaṃ khīṇāsavapuggalānaṃyeva guṇena vattumāraddho “**ye suppayuttā**”ti. Tattha **yeti** aniyamituddesavacanaṃ. **Suppayuttāti** suṭṭhu payuttā, anekavihitaṃ anesanaṃ pahāya suddhājīvitaṃ nissāya vipassanāya attānaṃ payuñjitumāraddhāti attho. Atha vā **suppayuttāti** parisuddhakāyavacīpayogasamannāgatā. Tena tesam silakkhandham dasseti. **Manasā dalhena**ti dalhena manasā, thirasamādhiyuttena cetasāti attho. Tena tesam samādhikkhandham dasseti. **Nikkāminoti** kāye ca jīvite ca anapekkhā hutvā paññādhurena vīriyena sabbakilesehi katanikkamaṇā. Tena tesam vīriyasampannaṃ paññākkhandham dasseti.

Gotamasāsanamhīti gottato Gotamassa Tathāgatasseva sāsanaṃhi. Tena ito bahiddhā nānappakāraṃpi amaratapaṃ karontānaṃ suppayogādiguṇābhāvato kilesehi nikkamaṇābhāvaṃ dīpeti. **Teti** pubbe uddiṭṭhānaṃ niddesavacanaṃ. **Pattipattāti** ettha pattabbāti patti, pattabbā nāma pattum arahā, yaṃ patvā accantayogakkhemino honti, arahattaphalassetam adhivacanaṃ, tam pattim pattāti pattipattā. **Amatanti** nibbānaṃ. **Vigayhāti** ārammaṇavasena vigāhitvā. **Laddhāti** labhitvā. **Mudhāti** abyayena kākaṇikamattampi byayaṃ akatvā. **Nibbutinti** paṭippassaddhakilesadarathaṃ phalasaṃpattim. **Bhuñjamānāti** anubhavamānā. Kim vuttaṃ hoti? Ye imasmim Gotamasāsanamhi silasampannattā suppayuttā, samādhisampannattā manasā dalhena, paññāsampannattā nikkāmino, te imāya sammāpaṭipadāya amataṃ vigayha mudhā laddhā phalasaṃpattisaññitaṃ nibbutim bhuñjamānā pattipattā nāma hontīti.

Evam Bhagavā phalasaṃpattisukhamanubhavantānaṃ khīṇāsavapuggalānaṃyeva vasena saṃgharatanassa guṇaṃ vatvā idāni tameva guṇaṃ nissāya saccavacanaṃ

payuñjati “**idampi saṅghe**”ti. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavāḷesu amanussehi paṭiggahitāti.

231. Evaṃ khīṇāsavapuggalānaṃ guṇena saṃghādhiṭṭhānaṃ saccaṃ vatvā idāni bahujānapaccakkhena sotāpannasseva guṇena vattumāraddho “**yathindakhīlo**”ti. Tattha **yathāti** upamāvacaṇaṃ. **Indakhīloti** nagaradvāranivāraṇatthaṃ¹ ummārabbhantare aṭṭha vā dasa vā hatthe pathaviṃ khaṇitvā ākoṭitassa sārādārumayathambhassetāṃ adhivacaṇaṃ. **Pathavinti** bhūmiṃ. **Sitoti** anto pavisitvā nissito. **Siyāti** bhaveyya. **Catubbi vātehi**ti catūhi disāhi āgatavātehi. **Asampakampiyoti** kompetuṃ vā cāletuṃ vā asakkuṇeyyo. **Tathūpamanti** tathāvidhaṃ. **Sappurisasi**ti uttamapurisaṃ. **Vadāmi**ti bhaṇāmi. **Yo ariyasaccāni avecca passatīti** yo cattāri ariyasaccāni paññāya ajjhogāhetvā passati. Tattha ariyasaccāni Visuddhimagge vuttanayeneva veditabbāni.

Ayaṃ panettha saṅkhepattho—yathā hi indakhīlo gambhīranematāya pathavissito catubbi vātehi asampakampiyo siyā, imampi sappurisaṃ tathāpamameva vadāmi, yo ariyasaccāni avecca passati. Kasmā? Yasmā sopi indakhīlo viya catūhi vātehi sabbatitthiyavādavātehi asampakampiyo hoti, tamhā dassanā kenaci kompetuṃ vā cāletuṃ vā asakkuṇeyyo. Tasmā suttantarepi vuttaṃ—

“Seyyathāpi bhikkhave ayokhīlo vā indakhīlo vā gambhīranemo sunikhāto acalo asampakampī, puratthimāya cepi disāya āgaccheyya bhusā vātavuṭṭhi, neva naṃ saṅkampeyya na sampakampeyya na sampacāleyya. Pacchimāya -pa- dakkhiṇāya, uttarāya cepi -pa- na sampacāleyya. Taṃ kissa hetu, gambhīrattā bhikkhave nemassa, sunikhātattā indakhīlassa. Evameva kho bhikkhave ye ca kho keci samaṇā vā brāhmaṇā vā ‘idaṃ dukkhaṇ’ti -pa- paṭipadāti yathābhūtaṃ pajānanti, te na aññassa

1. Nagaradvārasaṃvaraṇavivaraṇatthaṃ (Syā), nagaradvārathirakaraṇatthaṃ (Ka)

samaṇassa vā brāhmaṇassa vā mukhaṃ olokenti¹ ‘ayaṃ nūna bhavaṃ jānaṃ jānāti passaṃ passatī’ti. Taṃ kissa hetu, sudiṭṭhattā bhikkhave catunnaṃ ariyasaccānaṃ”ti².

Evam Bhagavā bahujanapaccakkhassa sotāpannasseva vasena saṅgharatanassa guṇaṃ vatvā idāni tameva guṇaṃ nissāya saccavacanaṃ payuñjati “**idampi saṃghe**”ti. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavāḷesu amanussehi paṭiggahitāti.

232. Evam avisesato sotāpannassa guṇena saṅghādhiṭṭhānaṃ saccam vatvā idāni ye te tayo sotāpannā ekabījī kolaṃkolo sattakkhattuparamoti. Yathāha—

“Idhekacco puggalo tiṇṇaṃ saṃyojanānaṃ parikkhayā sotāpanno hoti -pa- so ekāmyeva bhavaṃ nibbattivā dukkhassantaṃ karoti, ayaṃ ekabījī. Tathā dve vā tīṇi vā kulāni sandhāvitvā saṃsaritvā dukkhassantaṃ karoti, ayaṃ kolaṃkolo. Tathā sattakkhattuṃ devesu ca manussesu ca sandhāvitvā saṃsaritvā dukkhassantaṃ karoti, ayaṃ sattakkhattuparamo”ti³.

Tesaṃ sabbakaniṭṭhassa sattakkhattuparamassa guṇena vattumāraddho “**ye ariyasaccānī**”ti. Tattha **ye ariyasaccānī**ti etaṃ vuttanayameva. **Vibhāvayantī**ti paññā-obhāsenā saccapaṭicchādakaṃ kilesandhakāraṃ vidhamitvā attano pakāsāni pākaṭāni karonti. **Gambhīrapaññenā**ti appameyyapaññatāya sadevakassapi lokassa ñāṇena alabbhaneyyapaṭiṭṭhapaññena, sabbaññunāti vuttaṃ hoti. **Sudesitānī**ti samāsabyāsasākalyavekalyādīhi tehi tehi nayehi suṭṭhu desitāni. **Kiñcāpi te honti bhusaṃ pamattā**ti te vibhāvita-ariyasaccā puggalā kiñcāpi devarajjacakkavattirajjādippamādaṭṭhānaṃ āgamma bhusaṃ pamattā honti, tathāpi sotāpattimaggañāṇena abhisankhāraviññāṇassa nirodhā⁴ ṭhapetvā

1. Ullokenti (Sī, Syā, Ka)

3. abhi 3. 118 piṭṭhe.

2. Saṃ 3. 388 piṭṭhe.

4. Nirodhena (Syā, Ka)

satta bhave anamatagge saṁsāre ye uppajjeyyuruṁ nāmañca rūpañca, tesam niruddhattā atthaṅgatattā na aṭṭhamam bhavam ādiyanti, sattamabhava eva pana vipassanam ārabhitvā arahattam pāpuṇantīti.

Evam Bhagavā sattakkhattuparamavasena saṁgharatanassa guṇam vatvā idāni tameva guṇam nissāya saccavacanam payuṇjati “**idampi saṁghe**”ti. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavālesu amanussehi paṭiggahitāti.

233. Evam sattakkhattuparamassa aṭṭhamam bhavam anādiyanaguṇena saṁghādhiṭṭhānam saccam vatvā idāni tasseva satta bhava ādiyatopi aññehi appahīnabhavadānehi puggalehi viṣiṭṭhena guṇena vattumāraddho “**sahāvassā**”ti. Tattha **sahāvāti** saddhimyeva. **Assāti** “na te bhavam aṭṭhamamādiyanti”ti vuttesu aññatarassa. **Dassanasampadāyāti** sotāpattimaggasampattiyā. Sotāpattimaggo hi nibbānam disvā kattabbakiccasampadāya sabbapaṭhamam nibbānadassanato “dassanam”ti vuccati, tassa attani pātubhāvo dassanasampadā, tāya dassanasampadāya saha eva. **Tayassu dhammā jahitā bhavantīti** ettha **su-iti**¹ padapūraṇamatte nipāto “idaṁsu me Sāriputta mahāvikaṭabhojanasmim hoti”ti-evamādīsu² viya. Yato sahāvassa dassanasampadāya tayo dhammā jahitā bhavanti pahīnā bhavantīti ayamevettha attho.

Idāni jahitadhammadassanattam āha “**sakkāyadiṭṭhī vicikicchitañca, sīlabbatam vāpi yadatthi kiñcī**”ti. Tattha sati kāye vijjamāne upādānakkhandhapañcakasaṅkhāte kāye vīsativatthukā diṭṭhi **sakkāyadiṭṭhi**, satī vā tattha kāye diṭṭhītipi sakkāyadiṭṭhi, yathāvuttappakāre kāye vijjamānā diṭṭhīti attho. Satiyeva vā kāye diṭṭhītipi sakkāyadiṭṭhi, yathāvuttappakāre kāye vijjamāne rūpādisaṅkhāto attāti evam pavattā diṭṭhīti attho. Tassā ca pahīnattā sabbadiṭṭhigatāni pahīnāniyeva honti. Sā hi nesam mūlam. Sabbakilesabyādhivūpasamanato paññā “cikicchitan”ti vuccati, tam paññācikicchitam ito vigatam, tato vā paññācikicchitā idam vigatanti **vicikicchitam**, “Satthari kaṅkhatī”ti-ādina³

1. Assu-iti (Ka)

2. Ma 1. 13 piṭṭhe.

3. ABhi 1. 208; Abhi 2. 379 piṭṭhesu.

nayena vuttāya aṭṭhavatthukāya vimatiyā etaṃ adhivacanāṃ. Tassā pahīnattā sabbavicikicchitāni pahīnāni honti. Tañhi nesam mūlaṃ. “Ito bahiddhā samaṇabrāhmaṇānaṃ sīlena suddhi vatena suddhī”ti evamādisu¹ āgataṃ gosīlakukkurasīlādikaṃ sīlaṃ govatakukkuravatādikañca vataṃ “**sīlabbatan**”ti vuccati. tassa pahīnattā sabbampi naggiyamuṇḍikādi-amaratapaṃ pahīnaṃ hoti. Tañhi tassa mūlaṃ. Tena sabbāvasāne vuttaṃ “**yadatthi kiñcī**”ti. Dukkhadassanasampadāya cettha sakkāyadiṭṭhi, samudayadassanasampadāya vicikicchitaṃ, maggadassananibbānadassanasampadāya sīlabbatam pahīyatīti viññātabbaṃ.

234. Evamassa kilesavaṭṭappahānaṃ dassetvā idāni tasmiṃ kilesavaṭṭe sati yena vipākavaṭṭena bhavitaḥḥaṃ, tappahānā tassāpi pahānaṃ dīpento āha “**catūhapāyehi ca vippamutto**”ti. Tattha cattāro apāyā nāma nirayatiracchānapettivisaya-asurakāyā, tehi esa satta bhava upādiyantopi vippamuttoti attho.

Evamassa vipākavaṭṭappahānaṃ dassetvā idāni yaṃ imassa vipākavaṭṭassa mūlabhūtaṃ kammavaṭṭaṃ, tassāpi pahānaṃ dassento āha “**chaccā bhīṭhānāni abhabba kātun**”ti. Tattha **abhiṭhānānī** oḷārikaṭṭhānāni, tāni esa cha abhabbo kātun. Tāni ca “aṭṭhānametaṃ bhikkhave anavakāso, yaṃ diṭṭhisampanno puggalo mātaraṃ jīvitā voropeyyā”ti-ādinā² nayena ekakanipāte vuttāni mātughātapitughāta-arahantaghātalohituppādasamṅghabheda-aññasatthāruddesakammāni veditabbāni. Tāni hi kiñcāpi diṭṭhisampanno ariyasāvako kunthakipillikampi jīvitā na voropeti, apica kho pana puthujjanabhāvassa vigarahaṇattham vuttāni. Puthujjano hi adhiṭṭhisampannattā evarimamahāsāvajjāni abhiṭhānānīpi karoti, dassanasampanno pana abhabbo tāni kātunti. Abhabbagghaṇaṃ cettha bhavantarepi akaraṇadassanattham. Bhavantarepi hi esa attano ariyasāvakabhāvaṃ ajānantopi dhammatāya eva etāni vā cha, pakatipāṇātipātādīni vā pañca verāni aññasatthāruddesena saha cha ṭhānāni na karoti, yāni sandhāya ekacce “chachābhiṭhānānī”ti³ paṭhanti. Matamacchaggāhādayo cettha ariyasāvakaḡamadāraḡānaṃ nidassanaṃ.

1. Abhi 1. 241; Abhi 2. 389 piṭṭhesu. 2. Am 1. 28; Ma 3. 110; Abhi 2. 349 piṭṭhesu.

3. Cha cābhiṭhānānīti (Sī, Syā)

Evam Bhagavā satta bhave ādiyatopi ariyasāvakaassa aññehi appahīnabhavādānehi puggalehi viṣiṭṭhaguṇavasena saṃgharatanassa guṇam vatvā idāni tameva guṇam nissāya saccavacanaṃ payuñjati **“idampi saṃghe”**ti. Tassattho pubbe vuttanayeneva veditabbo. Imissāpi gāthāya āṇā koṭisatasahassacakkavālesu amanussehi paṭiggahitāti.

235. Evam satta bhave ādiyatopi aññehi appahīnabhavādānehi puggalehi viṣiṭṭhaguṇavasena saṃghādhiṭṭhānaṃ saccaṃ vatvā idāni “na kevalaṃ dassanasampanno cha abhiṭṭhānāni abhabbo kātum, kiṃ pana appamattakampi pāpaṃ kammaṃ katvā tassa paṭicchadanāyapi abhabbo”ti pamādavihārinopi dassanasampannassa katapaṭicchādanābhāvaguṇena vattumāraddho **“kiñcāpi so kamma karoti pāpakan”**ti.

Tassattho—so dassanasampanno kiñcāpi satisammosena pamādavihāraṃ āgamma yaṃ taṃ Bhagavatā lokavajjasañciccānatikkamaṇaṃ¹ sandhāya vuttaṃ “yaṃ mayā sāvakaṇaṃ sikkhāpadaṃ paññattaṃ, taṃ mama sāvaka jīvitahetupi nātikkamaṇī”ti², taṃ ṭhapetvā aññaṃ kuṭikārasahaseyyādiṃ vā paṇṇattivajjavītikamasāṅkhātaṃ Buddhapāṭikuṭṭhaṃ **kāyena pāpakammaṃ karoti**, padasodhamma-uttarichappañcavācādhammadesanāsamphappalāpapharusavacanādiṃ vā **vācāya, uda cetasā** vā katthaci lobhadosuppādanajātarūpādisādiyaṇaṃ cīvarādiaparibhogesu apaccavekkhaṇādiṃ vā pāpakammaṃ karoti. **Abhabbo so tassa paṭicchadāya**, na so taṃ “idaṃ akappiyamakaraṇīyaṇaṃ”ti jānitvā muhuttampi paṭicchādeti, taṅkhaṇaṇñeva pana Satthari vā viññūsu vā sabrahmacārīsu āvi katvā yathādhammaṃ paṭīkaroti, “na puna karissāmi”ti evaṃ saṃvaritabbaṃ vā saṃvarati. Kasmā? Yasmā **abhabbatā diṭṭhapadassa vuttā**, evarūpaṃ pāpakammaṃ katvā tassa paṭicchadāya diṭṭhanibbānapadassa dassanasampannassa puggalassa abhabbatā vuttāti attho.

Kathaṃ—

“Seyyathāpi bhikkhave daharo kumāro mando uttānaseyyako hatthena vā pādena vā aṅgāraṃ akkamitvā khippameva

1. Lokavajjasañciccānatikkamaṇaṃ (Syā) 2. Vi 4. 421; Am 3. 41; Khu 1. 142 piṭṭhesu.

paṭisaṃharati, evameva kho bhikkhave dhammatā eṣā
 diṭṭhisampannessa puggalassa, kiñcāpi tathārūpim āpattim āpajjati,
 yathārūpāya āpattiyā vuṭṭhānam paññāyati, atha kho nam khippameva
 Satthari vā viññūsu vā sabrahmacārīsu deseti vivarati uttānīkaroti,
 desetvā vivarivā uttānīkatvā āyatim saṃvaram āpajjati”¹.

Evam Bhagavā pamādavihārinopi dassanasampannessa
 katapaṭicchādanābhāvaguṇena saṃgharatanassa guṇam vatvā idāni tameva
 guṇam nissāya saccavacanam payuñjati **“idampi saṃghe”**ti. Tassattho pubbe
 vuttanayeneva veditabbo. Imissāpi gāthāya āṇā koṭisatasahassacakkavāḷesu
 amanussehi paṭiggahitāti.

236. Evam saṃghapariyāpannānam puggalānam tena tena
 guṇappakārena saṃghādhiṭṭhānam saccam vatvā idāni yvāyam Bhagavatā
 ratanattayaguṇam dīpentena idha saṅkhepena aññatra ca vitthārena
 pariyattidhammo desito, tampi nissāya puna Buddhādhiṭṭhānam saccam
 vattumāraddho **“vanappagumbe yatha phussitagge”**ti. Tattha
 āsannasannivesavavatthitānam rukkhānam samūho vanam,
 mūlasārapheggutacasākhāpalāsehi pavuḍḍho gumbo pagumbo, vane
 pagumbo **vanappagumbo**, svāyam **“vanappagumbe”**ti vutto. Evampi hi
 vattum labbhati **“atthi savitakkasavicāre, atthi avitakkavicāramatte, sukhe
 dukkhe jīve”**ti-ādīsu viya. **Yathā**ti opammavacanam². Phussitāni aggāni
 assāti **phussitaggo**, sabbasākhāpasākhāsu sañjātapupphoti attho. So pubbe
 vuttanayeneva **“phussitagge”**ti vutto. **Gimhāna māse paṭhamasmim gimheti**
 ye cattāro gimhamāsā³, tesam catunnam gimhānam ekasmim māse.
 Katamasmim māse iti ce? **Paṭhamasmim gimhe**, citramāseti attho. So hi
“paṭhamagimho”ti ca **“bālavasanto”**ti ca vuccati. Tato param padatthato
 pākaṭameva.

Ayam panettha piṇḍattho—yathā paṭhamagimhanāmake bālavasante
 nānāvidharukkhagahane vane⁴ supupphitaggasākho
 taruṇarukkhagacchāpariyāyanāmo pagumbo ativiya sassiriko hoti,
 evamevam khandhāyatanādīhi

1. Ma 1. 399 piṭṭhe.

2. Upamāvacanam (Syā)

3. Gimhānamāsā (Sī), gimhānam māsā (Ka)

4. Nānāvidharukkhe gahanavane (Sī)

satipaṭṭhānasammappadhānādīhi sīlasamādhikkhandhādīhi vā nānappakārehi
 atthappabhedapupphehi ativiya sassirikattā tathūpamaṃ
 nibbānagāmiṃmaggaḍḍipānato nibbānagāmiṃ pariyattidhammavaram neva
 lābhahetu na sakkārādihetu, kevalaṃ hi mahākaruṇāya abbhussāhitahadayo
 sattānaṃ paramaṃ hitāya adesayīti. **Paramamhitāyā**ti ettha ca
 gāthābandhasukhatthaṃ anuṇāsiko, ayaṃ panattho “paramahitāya nibbānāya
 adesayī”ti.

Evam Bhagavā imaṃ supupphitaggaḍḍavanappagumbasadisam
 pariyattidhammaṃ vatvā idāni tameva nissāya Buddhādhiṭṭhānaṃ
 saccavacanaṃ payuṇṇajati “**idampi Buddhē**”ti. Tassattho pubbe vuttanayeneva
 veditabbo, kevalaṃ pana idampi
 yathāvuttappakārapariyattidhammasaṅkhātmā Buddhē ratanaṃ paṇṭanti
 yojetabbaṃ. Imissāpi gāthāya āṇā koṭisatasahassacakkavāḷesu amanussehi
 paṭiggahitāti.

237. Evam Bhagavā pariyattidhammena Buddhādhiṭṭhānaṃ saccaṃ
 vatvā idāni lokuttaradhammena vattumāraddho “**varo varaṇṇū**”ti. Tattha
varoti paṇṭitādhimuttikehi icchito “aho vata mayampi evarūpā assāmā”ti,
 varaguṇayogato vā varo, uttamo seṭṭhoti attho. **Varaṇṇū**ti nibbānaṇṇū.
 Nibbānaṃ hi sabbadhammaṇaṃ uttamaṭṭhena varam, tañcesa bodhimūle
 sayam paṭivijjhivā aṇṇāsī. **Varadoti** pañcavaggiyabhaddavaggiyajaṭilādānaṃ
 aṇṇesaṇca devamanussānaṃ
 nibbedhabhāgiyavāsanābhāgiyavaradhammadāyīti attho. **Varāharoti** varassa
 maggassa āhaṭṭā varāharoti vuccati. So hi Bhagavā Dīpaṅkarato pabhuti
 samatiṃsa pāramiyo pūrento pubbakehi Sammāsambuddhehi anuyātaṃ
 purāṇaṃ maggavaram āhari, tena varāharoti vuccati. Apica
 sabbaṇṇūtaṇṇāpaṭilābhena varo, nibbānasacchikiriyāya varaṇṇū, sattānaṃ
 vimuttisukhadānaṃ varado, uttamapaṭipadāharaṇena varāharo, etehi
 lokuttaraguṇehi adhikassa kassaci abhāvato **anuttaro**.

Aparo nayo—varo upasamādhīṭṭhāna paripūraṇena, varaṇṇū
 paṇṇādhiṭṭhānaparipūraṇena, varado cāgādhiṭṭhānaparipūraṇena, varāharo
 saccādhiṭṭhānaparipūraṇena, varam maggasaccamāharīti. Tathā varo
 puṇṇussayena, varaṇṇū paṇṇussayena, varado Buddhabhāvatthikānaṃ
 tadupāyasampadānaṃ,

varāharo Paccekabuddhabhāvatthikānaṃ tadupāyāharaṇena, anuttaro tattha tattha asadisatāya, attanā vā anācariyako hutvā paresaṃ ācariyabhāvena, **dhammavaraṃ adesayi** sāvakabhāvatthikānaṃ tadatthāya svākhātātādiguṇayuttassa varadhammassa desanato. Sesāṃ vuttanayamevāti.

Evāṃ Bhagavā navavidhena lokuttaradhammena attano guṇaṃ vatvā idāni tameva guṇaṃ nissāya Buddhādhiṭṭhānaṃ saccavacanaṃ payuñjati **“idampi Buddhē”**ti. Tassattho pubbe vuttanayeneva veditabbo. Kevalaṃ pana yaṃ varaṃ navalokuttarakhammaṃ esa aññāsi, yañca adāsi, yañca āhari, yañca adesayi, idampi Buddhē ratanaṃ paṇṭanti evaṃ yojetabbaṃ. Imissāpi gāthāya āṇa koṭisatasahassacakkavālesu amanussehi paṭiggahitāti.

238. Evāṃ Bhagavā pariyattidhammaṃ lokuttaradhammañca nissāya dvīhi gāthāhi Buddhādhiṭṭhānaṃ saccāṃ vatvā idāni ye taṃ pariyattidhammaṃ assosum, sutānusārena ca paṭipajjitvā navappakārampi lokuttaradhammaṃ adhigamiṃsu, tesāṃ anupādisesanibbānappattiguṇaṃ nissāya puna saṃghādhiṭṭhānaṃ saccāṃ vattumāraddho **“khīṇaṃ purāṇaṃ”**ti. Tattha **khīṇanti** samucchinnaṃ. **Purāṇanti** purāṇaṃ. **Navanti** sampati vattamānaṃ. **Natthisambhavanti** avijjamānapātubhāvaṃ. **Virattacittāti** vigatarāgacittā. **Āyatike bhavasminti** anāgatamaddhānaṃ punabbhave. **Teti** yesāṃ khīṇaṃ purāṇaṃ navāṃ natthisambhavaṃ, ye ca āyatike bhavasmim virattacittā, te khīṇāsavā bhikkhū. **Khīṇabījāti** ucchinnabījā. **Avirūḷhichandāti** virūḷhichandavirahitā. **Nibbantīti** vijjhāyanti. **Dhīrāti** dhitisampannā. **Yathāyaṃ padīpoti** ayaṃ padīpo viya.

Kim vuttaṃ hoti—yaṃ taṃ sattānaṃ uppajjitvā niruddhampi purāṇaṃ atītakālikaṃ kammaṃ taṇhāsinehassa appahīnattā paṭisandhi-āharaṇasamatthatāya akhīṇamyeva hoti, taṃ purāṇaṃ kammaṃ yesāṃ arahattamaggena taṇhāsinehassa sositattā agginā daḍḍhabijamiva āyatim vipākadānāsamatthatāya khīṇaṃ. Yañca nesaṃ Buddhapūjādivasena idāni pavattamānaṃ kammaṃ navanti vuccati, tañca taṇhāpahāneneva chinnamūlapādapapupphamiva āyatim phaladānāsamatthatāya yesāṃ natthisambhavaṃ, ye ca taṇhāpahāneneva āyatike bhavasmim virattacittā, te khīṇāsavā bhikkhū “kammaṃ khettaṃ

viññāṇaṃ bījan”ti¹ ettha vuttassa paṭisandhiviññāṇassa kammakkhayeneva khīṇattā khīṇabījā. Yopi pubbe punabbhavasāṅkhātāya virūḷhiyā chando ahoṣi, tassāpi samudayappahāneneva pahīnattā pubbe viya cutikāle asambhavena avirūḷhichandā dhitisampannattā dhīrā carimaviññāṇanirodhena yathāyaṃ paḍīpo nibbuto, evaṃ nibbanti, puna “rūpino vā arūpino vā”ti evamādiṃ paññattipathaṃ accentīti. Tasmim kira samaye nagaradevatānaṃ pūjanatthāya jālitesu paḍīpesu eko paḍīpo vijjhāyi, taṃ dassento āha “yathāyaṃ paḍīpo”ti.

Evaṃ Bhagavā ye taṃ purimāhi dvīhi gāthāhi vuttam pariyaṭṭidhammaṃ assosum, sutānusāreṇeva paṭipajjitvā navappakārampi lokuttaradhammaṃ adhigamimsu, tesam anupādisesanibbānappattiguṇaṃ vatvā idāni tameva guṇaṃ nissāya saṃghādhiṭṭhānaṃ saccavacanaṃ payuñjanto desanaṃ samāpesi **“idampi saṃghe”**ti. Tassattho pubbe vuttanayeneva veditabbo, kevalaṃ pana idampi yathāvuttena pakārena khīṇāsavabhikkhūnaṃ nibbānasāṅkhātāṃ saṃghe ratanaṃ paṇṭanti evaṃ yojetabbaṃ. Imissāpi gāthāya āṇā koṭṭisatasahassacakkavāḷesu amanussehi paṭiggahitāti.

Desanāpariyosāne rājakulassa sotthi ahoṣi, sabbūpaddavā vūpasamimsu, caturāsītiyā pāṇasahassānaṃ dhammābhisamayo ahoṣi.

239-241. Atha Sakko Devānamindo “Bhagavatā ratanattayaguṇaṃ nissāya saccavacanaṃ payuñjamānena nāgarassa sotthi katā, mayāpi nāgarassa sotthittam ratanattayaguṇaṃ nissāya kiñci vattabban”ti cintetvā avasāne gāthāttayaṃ abhāsi **“yānīdha bhūtānī”**ti. Tattha yasmā Buddho yathā lokahitattāya ussukkaṃ āpannehi āgantabbaṃ, tathā āgatato, yathā ca etehi gantabbaṃ, tathā gatato, yathā vā etehi ājānitabbaṃ, tathā ājānanato, yathā ca jānitabbaṃ, tathā jānanato, yañca tatheva hoti, tassa gadanato ca “Tathāgato”ti vuccati. Yasmā ca so devamanussehi pupphagandhādinā bahinibbattena upakaraṇena, dhammānudhammappaṭipattādinā ca attani nibbattena ativiya pūjito, tasmā Sakko Devānamindo sabbadevaparisaṃ attanā saddhim

1. Am 1. 224 piṭṭhe.

sampiṇḍetvā āha “**Tathāgataṃ devamanussapūjitaṃ, Buddhaṃ namassāma suvatthi hotū**”ti.

Yasmā pansa dhamme maggadhammo yathā yuganandha¹ samathavipassanābalena gantabbaṃ kilesapakkhaṃ samucchindantena, tathā gatoti Tathāgato. Nibbānadhammopi yathā gato paññāya paṭividdho sabbadukkhavighātāya sampajjati, Buddhādīhi tathā avagato², tasmā “Tathāgato”ti vuccati. Yasmā ca saṃghopi yathā attahitāya paṭipannehi gantabbaṃ tena tena maggena, tathā gato, tasmā “Tathāgato”tveva vuccati. Tasmā avasesagāthādvayepi **Tathāgataṃ dhammaṃ namassāma suvatthi hotu, Tathāgataṃ saṃghaṃ namassāma suvatthi hotū**ti vuttaṃ. Sesāṃ vuttanayamevāti.

Evam Sakkō Devānamindo imaṃ gāthattayaṃ bhāsivā Bhagavantaṃ padakkhiṇaṃ katvā devapurameva gato saddhiṃ devaparisāya. Bhagavā pana tadeva Ratanasuttaṃ dutiyadivasepi desesi, puna caturāsītiyā pāṇasahassānaṃ dhammābhisamayo ahoṣi. Evam Bhagavā yāva sattamaṃ divasaṃ desesi, divase divase tatheva dhammābhisamayo ahoṣi. Bhagavā aḍḍhamāsameva Vesāliyaṃ viharitvā rājūnaṃ “gacchāmā”ti paṭivedesi, tato rājāno diguṇena sakkārena puna tīhi divasehi Bhagavantaṃ Gaṅgātīraṃ nayiṃsu. Gaṅgāyaṃ nibbattā nāgarājāno cintesum “manussā Tathāgatassa sakkāraṃ karonti, mayaṃ kiṃ na karissāmā”ti suvaṇṇarajatamaṇimayā nāvāyo māpetvā suvaṇṇarajatamaṇimaye eva pallaṅke paññāpetvā pañcavaṇṇapadumasañchannaṃ udakaṃ karitvā “amhākaṃ anuggahaṃ karoṭhā”ti Bhagavantaṃ upagatā. Bhagavā adhivāsetvā ratananāvamarūḷho pañca ca bhikkhusatāni sakaṃ sakaṃ nāvaṃ. Nāgarājāno Bhagavantaṃ saddhiṃ bhikkhusaṃghena Nāgabhavanaṃ pavesesum, tatra sudam Bhagavā sabbarattim nāgapolisāya dhammaṃ desesi, dutiyadivase dibbehi khādanīyabhojanīyehi mahādānaṃ adaṃsu, Bhagavā anumoditvā Nāgabhavanā nikkhami.

Bhūmaṭṭhā devā “manussā ca nāgā ca Tathāgatassa sakkāraṃ karonti, mayaṃ kiṃ na karissāmā”ti cintetvā vanagumbarukkhapabbatādīsu chattātichattāni ukkhipiṃsu. Eteneva upāyena yāva Akaniṭṭhabrahmabhavanaṃ, tāva

1. Yuganaddha (Syā)

2. Tathā āgato (Syā)

mahāsakkāraviseso nibbatti. Bimbisāropi Licchavīhi āgatakāle katasakkārato diguṇamakāsi, pubbe vuttanayeneva pañcahi divasehi Bhagavantam Rājagaham ānesi.

Rājagahamanuppatte Bhagavati pacchābhattam maṇḍalamāle sannipatitānam bhikkhūnam ayamantarakathā udapādi “aho Buddhassa Bhagavato ānubhāvo, yam uddissa Gaṅgāya orato ca pārato ca aṭṭhayojano bhūmibhāgo ninnañca thalañca samam katvā vālukāya okiritvā pupphehi sañchanno, yojanappamānam Gaṅgāya udakam nānāvaṇṇehi padumehi sañchannam, yāva Akaniṭṭhabhavanā chattātichattāni ussitāni”ti. Bhagavā tam pavattim ṇatvā Gandhakuṭito nikkhamitvā taṅkhaṇānurūpena pāṭihāriyena gantvā maṇḍalamāle paññattavarabuddhāsane nisīdi, nisajja kho Bhagavā bhikkhū amantesi “kāya nuttha bhikkhave etarahi kathāya sannisinnā”ti. Bhikkhū sabbam ārocesum. Bhagavā etadavoca “na bhikkhave ayam pūjāviseso mayham Buddhānubhāvena nibbato, na nāgadevabrahmānubhāvena, apica kho pubbe appamattakapariccāgānubhāvena nibbato”ti. Bhikkhū āhamsu “na mayam bhante tam appamattakam pariccāgam jānāma, sādhu no Bhagavā tathā kathetu, yathā mayam tam jāneyyāmā”ti.

Bhagavā āha—bhūtapubbam bhikkhave Takkasilāyam Saṅkho nāma brāhmaṇo aho, tassa putto Susīmo nāma māṇavo soḷasavassuddesiko vayena, so ekadivasam pitaram upasaṅkamitvā abhivādetvā ekamantam aṭṭhāsi, tam pitā āha “kim tāta Susīmā”ti. So āha “icchāmaham tāta Bārāṇasim gantvā sippam uggahetun”ti. “Tena hi tāta Susīma asuko nāma brāhmaṇo mama sahāyako, tassa santikam gantvā uggaṇhāhi”ti kahāpaṇasahassam adāsi. So tam gahetvā mātāpitaro abhivādetvā anupubbena Bārāṇasim gantvā upacārayuttēna vidhinā ācariyam upasaṅkamitvā abhivādetvā attānam nivedesi. Ācariyo “mama sahāyakassa putto”ti māṇavam sampaṭicchitvā sabbam pāhuneyyamakāsi. So addhānakilamatham paṭivinodetvā tam kahāpaṇasahassam ācariyassa pādāmūle ṭhapetvā sippam uggahetum okāsam yāci, ācariyo okāsam katvā uggaṇhāpesi.

So lahuñca gaṇhanto bahuñca gaṇhanto gahitagahitañca suvaṇṇabhājane pakkhittamiva sīhatelaṃ avinassamānaṃ dhārento dvādasavassikaṃ sippaṃ katipayamāseneva pariyoṣāpesi. So sajjhāyaṃ karonto ādimajjhaṃyeva passati, no pariyoṣānaṃ. Atha ācariyaṃ upasaṅkamtivā āha “imassa sippassa ādimajjhameva passāmi, pariyoṣānaṃ na passāmi”ti. Ācariyo āha “ahampi tāta evamevā”ti. Atha ko ācariya¹ imassa sippassa pariyoṣānaṃ jānātīti. Isipatane tāta isayo atthi, te jāneyyunti. Te upasaṅkamtivā pucchāmi ācariyāti. Puccha tāta yathāsukhanti. So Isipatanaṃ gantvā Paccekabuddhe upasaṅkamtivā pucchi “ādimajjhapariyoṣānaṃ jānāthā”ti. Āmāvuso jānāmāti. Tam mampi sikkhāpethāti. Tena hāvuso pabbajāhi, na sakkā apabbajitena sikkhitunti. Sādhu bhante pabbājetha vā maṃ, yaṃ vā icchatha, taṃ katvā pariyoṣānaṃ jānāpethāti. Te taṃ pabbājetvā kammaṭṭhāne niyojetuṃ asamattā “evaṃ te nivāsetabbaṃ, evaṃ pārūpitabbaṃ”ti-ādinā nayena ābhisamācārikaṃ sikkhāpesuṃ. So tatha sikkhanto upanissayasampannattā na cireneva paccekabodhiṃ abhisambujjhi. Sakalabārāṇasiyaṃ “Susīmapaccekabuddho”ti pākaṭo ahosi lābhaggayasaggappatto sampannaparivāro. So appāyukasamvattanikassa kammaṃ katattā na cireneva parinibbāyi, tassa Paccekabuddhā ca mahājanakāyo ca sarīrakiccaṃ katvā dhātuyo gahetvā nagaradvāre thūpaṃ patiṭṭhāpesuṃ.

Atha kho Saṅkho brāhmaṇo “putto me ciragato, na cassa pavattim jānāmī”ti puttaṃ daṭṭhukāmo Takkasilāya nikkhamitvā anupubbena Bārāṇasiṃ patvā mahājanakāyaṃ sannipatitaṃ disvā “addhā bahūsu ekopi me puttassa pavattim jānissatī”ti cintento upasaṅkamtivā pucchi “Susīmo nāma māṇavo idha āgato atthi, api nu tassa pavattim jānāthā”ti. Te “āma brāhmaṇa jānāma, asmiṃ nagare brāhmaṇassa santike tiṇṇaṃ vedānaṃ pāragū hutvā Paccekabuddhānaṃ santike pabbajitvā Paccekabuddho hutvā anupādisesāya nibbānadhātuyā parinibbāyi, ayamassa thūpo patiṭṭhāpito”ti āhamsu. So bhūmi

1. Atha ko carahi (Sī)

hatthena paharivā roditvā ca paridevitvā ca taṃ cetiyaṅgaṇaṃ gantvā tiṇāni
uddharitvā uttarasāṭakena vālukāṃ ānetvā Paccekabuddhacetiyaṅgaṇe
ākiritvā kamaṇḍaluto udakena samantato bhūmiṃ paripphositvā
vanapupphehi pūjaṃ katvā uttarasāṭakena paṭākāṃ āropetvā thūpassa upari
attano chattaṃ bandhitvā pakkāmīti.

Evam atītaṃ dassetvā taṃ jātakāṃ paccuppannaena anusandhento
bhikkhūnaṃ dhammakathaṃ kathesi “siyā kho pana vo bhikkhave evamassa
‘añño nuna tena samayena Saṅkho brāhmaṇo ahoṣī’ti, na kho panetaṃ evaṃ
daṭṭhabbaṃ, ahaṃ tena samayena Saṅkho brāhmaṇo ahoṣiṃ, mayā
Susīmassa Paccekabuddhassa cetiyaṅgaṇe tiṇāni uddhaṭāni, tassa me
kammaṃ nissandena aṭṭhajojanamaggaṃ vigatakhāṇukaṇṭakāṃ katvā
samaṃ suddhamakāṃsu, mayā tattha vālukā okiṇṇā, tassa me nissandena
aṭṭhajojanamagge vālukā okirimsu. Mayā tattha vanakusumehi pūjā katā,
tassa me nissandena navajojanamagge thale ca udake ca nānāpupphehi
pupphasantharaṃ akāṃsu. Mayā tattha kamaṇḍaludakena bhūmi
paripphositā, tassa me nissandena Vesāliyaṃ pokkharavassaṃ vassi. Mayā
tasmiṃ cetiye paṭākā āropitā, chattaṅca baddhaṃ, tassa me nissandena yāva
Akaniṭṭhabhavanā paṭākā ca āropitā, chattaṅcattāni ca ussitāni. Iti kho
bhikkhave ayaṃ mayhaṃ pūjāviseso neva Buddhānubhāvena nibbatto, na
nāgadevabrahmānubhāvena, apica kho appamattakapariccāgānubhāvena
nibbatto”ti. Dhammakathāpariyosāne imaṃ gāthamabhāsi—

“Mattāsukhapariccāgā, passe ce vipulaṃ sukhaṃ.

Caje mattāsukhaṃ dhīro, sampassaṃ vipulaṃ sukhaṃ”ti¹.

Paramatthajotikāya Khuddakaṭṭhakathāya

Suttanipātaṭṭhakathāya

Ratanasuttavaṇṇanā niṭṭhitā.

1. Khu1. 55 piṭṭhe.

2. Āmagandhasuttavaṇṇanā

Sāmākaciṅgūlakaciṅakāni cāti Āmagandhasuttaṃ. Kā uppatti?

Anuppanne Bhagavati Āmagandho nāma brāhmaṇo pañcahi māṇavakasatehi saddhiṃ tāpasapabbajjāṃ pabbajitvā Himavantāṃ pavisitvā pabbatantare assamaṃ kārāpetvā vanamūlaphalāhāro hutvā tattha paṭivasati, na kadāci macchamaṃsaṃ khādati. Atha tesāṃ tāpasānaṃ loṇambilādīni aparibhuñjantānaṃ paṇḍurogo uppajji, tato te “loṇambilādisevanatthāya manussapathaṃ gacchāmā”ti paccantagāmaṃ sampattā. Tattha manussā tesu paṣīditvā nimantetvā bhojesuṃ, katabhattakiccānaṃ nesāṃ mañcapīṭhaparibhogabhājanapādamakkhanādīni upanetvā “ettha bhante vasatha, mā ukkaṇṭhitthā”ti vasaṇṭṭhānaṃ dassetvā pakkamiṃsu. Dutiyadivasepi nesāṃ dānaṃ datvā puna gharapaṭipāṭiyā ekekadivasāṃ dānamadaṃsu. Tāpasā catumāsāṃ tattha vasitvā loṇambilādisevanāya thirabhāvappattasarīrā hutvā “mayāṃ āvuso gacchāmā”ti manussānaṃ ārocesuṃ. Manussā tesāṃ telataṇḍulādīni adaṃsu, te tāni ādāya attano assamameva agamaṃsu. Tañca gāmaṃ tatheva saṃvacchare saṃvacchare āgamimṃsu. Manussāpi tesāṃ āgamanakālaṃ viditvā dānatthāya taṇḍulādīni sajjetvāva acchanti, āgate ca ne tatheva sammānenti.

Atha Bhagavā loke uppajjitvā pavattitavaradhammacakko anupubbena Sāvattihīṃ gantvā tattha viharanto tesāṃ tāpasānaṃ upanissayasampattim disvā tato nikkhamma bhikkhusaṃghaparivuso cārikaṃ caramāno anupubbena taṃ gāmaṃ anupatto. Manussā Bhagavantāṃ disvā mahādānāni adaṃsu, Bhagavā tesāṃ dhammaṃ desesi. Te tāya dhammadesanāya appekacce sotāpannā ekacce sakadāgāmino ekacce anāgāmino ahesuṃ, ekacce pabbajitvā arahattaṃ pāpuṇimṃsu. Bhagavā punadeva Sāvattihīṃ paccāgamāsi. Atha te tāpasā taṃ gāmaṃ āgamimṃsu, manussā tāpase disvā na pubbasadisāṃ kotūhalamaṃsu. Tāpasā te pucchimṃsu “kiṃ āvuso ime manussā na pubbasadisā, kiṃ nu kho ayaṃ gāmo rājadaṇḍena upadduto, udāhu dubbhikkhena, udāhu amhehi sīlādiguṇehi sampannataro koci pabbajito imaṃ gāmanupatto”ti. Te āhaṃsu “na bhante rājadaṇḍena, na dubbhikkhenāyaṃ gāmo upadduto, apica Buddho

loke uppanno, so Bhagavā bahujanahitāya dhammaṃ desento idhāgato”ti.

Taṃ sutvā Āmagandhatāpasō “Buddhoti gahapatayo vadethā”ti.
 “Buddhoti bhante vadāmā”ti tikkhattuṃ vatvā “ghosopi kho eso dullabho lokasmiṃ, yadidaṃ Buddho”ti attamano attamanavācaṃ nicchāretvā pucchi
 “kiṃ nu kho so Buddho āmagandhaṃ bhuñjati, na bhuñjati”ti. Ko bhante āmagandhoti. Āmagandho nāma macchamaṃsaṃ gahapatayoti. Bhagavā bhante macchamaṃsaṃ paribhuñjatīti. Taṃ sutvā tāpasō vipaṭṭisārī ahosi
 “māheva kho pana Buddho siyā”ti. Puna cintesi “Buddhānaṃ pātubhāvo nāma dullabho, gantvā Buddhaṃ disvā pucchitvā jānissāmī”ti. Tato yena Bhagavā gato, taṃ maggaṃ manusse pucchitvā vacchagiddhinī gāvī viya turitaturito sabbattha ekarattivāseṇa Sāvattihim anuppatvā Jetavanameva pāvīsi saddhim sakāya parisāya. Bhagavāpi tasmim samaye dhammadesanatthāya āsane nisinno eva hoti, tāpasā Bhagavantam upasaṅkamma tuṅhībhūtā anabhivādetvāva ekamantaṃ nisīdimṃsu. Bhagavā “kacci vo isayo khamaṇīyan”ti-ādinā nayena tehi saddhim paṭisammodī, tepi “khamaṇīyaṃ bho Gotamā”ti-ādimāhaṃsu. Tato Āmagandho Bhagavantam pucchi “Āmagandhaṃ bho Gotama bhuñjasi, na bhuñjasi”ti. Ko so brāhmaṇa Āmagandho nāmāti. Macchamaṃsaṃ bho Gotamāti. Bhagavā “na brāhmaṇa macchamaṃsaṃ Āmagandho, apica kho Āmagandho nāma sabbe kilesā pāpakā akusalā dhammā”ti vatvā “na brāhmaṇa idāni tvameva Āmagandhaṃ pucchi, atītepi Tisso nāma brāhmaṇo Kassapaṃ Bhagavantam pucchi, evañca so pucchi, evañcassa Bhagavā byākāsī”ti Tissenena ca brāhmaṇena Kassapena ca Bhagavatā vuttagāthāyo eva ānetvā tāhi gāthāhi brāhmaṇaṃ saññāpento āha “sāmākaciṅgūlakacīnakāni cā”ti. Ayaṃ tāva imassa suttassa idha uppatti.

Atīte pana Kassapo kira bodhisatto aṭṭhāsaṅkhyeyyāni kappasatasahassaṅca pāramiyo pūretvā Bārāṇasiyaṃ Brahmadaṭṭassa brāhmaṇassa Dhanavātī nāma brāhmaṇī, tassā kucchimhi paṭisandhim aggahesi. Aggasāvakopi taṃ divasaṃyeva devalokā cavitvā anupurohitabrāhmaṇassa pajāpatiyā kucchimhi nibbatti. Evaṃ tesam ekadivasaṃyeva

paṭisandhiggahaṇaṇca gabbhavuṭṭhānaṇca ahosi, ekadivasameva etesaṃ ekassa Kassapo, ekassa Tissoti nāmamakaṃsu. Te sahaṃsukīlanakā dve saḥāyā anupubbena vuḍḍhiṃ agamiṃsu. Tissassa pitā puttāṃ āṇāpesi “ayaṃ tāta Kassapo nikkhamma pabbajitvā Buddho bhavissati, tvampissa santike pabbajitvā bhavanissaraṇaṃ kareyyāsī”ti. So “sādhū”ti paṭissuṇitvā bodhisattassa santikaṃ gantvā “ubhopi samma pabbajissāmā”ti āha, bodhisatto “sādhū”ti paṭissuṇi. Tato vuḍḍhiṃ anuppattakālepi Tisso bodhisattaṃ āha “ehi samma pabbajissāmā”ti, bodhisatto na nikkhami. Tisso “na tāvassa ñāṇaṃ paripākaṃ gatan”ti sayāṃ nikkhamma isipabbajjāṃ pabbajitvā araṇṇe pabbatapāde assamaṃ kārapetvā vasati. Bodhisattopi aparena samayena ghare ṭhitoyeva ānāpānassatiṃ pariggahetvā cattāri jhānāni abhiññāyo ca uppādetvā pāsādena Bodhimaṇḍasamīpaṃ gantvā “puna pāsādo yathāṭhāneyeva patiṭṭhātū”ti adhiṭṭhāsi, so sakaṭṭhāneyeva patiṭṭhāsi. Apabbajitena kira Bodhimaṇḍaṃ upagantum na sakkāti so pabbajitvā Bodhimaṇḍaṃ patvā nisīditvā satta divase padhānayogaṃ katvā sattahi divasehi sammāsambodhiṃ sacchākāsi.

Tadā Isipatane vīsatisahassā pabbajitā paṭivasanti. Atha Kassapo Bhagavā te āmantetvā dhammacakkaṃ pavattesi, suttapariyosāne sabbeva arahanto ahesum, so sudam Bhagavā vīsati bhikkhusahassaparivuto tattheva Isipatane vasati, Kikī ca naṃ Kāsirajā catūhi paccayehi upaṭṭhāti. Athekadivasam Bārāṇasivāsī eko puriso pabbate candanasārādīni gavesanto Tissassa tāpasassa assamaṃ patvā taṃ abhivādetvā ekamantaṃ aṭṭhāsi. Tāpaso taṃ disvā “kuto āgatosī”ti pucchi. Bārāṇasito bhanteti. Kā tattha pavattīti. Tattha bhante Kassapo nāma Sammāsambuddho uppannoti. Tāpaso dullabhavacanaṃ sutvā pītisomanassajāto pucchi “kiṃ so āmagandham bhuñjati, na bhuñjati”ti. Ko bhante āmagandhoti. Macchamaṃsam āvusoti. Bhagavā bhante macchamaṃsam bhuñjati. Taṃ sutvā tāpaso vipaṭisārī hutvā puna cintesi “gantvā taṃ pucchissāmi, sace ‘āmagandham paribhuñjāmi’ti vakkhati, tato naṃ ‘tumhākaṃ bhante jātiyā ca kulassa ca gottassa ca ananucchavikametaṃ”ti nivāretvā tassa santike pabbajitvā bhavanissaraṇaṃ karissāmi”ti. Sallahukaṃ

upakaraṇaṃ gahetvā sabbattha ekarattivāsenā sāyanhasamaye Bārāṇasīṃ patvā Isipatanameva pāvisi. Bhagavāpi tasmīṃ samaye dhammadesanattāya āsane nisinnoyeva hoti. Tāpaso Bhagavantāṃ upasaṅkamma anabhivādetvā tuṇhībhūto ekamantaṃ aṭṭhāsi, Bhagavā taṃ disvā pubbe vuttanayeneva paṭisammodi. Sopi “khamāṇīyaṃ bho Kassapā”ti-ādīni vatvā ekamantaṃ nisīditvā Bhagavantāṃ pucchi “Āmagandhaṃ bho Kassapa bhuñjasi, na bhuñjasi”ti. Nāhaṃ brāhmaṇa āmagandhaṃ bhuñjāmīti. Sādhu sādhu bho Kassapa parakuṇapaṃ akhādanto sundaramakāsi, yuttametaṃ bhoto Kassapassa jātiyā ca kulassa ca gottassa cāti. Tato Bhagavā “ahaṃ kilese sandhāya ‘āmagandhaṃ na bhuñjāmī’ti vadāmi, brāhmaṇo macchamaṃsaṃ pacceci, yaṃnunāhaṃ sve gāmaṃ piṇḍāya apavisitvā Kikīraṇṇo gehā ābhaṭaṃ piṇḍapātaṃ paribhuñjeyyaṃ, evaṃ āmagandhaṃ ārabba kathā pavattissati, tato brāhmaṇaṃ dhammadesanāya saññāpessāmi”ti dutiyadivase kālasseva sarīraparikammaṃ katvā gandhakuṭiṃ pāvisi. Bhikkhū Gandhakuṭidvāraṃ pihitaṃ disvā “na Bhagavā ajja bhikkhūhi saddhiṃ pavisitukāmo”ti ṇatvā Gandhakuṭiṃ padakkhiṇaṃ katvā piṇḍāya pavisiṃsu.

Bhagavāpi Gandhakuṭito nikkhamma paññattāsane nisīdi, tāpasopi kho pattasākāṃ pacitvā khādītva Bhagavato santike nisīdi. Kikī Kāsirājā bhikkhū piṇḍāya carante disvā “kuhiṃ Bhagavā bhante”ti pucchitvā “vihāre mahārājā”ti ca sutvā nānābyañjanarasamanekamaṃsavikatisampannaṃ bhojanaṃ Bhagavato pāhesi. amaccā vihāraṃ netvā Bhagavato ārocetvā dakkhiṇodakaṃ datvā parivisantā paṭhamaṃ nānāmaṃsavikatisampannaṃ yāguṃ adamsu, tāpaso disvā “khādanti nu kho no”ti cintento aṭṭhāsi. Bhagavā tassa passatoyeva yāguṃ pivanto maṃsakhaṇḍaṃ mukhe pakkhipi, tāpaso disvā kuddho. Puna yāgupītassa nānārasabyañjanaṃ bhojanamadaṃsu, tampi gahetvā bhuñjantaṃ disvā ativiya kuddho “macchamaṃsaṃ khādantoyeva ‘na khādāmi’ti bhaṇati”ti. Atha Bhagavantāṃ katabhattakiccaṃ hatthapāde dhovivā nisinnaṃ upasaṅkamma “bho Kassapa musā tvaṃ bhaṇasi, netāṃ paṇḍitakiccaṃ. Musāvādo hi garahito Buddhānaṃ, yepi te pabbatapāde vanamūlaphalādīhi yāpentā isayo vasanti, tepi musā na bhaṇanti”ti vatvā puna isīnaṃ guṇe gāthāya vaṇṇento āha “sāmākaciṅgūlakaciṅakāni cā”ti.

242. Tattha **sāmākā**ti dhunitvā vā sīsāni uccinitvā vā gayhūpagā tiṇadhaññajāti. Tathā **ciṅgūlakā** kaṇavīrapupphasaṅṭhānasīsā honti. **Cīnakānī**ti aṭavipabbatapādesu aropitajātā cīnamuggā. **Pattapphalanti** yaṁkiñci haritapaṇṇaṁ. **Mūlapphalanti** yaṁkiñci kandamūlaṁ. **Gavipphalanti** yaṁkiñci rukkhavalliphalaṁ. Mūlaggahaṇena vā kandamūlaṁ, phalaggahaṇena rukkhavalliphalaṁ, gavipphalaggahaṇena udake jātasiṅghātakakaserukādiphalaṁ veditabbaṁ. **Dhammena laddhanti** dūteyyapahiṇagamanādemicchājīvaṁ pahāya vane uñchācariyāya laddhaṁ. **Satanti** santo ariyā. **Asnamānāti**¹ bhuñjamānā. **Na kāmakāmā alikaṁ bhaṇantī**ti te evaṁ amamaṁ apariggahā etāni sāmākādīni bhuñjamānā isayo yathā tvaṁ sādurasādike kāme patthayanto āmagandhaṁ bhuñjantoyevaṁ”āhaṁ brāhmaṇa āmagandhaṁ bhuñjāmī”ti bhaṇanto alikaṁ bhaṇasi, tathā na kāmakāmā alikaṁ bhaṇanti, kāme kāmayantā musā na bhaṇantīti isīnaṁ pasamsāya Bhagavato nindaṁ dīpeti.

243. Evaṁ isīnaṁ pasamsāpadesena Bhagavantaṁ ninditvā idāni attanā adhippetam nindāvattum dassetvā nippariyāyeneva Bhagavantaṁ nindanto āha “**yadasnamāno**”ti. Tattha dakāro padasandhikaro. Ayaṁ panattho—yaṁ kiñciveva sasamaṁsaṁ vā tittiramaṁsaṁ vā dhovanacchedanādinā pubbaparikkamma **sukataṁ**, pacanavāsanādinā pacchāparikkamma **suniṭṭhitaṁ**, na mātaraṁ na pitarā, apica kho pana “dakkhiṇeyyo ayan”ti maññamānehi dhammakāmehi **parehi dinnam**, sakkārakaraṇena **payataṁ** paṇītamalaṅkataṁ, uttamarasatāya ojavantatāya thāmabalabharaṇasamatthatāya ca **paṇītaṁ asnamāno** āhārayamāno, na kevalaṅca yaṁkiñci maṁsameva, apica kho pana idampi **sālīnamannaṁ** vicitakālakam sālītaṇḍulodanaṁ **paribhuñjamāno so bhuñjasi Kassapa āmagandham**, so tvaṁ yaṁkiñci maṁsaṁ bhuñjamāno idaṅca sālīnamannaṁ paribhuñjamāno bhuñjasi Kassapa āmagandhanti Bhagavantaṁ gottena ālapati.

244. Evaṁ āhārato Bhagavantaṁ ninditvā idāni musāvādaṁ āropetvā nindanto āha “**na āmagandho -pa- susaṅkhatehī**”ti.

1. Asamānāti (Sī, Syā)

tassattho—pubbe mayā pucchito samāno “**na āmagandho mama kappatī**”ti, **icceva tvaṃ bhāsasi**, evaṃ ekamseneva tvaṃ bhāsasi **brahmabandhu** brāhmaṇaguṇavirahita jātimattabrāhmaṇāti paribhāsanto bhaṇāti. **Sālīnamannanti** sālitaṇḍulodanaṃ. **Paribhuñjamānoti** bhuñjamāno. **Sakuntamarṃsehi susaṅkhatehī**ti tadā Bhagavato abhihaṭaṃ sakuṇamarṃsaṃ niddisanto bhaṇāti.

Evaṃ bhaṇanto eva ca Bhagavato heṭṭhā pādatalā pabhuti yāva upari kesaggā sarīramullokento dvattimsavaralakkhaṇāsīti-anubyañjanasampadaṃ byāmapabhāparikkhepañca disvā “evarūpo mahāpurisalakkhaṇādipaṭimaṇḍitakāyo na musā bhaṇitum arahati. Ayañhissa bhavantarepi saccavācānissandeneva uṇṇā bhamukantare jātā odātā mudu tūlasannibhā, ekekāni ca lomakūpesu lomāni. Svāyaṃ kathamidāni musā bhaṇissati, addhā añño imassa āmagandho bhavissati, yaṃ sandhāya etadavoca ‘nāhaṃ brāhmaṇa āmagandhaṃ bhuñjāmi’ti, yaṃ nunāhaṃ etaṃ puccheyyan”ti cintetvā sañjātabahumāno gotteneva ālapanto imaṃ gāthāsesaṃ āha—

“Pucchāmi taṃ Kassapa etamatthaṃ,
Kathāpakāro tava āmagandho”ti.

245. Athassa Bhagavā āmagandhaṃ vissajjetum “**pāṇātipāto**”ti evamādimāha. Tattha **pāṇātipātoto** pāṇavadho. **Vadhachedabandhananti** ettha sattānaṃ daṇḍādīhi ākoṭanaṃ vadho, hatthapādādīnaṃ chedanāṃ chedo, rajju-ādīhi bandho bandhanaṃ. **Theyyaṃ musāvādoti** theyyañca musāvādo ca. **Nikatīti** “dassāmi, karissāmi”ti-ādinā nayena āsaṃ uppādetvā nirāsākaraṇaṃ¹. **Vañcanānīti** asuvaṇṇaṃ suvaṇṇanti gāhāpanādīni. **Ajjhenakuttanti** niratthakamanekaganthapariyāpuṇanaṃ². **Paradārasevanāti** parapariggahitāsu cārittāpajjanaṃ. **Esāmagandho na hi marṃsabhojananti** esa pāṇātipātādi-akusaladhammasamudācāro āmagandho

1. Nirāsākaraṇaṃ (Sī)

2. Ajjhena kujjanti niratthakānatthajanakaganthapariyāpuṇanaṃ (Sī)

vissagandho kuṇapagandho. Kim kāraṇā? Amanuññattā kilisa-asucimissakattā sabbhi jigucchittāparamaduggandhabhāvāvahattā ca. Ye hi¹ ussannakilesā sattā, te tehi atiduggandhā honti, nikkilesānam matasarīrampi duggandham na hoti, tasmā esāmagandho. maṃsabhojanam pana aditthamasutamaparisankitañca anavajjam, tasmā na hi maṃsabhojanam āmagandhoti.

246. Evaṃ dhammādhiṭṭhānāya desanāya ekena nayena āmagandham vissajjtvā idāni yasmā te te sattā tehi tehi āmagandhehi samannāgatā, na eko eva sabbehi, na ca sabbe ekeneva, tasmā nesam te te āmagandhe pakāsetum “**ye idha kāmesu asaññatā janā**”ti-ādinā nayena puggalādhiṭṭhānāya tāva desanāya āmagandhe vissajjento dve gāthāyo abhāsi.

Tattha **ye idha kāmesu asaññatā janāti** ye keci idha loke kāmapaṭisevanasaṅkhātesu kāmesu mātimātucchādīsupi mariyādāvirahena bhinnasamvaratāya asaṃyatā puthujjanā. **Rasesu giddhāti** jivhāviññeyyesu rasesu giddhā gadhitā mucchitā ajjhosannā² anādīnavadassāvino anissaraṇapaññā rase paribhuñjanti. **Asucibhāvamassitāti**³ tāya rasagiddhiyā rasapaṭilābhatthāya nānappakāramicchājīvasaṅkhāta-asucibhāvamissitā. **Natthikadiṭṭhāti** “natthi dinnan”ti-ādidasavatthukamicchādīṭṭhisamannāgatā. **Visamāti** visamena kāyakammādinā samannāgatā. **Durannayāti** duviññāpayā sandiṭṭhiparāmāsī-ādhānaggāhīduppaṭinissaggitāsamannāgatā. **Esāmagandhoti** esa etāya gāthāya puggale adhiṭṭhāya niddiṭṭho “kāmesu asaṃyatatā rasagiddhatā ājīvavipatti natthikadiṭṭhikāyaduccaritādivisamatā durannayabhāvatā”ti⁴ aparopi pubbe vuttenevatthena chabbidho āmagandho veditabbo. **Na hi maṃsabhojananti** maṃsabhojanam pana yathāvuttenevatthena na āmagandhoti.

247. Dutiyagāthāyapi **ye lūkhasāti**⁵ ye lūkhā nirasā, attakilamathānuyuttāti attho. **Dāruṇāti** kakkhaḷā dovacassatāyuttā.

1. Yehi ye (Sī, Syā)

2. Ajjhopannā (Sī, Syā)

3. Asucikamissitāti (Sī, Syā)

4. Duranubodhoti (Sī)

5. Lūkharasāti (Ka)

Piṭṭhimamsikā¹ purato madhuraṃ bhaṇitvā parammukhe avaṇṇabhāsino.

Ete hi abhimukhaṃ oloketumasakkontā parammukhānaṃ
piṭṭhimamsakhādakā viya honti, tena “piṭṭhimamsikā”ti vuccanti.

Mittaddunoti mittadūhakā, dāradhanajīvitesu vissāsamāpanānaṃ mittānaṃ
tatha micchāpaṭipajjanakāti vuttaṃ hoti. **Nikkaruṇāti** karuṇāviraḥitā
sattānaṃ anattakāmā. **Atimānino**ti “idhekacco jātiyā vā -pa-
aññataraññatarena vatthunā pare atimaññati, yo evarūpo māno ketukamyatā
cittassā”ti² evaṃ vuttena atimānena samannāgatā. **Adānasīlāti**
adānapakatikā, adānādhimuttā asaṃvibhāgaratāti attho. **Na ca denti kassacīti**
tāya ca pana adānasīlatāya yācitāpi santā kassaci kiñci na denti,
adinnapubbakakule manussasadisā³ nijjhāmataṇhikapetaparāyaṇā honti.
Keci pana “adānasīlā”tipi paṭhanti, kevalaṃ gahaṇasīlā, kassaci pana kiñci
na dentīti. **Esāmagandho na hi maṃsabhojananti** esa etāya gāthāya puggale
adhiṭṭhāya niddiṭṭho “lūkhatā dāruṇatā piṭṭhimamsikatā mittadūbhitā
nikkaruṇatā atimānitā adānasīlatā adānan”ti aparopi pubbe vuttenevatthena
aṭṭhavidho āmagandho vedītabbo, na hi maṃsabhojananti.

248. Evaṃ puggalādhiṭṭhānāya desanāya dve gāthāyo vatvā puna tassa
tāpasassa āsayānuparivattanaṃ viditvā dhammādhiṭṭhānāyeva desanāya
ekaṃ gāthāṃ abhāsi. Tatha **koḍho** Uragasutte vuttanayeneva vedītabbo.
Madoti “jātimado gottamado ārogyamado”ti-ādinā⁴ nayena Vibhaṅge
vuttappabhedo cittassa majjanabhāvo. **Thambhoti** thaddhabhāvo.
Paccupaṭṭhāpanāti paccanīkaṭṭhāpanā⁵, dhammena nayena vuttassa
paṭivirujjhitvā ṭhānaṃ. **Māyāti** “idhekacco kāyena duccharitaṃ caritvā”ti-
ādinā⁶ nayena Vibhaṅge vibhattā katapāpapaṭicchādanatā. **Usūyāti**
paralābhasakkārādīsū issā. **Bhassasamussayoti** samussitaṃ bhassaṃ,
attukkamaṇatāti vuttaṃ hoti. **Mānātimānoti** “idhekacco jātiyā vā -pa-
aññataraññatarena vatthunā pubbakālaṃ

1. Parapiṭṭhimamsikāti (Ka)

2. Abhi 2. 369 piṭṭhe.

3. Manussapurisā (Ka)

4. Abhi 2. 359 piṭṭhe.

5. Paccupaṭṭhāpanāti paccanīkaṭṭhāpanā (Sī), paccupaṭṭhāpanāti paccanīkupaṭṭhānā (Ka)

6. Abhi 2. 372 piṭṭhe.

parehi sadisaṃ attānaṃ dahati, aparakālaṃ attānaṃ seyyaṃ dahati, pare hīne dahati, yo evarūpo māno -pa- ketukamyatā cittassā”ti¹ Vibhaṅge vibhatto. **Asabbhi santhavoti** asappurisehi santhavo. **Esāmagandho na hi maṃsabhojananti** esa kodhādi navavidho akusalarāsi pubbe vuttenevatthena āmagandhoti veditabbo, na hi maṃsabhojananti.

249. Evaṃ dhammādhiṭṭhānāya desanāya navavidhaṃ āmagandhaṃ dassetvā punapi pubbe vuttanayeneva puggalādhiṭṭhānāya desanāya āmagandhe vissajjento tisso gāthāyo abhāsi. Tattha **ye pāpasīlāti** ye pāpasamācāratāya “pāpasīlā”ti loke pākaṭā. **Ṇaghātasūcakāti** Vasalasutte vuttanayena iṇaṃ gahetvā tassa appadānena iṇaghātā, pesuññena sūcakā ca. **Vohārakūṭā idha pāṭi rūpikāti** dhammaṭṭaṭṭhāne² thitā lañjaṃ gahetvā sāmike parājentā kūṭena vohārena samannāgatattā vohārakūṭā, dhammaṭṭapaṭirūpakattā pāṭirūpikā. Atha vā **idhāti** sāsane. **Pāṭirūpikāti** dussīlā. Te hi yasmā nesam iriyāpathasampadādīhi sīlavantapaṭirūpaṃ³ atthi, tasmā paṭirūpā, paṭirūpā eva pāṭirūpikā. **Narādhamā yedha karonti kibbisanti** ye idha loke narādhamā mātāpitūsu Buddhapaccekabuddhādīsū ca micchāpaṭipattisaññitaṃ kibbisaṃ karonti. **Esāmagandho na hi maṃsabhojananti** esa etāya gāthāya puggale adhiṭṭhāya niddiṭṭho “pāpasīlatā iṇaghātata sūcakatā vohārakūṭatā pāṭirūpikatā kibbisakāritā”ti aparopi pubbe vuttenevatthena chabbidho āmagandho veditabbo, na hi maṃsabhojananti.

250. **Ye idha pāṇesu asaññatā janāti** ye janā idhaloke pāṇesu yathākāmacāritāya satampī sahasampī māretvā anuddayāmatassāpi akaraṇena asaṃyatā. **Paresamādāya vihesamuyyutāti** paresaṃ santakaṃ adāya dhanam vā jīvitaṃ vā tato “mā evaṃ karoṭhā”ti yācantānaṃ vā nivārentānaṃ vā pañileḍḍudaṇḍādīhi vihesaṃ uyyutā, pare vā satte samādāya “ajja dasa, ajja vīsan”ti evaṃ samādiyitvā tesam vadhabandhanādīhi vihesamuyyutā. **Dussīlaluddāti** nissīlā ca

1. Abhi 2. 369 piṭṭhe.

2. Dhammaṭṭaṭṭhāne (Syā)

3. Sīlavantapaṭirūpatā (Sī)

durācārattā, luddā ca kurūrakammantā lohitapāṇitāya,
 macchaghātakamigabandhakasākuṇikādayo idhādhippetā. **Pharusāti**
 pharusavācā. **Anādarāti** “idāni na karissāma, viramissāma evarūpā”ti evaṃ
 ādaravirahitā. **Esāmagandho na hi maṃsabhojananti** esa etāya gāthāya
 puggale adhiṭṭhāya niddiṭṭho “pāṇātipāto vadhachedabandhanan”ti-ādinā
 nayena pubbe vutto ca avutto ca¹ “pāṇesu asaṃyatatā paresaṃ vihesatā
 dussīlatā luddatā pharusatā anādarō”ti chabbidho āmagandho veditabbo, na
 hi maṃsabhojananti. Pubbe vuttampi hi sotūnaṃ sotukāmatāya
 avadhāraṇatāya daḷhīkaraṇatāyāti² evamādīhi kāraṇehi puna vuccati. Teneva
 ca parato vakkhati “iccetamattham Bhagavā punappunaṃ, akkhāsi nam
 vedayi mantapārāgū”ti.

251. **Etesu giddhā viruddhātipātinoti** etesu pāṇesu gedhena giddhā,
 dosena viruddhā, mohena ādinavaṃ apassanto punappunaṃ
 ajjhācārappattiyā atipātino, etesu vā “pāṇātipāto vadhachedabandhanan”ti-
 ādinā nayena vuttetu pāpakammesu yathāsambhavaṃ ye
 gedhavirodhatipātasankhātā rāgadosamohā, tehi giddhā viruddhā atipātino
 ca. **Niccuyyutāti** akusalakaraṇe niccaṃ uyyutā, kadāci paṭisaṅkhāya
 appaṭiviratā. **Peccāti** asmā lokā paraṃ gantvā. **Tamaṃ vajanti ye, patanti**
sattā nirayaṃ avamsirāti ye lokantarikandhakārasaṅkhātāṃ
 nīcakulatādibhedam vā tamaṃ vajanti, ye ca patanti sattā Avīci-ādibhedam
 nirayaṃ avamsirā adhogatasīsā. **Esāmagandhoti** tesam sattānaṃ
 tamavajanānirayapatanahetu esa gedhavirodhātipātabhedo
 sabbāmagandhamūlabhūto yathāvuttenatthena tividho āmagandho. **Na hi**
maṃsabhojananti maṃsabhojanam pana na āmagandhoti.

252. Evam Bhagavā paramatthato āmagandham vissajjetvā
 duggatimaggabhāvañcassa pakāsetvā idāni yasmim macchamaṃsabhojane
 tāpaso āmagandhasaññī duggatimaggasaññī ca hutvā tassa abhojanena
 suddhikāmo hutvā taṃ na bhuñjati, tassa ca aññassa ca tathāvidhassa
 sodhetum asamatthabhāvaṃ dassento “**na macchamaṃsan**”ti imaṃ
 chappadam gāthamāha. Tattha

1. Pubbe vutto vā (Sī)

2. Daḷhīkaraṇatthāyāti (Sī)

sabbapadāni antimapādena yojetabbāni—na macchamaṃsaṃ sodheti maccaṃ avitiṇṇakaṅkhaṃ, na āhutiyaññamutūpasevanā sodheti maccaṃ avitiṇṇakaṅkhanti evaṃ. Ettha ca **na macchamaṃsanti** akhādiyamānaṃ macchamaṃsaṃ na sodheti, tathā **anāsakattanti** evaṃ porāṇā vaṇṇenti. Evaṃ pana sundaratarāṃ siyā “na macchamaṃsānaṃ anāsakattaṃ na macchamaṃsānānāsakattaṃ, macchamaṃsānaṃ anāsakattaṃ na sodheti¹ maccaṃ”ti. Athāpi siyā, evaṃ sante anāsakattaṃ ohīyatīti? Tañca na, amaratapena saṅgahitattā. “Ye vāpi loke amarā bahū tapā”ti ettha hi sabbopi vuttāvaseso attakilamatho saṅgahaṃ gacchatīti. **Naggiyanti** acelakattaṃ. **Muṇḍiyanti** muṇḍabhāvo. **Jaṭājallanti** jaṭā ca rajojallañca. **Kharājīnānīti** kharāni ajinacammaṇi. **Aggiuttassupasevanāti** aggipāricariyā. **Amarāti** amarabhāvapaṭthanatāya pavattakāyakilesā. **Bahūti** ukkuṭikappadhānādibhedato aneke. **Tapāti** sarīrasantāpā. **Mantāti** vedā. **Āhuti**ti aggihomakammaṃ. **Yaññamutūpasevanāti** assamedhādiyaññā ca utūpasevanā ca. Utūpasevanā nāma gimhe ātapaṭṭhānasevanā, vasse rukkhamaṃlasevanā, hemante jalappavesasevanā. **Na sodhenti maccaṃ avitiṇṇakaṅkhanti** kilesasuddhiyā vā bhavasuddhiyā vā avitiṇṇavicikicchaṃ maccaṃ na sodhenti. Kaṅkhāmale hi sati na visuddho hoti, tvañca sakaṅkhoyevāti. Ettha ca “avitiṇṇakaṅkhan”ti etaṃ “na macchamaṃsan”ti-ādīni sutvā “kiṃ nu kho macchamaṃsānaṃ abhojanādīnā siyā Visuddhimaggo”ti tāpasassa kaṅkhāya uppannāya Bhagavatā vuttaṃ siyāti no adhippāyo. Yā cassa “so macchamaṃsaṃ bhujati”ti sutvāva Buddhe kaṅkhā uppannā, taṃ sandhāyetaṃ vuttanti veditabbaṃ.

253. Evaṃ macchamaṃsānāsakattādīnaṃ sodhetuṃ asamatthabhāvaṃ dassetvā idāni sodhetuṃ samatthe dhamme dassento “**sotesu² gutto**”ti imaṃ gāthamāha. Tattha **sotesūti** chasu indriyesu. **Guttoti** indriyasaṃvaraguttiyā samannāgato. Ettāvatā indriyasaṃvaraparivārasīlaṃ dasseti. **Viditindriyo careti** nātapariññāya chaḷindriyāni viditvā pākaṭāni katvā careyya, vihareyyāti vuttaṃ hoti. Ettāvatā visuddhasīlassa nāmarūpaparicchedaṃ dasseti. **Dhamme ṭhitoti** ariyamaggena abhisametabbacatusaccadhamme ṭhito. Etena sotāpattibhūmiṃ dasseti.

1. Na macchamaṃsānaṃ anāsakattaṃ na sodheti (Sī)

2. Yo tesu (Ka)

Ajjavamaddave ratoti ujubhāve ca mudubhāve ca rato. Etena sakadāgāmibhūmim dasseti. Sakadāgāmī hi kāyavaṅkādikarānaṃ cittathaddhabhāvakarānaṃ rāgadosānaṃ tanubhāvā ajjavamaddave rato hoti. **Saṅgātigoti** rāgadosasaṅgātigo. Etena anāgāmibhūmim dasseti. **Sabbadukkhappahīnoti** sabbassa vaṭṭadukkhassa hetuppahānena pahīnasabbadukkho. Etena arahattabhūmim dasseti. **Na lippati diṭṭhasutesu dhīro**ti so evaṃ anupubbena arahattaṃ, patto dhitisampadāya dhīro diṭṭhasutesu dhammesu kenaci kilesena na lippati. Na kevalaṅca diṭṭhasutesu, mutaviññātesu ca na lippati, aññadatthu paramavisuddhippatto hotīti arahattanikūṭena desanaṃ niṭṭhāpesi.

254-5. Ito param **“iccetamatthan”**ti dve gāthā saṅgītikārehi vuttā. Tāsamattho—**īti Bhagavā Kassapo etamattham punappunam** anekāhi gāthāhi dhammādhiṭṭhānāya puggalādhiṭṭhānāya ca desanāya yāva tāpaso aññāsi, tāva so **akkhāsi** kathesi vitthāresi. **Nam ve dayi mantapāragūti** sopi taṅca attham mantapāragū vedapāragū Tisso brāhmaṇo vedayi aññāsi. Kimkāraṇā? Yasmā atthato ca padato ca desanāyato ca **citrāhi gāthāhi Munī pakāsai**. Kīdiso? **Nirāmagandho asito durannayo**, āmagandhakilesābhāvā nirāmagandho, taṇhādiṭṭhinissayābhāvā asito, bāhiradiṭṭhivasena “idaṃ seyyo idaṃ varan”ti kenaci netum asakkuṇeyyattā durannayo. Evaṃ pakāsitavato cassa **sutvāna Buddhassa subhāsitaṃ padam** sukathitaṃ dhammadesanaṃ sutvā **nirāmagandham** nikkilesayogaṃ, **sabbadukkhappanudanam** sabbavaṭṭadukkhappanudanam, **nīcamano** nīcacitto hutvā **vandi Tathāgatassa**, Tisso brāhmaṇo Tathāgatassa pāde pañcapatiṭṭhitaṃ katvā vandi. **Tattheva pabbajjamarocayitthāti** tattheva ca nam āsane nisinnaṃ Kassapaṃ Bhagavantaṃ Tisso tāpaso pabbajjamarocayittha, ayācīti vuttaṃ hoti. Tam Bhagavā “chi bhikkhū”ti āha, so taṅkhaṇaññeva aṭṭhaparikkhārayutto hutvā ākāsenāgantvā vassasatikatthero viya Bhagavantaṃ vanditvā katipāheneva sāvakaparamiññaṃ paṭivijjhivā **Tisso** nāma aggasāvako ahoṣi, puna dutiyo **Bhāradvājo** nāma. Evaṃ tassa Bhagavato Tissabhāradvājaṃ nāma sāvakayugaṃ ahoṣi.

Amhākaṃ pana Bhagavā yā ca tissenā brāhmaṇena ādito tisso gāthā vuttā, yā ca Kassapena Bhagavatā majjhe nava, yā ca tadā saṅgītikārehi ante dve, tā sabbāpi cuddasa gāthā ānetvā paripuṇṇaṃ katvā imaṃ Āmagandhasuttaṃ ācariyappamukhānaṃ pañcannaṃ tāpasasatānaṃ āmagandhaṃ byākāsi. Taṃ sutvā so brāhmaṇo tatheva nīcamano hutvā Bhagavato pāde vanditvā pabbajjaṃ yāci saddhiṃ parisāya, “etha bhikkhavo”ti Bhagavā avoca. Te tatheva ehibhikkhubhāvaṃ patvā ākāsenāgantvā Bhagavantaṃ vanditvā katipāheneva sabbeva aggaphale arahatte patiṭṭhahimsūti.

Paramatthajotikāya Khuddakaṭṭhakathāya

Suttanipātaṭṭhakathāya

Āmagandhasuttavaṇṇanā niṭṭhitā.

3. Hirisuttavaṇṇanā

Hiriṃ tarantanti Hirisuttaṃ. Kā uppatti? Anuppanne Bhagavati Sāvatthiyaṃ aññataro brāhmaṇamahāsālo aḍḍho ahoṣi asītikotiḍḍhanavibhavo. Tassa ekaputtako ahoṣi piyo mahāpo, so taṃ devakumāraṃ viya nānappakārehi sukhūpakaraṇehi saṃvaḍḍhento taṃ sāpateyyaṃ tassa aniyyātetvāva kālamakāsi saddhiṃ brāhmaṇiyā. Tato tassa māṇavassa mātāpitūnaṃ accayena bhaṇḍāgāriko sārāgabbhaṃ vivaritvā sāpateyyaṃ niyyātentō āha “idaṃ te sāmi mātāpitūnaṃ santakaṃ, idaṃ ayyakapayyakānaṃ santakaṃ, idaṃ sattaikulaparivaṭṭena āgatan”ti. māṇavo dhanāṃ disvā cintesi “idaṃ dhanāmyeva dissati, yehi pana idaṃ sañcītaṃ, te na dissanti, sabbeva maccuvasaṃ gatā. Gacchantā ca na ito kiñci ādāya agamaṃsu, evaṃ nāma bhoge pahāya gantabbo paraloko, na sakkā kiñci ādāya gantunā aññatra sucaritena, yaṃnunāhaṃ imaṃ dhanāṃ pariccajivā sucaritadhanāṃ gaṇheyyaṃ, yaṃ sakkā ādāya gantun”ti. So divase divase satahassaṃ vissajjento puna cintesi “pahūtamidaṃ dhanāṃ, kiṃ iminā evamappakena pariccāgena,

yaṃnūnāhaṃ mahādānaṃ dadeyyan”ti. So rañño ārocesi “mahārāja mama ghare ettakaṃ dhanam atthi, icchāmi tena mahādānaṃ dātuṃ, sādhu mahārāja nagare ghosanaṃ kārapethā”ti. Rājā tathā kārapesi. So āgatāgatānaṃ bhājanāni pūretvā sattahi divasehi sabbadhanamadāsi, datvā ca cintesi “evaṃ mahāpariccāgaṃ katvā ayuttaṃ ghare vasituṃ, yaṃnūnāhaṃ pabbajeyyan”ti. Tato parijanassa etamatthaṃ ārocesi, te “mā tvaṃ sāmi ‘dhanam parikkhīṇan’ti cintayi, mayaṃ appakeneva kālena nānāvidhehi upāyehi dhanasañcayam karissāmā”ti vatvā nānappakārehi taṃ yācimsu. So tesam yācanaṃ anādiyitvāva tāpasapabbajjam pabbaji.

Tattha aṭṭhavidhā tāpasā—saputtabhariyā uñchācārikā sampattakālikā anaggipakkikā asmamuṭṭhikā dantaluyyakā pavattaphalikā vaṇṭamuttikā cāti¹. Tattha **saputtabhariyā**ti puttadārena saddhim pabbajitvā kasivaṇijjādīhi jīvikam kappayamānā Keṇiyajaṭilādayo. **Uñchācārikā**ti nagaradvāre assamaṃ kārapetvā tattha khattiyabrāhmaṇakumārādayo sippādīni sikkhāpetvā hiraññasuvaṇṇam paṭikkhipitvā tilataṇḍulādikappiyabhaṇḍapaṭiggāhakā, te saputtabhariyehi seṭṭhatarā. **Sampattakālikā**ti āhāraṇḍāya sampattam āhāram gahetvā yāpentā, te uñchācārikehi seṭṭhatarā. **Anaggipakkikā**ti agginā apakkapattaphalāni khāditvā yāpentā, te sampattakālikehi seṭṭhatarā. **Asmamuṭṭhikā**ti muṭṭhipāsāṇam gahetvā aññaṃ vā kiñci vāsisatthakādīm gahetvā vicarantā yadā chātā honti, tadā sampattarukkhatō tacam gahetvā khāditvā uposathaṅgāni adhiṭṭhāya cattāro brahmavihāre bhāventi, te anaggipakkikehi seṭṭhatarā. **Dantaluyyakā**ti muṭṭhipāsāṇādīnipi agahetvā carantā khudākāle sampattarukkhatō dantehi uppāṭetvā tacam khāditvā uposathaṅgāni adhiṭṭhāya brahmavihāre bhāventi, te asmamuṭṭhikehi seṭṭhatarā. **Pavattaphalikā**ti jātassaram vā vanasaṇḍam vā nissāya vasantā yaṃ tattha sare bhisamuḷālādi, yaṃ vā vanasaṇḍe pupphakāle puppham, phalakāle phalam, tameva khādanti, pupphaphale asati antamaso tattha rukkhapapaṭikampi khāditvā vasanti, na tveva āhāratthāya aññaṭra gacchanti,

1. Di-Ṭṭha 1. 241 piṭṭhepi passitabbam.

uposathaṅgādhiṭṭhānaṃ brahmavihārabhāvanañca karonti, te dantaluyyakehi seṭṭhatarā. **Vaṇṭamuttikā** nāma vaṇṭamuttāni bhūmiyaṃ patitāni paṇṇāniyeva khādanti, sesaṃ purimasadisameva, te sabbaseṭṭhā.

Ayaṃ pana brāhmaṇakulaputto “tāpasapabbajjāsu aggapabbajjāṃ pabbajissāmi”ti vaṇṭamuttikapabbajjameva pabbajitvā Himavante dve tayo pabbate atikkamma assamaṃ kārāpetvā paṭivasati. Atha Bhagavā loka uppajjitvā pavattitavaradhammacakko anupubbena Sāvattihim gantvā Sāvattihyaṃ viharati Jetavane Anāthapiṇḍikassa ārāme. Tena kho pana samayena Sāvattihivāsī eko puriso pabbate candanasārādīni gavesanto tassa assamaṃ patvā abhivādetvā ekamantaṃ aṭṭhāsi. So taṃ disvā “kuto āgatosi”ti pucchi. Sāvattihito bhanteti. Kā tattha pavattīti. Tattha bhante manussā appamattā dānādīni puññāni karontīti. Kassa ovādaṃ sutvāti. Buddhassa Bhagavatoti. Tāpaso Buddhasaddasavanena vimhito “Buddhoti tvaṃ bho purisa vadesi”ti āmagandhe vuttanayeneva tikkhattuṃ pucchitvā “ghosopi kho eso dullabho”ti attamano Bhagavato santikaṃ gantukāmo hutvā cintesi “na yuttaṃ Buddhassa santikaṃ tucchameva gantuṃ, kiṃ nu kho gahetvā gaccheyyan”ti. Puna cintesi “Buddhā nāma āmisagarukā na honti, handāhaṃ dhammapaṇṇākāraṃ gahetvā gacchāmi”ti cattāro pañhe abhisāṅkhari—

“Kīdiso mitto na sevitabbo,
Kīdiso mitto sevitabbo.
Kīdiso payogo payuñjitabbo,
Kiṃ rasānaṃ aggan”ti.

So te pañhe gahetvā Majjhimadesābhimukho pakkamitvā anupubbena Sāvattihim patvā Jetavanaṃ pavitṭho, Bhagavāpi tasmim samaye dhammadesanattāya āsane nisinnoyeva hoti. So Bhagavantaṃ disvā avanditvāva ekamantaṃ aṭṭhāsi. Bhagavā “kacci isi khamanīyan”ti-ādinā nayena sammodi, sopi “khamanīyaṃ bho Gotamā”ti-ādinā nayena paṭisammoditvā “yadi Buddho bhavissati, manasā pucchite pañhe vācāya eva vissajjessati”ti manasā eva Bhagavantaṃ te pañhe pucchi. Bhagavā brāhmaṇena puṭṭho

ādīpañhaṃ tāva vissajjetuṃ **hirim tarantanti** ārabhitvā aḍḍhateyyā gāthāyo āha.

256. Tāsaṃ attho—**hirim tarantanti** hirim atikkamantaṃ ahirikaṃ nillajjaṃ. **Vijigucchamānanti** asucimiva passamānaṃ. Ahiriko hi hirim jigucchati asucimiva passati, tena naṃ na bhajati na alliyati. Tena vuttaṃ “vijigucchamānaṃ”ti. **Tavāhamasmi¹ iti bhāsamānanti** “ahaṃ samma tava saḥāyo hitakāmo sukhakāmo, jīvitampi me tuyhaṃ atthāya pariccattan”ti evamādinā nayena bhāsamānaṃ. **Sayhāni kammāni anādiyantanti** evaṃ bhāsivāpi ca sayhāni kātuṃ sakkānipi tassa kammāni anādiyantaṃ karaṇatthāya asamādiyantaṃ. Atha vā cittaena tattha ādaramattampi akarontaṃ, apica kho pana uppannesu kiccesu byasanameva dassentaṃ. **Neso mamanti iti naṃ vijaññāti** taṃ evarūpaṃ “mittapaṭirūpako eso, neso me mitto”ti evaṃ paṇḍito puriso vijāneyya.

257. **Ananvayanti** yaṃ atthaṃ dassāmi, karissāmīti ca bhāsati, tena ananugataṃ. **Piyaṃ vācaṃ yo mittesu pakubbatīti** yo atītānāgatehi padehi paṭisantharanto niratthakena saṅgaṇhanto kevalaṃ byañjanacchāyamatteneva piyaṃ mittesu vācaṃ pavatteti. **Akarontaṃ bhāsamānaṃ, pari jānanti paṇḍitāti** evarūpaṃ yaṃ bhāsati, taṃ akarontaṃ, kevalaṃ vācāya bhāsamānaṃ “vacīparamo nāmesa amitto mittapaṭirūpako”ti evaṃ paricchinditvā paṇḍitā jānanti.

258. **Na so mitto yo sadā appamatto, bhedāsaṅkī randhamevānupassīti** yo bhedameva āsaṅkamāno katamadhurena upacārena sadā appamatto viharati, yaṃkiñci assatiyā amanasikārena kataṃ, aññāṇakena vā akataṃ, “yadā maṃ garahissati, tadā naṃ etena paṭicodessāmi”ti evaṃ randhameva anupassati, na so mitto sevītabboti.

Evaṃ Bhagavā “kīdiso mitto na sevītabbo”ti imaṃ ādīpañhaṃ vissajjetvā dutiyaṃ vissajjetuṃ “**ya smiñca seti**”ti imaṃ upaḍḍhagāthamāha.

1. Sakhāhamasmi (Sī, Syā)

Tassattho—**yasmim ca** mitte mitto tassa hadayamanupavisitvā sayanena yathā nāma pitu **urasi putto** “imassa mayi urasi sayante dukkham vā anattamanatā vā bhaveyyā”ti-ādīhi aparisaṅkamāno nibbisaṅko hutvā **seti**, evamevaṃ dāradhanajīvitādīsu vissāsaṃ karonto mittabhāvena nibbisaṅkho seti. **Yo ca parehi** kāraṇasataṃ kāraṇasahassampi vatvā **abhejjo, sa ve mitto** sevitaḅboti.

259. Evaṃ Bhagavā “kīdiso mitto sevitaḅbo”ti evaṃ dutiyapañhaṃ vissajjetvā tatiyaṃ vissajjetuṃ “**pāmujjakaraṇaṃ**”ti gāthamāha. Tassattho—pāmujjaṃ karotīti **pāmujjakaraṇaṃ. Ṭhānanti** kāraṇaṃ. Kim pana tanti? Vīriyaṃ. Taṅhi dhammūpasañhitaṃ pītipāmojjasukhamuppādanato pāmujjakaraṇanti vuccati. Yathāha “svākhāte bhikkhave dhammavinaye yo āradhaviṛiyo, so sukhaṃ viharatī”ti¹. Pasaṃsaṃ āvahaṭīti **pasamsāvahanam**. Ādito dibbamānusakasukhānaṃ, pariyoṣāne nibbānasukhassa āvahanato phalūpacārena **sukhaṃ**. Phalaṃ paṭikaṅkhamāno **phalānisaṃso. Bhāvetīti** vaḍḍheti. **Vahanto porisaṃ dhuranti** purisaṃucchavikaṃ bhāraṃ ādāya viharanti etaṃ² sammappadhānavīriyasaṅkhātāṃ ṭhānaṃ bhāveti, idiso payogo sevitaḅboti.

260. Evaṃ Bhagavā “kīdiso payogo payuñjitaḅbo”ti tatiyapañhaṃ vissajjetvā catutthaṃ vissajjetuṃ “**pavivekarasaṃ**”ti gāthamāha. Tattha **pavivekoti** kilesavivekato jātattā aggaphalaṃ vuccati, tassa rasoti assādanatṭhena taṃsampayuttaṃ sukhaṃ. **Upasamopi**³ kilesūpasamante jātattā nibbānasaṅkhāta-upasamārammaṇattā vā tadeva, **dhammapītirasopi**⁴ ariyadhammato anapetāya nibbānasaṅkhāte dhamme uppanāya pītiyā rasattā tadeva. Taṃ pavivekarasaṃ upasamassa ca rasaṃ pitvā tadeva **dhammapītirasaṃ pivam niddaro hoti nippāpo**, pivitvāpi kilesapariḷāhābhāvena niddaro, pivantopi pahīnapāpattā nippāpo hoti, tasmā etaṃ rasānamagganti. Keci pana “jhānanibbānapaccavekkhaṇānaṃ kāyacitta-upadhivivekānañca vasena pavivekarasādayo tayo eva ete dhammā”ti

1. Am 1. 36 piṭṭhe.

3. Upasamoti (Sī), upasamassāti (Syā)

2. Ekam (Sī)

4. Dhammapītirasoti (Sī, Syā)

yojenti, purimameva sundaram. Evaṃ Bhagavā catutthapañhaṃ vissajjento arahattanikūḷeṇa desanaṃ niṭṭhāpesi, desanāpariyosāne brāhmaṇo Bhagavato santike pabbajitvā katipāheneva paṭisambhidāppatto arahā ahoṣīti.

Paramatthajotikāya Khuddakaṭṭhakathāya

Suttanipātaṭṭhakathāya

Hirisuttavaṇṇanā niṭṭhitā.

(Paṭhamo bhāgo niṭṭhito.)

Suttanipātaṭṭhakathāya paṭhamabhāge

Saṁvaṇṇitapadānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akaraṃ	106		Ajjhagamā	18
Akaraṇīyaṃ	178		Ajjhagā	280
Akarontaṃ	312		Ajjhattaṃ	19
Akiñcanaṃ	211		Ajjhabhāsi	128
Akusalā	21		Ajjhāyakakule	174
Akusītavutti	110		Ajjhenakuttaṃ	302
Akkodhano	27		Aññaṃ	153
Akkhadhutto	154		Aññatarampi	57
Akkhātāraṃ	205		Aññataro	142
Akkhāsi	308		Aññatra	243
Akkhigūthako	239		Aññāya	247, 260
Akkhimhā	239		Aññēpi	229
Akhilaṃ	250		Aṭṭha	281
Agārasmā	141		Aṭṭhasataṃ	281
Agiddho	247		Aṭṭhāna taṃ	94
Aggato	258		Aṭṭhinahārusaṃyutto	237
Aggadānaṃ	257		Aṇukā	186
Aggi pajjalito	157		Aṇṇavaṃ	209, 227
Aggihuttassupasevanā	307		Atikkanto	202
Accagamā	20		Atigo	210
Accasāri	19		Atitariya	260
Accutaṃ	243		Atipātino	306
Achambhī	78		Atimaññeti	154
Ajja	130, 197, 230		Atimaññetha	188
Ajjatagge	141		Atimānino	304
Ajjavamaddave	308		Atītayobbano	155

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Attaṭṭhapaññā	118	Ananugiddho	184
Attavetanabhato	34	Ananvayaṃ	312
Attahetu	161	Anappakā	38
Atthaṃ	65, 162	Anapekkhamāno	100
Attha	230	Anapekkhā	240
Atthakusalena	178	Anapekkhinaṃ	205
Atthāya	231	Anabhijjhitaṃ	75
Atthi	186, 272	Anarahaṃ santo	164
Attho	178, 230	Analaṅkaritvā	100
Atha	26, 125, 239	Anavajjapadāni	147
Athopi	269	Anavassuto	104
Adassanā	243	Anavasesā	186
Adānasīlā	304	Anādarā	306
Adiṭṭhā	187	Anādiyantaṃ	312
Adinnaṃ	161	Anānugiddho	146
Adesayi	291	Anāvilaṃ	202
Addakki	246	Anāsakattaṃ	307
Addasāma	211	Anāsavaṃ	250, 260
Addhā	84	Anikāmayāṃ	247
Adhikāro	44	Aniketāṃ	245
Adhivāhanaṃ	135	Anitthigandho	60
Adho	189	Anivattantaṃ	135
Anagāriyaṃ	141	Anissito	107
Anaggipakkikā	310	Anīgho	22-3
Anaññaneyyaṃ	251	Anukampamāno	65
Anaññaneyyo	95	Anuṭṭhātā	152
Anaññaposī	106	Anutīre	26
Anatimānī	178, 182	Anuttaro	290
Anatthadassī	98	Anudhammacārī	111
Anatthamanusāsati	162	Anupaggamma	191

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anupalittam	249	Appasādo	102
Anuppavecche	246	Appaharite	138
Anusayā	21	Appāṇake	138
Anusāsati	162	Appāhārā	204
Anejaṁ	146	Abaddho	73
Aneḷamūgo	112	Abhabbatā	288
Anottappī	163	Abhabbo so	288
Anomanāmo	198	Abhikkantam	139
Antakarā	39	Abhikkanta	139
Antapūro	238	Abhijāyati	252
Antalikkhe	269	Abhiññā	141
Antarato	19	Abhiṭhānāni	287
Andhakā	30	Abhiṇham	174
Andhakāre	140	Abhinīhāro	43
Anvayaṁ	63	Abhibhuyyacārī	115
Aparaṁ	142	Abhiruyha	167
Apariḍayhamāno	104	Abhisamecca	178, 180
Aparimāṇam	188, 189	Abhejjo	313
Apaviddho	240	Abhojaneyyam	136
Apāyehi	287	Amataṁ	243, 280, 283
Apekkhā	67	Amatapphalā	136
Appakicco	183	Amamo	261
Appagabbho	183	Amarā	307
Appaṭigho	78	Ambu	103
Appaṭibaddhacitto	106	Ambucārī	103
Appabhogo	155	Ayam	243
Appamattam	251	Araññaṁ	161
Appamattā	271	Araññaṁhi	73
Appamatto	112, 141, 228	Araham	164
Appamādena	227	Arahataṁ	142

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Ariṅcamāno	111	Asajjamāno	67, 114
Ariyasaccāni	284	Asaññatā	303, 305
Ariyasāvako	148	Asaññato	148, 261
Ariye pathe	211	Asataṃ	163
Ariyo	156	Asataṃ dhammo	152
Arogā	34	Asattaṃ	211
Arocayittha	308	Asantaṃ	163
Arosaneyyo	256	Asantasamṃ	117
Alaṃ	258	Asantasantaṃ	251
Alaso	152	Asantasanto	114
Alikamṃ	301	Asanto	151
Alippamānaṃ	251	Asanthavaṃ	245
Alīnacitto	110	Asapattaṃ	189
Alolaṃ	33	Asabbhi	305
Alolā	32	Asamā	261
Alolupā	204	Asampakampiyo	284
Alolo	106	Asampavedhī	36
Avamsirā	306	Asambādhamṃ	189
Avajānāti	163	Asitaṃ	260
Avajāneyya	243	Asito	308
Avijjāya	240	Asuci	239
Avitiṇṇakaṅkhamṃ	307	Asucibhāvamassitā	303
Avirujjhamāno	116	Asuci savati	239
Avirūḷhichandā	291	Asucī	119
Aviheṭṭhayaṃ	57	Asesaṃ	15
Avekkhiya	156	Asesā	19
Avecca passati	284	Asnamānā	301
Avedhamānaṃ	251	Asmamuttṭhitā	310
Averaṃ	189	Asmi	25
Asajjamānaṃ	251	Assa	178, 239, 286

Padānukkamo	Piṭṭhaṅko	Padānukkamo	Piṭṭhaṅko
	[A]		[Ā]
Assavā	32	Āhāre	133
Ahaṃ	25, 221	Āhito	26
Ahiriko	163	Āhuti	307
	[Ā]	Āhuti paggaḥitā	157
Āgacchum	167	Āḷavī	212
Āgataṃ	162		[I - Ī]
Āgamanāya	22	Iṅgha	144, 229
Āgamhā	150	Iṅjanā	236
Ācare	184	Iṭṭhe anīṭṭhe	198
Ācikkheyya	140	Iṇaṃ	161
Ātāpī	141	Iṇaghātasūcakā	305
Ādāya	161, 125	Iṇamatthi	161
Ādīnavam	111	Itarītarena	78
Ādeti	161	Iti	25, 39, 102, 151
Ānantarikaṃ	280	Itibhavābhavataṅca	19
Āneti	155	Itthattāya	142
Āmagandham	301	Itthidhutto	154
Āmagandho	302	Idaṃ	20
Āmantanā	75	Idampi	279
Āyatike bhavasmiṃ	291	Iddhimanto	212
Āyusā	188	Idha	146, 190, 224, 241, 268, 272, 305
Āyūhati	247	Indakhīlo	284
Āradhaviṛiyo	110	Imaṃ papañcaṃ	20
Ārā pamādamhā	200	Iva	11
Āvaraṇāni	107	Issā	155
Āvahāti	224, 225	Īti	89
Āvikaromi	145	Īsā	132
Āsavā khīṇā	202		
Āsevamāno	116		

Padānukkamo	Piṭṭhaṅko	Padānukkamo	Piṭṭhaṅko
[E]		[Ka]	
Etam	209	Kataṃ karaṇīyaṃ	142
Etam kasim	136	Kati	144
Etam bhayaṃ	65	Katthaci	188
Etam satim	190	Katvāna	147
Ete kho vasalā	166	Katham	208, 224
Etena saccena	279	Kathamjīvijīvitam	224
Etesu	282, 306	Katham su	227
Evaṃ	122	Kadariyo	163
Eva	269	Kamamānaṃ	211
Esā kāyassa	236	Kamma karoti	288
Esāmagandho	303	Kammanto	126
Esāham	141	Karaṇīyaṃ	142, 178
Esino	229	Karuṇā	116
[O]		Kasi	135
Okkhittacakkhū	104	Kasitvāna	136
Ogahaṇe	252	Kasibhāradvājassa	124
Oghaṃ	32, 209, 260	Kāmakāmā	301
Oram	22	Kāmabhava	211
Orapāraṃ	12	Kāmasaññāya	210
Oropayitvā	80	Kāmasukham	100
Osadhehi	11	Kāmā	88, 202
[Ka]		Kāmālaye	211
Kaṃsapātiyā	136	Kāmesu	205, 303
Kaṅkham	99	Kāyagutto	133
Kaṅkhachidam	146	Kāyassa	236
Kacci	198	Kāyena	288
Kacche	30	Kāraṇatthā	118
Kaṅci	188	Kāle	116
Kaṭṭhā	135	Kim	224
		Kiṅcāpi te	285

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Kiñci	184, 280	Khilā	36
Kiñcikkhakamyatā	161	Khīṇaṃ	291
Kiñcikkhamādeti	161	Khīṇabijā	291
Kibbisam	305	Khīṇabyappatho	201
Kimaññaṭṭha	243	Khīṇāsavaṃ	137
Kisā	204	Khuddamācare	184
Kisimim	206	Khemino	185
Kisimim loko	206	Kho	125, 165, 221
Kissa loko	206	Kho pana	124
Kakkuccavūpasantaṃ	137	[Ga]	
Kuṭi	26, 28	Gacchati	73
Kurute	151	Gaṇḍo	89
Kuladūsako	147	Gatayobbanam	152, 162
Kulaputtā	141	Gantvā	135
Kule kule	106	Ganthati	229
Kulesvananugiddho	184	Gabbhaseyyam	36, 191
Kevalinam	137	Gamane	75
Kodham	11	Gambhīrapaññaṃ	210
Kodhano	159	Gambhīrapaññaṇa	285
Kodhapaññaṇo	152	Gambhīre	210
Kodho	304	Garahāya	174
Kvaci	259	Gavampati	35
[Kha]		Gavippalam	301
Khaggavisāṇakappo	58	Gahaṭṭham	163-4
Khattiye kule	155	Gahaṭṭho	148
Khantya	230	Gaḷo	102
Khayam	280	Gāthābhigītaṃ	136
Kharājīnāni	307	Gāthāya	128
Khiddā	76, 100	Gāmā gāmaṃ	212

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ca]	
Gāmāni nigamāni ca	161	Carantaṁ	246, 251, 259
Gāme	161	Caranti	30
Gārayhā	174	Carāmase	39
Giddhā	303, 306	Carāmi	35
Gini	26, 29	Care	57, 97, 307
Gimhāna māse	289	Cāgā	230
Gihibandhanāni	81	Cāgo	229
Gihibyañjanāni	80	Cātuddiso	77
Gihī	261	Cārikāya	75
Guṇasampatti	44	Cārī	115
Guttindriyo	104	Ciṅgūlakā	301
Gutto	307	Cicciṭāyati	138
Gedhaṁ	106, 191	Ciṭciṭāyati	139
Gocarāya	73	Citrā	88
Gotamaṁ	198	Citrāhi gāthāhi	308
Gotamasāsanamhi	283	Cīnakāni	301
Godharaṇiyo	35	Cujjamāno	161
Gopī	32	Ce	26
Gopo	25	Coro	164
[Gha - Ca]		[Cha]	
Gharaṁ	229	Chaccābhiṭhānāni	287
Ca	161, 239	Chadanam	147
Cakkhumā	38, 202	Chandaṁ	208
Caṇḍālaputto	167	Chandatā	44
Catubbhi vātehi	284	Chandarāgaviratto	243
Caturo	144	Channā	26
Catūhapāyehi	287	Chaviyā kāyo	238
Cattāri	282	Chinnaganthaṁ	260
Caram	148, 236		

Padānukkamo	Piṭṭhaṅko	Padānukkamo	Piṭṭhaṅko
[Cha - Ja]		[Tha - Da]	
Chettum	36	Ṭhānaṃ	313
Chetvāna	81	Ṭhāne	75
Jaccā	166	Ṭhitatto	253
Jaññā	160	Ḍamsā	90
Jaṭājallaṃ	307	[Ta]	
Janam	161	Tam	135, 178, 221
Janā	303	Tam vāpi	258
Jahāti	12	Takkaṃ	247
Jahitā	286	Tacamaṃsāvalepano	237
Jātaṃ	245	Taṇhakkhayaṃ	112
Jātikhayantadassī	246	Taṇhakkhaye	249
Jātitthaddho	154	Taṇhā	16
Jātimaraṇassa pāraṃ	39	Tattheva	308
Jātu	191	Tathā idam	242
Jāyantaṃ	246	Tathā etaṃ	242
Jālaṃ	103	Tathāgataṃ	293
Jālamhi	114, 251	Tathāgatassa	308
Jigucchati	253	Tathāgatena	272
Jiṇṇakaṃ	152, 162	Tathūpamaṃ	284
Jiṇṇamivattacaṃ	12	Tadanuttaraṃ	141
Jīvati	145	Tadamināpi	167
Jīvitasañkhayamhi	117	Tadiṅgha	144
[Jha - Ña]		Tapā	307
Jhānaṃ	111, 201	Tapo	131
Jhānarataṃ	250	Tamaṃ vajanti	306
Ñatvā	20	Tayassu	286
Ñātayo	240	Tarantaṃ	312
Ñātīnaṃ	162	Tavāhamasmi	312
		Tasaraṃva	253

Padānukkamo	Piṭṭhaṅko	Padānukkamo	Piṭṭhaṅko
[Ta - Tha]		[Da]	
Tasā	186	Dakkhiṇāgirismim	123
Tasmā	269	Dakkhiṇeyyā	282
Tasmā hi ne	271	Daḍḍhaṃ	103
Tassa	288	Daṇḍaṃ	57
Tādiṃ	146, 260	Dadaṃ	229
Tādino	198, 199	Dantaluyyakā	310
Tādisaṃ	155	Damā	229
Tāvadeva	37	Dayā	160
Tiṭṭhaṃ	236	Darathajā	22
Tiṭṭhaṃ caraṃ	190	Dassanasampadāya	286
Tiṇṇakathaṃkatho	22, 23	Dassanasampanno	156
Tiṇṇo	31	Dassanena	191
Timbarutthaniṃ	255	Daharo	256
Tiriyam	189	Daḷhanikkamo	110
Te	282, 283, 291	Daḷhena	283
Te te	145	Dāṭhabalī	115
Tena	126, 138	Dāmā	36
Tena dhammena	280	Dāraposī	261
Tena samo	281	Dāruṇā	303
Tena hi	159	Dāresu	67, 162
Tesaṃ	57	Dārehi	154
Toyena	114	Dālayitvā	36
Thambho	304	Diṭṭhapadassa	288
Thalaṃ	37	Diṭṭhamaṅgalika	168
Thāmabalūpapanno	110	Diṭṭhasutesu	308
Thāvarā	186	Diṭṭhā	187
Thutum	258	Diṭṭhiñca	191
Thulā	187	Diṭṭhīvisūkāni	95
Theyyam	302	Diṭṭheva dhamme	141, 174
Theyyā	161	Dinnāni	282

Padānukkamo	Piṭṭhaṅko	Padānukkamo	Piṭṭhaṅko
[Da]		[Dha]	
Dibbā	197	Dhaññāni	101
Dibbe pathe	211	Dhanahetu	161
Divā ca	271	Dhanāni	101
Disvā	85	Dhaniyo	25
Dīgharattaṃ	32	Dhammakāmo	150
Dīghā	186	Dhammadessi	150
Dukkhamacceti	227	Dhammadharo	99
Dukkhamiccheyya	188	Dhammapade	147
Dukkhasa	39	Dhammapītirasaṃ pivam	313
Dukkhā	208	Dhammapītirasopi	313
Dukhañca	108	Dhammavaraṃ	291
Duggati	174	Dhammassāmiṃ	143
Duggatyā	174	Dhammā jahitā	286
Duṭṭhena	149	Dhamme	137, 280
Duddhakhīro	25	Dhamme ṭhito	307
Durannayā	303	Dhammena laddhaṃ	301
Durannayo	308	Dhammesu	111, 202
Dullabhā	118	Dhammo	136, 225, 229
Dussaṅgahā	78	Dhiti	229
Dussīlaluddā	305	Dhīraṃ	83
Dūravihāravuttino	261	Dhīrā	249, 250, 291
Dūre	187	Dhuraṃ	313
Deva	26	Dhuradhorayhaṃ	134
Devamanussapūjitaṃ	293	Dhuravā	228
Devayānaṃ	167	Dhenupā	35
Domanassaṃ	108	Dhenupāpi	36
Doso	20		
Dvijo	160	[Na]	
Dvipaduttamaṃ	144	Naṃ	188, 240, 241, 308, 312
Dvipādako	243	Na	2, 221, 272

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Nagā nagam	212	Nikhātā	36
Naggiyam	307	Niggāhako	161
Nacirasseva	141	Niccaṃ	111
Natthikadiṭṭhi	303	Niccaṃ munī	261
Natthisambhavaṃ	291	Niccuyyutā	306
Nandati	39	Nijjigīsāno	163
Nandībhavaparikkhīṇo	210	Niddaro	313
Narādhamā	305	Niddānaṃ	133
Naro	74	Niddāsīlī	152
Navam	291	Niddhantakasāvamoho	96
Navahi sotehi	239	Nidhāya	56
Navā	36	Ninnaṃ	37
Nāgam	205	Nipakaṃ	83
Nāgo	36, 205	Nipako	183
Nāccasāri	19	Nipaccavādī	258
Nājjhagamā	18	Nipuṇatthadassim	211
Nāññamaññassa	188	Nippāpo	313
Nātimaññetha	188	Nippipāso	96
Nānākuṇapaparipūro	243	Nibbanti	291
Nānuppavecche	246	Nibbānaṃ	243
Nāyūhati	247	Nibbānappattiyā	228
Nikati	302	Nibbānābhirato	146
Nikubbetha	188	Nibbiṭṭhena	35
Niketā	245	Nibbutim	283
Nikkaruṇā	304	Nibbuto	29
Nikkāmino	283	Nimmakkho	96
Nikkāraṇā	118	Niyam puttam	188
Nikkujjitam	140	Niyato	112
Nikkuho	96	Niyāmaṃ	95
Nikkhama	217	Niyyānaṃ	208

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nirayaṃ	306	Paccupaṭṭhāpanā	304
Nirāmagandham	308	Pajānāmi	230
Nirāmagandho	308	Pajjalito	157
Nirāsayo	97	Pañca	22
Nirūpadhi	41	Pañca kāmaguṇā	208
Nillolupo	96	Pañcamattāni	124
Nivāsetvā	125	Pañcamatthi	145
Niviṭṭho	98	Paññā	131
Nivesanāni	247	Paññājīvim	226
Nivesane	157	Paññāṇavā	241, 242
Nisāmetha	269	Paññādadaṃ	211
Nisinno	236	Paññābalaṃ	250
Nihīno	163	Paññāya	227
Nīcamano	308	Paṭighasaññā	188
Nīlagīvo	262	Paṭicchadāya	288
Nīvaraṇā	22	Paṭicchannaṃ	140
Netā	146	Paṭicchannakammanto	162
Netāraṃ	251	Paṭicchannena	162
No	38, 211, 272	Paṭijānāti	164
Nopanibajjhate	259	Paṭidissati	162
[Pa]		Paṭipūjeti	162
Pakubbati	312	Paṭibaddhacitto	65
Pakkodhano	25	Paṭibhānavā	99
Pakkhandī	147	Paṭiladdhamaggo	95
Pagabbho	147	Paṭivijjhi	148
Paggahitā	157	Paṭisallānaṃ	111
Paccayāse	22	Paṭhamasmiṃ gimhe	289
Paccasārī	19	Paṇītaṃ	272, 279, 280
Paccassosi	159	Paṇḍito	156
		Patirūpakārī	228

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Patirūpena	148	Param	188
Pattacīvaramādāya	125	Parakulaṁ	162
Pattapphalam	301	Paradattūpajīvī	258
Pattipattā	283	Paradārasevanā	302
Patto niyāmaṁ	95	Paradāresu	154
Patthayati	155	Parapāṇarodhāya	261
Patthayasī	26	Paramaṁ	146, 167
Pathaviṁ	284	Paramamhitāya	290
Padam	178, 308	Paramatthadassiṁ	260
Padumaṁ	113	Paramatthapattiyā	110
Padumaṁva	114	Parahetu	161
Padumī	92	Parābhavantam	150
Padhānavā	112	Parābhavo	150
Panudanti	136	Parijānanti	312
Pantāni	115	Parittam	102
Panthasmim	161	Parittamettha	102
Pannaraso	197	Paribbājam gahaṭṭham	163-4
Pabbajanti	141	Paribhāsati	163
Papañcaṁ	20	Paribhuñjamāno	301, 302
Pabrūti	163	Parirundhati	161
Pabhassarāni	85	Parivaṇṇayī	280
Pamattam	98	Parissayānam	78
Pamādamhā	200	Parihīrati	243
Pamādā	259	Paresam	161
Pamāya bījam	246	Paresamādāya	305
Pamuccati	208	Parehi dinnam	301
Pamuttam	250	Paro	188
Pamocanam	134	Palāpo	148
Payatam	301	Palāyati	161
Payuttāni	124	Pavattaphalikā	310

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pavattāraṃ	205	Pāpakammaṃ	288
Pavaro	144	Pāpamakkhī	159
Pavassa	26	Pāpasilā	305
Pavivekarasaṃ	313	Pāpiccho	163
Paveṇiyo	35	Pāpimā	40
Paveditā	208	Pāpesu kammesu	174
Pasaṃsāma	84	Pāpo	98
Pasaṃsāvahanam	313	Pāmujjakaraṇam	313
Pasatthā	281	Pāragato	31, 247
Pasayhacārī	115	Pāraguṃ	206
Pasāreti	236	Pārihāriyam	48
Pasutaṃ	98	Piṭṭhimaṃsikā	304
Passāma	198	Pitā	152
Pahāya	22	Pittaṃ	239
Pahitatto	141	Piyam	151
Pahu santo	152, 162	Piyam vācam	312
Pahūtapaññaṃ	143	Pivam	313
Pahūtavitto	154	Puggalā	281
Pahoti	63	Pucchāmi	143
Pājanam	132	Pucchito	162, 208
Pāṭirūpikā	305	Putṭhumāgamhā	150
Pāṇam	160	Puttam	57
Pāṇabhūtā	186	Puttā	34
Pāṇātipāto	302	Puttimā	39
Pāṇine	261	Puttesu dāresu	67
Pāṇupetaṃ	141	Puttehi	39
Pāṇesu	305	Punabbhavo	202
Pādalo	104	Punareti	191
Pāpaṃ	33	Pubbaṇhasamayaṃ	125
Pāpakam	288	Purakkhato	240

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ba]	
Purāṇaṃ	12, 291	Byārosanā	188
Purisaṃ	150	Brahmacariyaṃ	38, 142
Purissassa	225	Brahmacariyapariyosānaṃ	141
Pūtilataṃ	36	Brahmabandhu	302
Pūritam	240	Brahmalokūpago	167
Pūro	238	Brahmalokūpapattiyā	167
Pekkhamāno	74	Brahmavihāramāhu	190
Pecca	229, 306	Brāhmaṇaṃ	153
Peḷassa	238	Brāhmaṇagāme	123
Porisaṃ dhuraṃ	313	Brāhmaṇo	166
[Pha - Ba]		Brūti	161
Pharusā	306	Brūhi	144
Phalānisaṃso	313	[Bha]	
Phassaye	94	Bhagavā	123, 125
Phālapācanaṃ	132	Bhajanti	118
Phālo	132	Bhajate	156
Phussitaggo	289	Bhatiyā	35
Bandhanāni	36	Bhattakāle	163
Bandhavāni	101	Bhayaṃ	65, 90
Bahussutaṃ	99	Bharati	152, 162
Bahū	307	Bhavaṃ	150
Bijaṃ	130	Bhavati	63
Buddhaṃ	143, 163, 206	Bhavasmiṃ	291
Buddhaṃ namassāma	293	Bhavāmase	39
Buddharatanaṃ	279	Bhavāya	22
Buddhavacanaṃ	241	Bhavesu	18, 111
Buddhaseṭṭho	280	Bhavo	19
Buddhe	279, 290	Bhassasamussayo	304
Byapanujjā	107	Bhāvaye	188, 189

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhāveti	313	Maññe	243
Bhāsitaṃ	269	Matimā	102
Bhikkhu	241	Mato	240
Bhisapupphaṃva	15	Matthaluṅgassa	240
Bhisī	31	Madā	259
Bhuñjamānā	283	Mado	304
Bhummāni	269	Maddave	308
Bhusaṃ pamattā	285	Madhurā	88
Bhūta	268	Manasā daḥhena	283
Bhūtā	186, 187, 269	Manāpaṃ	33
Bhūtāni	268, 292	Manāpā	32
Bhūtesu	42, 56	Manussattaṃ	43
Bhedāsāṅkī	312	Mano	132, 198
[Ma]		Manochaṭṭhā	208
Maṃsabhojanaṃ	305	Manoramā	88
Ma	163	Mantapāragū	308
Makasā	30	Mantabandhavā	174
Magadhesu	123	Mantā	201, 307
Maggāṃ	140	Manteti	162
Maggajino	145	Mamāyitaṃ	161
Maggadūsī	145, 148	Mahatiyā	136
Maggadesako	145	Mahantā	186
Magge	145	Mahapphalāṃ	231
Maccupāsappamocanaṃ	205	Mahapphalānaṃ	282
Macchamaṃsaṃ	307	Mahātaṇho	155
Maccharī	163	Mahāpathaṃ	167
Majjhato	258	Mahiyā	26
Majjhimā	186	Mahesiṃ	137, 211
Majjhimo	256	Mātaṅgo	167

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mātāraṁ pitaraṁ	162	Mūlā	21
Mātā	152	Mūḷhassa	140
Mānasaṁ	189	Me	122, 136
Mānasāno	104	Metaṁ	90
Mānātimāno	304	Mettaṁ	189
Mānusiya pajāya	270	Mettaṁ karoṭṭha	270
Māno	17	Mettamānasaṁ	188
Māyā	304	Mettā	116
Māyāvī	148, 159	Methunasmā	259
Māro	39	Me sutaraṁ	122
Migānaṁ	115	Mohaṁ	202
Migo	73	Moho	20
Mittadduno	304		
Mittā	64	[Ya]	
Mittāni ganṭhati	229	Yaṁ	94, 272
Muñjamaṃyā	36	Yaṁ kiñci	271
Muṇḍaka	157-8	Yaṁ taṁ	178
Muṇḍiyaṁ	307	Yaṁ parivaṇṇayī	280
Muditā	116	Yakanapeḷassa	238
Mudu	178, 181	Yaññaṁ utūpasevaṇā	307
Mudhā	283	Yatatto	256
Muniṁ	143, 146, 251, 259	Yato	133, 261
Muni	246, 261	Yathā	67, 73, 284, 289
Munidassanaṁ	245	Yathā idaṁ	242
Muninaṁ	246	Yathā etaṁ	242
Munino	204	Yathātathaṁ	209
Musā	161, 201	Yathāyaṁ paḍīpo	291
Musāvādena	153	Yathodhikāni	101
Musāvādo	302	Yadajjhagā	280
Mūlaphalaṁ	301	Yadatthi kiñci	287

Padānukkamo	Piṭṭhaṅko	Padānukkamo	Piṭṭhaṅko
[Ya]		[Ra]	
Yadā	240	Rakkhitamānasāno	104
Yadākaṅkhasi	223	Rajo	245
Yadi vā	236	Rajjam	155
Yasaṃ	167	Ratanam	272-3, 275
Yasassino	212	Rati	100
Yasmim ca	313	Ratī	76
Yassantarato	19	Rato	308
Yā apekkhā	67	Ratto ca	271
Yāni	268	Randhamevānupassī	312
Yānīdha	292	Rasānaṃ	224, 226
Yāvata'ssa	190	Rasesu	106
Yuganaṅgalaṃ	131	Rasesu giddhā	303
Yugāni	282	Rassakā	186
Ye	281, 283	Rāgo	15, 20
Ye idha	303	Rājāva raṭṭham	83
Ye keci	186	Riñcati	201
Ye caññe	241	Ruḷhatiṇe	30
Yedha	305	Rogo	90
Yena	126	Roceti	152
Yenicchakaṃ	73	Ropayeyya	246
Ye va dūre	187	Rosako	163
Yo	4	Roseti	162, 163, 256
Yo attho	130	[La]	
Yo katvā	162	Laddhā	283
Yogakkhemādhivāhanaṃ	135	Liṅgasampatti	43
Yo cattānaṃ	163	Lippati	308
Yottaṃ	132	Lūkhasā	303
Yodha	146	Lokasmim	189
Yobbane	259	Lokassa	209

Padānukkamo	Piṭṭhaṅko	Padānukkamo	Piṭṭhaṅko
	[La]		[Va]
Loke	20, 144	Vasalādhamo	165
Lokena	116	Vasalo	160, 166
Loko	206	Vasā	35
Lobho	20	Vasīkatā	198
Lomahaṭṭhajāto	139	Vahanto	313
	[Va]	Vā	269
Vaṁsakkalīrova	67	Vācā	163
Vaṁso	67	Vācāpariyantaṁ	252
Vacīgutto	133	Vācāya	162, 288
Vajantaṁ	161	Vātaṁva	251
Vañcanāni	302	Vāto	113
Vañceti	153	Vātova	114
Vaḍḍhetvā	136	Vāraṇṇe	161
Vaṇṭamuttikā	311	Vāse	75
Vata	38	Vikiraṇiṁ	155
Vatthino	238	Vigatakhilo	27
Vatthūni	246	Vigatāsavadassanaṁ	46
Vadāmi	284	Vigayha	15, 283
Vadhachedanabandhanaṁ	302	Vicakkhaṇo	228
Vanathajā	22	Vicikicchitaṁ	286
Vanappagumbo	289	Vicinaṁ	18
Vane jāyanti	204	Vijañṇā	312
Vappakāle	124	Vijigucchamaṇaṁ	312
Varaṇṇū	290	Vijjare	30
Varado	290	Vijjāya sampanno	202
Varāharo	290	Viñṇū	74
Varo	290	Viñṇū pare	184
Vasalaka	158	Vitakkā	19
Vasalā	166	Vitathaṁ	20
		Vitamiddho	190

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vittaṃ	224, 272	Visamaṃ	253
Viditindriyo	307	Visamā	303
Vinibandhāya	22	Visame	98
Vinīlako	240	Visallo	22, 23
Vineti	7	Visālo	67
Vineyya	32, 99, 191	Visuddhaṃ	108
Vindate dhanam	229	Vissavanto	243
Vipannadiṭṭhi	159	Vissuto	167
Vipiṭṭhikatvāna	108	Viharati	123
Vipulaṃ	76	Viharanto	141
Vippamuttaṃ	259	Vihimsati	160
Vippamutto	287	Vihesamuyyutā	305
Vibhajate	146	Vītagedho	247
Vibhavo	19	Vītataṇhaṃ	144
Vibhāvayanti	285	Vītarāgaṃ	252
Vibhūsanatṭhānaṃ	100	Vīmaṃsamāno	253
Vimuttaṃ	33, 249	Vīrā	204
Vimuttiṃ	94, 116	Vīriyaṃ	134
Virajaṃ	167	Vīriyena	227
Virataṃ methunasmā	259	Vīro	81
Virato	100, 210	Vuṭṭhi	131
Virattacittā	291	Vuṭṭhimpi	30
Virāgaṃ	280	Vuttā	288
Virājetvā	208	Vuttiresā	137
Viruddhā	306	Vusitaṃ	142
Virūparūpena	88	Vūpakaṭṭho	141
Vivaṭā	28	Ve	245
Vivareyya	140	Vedayanti	249, 258
Viṣaṭaṃ	11	Vedayi	308
Viṣatto	67	Vebhūtikaṃ	201

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Santaṃ	182, 243	Sabbasaṃyojanātigo	210
Santaṃ padaṃ	178	Sabbasmiṃ	189
Santiṃ	243	Sabbāni	247
Santindriyo	183	Sabbābhibhuṃ	249
Santipadaṃ	246	Sabbe	107, 185, 269
Santussako	182	Sabbesu dhammesu	56, 249
Santussamāno	78	Sabrahmaka	138
Sante	151	Sabrahmake	222
Santo	151, 152, 162, 164	Sabhāsīlī	152
Santhavaṃ	206	Sabhojano	154
Santhave	66	Samaṃ	182, 272
Santhavo	245, 305	Samañca	253
Sapadānaṃ	157	Samaññāto	161
Sapadānacārī	106	Samaṇaṃ	153
Saputtabhariyā	310	Samaṇaka	158
Sappañño	148	Samaṇā	144
Sappavisamṃ	11	Samatthi	280
Sappurisaṃ	284	Samathaṃ	108
Sabbaṃ	21	Samayaṃ	123
Sabbañjahaṃ	249	Samavekkhiya	156
Sabbatthakaṃ	48	Samāgatāni	269
Sabbadā	239	Samādhinā	281
Sabbadukkhappanūdanaṃ	308	Samādhimānantarikaññamāhu	280
Sabbadukkhappahīno	308	Samānavāso	26
Sabbadukkhā	136	Samāniyā	34
Sabbadhammānaṃ	206	Samāraka	138
Sabbadhi	211	Samārake	222
Sabbabhūtesu	188, 198, 199	Samāhitamṃ	250
Sabbaloke	97	Samāhito	280
Sabbaviduṃ	211, 249	Samiñjeti	236

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samukkaṁse	163	Sahāva	286
Samuddaṅca	260	Sahitā	78
Samūhatāse	21	Sahiraṅṅo	154
Sampattakārikā	310	Saheyyuṁ	30
Sampadhūpāyati	139	Sādutaram	226
Sampannaṁ	203	Sādūni	154
Sampanno	191	Sādhu	158
Samparāyiko	130, 230	Sādhuvihāriṁ	83
Samparāye	174	Sāmayikaṁ vimuttim	94
Sampassataṁ	136	Sāmākā	301
Sampiyena	162	Sāraṁ	18
Sambhavesī	187	Sārathīnaṁ	144
Sammasitā	111	Sālīnamannaṁ	301, 302
Sayaṁ	98, 236	Sāvakaṅca	163
Sayaṁ abhiññā	141	Sāvakā	282
Sayhāni kammāni	312	Sāhasā	162
Saraṇaṁ gacchāmi	141	Sikhī	262
Saritaṁ	16	Sito	284
Sarīsapā	90	Sinehaṁ	246
Saroruhaṁ	15	Sinehadosaṁ	107
Salilambucārī	103	Siyā	284
Sallaṁ	90	Sivaṁ	156
Sallahukavutti	183	Sīghasaraṁ	16
Savati	239	Sītaṅca	90
Sa ve mitto	313	Sīdati	210
Sasum	162	Sīlabbataṁ	287
Sassamaṇabrāhmaṇiyā		Sīlavatūpapannaṁ	250
pajāya	222	Sīlavā	191
Sassamaṇabrāhmaṇī	138	Sīlasampanno	210
Sahāyasampadaṁ	84	Sīhaṁva	204-5, 251

Padānukkamo	Piṭṭhaṅko	Padānukkamo	Piṭṭhaṅko
	[Sa]		[Sa]
Sīho	113-5	Subhāsitaṃ	308
Sīhova	114	Sumanā	269
Su	224, 286	Sumedhaṃ	211, 249
Sukataṃ	301	Surādhutto	154
Sukhaṃ	108, 224, 225, 313	Suvaco	178
Sukhitattā	185	Suvaṇṇassa	85
Sukhino	185	Suvikappitā	19
Sugatassa sāvakā	282	Suvijāno	150
Sugate	39	Susaṅkhatehi	302
Suciṃ	280	Susaṅṭhānā	36
Suciṇṇaṃ	224	Susamāhitindriyaṃ	252
Suciṇṇo	225	Susānasmim	240
Suṇantu	269	Susiraṃ	240
Suṇāhi	159	Sussūsaṃ	228
Sutaṃ	122	Suhajjā	64
Sutavā	112, 148	Suhuju	178
Sutvāna	241	Suhuṭṭhitaṃ	211
Sudantaṃ	33	Se	21
Sudiṭṭhaṃ	211	Seṭṭhā samā	84
Sudullabhaṃ	167	Seti	240
Sudesitāni	285	Sedajallikā	239
Sudesite	147	Sena	163
Suniṭṭhitaṃ	301	Senāsanāni	115
Supaṇihito	198, 199	Semhañca	239
Suppabhātaṃ	211	Seyyathāpināma	139
Suppayuttā	283	Seritaṃ	74-5
Subbaco	181	Sevanti	118
Subbatānaṃ	147	Sesato	258
Subbato	261	Sehi	154
Subharo	182		

Padānukkamo	Piṭṭhaṅko	Padānukkamo	Piṭṭhaṅko
	[Sa]		[Ha]
So	12, 135, 167, 246, 256, 288	Hadayassa	238
Sokhyaṁ	102	Hantvā	161
Soṇḍim	155	Hanti	161, 162
Sotesu	307	Handa	198
Sotehi	239	Haranti ye balim	271
Sotthi	279	Have	224
Sopāko	167	Hāpeti	65
Somanassadomanassaṁ	108	Hi	241, 247
Soraccaṁ	134	Hirim tarantaṁ	312
Sohaṁ	141	Hirī	132
Snehanvayaṁ	63	Huraṁ vā	272
Sneho	63	Hetu	44
		Hetukappā	22

Suttanipātaṭṭhakathāya paṭhamabhāge

Lakkhitabbapadānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akāmarūpī	12		Adānaṃ	304
Akkhātāra, pavattārānaṃ			Adānasīlatā	304
visesatā	205-6		Adhigamapaṭibhānavā	99
Agārikavibhūsā	100		Adhicittasikkhā	210
Agāriya	141		Adhipaññāsikkhā	210
Agāriyā tividhā	64		Adhisīlasikkhā	210
Agocaraṭṭhānaṃ			Anagārikarātanaṃ	278
chabbidhaṃ	178-9		Anagārikavibhūsā	100
Aggadānāni pañca	256-7		Anagāriya	141
Aggasāvakānaṃ kulāni	46		Anagāriyā atthakkhāyino eva	64
Aggasāvakānaṃ patthanā	46		Anaggipakkikā	310
Aṅgasamadhana	25		Anattalakkhaṇaṃ attasaññā-	
Aciravatī	17		ghanapaṭicchannaṃ	237
Accuṇhādi-āhārā cha	53, 106		Anavajjapadāni	147
Ajjhagā	280		Anavajjabhojī	83-4
Añña	106		Anāgāmino catuvīsati	282
Aṭṭhuppattito uppatti	42		Anādarō	306
Atidullabha	270		Aniccalakkhaṇaṃ	
Atimānitā	304		santatiṭṭhānaṃ	237
Attajjhāsayato uppatti	42		Anitthigandha	60
Attano vajjaṃ nāma			Anīgha	22-3
duddasaṃ hoti	181		Anukampako	64
Attahitāya adhigamaṇaṃ	231		Anugāmikadhana	25
Atthasaddassa atthuddhāro	230		Anuṭṭhānatā	152
Atthā, natthakusala	179-180		Anudhamma	111
Atrajo	57, 70		Anusayappahānaṃ duvidhaṃ	21

Padānukkamo	Piṭṭhaṅko
[A]	
Anesanaṃ ekavīsatividhaṃ	178
Anomaṇāma	198
Antarasaddassa atthuddhāro	18-9
Antevāsiko	57
Apabbajitena Bodhimaṇḍaṃ na upagantabbaṃ	299
Aparagoyānaṃ sattayojana- sahassapari maṇḍalaṃ	277
Apāyā cattāro	287
Appa, dīghāyukabuddhānaṃ esā dhammatā	193
Appāhāra	204
Abhiṭhānāni cha	287
Abhinīhāra karaṇassa sampattiyo aṭṭha (Buddha)	43
Abhinīhāra karaṇassa sampattiyo dve (Aggasāvakaḍi)	46
Abhinīhāra karaṇassa sampattiyo pañca (Pacceka Buddha)	45
Abhirūpanandā	233
Amata	280
Amarā	307
Ambucārī	103
Arañña	73
Arahantā dve	282
Ariya	156
Ariyapatha	211

Padānukkamo	Piṭṭhaṅko
[A]	
Ariyaratanaṃ duvidhaṃ	278
Alaṅkāralola	32
Alasa	152
Alasatā	152
Avamsira	306
Aviññāṇakarātana	278
Avidūrenidānaṃ	3
Asataṃ dhammo nāma	152
Asaddhammarocanaṃ	152
Asantapiyatā	152
Asanto nāma cha satthāro	151
Asamamuṭṭhikā	310
Asītimahāsāvakaṇaṃ patthanā	46
Asubha	240-3
Asekkharatanaṃ duvidhaṃ	278
Assaratana	274
Ahitadukkhānāgamapatthanā	188
[Ā]	
Āghāta paṭivīnaya pañca	9-10
Ānantarikasamādhī	280
Āpodhātū dvādaśa	49
Āmagandha	298, 300, 303
Āmagandho aṭṭhavidho	304
Āmagandho chabbidho	305-6
Āmagandho tividho	306
Āyatanacariyā	57

Padānukkamo	Piṭṭhaṅko
[Ā]	
Āraññakassa	
akaraṇīyāni	184-5
Āraññakassa karaṇīyāni	180-2
Āraññakassa	
pariharaṇāni	177-8
Ālayo duvidho	211
Āvikaraṇa	288-9
Āvudhāni cattāri	219
Āhāraṃ aṭṭhaṅgasamannāgataṃ	
āhāreti	52
Āhāralola	32
Āhuti	157, 307
Āḷavakayakkhassa bhavanaṃ	
Āḷavīnagarassa avidūre	
gāvutamatte	212, 216
Āḷavakayakkhassa bhavanaṃ	
Sāvattitho tiṃsayojanaṃ	215
Āḷavī	212
[I - Ī]	
Itthiratana	275
Imasmiṃ dhammavinaye	
pañcamo samaṇo nāma	
natthi	145
Iriyāpathacariyā	57
Īti	89
[U]	
Ugghaṭṭitaññūnaṃ	
saṅkhepadesanāya ācikkhati	146
Uñchācārikā	310

Padānukkamo	Piṭṭhaṅko
[U]	
Uttarakuru aṭṭhayojanasahassa-	
parimaṇḍalo	277
Upakāro	64
Upaddava	89
Upadhayo cattāro	40
Upadhi sattasaṅkhāravasena	
duvidho	40
Upamāyo catasso	140
Upayogatthe karaṇavacanaṃ	253
Upekkhā	116
Uposathasaddassa atthuddhāro	197
Uppatti catubbidhā	42
Uppannaṃ anekappabhedāṃ	4-6
Uppannakilesaṃ niggaṇhatha	50
Uragassa tacāṃ jahanto	
catubbidhena jahāti	12
Uragā pañcasu ṭhānesu sajātim	
nātivattanti	12-3
Urago duvidho	12
Usabho gavasatajeṭṭho	36
[E - O]	
Eka	57
Ekacara	205
Eṇīmigo	73
Evāṃ me sutāṃ	122
Ehi bhikkhu	308-9
Okkhittacakkhu	104
Ora	22
Orapāra	12

Padānukkamo	Piṭṭhaṅko
[Ka]	
Kacchā dve	30
Kataṁ karaṇīyaṁ	142
Kadariya	163
Kappitakesamassu	19
Kammaṭṭhānaṁ duvidhaṁ	48
Kammaṭṭhānavippayuttacittena pādaṁ na uddharati	50-1
Kammaṭṭhānūpacāra	180-1, 182, 184-5
Karaṇīyākaraṇīya	178
Karuṇā	116
Kalalavappaṁ	124
Kasāva	96
Kasāvā tayo	96
Kassakūpamā	135
Kāmarūpī duvidho	12
Kāmā dve	88
Kāyapāgabbhiyaṁ aṭṭhaṭṭhānaṁ	183
Kāyikā khiḍḍā	76
Kāḷasīho	113
Kibbisa	305
Kilesakāmā	88
Kukkurasiṅgālānaṁ visesatā	36
Kuṭi	26-8
Kuladūsaka	147
Kulaputtā duvidhā	141
Kesarasīho	113
Kodhapaññāta	152
Kodhassa ādīnavā	11
Koviḷārarukkha	80

Padānukkamo	Piṭṭhaṅko
[Kha]	
Khaggavisāṇa	58
Khaya	280
Khiḍḍā duvidhā	76
Khīṇa	291
Khīṇāsava	137
Khetraja	70-1
Khetrajo	57
[Ga]	
Gaṅgāya ca Rājagahassa ca antarā pañcayojanaṁ	266
Gaṅgāya ca Vesāliya ca antarā tiyojanaṁ	267
Gatapaccāgatavatta	47-8, 52, 66
Gadāvudhaṁ	219
Gandhamādana	59
Gandhamādanapabbate Paccekabuddhā vasanti	58
Gahapatiratana	275
Giddha	303
Gihibyañjana	81
Gihi, bhikkhuñāṇānaṁ dandhatikkhatā	262
Guhāyo tisso	59
Gopa	24-5
Gopālakavihāra	41
[Gha - Ca]	
Ghosappamaṇikā	234
Cakkaratanaṁ kamma- paccayena ututo samuṭṭhāti	274

Padānukkamo	Piṭṭhaṅko	Padānukkamo	Piṭṭhaṅko
[Ca]		[Da - Ta]	
Cakkaratana	273-4, 276-7	Ḍaṃsa	90
Cakkhumā	38	Taṇhāsanthava	66
Caṇḍālakula	167	Tathāgata	292-3
Catupārisuddhisīla	179	Tathāgatassa arakkheyyāni	
Caraṇṃ	236	cattāri	33-4
Caraṇaṃ		Tathāgatassa dhammadesanā	
pannarasappabhedam	203	nimmalā	249
Caritānukūlakammaṭṭhānaṃ		Tathāgato ahetu-appaccayā	
caturāsītisahassappabhedam	175	dhammaṃ na deseti	249
Caritānukūlāni kammaṭṭhānāni	175	Tamo cattāro	146
Cariyāyo aṭṭha	57-8	Tasara	253
Cātuddisā	77	Tādino ākāra pañca	199
Cikicchita	286	Tāpasā aṭṭhavidhā	310
Cora	164-5	Tikā tayo	186
[Cha - Ja]		Tiṭṭham	236
Chatta, paṭākāropi		Tiṇasīho	113
tassa nissando	296	Tiṇuddhaṭṭakammassa	
Chāvāya putto Subhaddo	249	nissando	296
Cheda	302	Tividhamuppannāni	
Jaṅgamadhana	25	bhūmiladdheneva saṅgahaṃ	
Janapadakalyāṇinandā	233	gacchanti	7
Jambudīpo dasayojana-		Tejodhātū catasso	49
sahassapariṃḍalo	277	[Tha - Da]	
Jātim paṭicca soko	62	Thāvaradhana	25
Jātitthaddha	154	Dakkhiṇā	282
Jiṇṇa, purāṇānaṃ visesatā	12	Dakkhiṇāgiri	123
Jīvitasāṅkhayaṃ	117	Dakkhiṇeyya	282
[Ña - Tha]		Daṇḍa	57
Ñāṇacariyā	57	Dantaluyyakā	310
Ṭhānūpacāra	238	Daratha	22
Ṭhitakappī	281	Dassana	286
		Dāma	36

Padānukkamo	Piṭṭhaṅko
[Da]	
Dāruṇatā	304
Diṭṭhamaṅgalikā	168
Diṭṭhivīsūkāni	95
Diṭṭhisanthava	66
Dinnako	57
Dvinnāṃ dhurāṇāṃ vāsadhurameva seṭṭhāṃ	193
Dīghāyukabuddhānaṃhi sammukhasāvakaṃyeva pabbājenti	193
Dukāni cattāri	186
Dukhalakkhaṇāṃ iriyāpatha- paṭicchannāṃ	237
Dukkhā pamuccati	208-9
Duṭṭhagāmaṇi-abhayamahārājā	63
Dullabha, sudullabhāṇāṃ visesatā	167
Dullabhā pañca	120
Dussāvudham	219
Dussilatā	306
Dūrā, vidūrāṇāṃ visesatā	187
Dūrenidāṇāṃ	2-3
Deyyadhamma	282
Devatādayo upaṭṭhāṇāṃ agamaṃsu	50
Devatāsu manussāṇāṃ upakāratā	271
Devatāhi oṃ pakkhittā	138
[Dha]	
Dhañña	101
Dhana	101

Padānukkamo	Piṭṭhaṅko
[Dha]	
Dhanalola	32
Dhanāni pañca	25
Dhammadhara	99
Dhammappamāṇikā	234
Dhammassāmi	143
Dhammaseritaṃ	74
Dhammā, dhammavādī	194-5
Dhammābhisamayo gaṇanāto asaṅkhiyo	156
Dhammo sukhamāvahati	225
Dhātūṇāṃ vikiraṇāvikiraṇatā	193
Dhiti	83
Dhīrā	292
Dhutta	154
Dhurāni dve	193
[Na]	
Natthikadiṭṭhika	303
Nandamūlakapabbhāra	59, 66-7-8
Nandāyo tisso	233
Nayanāvudham	219
Nava	291
Nāga	205
Nāgabhavane ratanapallaṅko	293
Nāparaṃ itthattāya	142
Niketa	245
Nikkaruṇatā	304
Nikkujjitāṃ vāti-ādīṇāṃ attho	174-5
Nikkuha	96

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nidānaṃ tividhaṃ	2-3	Paññājīvi	226
Nidānāni dūrenidāneyeva samodhānaṃ gacchanti	3	Paññādhika	43
Niddāsīlatā	152	Paṭibaddhacitta	65-6
Niyyāna	208	Paṭibhānavā tidhā	99
Nirayato āgatānaṃ gattāni uṇhāni	68	Paṭibhāno tividho	99
Nivesana	247	Paṭhamagimha	289
Nisabho satahassajetṭho	36	Paṭhamayāma	121
Nisinno	236	Paṇidhayo pañca	69
Nīvaraṇappahānaṃ duvidhaṃ	23	Paṇītaṃ	280
[Pa]		Paṇḍusīho	113
Paṃsuvappaṃ	124	Patticariyā	58
Pagumba	289	Pathavīdhātū vīsati	49
Paccassosi	159	Padahanavīriya	110
Paccekabuddha	56	Padumī	92
Paccekabuddhā attharasameva paṭivijjhanti na dhammarasaṃ	46	Pabbajitā nāma na kodha- parāyaṇā	72
Paccekabuddhānaṃ kulāni	46	Pabbatā satta	59
Paccekabuddhānaṃ patthanā	45	Pamāṇikā cattāro	234
Paccekabuddhānaṃ parinibbānaṭṭhānaṃ	117	Payuñjītabbapayoga	313
Paccekabuddhā pubbe appatvā Buddhānaṃ uppajjanakāleyeva uppajjanti	46	Parajjhāsayato uppatti	42
Paccekabuddhā sayameva bujjhanti	46	Paradattūpajīvi	258
Pacchābhattakicca	121	Paradārasevana	302
Pacchimayāma	121	Paradārikakamma vipākāvasesā	68
Pañcappakāragomaṇḍala	35	Parapurisalola	32
Pañhā cattāro	224-226	Paramattha	110
		Paraloko gantabbo bhoge pahāya	309
		Parahitāya paṭipatti	231
		Parābhava	151

Padānukkamo	Piṭṭhaṅko
[Pa]	
Parābhavamukhaṃ tividhaṃ	
pañcavidhaṃ	152
Parābhavasutta	150
Pariñāyakarātana	275
Paripucchāpaṭibhānavā	99
Pariyattim nissāya parivārā	193
Pariyattidhammo supupphitagga-	
vanappagumbasadiso	290
Pariyattidhuraṃ	193
Pariyattipaṭibhānavā	99
Parivāraṃ nissāya lābho	194
Parissaya	78
Paresaṃ vihesatā	306
Palāpa	148
Pavattaphalikā	310
Pasadamigo	73
Pahānavinayā pañca	7-8
Pāṭirūpika	305
Pāṇabhūtānaṃ viśesatā	186
Pāṇesu asaṃyatatā	306
Pādalola	32
Pāpasilā	305
Pāraṃ gataṃ chahākārehi	206
Pārihāriyakammaṭṭhāna	
(Pacchā)	48
Piṭṭhimaṃsika	304
Piṭṭhimaṃsikatā	304
Pipāsa	96
Pilakā pañca	263
Puggalaseritaṃ	74
Puggalā aṭṭhasataṃ	282
Pucchāvasito uppatti	42

Padānukkamo	Piṭṭhaṅko
[Pa]	
Puttā cattāro	57
Puthujjanakalyāṇopi	
palāpo	148
Pubbaṇhasamaya	125
Pubbayogāvacare	
ānisaṃsā pañca	42
Pabbavideho sattayojana-	
sahassaparimaṇḍalo	277
Purisarātanaṃ duvidhaṃ	278
Purisā nāma vīriyaṃ katvā	
icchitattaṃ pāpuṇanti	169
Purehattakicca	119-120
Pecca	306
[Pha - Ba]	
Pharusatā	306
Bandhana	302
Bandhavāni cattāri	101
Bahussuto duvidho	99
Bālavasanta	289
Bījaṃ pañcavidhaṃ	130
Buddha	280
Buddhabhūmiyo catasso	45
Buddhassa māṭāpitūnaṃ	
patthanā	46
Buddhānaṃ ananusandhikā nāma	
kathā natthi	129
Buddhānaṃ kulāni	46
Buddhānaṃ niratthakavacanaṃ	
natthi	202
Buddhānaṃ patthanā	42-3

Padānukkamo	Piṭṭhaṅko
[Ba]	
Buddhānampi dve cittāni ekato nappavattanti	33
Buddhā nāma āmisagarukā na honti	311
Buddhā sayāñca bujjhanti pare ca bodhenti	46
Bodhisattassa abhabbaṭṭhānāni aṭṭhārasa	45
Byappatho	201
Brahmacariyasaddassa atthuddhāro	38-9
[Bha]	
Bhagavato eva vacanaṃ dve dve atthe sandhāya thometi	139
Bhagavā yakkhaṃ lokuttara- dhammakhīraṃ pāyeti	221
Bhaja, sevānaṃ visesatā	118
Bhataka	34-5
Bhaya	90
Bhavaṃ paṭicca jāti	62
Bhava, vibhavānaṃ visesatā	19
Bhavo navavidho	18
Bhikkhu	257
Bhūtasaddassa atthuddhāro	268
Bhū, sambhavesīnaṃ visesatā	187
Bhūmi	5
Bhūmi, bhūmiladdhānaṃ visesatā	6

Padānukkamo	Piṭṭhaṅko
[Bha]	
Bhūmi paripphositassa nissando	296
Bhūmiladdha	5
[Ma]	
Maṃsakaḥaṇḍaṃ mukhe pakkhipi Bhagavā	300
Makkha	96
Magadha	123
Maggacariyā	57
Maggajīvi	147
Maggadūsī	148
Majjhimayāma	121
Mañjūsakamaṇe vātā cha	59-60
Mañjūsakarukkha	59
Maṇiratana	274
Maṇḍabyakumāra	171
Mada	304
Manussaratanā duvidhaṃ	278
Manopāgabbhiyaṃ anekaṭṭhānaṃ	184
Manoramā	88
Manosilātalaṃ saṭṭhiyojanaṃ	69
Manosilātala	93
Mantabandhava	174
Mantā	201, 307
Maricivaṭṭi	63
Mahācorā pañca	164-5
Mahājanakāyo sarīrakiccaṃ katvā thūpaṃ patiṭṭhāpesuṃ	295

Padānukkamo	Piṭṭhaṅko
[Ma]	
Mahāpatha	167
Mahāpadumadevaputta	70
Mahāpathavī ekayojana- tigāvutamattaṃ ussadhā	195
Mahāvihāra	62
Mahāsaṃvegavatthūni aṭṭha	177-8
Mahāsāvakaṇaṃ abbhantaro āyasmā Bhāradvājo	142
Mahī (Sāvattitho satta- yojanaṃ)	24-6-9, 31
Mahesī	137-211
Mātāpitubharaṇe ānisaṃsā	153
Mātugāmaṃ vivajjaye tambalohavilīnaṃva	244
Mātugāmassa lolā pañca	32
Mānamaddana	220
Mānātimāna	304-5
Māno navavidho	17
Māyā	304
Māyāvī	148
Māra	39-40
Māsassa dhammassavana- divasā aṭṭha	191
Migā dve	73
Mitta	189
Mittadūbhitā	304
Mittasuhajjānaṃ aṅgāni cattāri	65
Mitta, suhajjānaṃ visesatā	64

Padānukkamo	Piṭṭhaṅko
[Ma]	
Mittasuhajjā duvidhā	64
Mittasanthava	66
Muṇḍaka	158
Muttapaṭibhāno	99
Muditā	116
Muni	259-280
Mūlakammaṭṭhāna	49
Mūlaphalagavipphalānaṃ visesatā	301
Metta	189
Mettasuttassa kathana- kāraṇāni	175
Mettā	116
Mettājhānakammaṭṭhāna	56
Mettādayo cattāro	77
Mettābhāvanākāra	185
Mettābhāvanāyaṃ iriyā- pathassa aniyamatā	190
Mettābhāvanāya vaḍḍhanaṃ	189
Mettāya ānisaṃsā	270-1
[Ya]	
Yaññā	307
Yathā idaṃ tathā etaṃ	242
Yathā etaṃ tathā idaṃ	242
Yathābhataṃ nikkhitto evaṃ niraye	153
Yathābhūtaṃ passati	241-2
Yamakapāṭihāriya	33
Yuttapaṭibhāno	99

Padānukkamo	Piṭṭhaṅko	Padānukkamo	Piṭṭhaṅko
[Ya]		[Va]	
Yuttamuttapaṭibhāno	99	Vacīpāgabbhiyaṃ	
Yogakkhema	135	catuṭṭhānaṃ	184
Yoninaṃ ekaja dvijatā	160	Vajirāvudhaṃ	219
[Ra]		Vajjī	264
Ratana	272	Vaṇṭamuttikā	310-1
Ratanasuttassa āṇā	292	Vaṇṭamuttikā sabba-	
Ratanasuttassa upaddavānaṃ		tāpasehi seṭṭhā	311
paṭighātata	268	Vata	287
Rasa	106	Vattaṃ aparipūretvā	
Rasānaṃ aggatā	301	paccekabodhiṃ pāpuṇantā	
Rāge khīṇe aññatarepi		nāma natthi	47
kilesā khīṇā honti	98-9	Vattaṃ pūrento Buddhānaṃ	
Rūpappamaṇikā	234	santike khippābhiṅṅo hoti	
Roga	90	mahāpaṅṅo vā	52
[La]		Vatthukāmā	88
Licchavī	264	Vadha	302
Ludda	305-6	Vana	22, 289
Luddatā	306	Vanakusumapūjāya nissando	296
Lūkhatā	304	Vanathaja	22
Lūkhappamaṇikā	234	Vappāni dve	124
Lokatthacariyā	58	Vara, varaṅṅūnaṃ visesatā	290
Lokiyalokuttara-		Vasabho sahasajetṭho	36
missakapaṅṅhā	227-8	Vasalaka	158, 160
Loṇambilādīni aparī-		Vasalasutta	156
bhuṅjantānaṃ paṇḍurogo		Vasalā tettimsa	
uppajji	297	catuttiṃsa vā	166
Lomahaṭṭhajāta	139	Vācasikā khiḍḍā	76
Lolupa	96	Vātavassādīni nava	218-9
		Vāyodhātū cha	49
		Vālukokiraṇassa nissando	296
		Vāsadhuraṃ	193

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vicikicchita	286	Sakya	280
Vijayasutta	233	Sagga	242
Vijjā tisso aṭṭha	203	Saṅkhātadhamma	112
Vitakko tayo nava	19	Saṅga	102
Vitta	272	Saccaṃ sādutaraṃ	226
Vinayo duvidho	7	Saccasaddassa atthuddhāro	225
Vipañcitaññūnam		Saticariyo	57
vitthāradesanāya vibhajati	146	Sattarasaharaṇisahassāni	95
Vipassanāya avijjāya pahānaṃ	114	Sadevake	222
Vipulaṃ aṭṭhamiṇjaṃ āhacca		Saddā cattāro	218
ṭhānena		Saddhādhipika	43
sakalattabhāvabyāpanakam	76	Saddhāya lakkhaṇarasādīni	130
Vibhūti	201	Saddhīdha vittam	224
Vibhūsā duvidhā	100	Santa-appiyatā	152
Virāga	280	Santikenidānaṃ	3
Vivekā tayo	313	Santī tisso	246
Viharati	123	Santo nāma Buddha-	
Vihesā	305	paccekabuddhasāvaka	151
Vītarāga, susamāhitindriyānaṃ		Santhavo tividho	66, 245
visesatā	252	Sapattakantakaraṇā satta	10
Vīra	204	Sapadāna	157
Vīriyādhipika	43	Sapadānacārī	106
Vesālī	265	Saputtabhariyā	310
Vohārakūṭa	305	Sabbatthakakammaṭṭhāna	
[Sa]		(Paṭhama)	48
Samvaravinayo pañcavidho	7-8	Sabbatitthiyavāda	284
Samsaggo pañcavidho	62-3	Sabbadhammānaṃ pāragū	206
Samhārimadhana	25	Sabbabuddhā vivaṭṭamāne	
Sakadāgāmino tayo	282	kappe uppajjanti	46
Sakkāyadiṭṭhi	286	Sabbaratanatopi	
		Sammāsambuddharatanaṃ	
		aggamakkhāyati	278

Padānukkamo	Piṭṭhaṅko
[Sa]	
Sabrahmake	222
Sabhāsīlatā	152
Samaṇaka	158
Samaṇabrāhmaṇānaṃ visesatā	153
Samaṇā caturo	144-5, 148
Samaṇā nāma attano nissaraṇaṃ kātuṃ icchita- patthitapadesaṃ gantuṃ labhanti	93
Samathayānikaratanāṃ duvidhaṃ	278
Samathena taṇhāya pahānaṃ	114
Samādhicariyā	57
Samānasukhadukkho	64
Samārake	222
Sampattakālikā	310
Sayaṃ	236-7
Saraṇaṃ gacchāmi	141
Sarīsapa	90
Salilambucārī	103
Salla	90
Sallā pañca	23
Saviññāṇakaratanāṃ navavidhaṃ	278
Saviññāṇakarātana	278
Sātāgira	195
Sādhussaddassa atthuddhāro	158-9
Sāmayikavimutti	94
Sāvaka	282
Sikkhā tisso	210
Sinehadosa	107
Sītaṃ duvidhaṃ	90

Padānukkamo	Piṭṭhaṅko
[Sa]	
Sīlaṃ samathassa padaṭṭhānaṃ	114
Sīla	287
Sīlabbata	287
Sīla, vatānaṃ visesatā	250
Sīlavantaputhujjano lokiye magge jīvati nāma	145
Sīha	115
Sīhā cattāro	113
Sukhaṃ tividhaṃ	225
Sukhadukkha, somanassa- domanassānaṃ visesatā	108
Sugata	39
Sucaritena aññatra na sakkā kiñci ādāya gantuṃ	309
Suṇāhi, sādhukaṃ manasi- karohi	159
Suttanipāte Aṭṭhakavagge suttāni soḷasa	2
Suttanipāte Urugavagge suttāni dvādasa	2
Suttanipāte Cūḷavagge suttāni cuddasa	2
Suttanipāte Pārāyanavagge suttāni soḷasa	2
Suttanipāte bhāṇavārā aṭṭha	2
Suttanipāte Mahāvagge suttāni dvādasa	2
Suttanipāte vaggā pañca	2
Suttanipāte suttāni sattati	2

Padānukkamo	Piṭṭhaṅko	Padānukkamo	Piṭṭhaṅko
	[Sa]		[Sa]
Subbata	147	Sopāka (Caṇḍāla)	167
Sumedhā	211		
Suhuṭṭhitam	211		[Ha]
Seṭṭha	280	Hattha-āḷavaka	232
Seritam duvidham	74-5	Hatthiratana	274
Sevitabbāsevitabbamitta	311-3	Hāpanam duvidham	65
Sokhya	102	Hitasukhāgamanapatthanā	187
Sotāpannā tayo	282, 285	Hemavata	195
Sotāpannassāpi bhikkhuno pacchā paṭhamasotāpanna- gahaṭṭhato atimahantatā	262	Hemavatasutta	192

Suttanipātaṭṭhakathāya paṭhamabhāge

Nāmānaṃ anukkamaṇikā

Nāmānukkamo Piṭṭhaṅko

[A]

Aggāḷavacetiya	3
Aggibhāradvājabrāhmaṇa	157
Aggivessana	146
Aṅgulimāla	200
Aciravatī (nadi)	17
Anāthapiṇḍika	14, 156, 273, 311
Anivattabrahmadatta	102
Anotattadaha	59, 68
Aparagoyāna	277
Abhirūpanandā	233
Asokamahārājā	273

[Ā]

Ādiccabandhu (Pacceka Buddha)	93-4
Ānandatthera	42-3, 46, 59, 60, 122, 125, 128, 150, 233, 267-8, 276, 279
Āmagandha (brāhmaṇa)	297
Ālindaka	50
Āḷavī (raṭṭha)	2, 3, 212, 217-8, 232, 254-5
Āḷavaka (yakkha)	212-22, 224, 232-3

[I - U]

Isipatana	71, 295, 299, 300
Uttarakuru	275, 277
Uttara (māṇava)	33

Nāmānukkamo Piṭṭhaṅko

[U]

Udāyī	204
Upaka (ājīvaka)	248-50
Uppalavaṇṇā therī	5

[E]

Ekanāla (brāhmaṇagāma)	119
Ekanāḷa (brāhmaṇagāma)	123-4
Ekaputtakabrahmadatta (rājā)	75
Ekavajjikabrahmadatta (rājā)	74

[Ka]

Kapilavatthu	233, 251, 259, 261
Kalambatitthavihāra	51-2
Kalyāṇī (gāma)	6
Kasibhāradvājabrāhmaṇa	119, 122, 124, 126-8
Kassapa (Buddha)	24, 47, 52, 66, 68, 81, 98, 140, 192, 195, 218, 222, 224, 260, 298, 300, 302, 308-9
Kāsi (raṭṭha)	273, 299, 300
Kāḷadīghavāpī (gāma)	62
Kāḷavallimaṇḍapa	51-2
Kāḷī (upāsikā)	205
Kikī (rājā)	193, 299, 300

Nāmānukkamo Piṭṭhaṅko

[Ka]

Kumbhavatī (nadī)	172
Kusa (mahārājā)	218
Keṇiya (jaṭṭila)	310
Kelāsapabbata	218
Koṇḍañña	223
Korabya (rājā)	218
Koliya (raṭṭha)	126
Kosala (raṭṭha)	261
Kosala (rājā)	273

[Kha - Ga - Gha]

Khemaka (Sakkarājā)	233
Gaggarā (pokkharāṇī)	16
Gaṅgā (nadī)	16
Gadrabhayakkha	215-6
Gandhamādana (pabbata)	58-9
Gayā	248
Gotama (Buddha)	36, 137, 139-41, 150, 198, 201, 204, 206, 226, 283, 298, 311
Ghosita (seṭṭhi)	68

[Ca]

Cakkhulolabrahmadatta (rājā)	103
Candagabbha (pabbata)	59
Cātumahārājika	121, 268
Cātumāsikabrahmadatta (rājā)	80, 104
Ciñcamāṇavikā	200, 252

Nāmānukkamo Piṭṭhaṅko

[Ca - Cha - Ja]

Cunda (kammāraputta)	138, 142-5
Cūḷakāḷa (pabbata)	59
Cetiya (rājā)	123
Chāvā	248-9
Janapadakalyāṇinandā	233-4, 259
Jambudīpa	53, 62, 108, 110, 127, 167, 170, 173, 177, 197, 217-8, 224, 273-4, 277-8,
Jīvaka	253
Jetavana	14, 26, 41, 156, 215-6, 234, 249, 298, 311

[Ta]

Takkasilā	294-5
Tāvatiṃsa	259
Tissa (tāpasa)	299
Tissa (brāhmaṇa)	308-9
Tissa (Bhāradvāja)	308
Tusita (devaloka)	2, 3, 196, 252

[Da]

Dāmarika (devaputta)	39
Diṭṭhamaṅgalikā	168, 170-2
Dīpaṅkara (Buddha)	3, 33, 35, 44, 134-5, 196, 290
Duṭṭhagāmaṇi (rājā)	63
Devadatta	200

Padānukkamo	Piṭṭhaṅko
-------------	-----------

[Dha - Na]

Dhanañcaya (rājā)	218
Dhanapālaka	200
Dhanavatī (brāhmaṇī)	298
Dhaniya (gopa)	24-6, 29-39, 41
Dhammakoraṇḍa (nagara)	24
Nanda (thera)	260
Nanda (māṇavaka)	259
Nandamūla (pabbhāra)	59, 66-9, 76, 82, 89, 90, 93-4
Nandā	233-5, 242-3
Nāgapaliveṭhanapabbata	59

[Pa - Ba]

Pañcavaggiyā	196
Pathavindhara	193
Pabbata (raṭṭha)	24
Pabhāvatī	218
Pādaloḷabrahmadatta	101, 103
Pālileyaka (hatthi)	91
Pāvā (nagara)	142
Puṇṇaka (yakkhasenāpati)	218
Pubbavideha	277
Bandhumatī (nagara)	172-3
Bārāṇasī	52, 55-6, 60-1, 64, 66, 68, 71, 75-6, 78, 80-1, 85, 87, 89, 90-2, 94-5, 97, 100-5, 107, 109-12, 114, 117, 247, 263, 294-5, 298, 300

Nāmānukkamo	Piṭṭhaṅko
-------------	-----------

[Ba]

Bimbisāra	266, 267, 273, 294
Brahmadatta (brāhmaṇa)	298
Brahmadatta (rājā)	53, 55-6

[Bha - Ma]

Bhaddakappa	192
Bhāradvājatthera	142
Magadha (raṭṭha)	119, 123-4
Mañjūsakarukkha	59, 60
Maṇiguhā	59
Maṇḍabyakumāra	171-2
Maddaraṭṭha	61
Maddava (rājā)	61
Manosilātala	69, 82, 93
Maricivaṭṭimahāvihāra	63
Malla (raṭṭha)	142
Mahākaccāyanatthera	5
Mahākassapatthera	122
Mahākāḷapabbata	59
Mahātissatthera	50
Mahānāgatthera	51-2
Mahānāma	203
Mahāpajāpati	233
Mahāpaduma	225
Mahāpadumadevaputta	70-1
Mahāpapāta (pabbata)	117
Mahāphussadevatthera	50
Mahāmāyā	200
Mahāvihāra	62

Nāmānukkamo	Piṭṭhaṅko
[Ma]	
Mahī (nadī)	24, 26-7, 29, 31
Mātaṅga (caṇḍāla)	167-8, 170, 172-3, 175
Mātaṅga (Paccekabuddha)	116
Māra	39, 40, 73, 222
Moggallānatthera	278
[Ra]	
Raṭṭhapāla	225
Rājagaha	116, 123, 205, 235, 263, 266, 294
Revatatthera	250
[La - Va]	
Licchavī	263-4, 266-7, 294
Vaṅkahāra (janapada)	248
Vajjī (raṭṭha)	264
Vasavatti (devaloka)	39, 121
Videha (raṭṭha)	24
Vidhurapaṇḍita	199
Vibhūsakabrahmadatta	100
Visākha (upāsaka)	197
Visākhā (upāsikā)	250
Vissakammadevaputta	218
Vejayantapāsāda	259
Vesālī	263, 265, 267-8, 293, 296
Vessantara	2

Nāmānukkamo	Piṭṭhaṅko
[Sa - Va]	
Vessavaṇa	219
Sakka (devarājā)	50, 70, 102, 149, 218-9, 259, 267-8, 292-3
Saṅkha (brāhmaṇa)	294-6
Saṅkhapāla (nāgarājā)	12
Sahampatibrahmā	50, 273
Sāgala (nagara)	61
Sātāgiri	192, 195-9, 201-5
Sāriputtatthera	38, 153, 158, 182, 278, 286
Sāvatti	3, 14, 16-7, 24, 26, 42, 156, 175, 215, 233-4, 244, 249-50, 253, 256-8, 297-8, 309, 311
Sirimā (devakaññā)	235-6, 244
Sītālukabrahmadatta (rājā)	90
Sīhaḷadīpa	48, 51
Sujātā	138
Sutabrahmadatta	98
Suddhodana	200, 251
Suppabuddha	200
Subhadda	249
Sumedhapāṇḍita	44
Suvaṇṇakāraputta	14
Suvaṇṇapassapabbata	59
Susīma (Paccekabuddha)	295-6

Nāmānukkamo	Piṭṭhaṅko	Nāmānukkamo	Piṭṭhaṅko
[Sa]		[Ha]	
Susīma (māṇava)	294-5	Himavantapabbata	59, 91, 117, 175, 196, 215-6, 297
Sūriyagabbhapabbata	59	Hemavata	192, 195-8, 200, 203-6, 209-10, 216
Soṇa (seṭṭhiputta)	225		
Soreyyaseṭṭhi	5		

Suttanipātaṭṭhakathāya paṭhamabhāge

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kam = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho, Ṭṭha = Aṭṭhakathā.

Suttanipātaṭṭhakathāya Paṭhamabhāge

Nānāpāṭhā

Piṭṭhāṅkā

[A]

() = (Hatthito adhikattabhāvo) (Sī)	45
Akhīyamānaṃ = Akhiyyamānaṃ (Sī) Khīṇamānaṃ (Syā)	
Asukhiyamānaṃ (Ka)	201
Agatiyā = Pakatiyā (Syā, Ka)	233
Aggakassakavappakabhāvaṃ = Aggakassakabhāvaṃ (Ka)	128
Aggiyādhāne = Aggiyāpane (Syā) Aggisālāṭṭhāne (Ka)	157
Ajīyanti = Irīyanti (Sī, Syā)	272
Ajjhāyakākuṭṭhe = Ajjhāyikakule (Syā)	174
Ajjhenakuttanti niratthakamaneka- ganthapariyāpuṇaṃ = Ajjhena kujjanti niratthakānattahanaka- ganthapariyāpuṇaṃ (Sī)	302
Ajjhosannā = Ajjhoppānā (Sī, Syā)	303
Aññādhikāravacanārambhe = Adhikāravacanārambhaṃ joteti (Syā)	
Adhikāravacanārambhe (Ka)	125
Aṭṭhaṃsu = Saṅṭhahimsu (Sī)	193
Aṭṭhim katvā = Aṭṭhikatvā (Sī, Syā)	269
Atappakaṃ = Anappakaṃ (Sī) Anappakaṃ manāpaṃ (Syā)	
Anagghakaṃ (Ka)	272
Atappakaṭṭhena = Anappakaṭṭhena (Sī)	280
Atitto = Attano (Syā, Ka)	66

Nānāpāṭhā

Piṭṭhānkā

[A]

Ativissāsaniyāni = Avissasaniyāni (Sī)	79
Atusitvā = Atīyitvā (Sī)	112
Attanā adhigatamagganayānurūpaṃ = Attano abhisamayānurūpaṃ (Sī)	42
Attanā vā yogamāpajjitāti = Attanā vuyyogamāpajjitāti (Sī)	184
Attano vihāre = Antovihāre (Syā, Ka)	187
Atthakusalena tathāgatena = Atthakusalā kusalassa dhamme (Sī, Ka)	192
Atthachekenāti = Atthe chekenāti (Sī, Syā)	178
Atha ko ācariya = Atha ko carahi (Sī)	295
Adinnamādetīti = Adinnaṃ ādiyatīti (Sī, Syā)	161
Adhañño vatasmī = Ahaññeva tasmim (Syā, Ka)	137
Adhikatvā = Adhigantvā (Syā, Ka)	135
Adhimānā = Adhimanā (Sī)	170
Anāropetvā = Aropetvā (Sī) Āropetvā (Syā)	129
Anunayitvā = Ānayitvā (Ka)	68
Anuparodhena sayanato = Anuppageva sayanato (Sī)	
Anuparodhasayanato (Syā)	211
Anupahate = Anusahagate (Syā, Ka)	137
Anomasattasammatānampi = Omakasattasammatānampi (Syā, Ka)	276
Appesi = Āṇāpesi (Syā)	60
Abaladubbalattā = Abalātidubbalattā (Sī)	17
Abhavanto = Avicaranto (Syā) Adhāvanto (Ka)	104
Abhikantaṃ = Atikantaṃ (Sī) Atikkantaṃ (Syā) Abhikkantaṃ (Ka)	139
Abhisankhatāni = Abhihatāni (Sī)	157
Arasabhattaṃ = Asāduvantaṃ (Sī) Asādhubhattaṃ (Syā)	96
Alaggaṃyeva = Asaṅgaṃyeva (Sī) Asaṃsajjamānameva (Syā)	113
Allīyitvā = Allīyanti (Sī)	118
Avatṭhitāni = Avatthitāni (Sī, Syā)	238
Avasesā = Avasesā gabbhaseyyā (Ka)	36

Nānāpāṭhā

Piṭṭhāṅkā

[A]

Avivajjetvā = Ariñcitvā (Sī, Syā)	195
Asaṅghaṭṭho = Asaṅsaṭṭho (Sī) Asaṅghaṭṭo (Ka)	48
Asaṅkhiyā = Anappikā (Sī) Anappakā (Syā)	156
Asammābhāsī vā = Samma mā bhāyīti vā (Ka)	163
Asammohato, na visayato = Asammohato ca visayato ca (Syā, Ka)	20
Asārakaṭṭhena = Asārakattena (Sī)	18
Asucibhāvamassitāti = Asucīkamissitāti (Sī, Syā)	303
Asuyyamānā = Asukhāyamānā (Sī)	156
Asnamānāti = Asamānāti (Sī, Syā)	301
Assā = Assa (Syā, Ka)	2

[Ā]

Ābādhikarogena = Sābhāvīkarogena (Sī)	118
Āyatantīti = Āyatananti (Sī, Syā)	58
Ārakkhādidukkhapadaṭṭhāno = Ajjanarakkhaṇādīpadaṭṭhānam (Sī)	
Anurakkhaṇādīsu	
dukkhapadaṭṭhānam (Syā)	29
Ārādhento = Samrādhento (Sī) Anumodento (Syā)	203
Āvaṭṭitahadayā = Āvajjitahadayā (Sī, Ka)	111
Āhārācāresu = Lūkhamāmsāhāresu (Syā)	89

[I]

Iṭṭhāniṭṭhehi so = Iṭṭhāniṭṭhesu hi yo (Sī)	
Sabbabhūta-iṭṭhāniṭṭhesu tādi so (Syā)	200
Iti hi yathā vutto Bhagavatā, tatheva = Iti yathā-	
vuttadhammadesitameva (Ka)	151
Itthikiriyā = Itthīcariyā (Sī, Syā)	109
Idāni tesam vinayadharānam = Imedāni te vinayadharā (Sī)	
Imesam dāni vinayadharānam (Ka)	194
Idheva maraṇam seyoyti = Ayameva maraṇaseyyāti (Sī)	248

Nānāpāṭhā

Piṭṭhāṅkā

[Ī]

Īdisāni = Īdisāni vacanasesāni (Syā) Evaṃ dissati (Ka) 40

[U]

Ukkaṃsanāvajānanasaṅkhātena = Ukkaṃsanavambhanasaṅkhātena
(Syā, Ka) 163

Uggiletvā = Ukkiledetvā (Sī, Syā) 260

Uṇṇāmo = Uṇṇamo (Sī) 17

Udakakīlato = Udake kīlanto (Syā, Ka) 106

Udakasamīpadvārena = Udakasamīpe dvārena (Sī, Ka) 24

Upanissayaṃ = Uparisayaṃ (Sī) 131

Upanissayā = Uparisayā (Sī) 131

Uparivisālā duppūrā, icchā visaṭagāminī. Ye ca taṃ anugijjhanti =
Upari visālaṃ duppūraṃ, icchaṃ visaṭagāminim. Ye ca taṃ
anugacchanti (Sī, Syā) (Khu 5. 132, 201) 16

Upalimpati = Upalippanti (Sī) 249

Upasamopi = Upasamoti (Sī) Upasamassāti (Syā) 313

Upādāyupādāvasena = Apādadipādāvasena (Sī, Syā) 187

Uppajjanakāleyeva = Antarā-uppajjanakāleyeva (Ka) 46

Uppādentī = Nappajahanti (Sī) Upādiyanti (Syā) Uppādessanti (Ka) 160

Ummaṅgo = Ummaggo (Sī, Syā) 45

[Ū]

Ūrubāhubalāti = Ūrubalībāhubalīti (Sī) Ūrupāsībāhubalāti (Syā) 34

[E]

Ekattasevitā = Ekamantasevitā (Sī)

Ekamattasevitā (Syā) Ekamattasevitattā (Ka) 111

Ekantabyavasito = Ekantabyavasiko (Ka) 198

Ekavīhārasukhena = Ekantābhiratisukhena (Sī)

Ekantavīhārasukhena (Syā) 92

Nānāpāṭhā

Piṭṭhaṅkā

[E]

Ekāro naṭṭho = Evakāro daṭṭhabbo (Syā) Vakāro daṭṭhabbo (Ka)	67
Eko = Eso (Sī)	49
Eṇīmigo = Tiṇamigo (Sī, Syā)	73
Etaṃ = Ekaṃ (Sī)	313
Etesaṃ = Ete (Sī, Syā)	72
Ettakaguṇo vā = Ettako guṇo (Syā, Ka)	275
Evaṃ = Evaṃ vā (Ka)	221
Evaṃ cāyamāyasmā = Evañca yasmā (Sī)	237

[O]

Okāsalābhavasena = Okāsalokavasena (Syā, Ka)	189
Opammavacanaṃ = Upamāvacanaṃ (Syā)	289
Orapārappahānaṃ = Orapārappahānatthaṃ (Sī)	20
Orapārabhedaṃ = Orapārabhāvaṃ (Syā, Ka)	12
Olokenti = Ullokenti (Sī, Syā, Ka)	285
Osaṇṭhetvā = Osaṇṭhetvā (Sī)	32

[Ka]

Kaṃsatālaṃ = Kaṭṭhatālaṃ (Syā, Ka)	168
Kacchakantarato = Kacchakarakā (Sī) Kacchakarato (Syā)	51
Kaṭṭhakammādīhipi = Rūpakammādīhipi (Syā, Ka)	271
Katehi vā = Katehi (Sī)	12
Katvā = Ṭhapetvā (Syā, Ka)	271
Karaṇatthe = Karaṇavacanatthe (Sī, Syā)	133
Karaṇārahatthena = Karaṇārahattena (Sī)	180
Kākaṇikāya telena = Kākaṇikatelena (Ka)	169
Kākaṇikāya pūvaṃ = Kākaṇikāya mūlaṃ (Syā) Kākaṇikamūlaṃ (Ka)	168
Kālena = Kāyena (Sī)	228

Nānāpāṭhā

Piṭṭhaṅkā

[Ca]

Cakkhu vihaññati = Cakkhum āviññati (Sī, Syā)	207
Catubbidhamaggabhāvanāsankhātāya = Catubbidhe hi magge bhāvanāsankhātāya (Sī)	211
Camarīmigo = Camarīmigī (Syā)	179
Cittabandhabhāvena = Cittathaddhabhāvena (Sī, Syā)	27
Cijjamāno = Bhuñjamāno (Syā, Ka)	161

[Cha - Ja]

Chachābhiṭhānānīti = Cha cābhiṭhānānīti (Sī, Syā)	287
Chandasi = Chindatīti (Syā, Ka)	15
Chāvaṃ = Cāpaṃ (Ka)	248
Chetva = Chetvā (Sī, Syā, Ka)	107
Jagganapurise = Jāgarakapurise (Sī) Jaggikapurise (Syā)	93
Janapadassa ābādho = Janapadassa bādhā (Sī) Janapadassa vihedho (Ka)	213
Janetvā = Jahitvā (Sī)	112
Jāneyyāti = Jānāhi (Sī, Syā)	160

[Ña - Tha]

Ñātīhi = Upadhīhi (Ka)	40
Ñeyyapariyantikattā = Ñeyyapariyantikatā (Ka)	143
Ṭhapanam = Ṭhāpanam (Sī, Syā)	155
Ṭhapeti = Ṭhāpeti (Sī, Syā)	155

[Ta]

Tam tam āyogaggahaṇena = Āyogaggahaṇena (Sī, Syā)	161
Taṭṭake = Pattake (Syā)	71
Taṇḍulamalañca udakamalañca = Taṇḍulañca ukkhalimalañca (Sī)	239
Taṇhārāganti = Taṇham rāganti (Sī)	107
Tattha pakati = Atha sampati (Sī)	59
Tattheva sattavisattatāya = Tatthevāsattavisattattā (Sī)	227

Nānāpāṭhā

Piṭṭhānkā

[Ta]

Tathā avagato = Tathā āgato (Syā)	293
Tathā tathā = Tathāgataṃ (Syā, Ka)	276
Tadaṅgappahātabbaṃ = Tadaṅgapahātabbekaṭṭhaṃ (Sī, Syā)	9
Tayi vassante vā avassantevā = Tayā vassantena vā avassantena vā (Sī, Syā)	30
Tavāhamasmi = Sakhāhamasmi (Sī, Syā)	312
Tasmāpi etaṃ = Tathā mama (Sī) Tasmāpi evaṃ (Saṃ-Ṭṭha 1. 234)	135
Tassa aññatra vohāramattā = Tassa paññattivohāramattā (Syā)	144
Tassatīti = Tasatīti (Sī, Syā)	16
Temetukāmā = Temetukāmā (Syā, Ka)	267
Telaṃ pakkuthitaṃ = Telamukkathitaṃ (Sī) Telamukkuṭṭhitaṃ (Syā)	244
Tehi tehi = Yehi yehi (Ka)	151
Tādisaṃ = Tādināṃ (Sī)	146
Tiyojanappamāṇaṃ = Tiyojanasatappamāṇaṃ (Syā, Ka)	277
Tīrayitvā = Tīretvā (Sī, Syā)	241

[Tha - Da]

Thaddhayakkhassa = Thaddhaṃ yakkhassa (Sī)	221
Thalasaṃpādvārena = Thalasaṃpā dvārena (Sī, Ka)	24
Thokathokenapi = Appakenapi (Ka)	183
Dakkhiṇāgirīti vuccati = Vuccati, dakkhiṇāgirīti vā (Sī)	123
Dakkhiṇāvisuddhibhāvaṃ = Dakkhiṇānaṃ visuddhibhāvaṃ (Syā, Ka)	282
Daḥhikaraṇatāyāti = Daḥhikaraṇatthāyāti (Sī)	306
Dānānuppādānaṃ = Piṇḍadānaṃ (Ka)	178
Dālayitvāti = Padālayitvāti (Syā, Ka)	36
Diguṇaṃ = Dviguṇaṃ (Sī)	32
Dissamānā = Rissamānā (Sī)	31
Dīpamālā = Dīpamālāya (Syā, Ka)	271
Dukkhāgamapaṭibāhanatthaṃ = Dukkhopagamapaṭibāhanatthaṃ (Sī)	188
Dukkho = Dukkhaṃ (Sī, Syā)	29

Nānāpāṭhā

Piṭṭhaṅkā

[Da]

Duggatyā = Duggaccā (Sī, Syā)	174
Dummavāsī = Rummavāsī (Sī)	171
Durannayabhāvatāti = Duranubodhatāti (Sī)	303
Dullabhapātubhāvo = Dullabhapātubhāvato (Sī)	275
Dussaṅṭhitaṃ rūpaṃ avamaṅgalanti = Dussaṅṭhitarūpaṃ amaṅgalanti (Sī)	168
Dosavaseneva = Rosavaseneva (Sī, Syā)	158

[Dha - Na]

Dhammakoraṇḍaṃ = Dhammakoraṇḍaṃ (Sī)	24
Dhammaṭṭaṭṭhāne = Dhammaṭṭaṭṭhāne (Syā)	305
Dhammatāya coditahadayo = Dhammakāyasañcoditahadayo (Syā) Dhammakāyacoditahadayo (Ka)	37
Dhammapīṭirasopi = Dhammapīṭirasoti (Sī, Syā)	313
Dhātuso = Dhātuyo (Syā, Ka)	235
Dhāreti = Vāreti (Sī)	131
Dhāvati = Gādhati (Sī)	225
Na arūpabhavesu = Na antimabhavesu (Syā, Ka)	45
Nagaradvāranivāraṇatthaṃ = Nagaradvārasaṃvaraṇavivaraṇatthaṃ (Syā) Nagaradvārathirakaraṇatthaṃ (Ka)	284
Na ca sabbe ekeneva = Na ekoyeva na ca dve, atha kho anekā (Ka)	151
Natikkamaṇaṃ = Tikkamaṇaṃ (Syā)	288
Na vañceyya = Na vambheyya (Syā)	188
Na naṭanaccanādidassanatthaṃ = Na naṭanāṭakādidassanatthaṃ (Syā, Ka)	270
Nāgavatimaṇḍape = Bhagalavatipabbate (Sī)	195
Nānāvidharukkhaḡahane vane = Nānāvidharukkhe ḡahanavane (Sī)	289
Nikhilo = Niccalo (Sī)	99
Nidasseti = Na dussati (Sī)	211
Nipāto ca = Nipātova (Ka)	1

Nānāpāṭhā

Piṭṭhānkā

[Na]

Nibbānathalaṃ samāpajja = Nibbānadhātuphalaṃ āsajja (Sī)	
Nibbānadhātuphalaṃ samāpajja (Syā)	210
Nibbiṭṭho nibbiso = Nibbiṭṭhanibbiso (Sī, Syā)	35
Nirāsayoti = Nirāsasoti (Sī) Nirāsāsoti (Ka)	97
Nirāsākaraṇaṃ = Nirāsaṅkaraṇaṃ (Sī)	302
Nirodhā = Nirodhena (Syā, Ka)	285
Nisīdimṣu = Nisīdanti (Sī, Syā, Ka)	176
Nissaṅko = Nisittako (Syā) Nirāsaṅko (Ka)	194
Nhārusamuṭṭhitāni = Nahārusamotthatāni (Sī) Nhārusamoṭhitāni (Syā)	238

[Pa]

Paṃsukampi = Paṃsukūlampi (Sī)	273
Pakatinipuṇaṃ = Pakatinipakaṃ (Ka)	83
Pakāsayitvāssā = Pakāsayitvāssa (Syā, Ka)	2
Paccaṭṭhāsi = Paccuṭṭhāsi (Syā, Ka)	172
Paccattabahuvacanassa hi = Paccattabahuvacanassante (Ka)	21
Paccupaṭṭhāpanāti paccanīkaṭṭhāpanā = Paccuṭṭhapanāti	
paccanīkaṭṭhapanā (Sī)	
Paccupaṭṭhāpanāti	
paccanīkupaṭṭhānā (Ka)	304
Pacchīmayāmeṇi = Pacchīmayāme (Sī)	47
Paṇḍusīho = Narasīho (Syā, Ka)	113
Paṭhamuppannā = Paṭhamuppannā paṭhamuppannā (Sī)	22
Paṭṭhapesi = Patthesi (Sī) Patthesi paṭṭhapesi (Ka)	21
Padumasadisa-ujugattatāya = Padumasadisabojjhaṅgamahantatāya (Sī)	92
Pabbajjā nāma = Pabbajjā tāva (Sī) Pabbajjā ca (Syā)	93
Pamāya = Samāya (Ka)	246
Payojjayissa = Payojjayittha (Sī, Syā)	127
Parirundhatīti = Uparundhetīti (Syā) Uparundhatīti (Ka)	161
Parivajjagahetabba-	
dassanattamaṃ = Parivajjanāpahātabbadassanattamaṃ (Sī)	
Parivajjanāpahātabbadassanattamaṃ (Syā)	104

Nānāpāṭhā

Piṭṭhaṅkā

[Pa]

Parivissassu = Paṭicarassu (Sī)	137
Pasaṭaṃ = Pasattaṃ (Sī)	98
Pasādadaṣṣanaṭṭhaṅca = Pasādudapaṣṣanaṭṭhaṅca (Sī)	
Pasādānurūpaṣṣanaṭṭhaṅca (Ka)	212
Pahīnataṇḥābhayānaṃ = Pahīnataṇḥāgamaṇānaṃ (Sī, Syā)	186
Pādagamaṇeṇva = Pādamaggeṇva (Sī)	215
Pādamodaḥitvā = Pādamādaḥitvā (Sī)	183
Pāragū = Pāragā (Sī, Syā)	39
Piṭṭhimaṃsikāti = Parapiṭṭhimaṃsikāti (Ka)	304
Pitīm karotīti = Vittīm karotīti (Syā, Ka)	224
Pubbe vutto ca avutto ca = Pubbe vutto vā (Sī)	306
Pubbo pacitakammā = Yaññopavīṭṭhaṅṭhā (Sī)	81

[Pha]

Phalāni = Jhānāni (Sī, Syā)	111
Phalikavaṇṇā = Valāhakavaṇṇā (Sī) Rajatavaṇṇā (Syā)	
Bakavaṇṇā (Ka)	124

[Ba]

Balavīriyūpatthambhānaṃ = Vīriyūpatthambhānaṃ (Sī)	110
Bahubhaṇḍo bhikkhu = Bahubhaṇḍikabhikkhu (Syā, Ka)	183
Bādhanacittaṃ = Bādhanā cittaṃ (Sī, Ka)	223
Bādhitvā = Vadhitvā (Sī, Syā)	246
Buddhapañhā = Aṭṭha pañhā (Ka) Puṭṭhapañhā (Saṃ-Ṭṭha 1. 299)	222
Byāyāmakaraṇaṭṭhaṅca = Vāyāmakaraṇaṭṭhaṅja (Sī)	212

[Bha]

Bhagavato vattanti = Bhagavatā vuttanti (Syā) Bhagavato vattanti (Ka)	137
Bhavantampi jīveyyanti = Bhavantampi muñceyyaṃ kathaṃ	
jīveyyanti (Sī)	213
Bhavissati = Hoti (Sī, Syā)	76
Bhāvanāpāripūriṃ gatattā = Bhāvanāya laddhattā (Syā)	110

Nānāpāṭhā

Piṭṭhāṅkā

[Bha]

Bhāvalakkhaṇakāraṇatthesu = Bhāvenabhāvalakkhaṇādhi- karaṇatthesu (Syā, Ka)	206
Bhīṅkapotako = Bhīṅkārapotako (Sī, Ka)	217
Bhottukāmatāya = Bhattakāmatāya (Ka)	126

[Ma - Ya]

Maggam̐ desetā = Maggadesako (Ka)	145
Maggaphalavijjābhiññānam paṭividdhattā = Maggaphalavijjābhiññāpaṭividdhattho (Ka)	99
Maccumukhe = Maccupathe (Sī)	214
Macchamaṃsānam̐ anāsakattam̐ na sodheti = Na macchamaṃsānam̐ Anāsakattam̐ na sodheti (Sī)	307
Maññati = Jānāti (Sī, Syā, Ka)	244
Manussasadisā = Manussapurisā (Ka)	304
Mantenti = Vaṇṇenti (Syā)	151
Mameva manam̐ = Mameva (Sī)	32
Mayā pubbabhāge = Aṭṭhakathāya mayā pubbabhāgā (Sī) Aṭṭhakathāya mayā pubbabhāge (Syā)	162
Mahallakamahātissatthero = Milakkhamahātissatthero (Sī)	229
Mahāpapāto = Sujāto (Ka)	117
Mahābhārasahanaṭṭhena = Mahābhārasahane (Sī)	230
Mahārājasantikā = Vessavaṇamahārājassa santikā (Syā)	213
Mānusiyaṃ pajanti = Mānusiyaṃ (Sī) Mānusikaṃ pajanti (Syā)	270
Māram̐ = Mārassa (Ka)	73
Milāyamānā = Miyaṃmānā (Sī, Syā)	31
Muggasūpyataṃ = Muggasuppataṃ (Sī, Syā)	178
Muṇḍāram̐ = Muddhāram̐ (Sī) Pavāḷadaṇḍam̐ (Ka)	273
Muttātala = Muttājāla (Sī) Muttādala (Syā)	176
Mūlakhandhasākhānusākhāhi = Mūlakhandhasākhānusākhāṃ (Sī) Mūlakhandhasākhā (Syā)	66
Yakanapeḷassāti = Yakapeḷassāti (Sī, Syā)	238

Nānāpāṭhā

Piṭṭhaṅkā

[Ya]

Yasmā pana = Kim pana yasmā (Sī)	228
Yāni panassa = Makkhikāpattasukhumacchaviyā paṭicchannassa (Syā)	238
Yāpeti = Yāti (Sī)	182
Yāvatā = Yāvatā yāvatā (Sī)	190
Yuganandha = Yuganaddha (Syā)	293
Ye ca sattavihimsādīsu = Ye vā sattā himsādīsu (Sī, Syā)	160
Ye te = Ye vo (Sī)	166
Yena = Yena vā (Sī, Syā, Ka)	245
Ye hi = Yehi ye (Sī, Syā)	303

[Ra - La]

Rakkhitindriyaṃ, gopitindriyanti = Avikkhittindriyaṃ, alolindriyanti (Sī)	253
Rattasuvaṇṇabandhūpāhanāyo = Rattasuvaṇṇūpāhanāyo (Sī, Syā)	125
Rudhire = Ruhiraṃ (Sī) Ruhire (Syā)	30
Lañchanujjalitagattabhāgā = Lañchanujjalagattabhāgā (Sī) Lañchanujjalagattā (Añ-Ṭṭha 1. 223)	124
Lūkhasāti = Lūkharasāti (Ka)	303
Lobhasampayuttaṃ eva = Lobhasampayuttattā eva (Sī)	114

[Va]

Vaṅkahārajanapade = Vaṅgahārajanapade (Sī) Vaṅgajanapade (Syā)	248
Vajantaṃ = Vajataṃ (Sī, Syā)	161
Vañcito = Papañcito (Ka)	196
Vaṇaṃ paṭṭena bandhimsu = Vaṇapaṭaṃ bandhimsu (Syā) Vaṇapaṭaṃ paṭibandhimsu (Ka)	89
Vatiṃ = Guttiṃ (Sī)	87
Vattāpi na hoti = Vattumpi nārahati (Syā, Ka)	258
Vatthādi-anusārena = Vavatthādi-anusārena (Sī, Syā)	191
Vatthuvijjaṃ = Vatthuvijjaṃ khattavijjaṃ (Ka)	178
Vade mayhaṃ, paṭṭuṇṇaṃ dukūlakāsikaṃ = Vadesi, paṭṭuṇṇaṃ tūlakāsikaṃ (Sī, Syā)	251

Nānāpāṭhā

Piṭṭhānkā

[Va]

Vācārasūpavajjā = Dravācārasūpakhajja (Sī)	226
Vā panassa vemajjhagatopi = Vā panassa vemajjhe jātopi (Sī)	
Tassa majjhagatopi (Syā)	67
Vāvaṭaṃ kāreti = Sabyāpāraṃ karoti (Sī) Byāpāraṃ kāreti (Syā)	155
Vigatakāmapaṅkatāya = Vihatakāmapaṅkatāya (Sī)	
Vigatakāmasaṅṅāya (Ka)	227
Vitathabhāvadassanaṃ = Vitathabhāvadassanatthaṃ (Sī, Ka)	20
Vināsanato = Vināsanattā (Ka)	154
Visa-uggirasadisam̐ = Visuggārasadisam̐ (Sī) Visa-oragasadisam̐ (Syā)	158
Vissatthavācam̐ sutvā = Vissatthabhāvaṃ ñatvā (Sī)	170
Viharitukāmo = Vihātukāmo (Sī, Syā)	192

[Sa]

Samvāsam̐ = Vāsam̐ (Sī)	54
Sakāya diṭṭhiyā = Sakkāyadiṭṭhiyā (Syā, Ka)	166
Sakkate = Sakkatena (Sī) Sugatena (Syā) Sugate (Ka)	39
Sakkāraṃ kātukāmānaṃ manussānaṃ	
sampīlanena = Sakkātukāmā, manussasampīlanena (Sī)	171
Saṅkappavasībhāvena = Saṅkappesu vasībhāvena (Sī)	200
Saccena vācenudakampi = Saccavācena udakampi (Syā)	225
Sañchinnapatto = Saṃsīnapatto (Sī)	80, 81
Sañjātābalo visaye = Sañjātavaṇo tādisam̐yeva (Syā)	
Sañjātavaṇavisaye (Ka)	89
Saṭṭhānātikkamitukāmaṃ = Tam̐ ṭhānaṃ atikkamitukāmaṃ (Sī, Syā)	39
Sañṭhāne = Panthāne (Sī) Pathesu (Syā)	18
Sañṭhāpetvā = Bandhāpetvā (Sī)	25
Satte = Satthe (Syā)	198
Saddhāsampatti = Khaṇasampatti (Sī)	120
Saddhesiko = Saddhāyiko (Sī) Saddho (Syā) Saddhāya (Ka)	129

Suttanipātaṭṭhakathāya paṭhamabhāge

Gāthāsūci

Paṭhamapādā	Piṭṭhaṅkā		Paṭhamapādā	Piṭṭhaṅkā
[A - Ā]			[U]	
Akkamitvāna maṃ Buddho (Khu 4. 310)	44		Uttamaṃ vandaneyyānaṃ	1
Akkodhano vigatakhī- lohamasmi	27		Upakāro ca yo mitto	118
Aññaṣaṅkhānimittānaṃ	1		Uparivisālā duppūrā	16
Aṭṭhikaṅkalakuṭi ce sā (Khu 2. 247)	28		Ubhinnaṃatthaṃ carati (Saṃ 1. 164)	10
Addhā pasamsāma sahāyasampadaṃ	84		Ussāho vīriyaṃ vuttaṃ	45
Anatthajanano kodho (Aṃ 2. 471; Khu 1. 252)	11, 18		[E - O]	
Animittaṅca bhāvehi (Khu 1. 329; Khu 2. 381)	234		Ekampi ce pāṇamadupphacitto (Aṃ 3. 2)	271
Andhabhūto ayaṃ loko (Khu 1. 39)	255		Evamaṃ dutiyena saha mamassa	87
Ayaṃ suttanipāto ca	1		Evañhi atthakusalena tathāgatena	192
Āturaṃ asuciṃ pūtiṃ (Khu 2. 381)	234-5		Evamādīnavaṃ ñatvā (Khu 1. 201, 268; Khu 7. 362; Khu 8. 211)	57
Āmantanā hoti sahāyamajjhe	75		Evamesā kasī kaṭṭhā	135
Āraddhaviriyo paramattha- pattiyā	110		Okkhittacakkhū na ca pādalolo	104
[I - Ī]			Oropayitvā gihibyañjanāni	80
Icchitaṃ patthitaṃ tuyhaṃ	69		Ohārayitvā gihibyañjanāni	105
Imaṃ kumāraṃ satapuññalakkhaṇaṃ	231		[Ka]	
Ītī ca gaṇḍo ca upaddavo ca	89		Katāvakaṣā pucchantu bhonto (Khu 6. 7)	223
			Kāmarāgena dayhāmi (Saṃ 1. 189)	15

Paṭhamapādā	Piṭṭhaṅkā
[Ka]	
Kāmā hi citrā madhurā manoramā	88
Kīdiso mitto na sevitabbo	311
Kuto nu āgacchasi dummavāsī (Khu 5. 309)	171
Kuddho atthaṃ na jānāti (Am 2. 471; Khu 7. 12)	11
Koṇḍañña pañhāni viyākarohi (Khu 6. 7)	223
[Kha - Ga]	
Khiḍḍaṃ ratim kāmasukhañca loke	100
Gāthāsatasamākiṇṇo	1
[Ca - Cha]	
Cātuddiso appaṭigho ca hoti	77
Cittanānattamāgamma	237
Cittikataṃ mahagghañca	272
Channamativassati (Khu 1. 144; Khu 2. 289; Vi 5. 263)	28
[Ta]	
Taggha te ahamakkhissam (Khu 5. 380)	224
Taṇhakkhayaṃ patthayamappamatto	112
Taṇhādutiyo puriso (Khu 1. 201, 268; Khu 7. 362; Khu 8. 211)	16, 57

Paṭhamapādā	Piṭṭhaṅkā
[Ta]	
Tathārūpāni suttāni	1
Tasmā hi taṃ amatamabbhuta- mariyakantaṃ	192
Tasseva tena pāpiyo (Sam 1. 164)	10
Tāya naṃ pāricariyāya	153
[Da - Dha]	
Diṭṭhivisūkāni upātivatto	95
Dīghāyuko hotu ayaṃ kumāro	232
Duvidho vinayo nāma	7
Dussaṅgahā pabbajitāpi eke	79
Devatāsamitī tattha	156
Desito Lokanāthena	1
Dhātuso suññato passa (Khu 8. 308)	235
[Na]	
Na jaccā vasalo hoti	174
Natthi rāgasamo aggi (Khu 1. 43)	15
Nadītiresu saṅṭhāne (Sam 1. 203)	18
Navanhārusatā honti	238
Navapesisatā maṃsā	238
Nāgo va yūthāni vivajjayitvā	91
Nillolupo nikkhuho nippipāso	96
No ce labhetha nipakaṃ sahāyaṃ	83

Paṭhamapādā Piṭṭhaṅkā

[Pa]

Pahāya pañcāvaraṇāni cetaso 107

Pāpaṃ saḥāyaṃ parivajjayetha 97

Puttañca dāraṃ pitarañca
mātaraṃ 101

[Ba - Bha - Ma]

Bahussutaṃ dhammadharaṃ
bhajetha 99

Bāvarissa ca tuyhaṃ vā
(Khu 1. 433) 223

Bhajanti sevanti ca
kāraṇatthā 118

Maggo pajjo patho pantho
(Khu 8. 201) 31

Mattāsukhapariccāgā
(Khu 1. 55) 296

Manussattaṃ liṅgasampatti
(Khu 4. 311) 43-46

Mayañca bhariyā nātikkamāma
(Khu 5. 214) 39

Mahāsamayasutte ca 156

Migo araṇṇamhi yathā abaddho 73

Mitte suhajje anukampamāno 64

Mettaṃ upekkhaṃ karuṇaṃ
vimuttiṃ 116

[Ya]

Yaṃ tvaṃ tāta vade mayhaṃ 251

Yāni sotāni lokasmim 7

Ye kecime atthi rasā
pathabyā (Khu 6. 140) 226

Paṭhamapādā Piṭṭhaṅkā

[Ya - Ra]

Yena kodhena kuddhāse
(Khu 1. 196) 11

Yena yattha yadā yasmā 2, 4, 14

Ye rāgarattānupatanti
sotaṃ (Khu 1. 63) 15

Ye sattasaṇḍaṃ pathaviṃ
vijetvā 270

Yo uppatitaṃ vineti kodhaṃ 2, 13

Yo nīvaraṇe pahāya pañca 23

Rasesu gedhaṃ akaraṃ alolo 106

Rāgañca dosañca pahāya
mohaṃ 117

[Va - Sa]

Vaṃso visālova yathā visatto 67

Vipiṭṭhikatvāna sukhaṃ
dukhañca 107

Visaṃ yathā halāhalaṃ 244

Saṅgo eso paritta-
mettha sokhyaṃ 102

Sace labhetha nipakaṃ
saḥāyaṃ 83

Saccena vācenudakampi
dhāvati (Khu 6. 140) 225

Satta vassāni bhagavantaṃ
(Khu 1. 343) 33

Sandālayitvāna saṃyojanāni 103

Paṭhamapādā	Piṭṭhaṅkā	Paṭhamapādā	Piṭṭhaṅkā
[Sa]		[Sa]	
Sabbaso nāmarūpasmiṃ (Khu 1. 66)	257	Sīho yathā dāṭṭhabalī pasayha	115
Sabbāni cāpi suttāni	1	Sīhova saddesu asantasanto	113
Sādhu dhammarucī rājā pipāsam	158 90	Suvuttato savanato	1